



8

3-d

47

VILL.H.

10



~~XIII.Fg.~~

8-3-d-47

~~8-3-d-47~~



8

3-d

47

VILL.H.

10




XIII.Fg.

8-3-d-47

~~8-3-d-47~~





PRODROMVS

A D

REFVTATIONEM

ALCORANI.

THE UNIVERSITY OF CHICAGO

LIBRARY

1100 EAST 58TH STREET

CHICAGO, ILL. 60637

TEL: 773-936-5000

FAX: 773-936-5001

WWW.CHICAGO.EDU

CHICAGO, ILL. 60637

Ex Libris Congreg. Missionis Domus Romanæ Monij Cisterciensis

PRODROMVS

A D

REFVTATIONEM

ALCORANI.

*In quo per quatuor præcipuas
veræ Religionis notas*

Mahumetanæ Sectæ falsitas ostenditur:
Christianæ Religionis veritas
comprobatur.

In quatuor Partes diuisus:

A V T H O R E
LVDOVICO MARRACCIO

*Æ Congregatione Clericorum Re-
gularium Matris Dei,*

INNOCENTII XI.

Gloriosissimæ memoriæ
olim Confessario.



ROMÆ, Typis Sac. Cong. de Prop. Fide.
M. DC. XCI.

Superiorum Permissu.





SANCTISSIMO PATRI,
A C
DOMINO NOSTRO
INNOCENTIO XII.
PONT. MAX.



OC, & Vrbi, &
Orbi erat in vo-
tis, vt quanto-
cyus INNOCEN-
TIVM INNO-
CENTIVS sequeretur. Atqui ò
factum bene ! Hoc etiam erat
in fatis. Terrarum scilicet vo-
ta Decretum Cæli iamdiu præ-
uenerat. Euecto ad superos, vt
piè credimus, INNOCENTIO XI.



cum per biennium ferè illi Roma lacrymis parentasset (breuissimo interim, ac penè volatili ALEXANDRI VIII. Principatu interiecto) TE INNOCENTIVM XII. concordia Eminen-
tissimorum Patrum suffragia, Supremum in terris Christi Vicarium, atque Vniuersalis illius Ecclesiæ Pastorem renunciaue-
re. Feracissima Purpurati Senatus Arbor, ad instar illius, quam in Cumanis syluis Poëtarū Princeps collocauit, *ramum aureum singularem* protulerat, quem inuida mortis manus, non Erebo, sed Cælo consignandum, rescidit. At hîc etiam verum
com-

comprobauimus, quod de illa
dictum.

..... *primo auulso, non de-
ficit alter*

*Aureus, & simili frondescit
virga metallo.*

Verè vterque *similis* ; vter-
que *Aureus* : vterque re, &
nomine INNOCENS. Numero
tantùm dispares : prudentia,
sapientia, pietate, clementia,
iustitia, magnanimitate, be-
neficentia, virtutibus cæteris
pares : vt non amplius Romæ
INNOCENTIVS XI. desiderandus
sit, cum per quamdam (ita fas sit
loqui) metempsychosin, illum
totum in XII. possideat.



Ego quoque, qui per aliquot annos in Aula Pontificia, & INNOCENTIO, & TIBI Sacri Eius Cubiculi Præfecto, obsequia mea præstiti, & vtriusque iam tum in dispari fortunæ statu parem vitæ, morumque rationem intuebar: videor mihi nunc in TE vno vtrumque videre: vel potius vnum, eundemque INNOCENTIVM, tunc VNDECIMVM, nunc DVODECIMVM recognoscere. Gratulor sanè TIBI, B. P. de supremo secundùm Deum in Terris honore meritis Tuis diuinitus collato. Gratulor Vrbi: Gratulor Orbi. Mihi verò, & gratulor, & gaudeo, &
sic

superabundo gaudio , quòd illum ; cui me totum , meaue omnia deuoueram ; & quẽ mortalitate exutum inter Cælites tantum procul suspicere dabatur ; iterum inter mortales, citra immortalitatis iacturam , & venerari , & videre, & coram alloqui liceat .

Ad Sanctissimos igitur Pedes Tuos prouolutus , humillimo obsequio , & me , & hunc exiguum Arabicorum studiorum meorum Partum , sub felicibus INNOCENTII auspicijs conceptum, eidemque debitum , TIBI reddo , & sub tutelare Numen Tuum supplex repono. Spero
fo: OT

fore, vt benignè, clementerque
illum recepisse non pæniteat.
Cum enim Sacro iam Fædere
iuncti Christiani Heroes ab O-
thomannico Imperio, vnico fe-
rè Mahumetanæ superstitionis
fulcro, oppugnando, atque e-
uertendo, TE DVCE ET AV-
SPICE, non destituri esse cense-
antur; addet se pro Christo pu-
gnantibus hic meus Prodromus,
tanquam Auxiliarium levis ar-
maturæ militem, qui non *car-*
nalibus armis, quibus grauetur:
sed *gladio Spiritus*, quod est
Verbum Dei, contra Aduersa-
riorum impietatem, partes suas
strenuè exequetur. Vnicus quip-
pe

pe illius scopus est ; Mahumetum , Alcoranum , Agarenicam Sectam debellare , atque expugnare . Martialem huiusmodi genium ab INNOCENTIORVM , & præsertim VNDECIMI horoscopo fortitus est. Pluribus enim ex his in Mahumetanum nomen odium plusquam Vatinianum semper fuit ; atque illud igni ferroque è terrarum Orbe exterminare , penitusque abolere conati sunt. Magnanimos horum spiritus cum in TE , B. P. transisse minimè dubitem ; Opusculum etiam hoc meum , vt pote illis imbutum , gratum TIBI fore , & à TE serena Fronte respicient-

ciendum , & non dedignanti
Manu recipiendum spero . Hoc
si obtinuero , fatis amplum fru-
ctum ex meo per sexaginta ferè
annos in Arabicis studijs labores
& ex ea , quam in S. Sedis Apo-
stolicæ per nouem lustra obse-
quijs operam nauaui , percepis-
se me existimabo .

Interim , dum mihi *fugaces*
labuntur anni , vt INNOCEN-
TIO XII. stabiles diu permane-
ant , exopto . Nequè verò , vt
Lucius Vitellius Claudio Impe-
ratori iam ætate confecto , assen-
tatoriè , numerosa secula augu-
ror : sed cum Regio Vate Deum
Optimum Maximum precor ,
vt

*vt dies super dies Regis adiiciat :
annos eius , vsque in diem gene-
rationis , & generationis : & vt
tandem permaneat in aeternum
in conspectu Dei . Ita faxit idem
Clementissimus Deus .*



AUGUSTISSIMO CÆSARI
ROMANORVM IMPERATORI
LEOPOLDO I.

POTENTISSIMO POLONIÆ REGI
IOANNI III.

SERENISSIMÆ VENETORVM
REIPVBLICAE.

CÆTERISQ; CHRISTIANIS PRINCIPIBVS
Qui, ROMANO PONTIFICE Duce, & Auspice,
fœdere iuncti

Arma sua CHRISTO

Contra Mahumeticam impietatem
Deuouere :

Vt Prodromum hunc suum,
Militem Auxiliarem,

Dum aduersus communem hostem sese offert
Non ferro, sed Verbo Dei decertaturum,

Benignè suscipiant;

Supplicat

Humillimus Seruus, & Cliens

LVDOVICVS MARRACCIVS
Clericus Regularis è Congregatione
MATRIS DEI

INSTITUTIONES ARITHMETICAE

FRANCISCI VI

DE

CECILIARUM

INSTITUTIONES

ARITHMETICAE

FRANCISCI VI

DE

CECILIARUM

INSTITUTIONES

ARITHMETICAE

FRANCISCI VI

DE

CECILIARUM

INSTITUTIONES

476

✠ ✠



EMINENTISSIMIS AC REVERENDISSIMIS
PRINCIPIBUS

D. D.

CARDINALIBUS

SACRÆ CONGREGATIONIS

DE

PROPAGANDA FIDE.

*Ludouicus Marraccius è Congre-
gatione Clericorum Regula-
rium Matris Dei.*

P. F.



VM hic studiorum
meorum Arabico-
rum Partus, multo
tempore, multo-
que labore conce-
ptus, diu in Scrinijs, velut in

✱✱

vte-

vtero, latuerit: tandemque Benignitate, ac Liberalitate Vestra obstetricibus, Eminentissimi Principes, in lucem prodierit, illis sese iure deberi intelligit, per quos, & lucis, & vitæ beneficium accepit. Et quoniā tam diuina, quam humana iura exigunt, vt primas partes, bonorum omnium Authori Deo; secundas verò illis, per quos idem nobis vitalibus auris frui concessit, tribuamus: ideò cum priùs illi, qui Dei in Terris supremus gerit vices, INNOCENTIO DVODECIMO, opusculum hoc meum consecrandum esse existimassem; deinde, ne

Be-

Beneficio Vestro, EE. PP. ingrat-
tus fuisse viderer, Vobis etiam,
non tam ex officij, quàm ex pie-
tatis debito, offerendum esse
putaui.

Iam diu est, EE. PP. quod Sa-
cræ Vestræ Congregationi te-
nuem operam meam dicaui. Il-
lam in Arabica Sacrorum Bi-
bliorum Versione, in Breuiarij
Syriaci correctione, alijsque in
rebus per triginta ferè annos ex-
perti estis: nescio vtrum etiam
probastis. Verùm si infelici suc-
cessu, & qui expectationi Vestre
minus fortasse responderet, ope-
ram meam nauaui: ingenij mei
tenuitati, non attentionis, aut

diligentis defectui tribuendum
 est. Alios primarios doctrina,
 & eruditione viros non tam so-
 cios, quàm duces in opere ha-
 bui. Si cum his errassem, dole-
 ret sanè, sed non pueret. Et
 nihilominus crederem, me nūc
 Vobis, EE. PP. pro meo saltem
 errore, aliqua ex parte satisfacere
 posse, hunc Arabicarum mea-
 rum lucubrationum fætum of-
 ferendo. Non enim inutilem,
 Vobis, aut ociosum fore existi-
 mo; cū Militibus Vestris, A-
 postolicis scilicet Missionarijs,
 valida contra Mahumetanam,
 impietatem arma ministrare va-
 leat. Quamuis enim Fecialis

and

ε

✱✱

tan-

tantum (cum non nisi Prodro-
 mus sit ad bellum inferendum)
 munere fungatur : non tamen
 aut iners, aut inermis incedit.
 Imò talem secum affert bellico-
 rum instrumentorum appara-
 tum, vt, si milites non desint,
 numerosissimam possit aciem
 instruere. Vtinam ipsam etiam
 Alcorani Refutationem è scri-
 ptis educere per tempus dare-
 tur, vt beneficio Vestro lucem
 videre, & Prodromum suum in
 aciem subsequi posset. Sed opus
 adhuc limam, *multamq; diem,*
ac lituram exigit. Ego vero eo
 ætatis deueni, vt neque virium,
 neque temporis auxilium pos-

sim mihi polliceri. Non defunt animi, sed deficiunt anni; quibus destitutus, animos quoque cum spe vltioris operis abijcere cogor. Interea tamen me ipsum solabor, magnamque meam ducam felicitatem, si tenuem hunc Arabicarum mearum lucubrationum fructum, debitum Vobis humillimæ seruitutis meæ tributum, benigno vultu respexeritis, eumque Vobis non ingratum fuisse cognouero: nam, vt sapienter Venu-
sinus pronunciauit:

*Principibus placuisse Viris,
non vltima laus est.*

A P P R O B A T I O.

EXimium planè Opus , cui titulus est: *Prodromus ad Refutationem Alcorani* &c. à Reuerendissimo P. D. Ludouico Marraccio , Clericorum Regularium Matris Dei Alumno , Theologo ; Sacræ Congregationis Indicis Consultore ; In Vrbe Examinatore ; in Sacra Congregatione pro Eligendis Episcopis cooptato ; in Romano Archigymnasio Arabicæ Linguæ Professore ; & gloriosissimæ recordationis INNOCENTII XI. Summi Pontificis à Sacris Confessionibus, elaboratum ; Vidi ex commissione Reuerendissimi P. Thomæ Mariæ Ferrarij Sacri Apo-

Stolici Palatii Magistri . In eo ingenij diuitiæ quamplurimæ , eruditionis fulgor præclarissimus ; adeò vt cum inter hæc videas (quasi muscas succino concretas pretiosissimo) extinctas Alcorani , seu sæditatēs , seu fabellas , seu ineptias , seu quisquillas , easque solo brutali ingenio dignas : non immeritò possis vsurpare illud : *Credibile est illas sic voluisse mori* . Emori tamen nunquam poterit Auctoris elucubratio , immortalē quæ spirat pietatem , laudesque promeretur æternitati pares : Siquidē Mahumeti chimericas Umbras Fidei supponens iubari fulgentissimo , noua illud auget commendatione . Videas hoc in opere lutum cum auro , puluerem cum margaritis ,
ar-

argillam cum sideribus, & monstra-
palantis illius Arabis venuste cum
Catholicæ doctrinæ decore compo-
ta. Miraberis adamatam adeò Al-
corani pessimam fæditatem: sed mi-
rabere magis, cum gemmas Sapien-
tissimi non Impugnatoris, sed ex-
pugnatoris poteris in sterquilinio
colligere. Leges demum Arabico
in charactere deliria: in Romano
veneraberis inuictæ documenta veri-
tatis: in illo Suem in volutabro abo-
minaberis, in isto illibatus morum
te delectabit Armellinus: fæces in
illo detestaberis, candorem in isto
collaudabis. Ergo mecum gratula-
re Ambidextero Scriptori, qui ca-
lamum conflavit in sagittam, vt
monstra transfigeret, & lucis cui-
bra-

brauit in radium , vt verę Religio-
nis effet in ornamentum . Sic sentio.
Ex nostro Conuentu S. Marię de Vi-
ctoria Romę, die 21. Aprilis 1691.

*F. Blasius à Purificatione Carm. Discalc.
Theologus, & sui Ordinis Generalis
Historicus.*

*Laurentius Parenſi Congrega-
tionis Clericorum Regula-
rium Matris Dei Rector
Generalis .*

CVM Opus , cui Titulus , *Pro-
dromus ad Refutationem Al-
corani* &c. à P. Ludouico Marraccio
præfatæ Congregationis noſtræ Sa-
cerdote Profefſo ſtudioſiſſimè elucu-
bratum , duo ex noſtris Theologis ,
quibus illud examinandum commi-
ſimus , recognouerint , ac in lucem
edi poſſe probauerint ; facultatem
concedimus , vt Typis mandetur ,
ſi tamen ijs , ad quos ſpectat , ita
videbitur . In quorum fidem has li-
teras manu noſtra ſubſcriptas , & ſi-
gillo

gillo nostro munitas dedimus ex no-
stra Domo Sanctæ Mariæ in Porticu
in Campitello de Vrbe, hac die 4. Au-
gusti 1691.

Si videbitur R. euerendis. Pa-
tri. Laurentius Parrisi Rector Generalis.
C. P. S. C. P.

2. A. Menator Episc. Cyre-
nen. V. C. S.

Fridericus Orsucci Sec.

Fr. Thomas Maria Ferrarizac.
Apostolici Palatii Magister
Ord. Præd.

Imprimatur.

**Sividebitur Reuerendis. Pa-
tri Magistro Sacri Apostoli-
ci Palatij.**

*S. I. Menatus Episc. Cyre-
nen. Vicesg.*

Imprimatur.

**Fr. Thomas Maria Ferrari Sac.
Apostolici Palatij Magister
Ord. Præd.**

THE UNIVERSITY OF CHICAGO
LIBRARY

1000
1000

1000

1000



PRÆFATIO

A D

LECTOREM.



*Emper miratus
sum, Christiane
Lector, quòd
cùm tot doctissi-
mi, sanctissimi-
q; viri, aduersus*

*alias Orthodoxæ Religioni oppa-
sitas sectas immensa volumina
conscripserint : contra Mahu-*

a

me-

metum, impiamque eius legem
 tam pauci, ac tam parcè calamo
 decertauerint. Arianam here-
 sin in ipsis incunabulis à trecen-
 tis & octo Nicani Concilij Pa-
 tribus præfocata, per aliquot
 deinceps sæcula, cùm vegetiores
 spiritus resumpsisset, omnes fe-
 rè totius Christiani Orbis Scri-
 ptores validissimè oppugnaue-
 runt. Contra Eutychetis, Dio-
 scori, Nestorij, Macedonij,
 aliorumque antiquiorum Hære-
 siarcharum errores, non minor
 Catholicorum Doctorem acies
 insurrexit; atque ad eos proflig-
 andos plura Oecumenica Con-
 cilia celebrata sunt. Lutherum,
 Cal-

Caluinum, Zuinglium, Melanchthonem, Seruetum, aliosque recentiorum temporum Nouatores, qui orthodoxorum in Italia, Hispania, Gallia, Germania, cæterisque Europæ Proincijs non confutauit? Contra Mahumetum, Mahumeticamque superstitionem, quæ per annos supra mille perseuerat, qui scripserint, siue ex antiquioribus, siue ex recentioribus, pauci, ne dicam paucissimi, numerantur. Quod verò dissimulandum non est, licet quidam doctè satis, solidèque scripserint: nonnulli tamen ex rerum Saracenicarum ignorantia, vera plerumque omit-

tentes. ficta ac fabulosa in mediū protulerunt, qua Mahumetanis risus excitarent, eosque in errore suo obstinatiores efficerent. Sed his prætermiſſis, videamus, quinam ſint, qui cum laude contra Mahumeticam ſectam ſcripſere.

Vnus ex his hoc noſtro ævo fuit P. Philippus Guadagnolus è Religione Clericorum Minorum, Arabica lingua in Romano Lyceo Profeſſor, & Moſlemicarum rerum peritiſſimus, cuius extat Apologia Arabicè, ac Latinè impreſſa aduerſus Ahmedum filiū Zini Principem in Regno Perſarum, qui contra Chriſtianam

Re-

Religionem unà cum alijs Persarum Sapientibus librum scripserat, & aureis characteribus exaratum, ad Romanum Pontificem Urbanum VIII. ut eidem respondendum curaret, transmiserat. Contra eumdem librum calamum exacuit P. Bonaventura Maluasia ex Ordine Minorum Conuentualium, doctè sanè, atque eruditè, sed non adeò feliciter, quia Arabici idiomatis erat ignarus. Post hos duos prodijt in lucem opusculum Iosephi Martellini Sacerdotis è Ciuitate Roccella, cum titulo: Triumphus Catholicæ fidei contra Sectam Mahumetanam: & aliud

opusculum cuiusdam Theologi è
 Societate Iesu in Gallia, cuius no-
 men mihi excidit : Sed utrumq;
 lectu dignissimum. Nouissimè au-
 tem prodijt ex Hispania , Manu-
 ductio ad conuersionem Mahu-
 metanorum : opus prorsus egre-
 gium , ac praeclarum, atque Au-
 thore suo dignum , nempe , Reue-
 rendiss. P. Tyrsi Gonzales de
 Santalla è Societate Iesu, olim in
 Salmaticensi Academia Sacrae
 Theologiae Primario Antecessore
 Emerito : nunc verò eiusdem So-
 cietatis Praeposito Generali di-
 gnissimo. Quo sanè opere tam
 validè , ac neruosè Mahumeta-
 nica Secta à fundamentis dirui-
 tur

tur ac destruitur, ut omnis alia
 argumentorum ac rationum,
 machina, superflua esse videatur.
 Erunt fortasse alij, qui hoc tem-
 pore pro Alcoranica superstitione
 confutanda, ingenia laudabi-
 liter exercuerint: sed horum ope-
 ra ad manus meas non deueni-
 re. Quaedam tantummodo ma-
 nuscripta videre licuit, quasi in
 lucem prodirent, magna, ut opi-
 nor, cum laude, & utilitate le-
 gerentur.

Nec inter antiquiores defue-
 re, qui contra Mahumetum stre-
 nuè laudabiliterq; decertarent.
 Tales fuerunt, S. Ioannes Dama-
 scenus: S. Petrus Paschasius Gië-

*nensis Episcopus ac Martyr, ex
 Ordine B. Mariae de Mercede
 redemptionis captiuorum : Pe-
 trus Abbas Cluniacensis : Ioan-
 nes Cantacuzenus Imperator
 Constantinopolitanus : Abu-
 nuhus Chaldaus, & Abrahamus
 de Bethale item Chaldaus; quos
 ponit. Hebediesu Metropolita
 Sobensis in catalogo Scriptorum
 Chaldaeorum : Ricardus, seu Ri-
 coldus ex Ordine Sacro Pradi-
 catorum : Ioannes de Turrecre-
 mata Cardinalis : Dionysius
 Chartusianus : Cardinalis Cu-
 sanus: Hieronymus Sauonarola:
 & alij fortasse nonnulli obscurio-
 ris nominis, quos mihi videre nō
 licuit. Ve-*

Verùm hætenus

Apparent rari nantes in gurgite vasto :

vel potius , rari pugnantes contra exercitum immensum. Quid enim sunt hi , si vel cum hostibus , à quibus penè obruimur ; vel cū nostris , qui contra alias sectas dimicauere , comparentur ? Fateri omninò necesse est , inter magna Christianæ Reipublicæ mala illud esse maximum , quòd , & aliquorum Regum ac Principū eius enses , quibus tam acriter in seipsos mutuò desauerunt , aduersus Othomannicam potentiā penitus elanguerint : & quòd Doctorem ac Sapientum illius cala-

calami, quos contra se inuicem proleuissimis quæstionibus identidem exacuunt; aduersus Sarcenicam impietatem prorsus hebescant. An verò hoc euenit, quia, vel Mahumetana contagio lenior sit, & Christiana fidei minus noxia: vel quia exiguum Orbis spatium, minimèque curandum, occupet: vel demum quia in angulo & in tenebris deliteat? Verùm norunt omnes, nullam unquam Christianis rebus sectam magis hac infensam, perniciosam, atq; exitialem fuisse, quippe quæ omnium hæreseon, atque errorum collectio sit, & colluies. Nullam etiam magis dila-

dilatata fuisse; cum & Asiam,
& Africam penè totam, & ma-
ximam nobilissimamque Europa
partem inuasit: & aliquot etiã
noui Orbis prouincias infecerit:
& maiora in dies incrementa il-
lam accipere videamus.

Plures tanti mali causas esse
intelligo, quas quidam, ad pro-
priam ignauiam & inscitiam
cohonestandam, vel ad alienam
virtutem deprimendam, in me-
dium tãquam iustas adducunt.

Prima est, quòd cum Alcora-
nus, omnium & precedentium,
& subsequen-
tium harescon con-
geries, & sentina sit, satisque ad
has superque à multis responsum
fue-

fuerit : *superuacaneum* nunc foret illum confutare : & si quis id faceret , actum agere videretur . *Insulsa* prorsus excusatio . Quasi verò innumera atque immensa *Controuersiarum volumina* possit quilibet in promptu & ad manus habere : vel unus error una tantum posset ratione confutari : vel *Alcoranus* ex proprio nihil mali haberet , sed precedentium tantum *Sectariorum absurda* contineret .

Secunda affertur causa : quia cum *Mahumetus* a seclis suis disceptationes de religione prohibuerit ; hi verò non solum illas refugiant ; sed in audentes secum disce-

disceptare , capitali p^{na} animaduertant , & ferro tantum sectam suam tueri ac sustinere , fixum firmumque habeant : frustra ad eam oppugnandam calamus assumeretur , cui non nisi gladio assertores eius responderent . Quamobrem pestem hanc , non libris , aut linguis ; sed ferro , ac flamma ab Orbe depellendam esse , plerique pronunciant . Pronunciant sanè ; sed quàm verè , ipsi viderint . Certum apud me , & apud eos qui rem bene norūt , omninò est , & lingua , & calamo fas esse cum Mahumetanis , etiam in ipsorum regionibus , à Christianis disputari ; dummodo

*do id publicè non fiat (quamvis
 & hoc alicubi permittatur) &
 citra omnem in Mahumetum ,
 & Alcoranum iniuriam , aut cõ-
 uicium ; & cum ijs , quibuscum
 amicitiam , ac familiaritatem
 contraxeris . His poteris mode-
 stè , & veluti discendi cupidus ,
 multa circa eorum legem , ac se-
 ctam , præsertim è Sacris Literis
 perperam ab ipsis usurpata , pro-
 ponere : rationem exquirere : quæ
 in contrarium faciant , sine con-
 tentione obijcere : si quid ipsi con-
 tra religionem nostram profe-
 rant , prudenter refellere ; imò
 & religionis ipsius mysteria ex-
 ponere , eorumque veritatem de-
 mon-*

monstrare. Faciunt hoc quotidie, & impunè, Missionarij nostri, & sæpè non sinè fructu. Quòd si nihil aliud inde lucrareris, quàm ut Moslemi de rebus nostris melius sentirent, de suis hesitarent: non mediocre lucrum esset existimandum.

Author libri, qui Italicè inscribitur: Teatro della Turchia, in lucem editi à Marchione Febure, Venetijs anno 1684. cum per multos annos inter Mahumetanos versatus fuerit, eorumque mores penitissimè nouerit: proponit modum inter eosdem à nostris Missionarijs, vel alijs seruandum, quo illis & Mahumeticæ

ticae superstitionis fidem detrabe-
 re, & Christianae religionis esti-
 mationem ingerere citra pericu-
 lum possimus. Summatim hìc il-
 lius verba referam. Euitentur
 primò ea, quae ad controuersiam
 de religione spectant : & adia-
 phora tātummodò quaedam pro-
 ponantur, quibus aliquis docti
 & eruditi apud eos opinionem
 acquirat. Tum verò de ijs sermo
 introducatur, quae ad Deum,
 eiusq; diuina attributa spectant.
 Mirabilia quae in rerum natu-
 ra sunt, proponantur : caelestium
 orbium immensa moles, stellarū
 ornatus, citissimus motus : solis
 amplitudo & splendor : lunae
 vicif-

vicissitudines: elementorum discordia concors: admirabilis maris vastitas: auri, argenti, aliorumque metallorum, ac gemmarum copia, quæ in visceribus terræ reconditur: atque alia huiusmodi maris terraque mirabilia. Poterit deinde gradus fieri a mundo maiori ad minorem, nempe hominem, in quo omnia propè quæ in maiori sunt, admiranda continentur, tam si ea quæ ad corpus eius, quàm si ea, quæ ad animam spectant, attentius considerentur. Vbi verò de suprema illius felicitate sermo incidet, necessario ad aliquid circa religionem proponendum, vel


b exqui-

exquirendum, eos inducemus. Expectandum verò erit, ut ipsi de nostra à nobis, rationem exquirant: & tunc opportunum erit mysteriorum illius gravitatem, sanctitatem, probabilitatem, imò veritatem illis explicare, eademque dissimulanter, citra ullam Alcorani & Mahumeti iniuriam, vel etiam mentionem, legi Saracenicae opponendo, illius falsitatem, & absurditatem ipsismet cognoscendam relinquere. Quòd si ipsi ulterius amicè & fidenter progredi velint (dummodò sincerè eos nobiscum agere non dubitemus): disputationem protrahere poterimus.

rimus . Haftenus Author laudatus , qui alia multa prudenter in hanc ipsam rem proponit : afferitque , se hac ratione plures Mahumetanorum , si non ad suscipiendam , saltem ad agnoscendam , & confitendam Christiane religionis veritatem induxisse . Legatur articul. 12. & 13. eiusdem operis .

Tertia causa adducitur , quia cū sectæ huius errores adeò crassi apertique sint , ut vel ipso naturæ lumine omnibus patefcāt : inanis operæ foret , magnis illos voluminibus confutare . Hinc factum est , ut pauci contra Idololatriam , atque Ethnicorum su-

perstitutiones scripserint : neque ,
 hodiè aliquis est , qui vel Synen-
 sium, vel Iaponum errores ac fa-
 bulas refellere laboret. Sint quā-
 tumvis Agarenica superstitionis
 errores crassi, & aperti : an non
 ideò explodendi , & reijciendi
 sunt? Quàm crassa, ac patentia
 sunt Lutheri, & caterorū huius
 aui Heresiarcharum absurda ?
 Et tamen quàm multi ex Ortho-
 doxis contra illa stylum exacue-
 runt? Sed, crede mihi Lector, res
 non ita se habet, ut supponitur :
 Maius latet in hac secta vene-
 num, quàm putent hi, qui de ea
 nihil, nisi quòd ab ignarissimis
 audierunt, cognouere. Alioquin,
 cur



cur tam ingens mortalium turba, non solum Ethnicorum, qui adhuc supersunt; sed Iudeorum, Christianorum, & ipsorum, qui in religiosis claustris degunt, ad Mahumetismum dilabatur? Viuendi licentia, inquires, illos allicit. Ita puto: sed aliquid aliud est, quod illos sub boni, verique specie decipiat. Habet nimirum hac superstitio quidquid plausibile, ac probabile in Christiana Religione reperitur, & quæ naturæ legi, ac lumini consentanea videntur. Mystéria illa fidei nostræ, quæ primo aspectu incredibilia, & impossibilia apparent; & præcipuè, quæ nimis ardua

b

3

hu-



humana natura censentur; penitus excludit. Hinc moderni Idolorum cultores, facilius ac promptius Saracenicam, quàm Evangelicam legem amplectuntur; & in posterum amplectentur, nisi à Missionarijs nostris, his, quæ ego in mco opere pono, argumentis præueniantur, ac præmuniantur. Nunquã enim Agarenicum virus haurient, haustum semper euoment; si Mahumeti, Alcoranique imposturas, & Christianæ Religionis solidissima fundamenta probè intellexerint. Quod de Idololatriæ antiquis obijciebatur; negamus, non multos contra illos scripsisse.

Sed

Sed quamvis concederemus: omnium librorum vice erat tunc Spiritus Sanctus, & fervor ille diuinus, quo Christiani ardebant, qui nunc adeo in iisdem defebuit, ac defecit. Synensium, ac Iaponum, aliarumque huiusmodi Gentium contagio, non ita nobis proxima est, ut ex ea malum aliquod timendum sit: & nihilominus viri Apostolici, qui in regionibus illis versantur, & calamo, & lingua illam pro viribus exterminare conantur.

Quarta causa additur, quia inanis & improbus, vel etiam perniciosus ac noxijs esset labor. Nam Mahumetanis nihil

prodesset; Christianis verò, vel
 foret inutilis, quia non eo morbo
 laborant: vel exitiosus, quia sæ-
 pe placet agnitum, quod ignorā-
 tum minimè curatur. Etsi enim
 falsa impostorum dogmata refel-
 lātur, nihilominus homines ma-
 le sani, veneno potius, quam an-
 tidoto delectantur. Si hæc ratio
 aliquid valeret, probaret etiam,
 contra nullos peruersorum dog-
 matum magistros esse scribendū.
 Verum iam ostendi, quantum
 ad Mahumetanos nullo modo
 posse laborem meum inutilem cē-
 seri. Saltem illud efficiet, ut qui
 inter eos prudentiores ac sapien-
 tiores sunt, veritatis, ac ratio-
 num

num vim persentiant, & defectæ
 suæ falsitate in suspensionem ali-
 quam veniant: Quòd si oppor-
 tunitas detur è suis terris ad no-
 stras euadendi, Christianam
 etiam fidem suscipiant, ut multi
 non raro susceperunt. Si verò ali-
 quando eueniat (euenturum au-
 tem breui spero) ut Prouincia a-
 liquæ, aut Vrbes è Mahumeta-
 norū manibus recuperentur (di-
 uinaui, dum hæc scriberem: non
 dum enim euenerat, quòd nunc
 factum videmus) proderit hoc
 meum opus, ad Saracenos, Tur-
 casque subactos, ab Arabica su-
 perstitutione facilius retrahendos.
 Etenim hoc hominum genus, non
 ideo

ideo in errore suo plerumq; constans est, quia illum non agnoscat: sed quia ab eo deponendo, facultates, vitamque amittendi metu deterreatur. Si verò labor meus inutilis, aut noxius Christianis fore existimetur: eadem ratione Controuersiarum aduersus Hæreticos libri, qui tam multi in lucem prodierunt, & quotidie prodeunt, Catholicis inutiles erunt, & noxi: imò multò magis, quia horum sophismata ac paralogismi multò maiorem vim habent ad persuadendum, quàm inepta Mahumeti, Mahumetanorumque argumenta. Nugæ sunt istæ, homine sano indignæ.

Po-

Postrema causa, quæ grauioris momenti apparet, est omnium prædictarum leuissima. Si libri (inquiunt) contra Alcoranum scripti inter Turcas deferantur, magnum malum parient, & ijs apud quos reperti fuerint, & cæteris etiam Christianis, qui ibidem commorantur. Vt hoc daremus; quis cogit ministros Euangelij huiusmodi libros secum ad Mahumetanorum terras deferre? Nonnè possunt eos inter nos legere & summatim quæ in ijs præcipua continentur, vernacula lingua, & obscuriori caractere styloque transcribere? Verùm, negotanti esse periculi
ali-

aliquem ex his libris secum deferre, & penesse inter Moslemos habere. Nolo, publicè illum teneant: nolo, passim cuilibet legant, vel ostendant. Scio gravissimam panam impositam esse Christianis, apud quos Alcorani codex repertus fuerit: sed scio etiam; nullum propè esse Missionarium, qui eundem Alcoranum apud se non habeat, non legat, & magis familiaribus Moslemis non ostēdat, & ab illis eiusdem glossemata, & explicationes non excipiat. Postremò, in Perside, & alijs etiam Mahumetanorū prouincijs, & priuatim, & publicè huiusmodi libros impunè licet
 ha-

habere, præsertim si nullam in
 Mahumetum & Alcoranum
 iniuriam apertam contineant.
 Sed, cum hoc meum opus Latino
 idiomate scriptum sit (quæ enim
 in illo Arabicè habentur, cum
 sint Alcorani, eiusque Exposito-
 rum verba, non possunt Mahu-
 metanos offendere) etiam si quid
 in eo aduersus eosdem morda-
 cius, vel liberius proferatur, pe-
 riculi nihil poterit asferre, cum
 Barbari illi Latinam linguam,
 saltem communiter, ignotam at-
 que exosam habeant. Verùm,
 non ne æquum est, pro Christi fi-
 de dilatanda, sese periculis om-
 nibus, etiam vitæ ipsius, expone-
 re,

re, dummodò id prudenter, & non temerè fiat? Nonne hoc fecerunt olim, & hodiè faciunt, Viri Apostolici, qui in Ethnicorũ Regna Christi fidem legemq; inuexerunt? Nonne primi illi Christiani contra Imperatorum, ac Præfectorum edicta, sacros apud se libros, sacras pro Sacerdotibus vestes, sacra pro Sacrificio vasa, assiduo cum vitæ periculo asseruabant? Prò temporum nostrorum teporem, atque ignauiam!

Atqui, si ita res se habet, cur (inquires) tam pauci contra Alcoranicam impietatem scripserunt? Potissimã, ac ferè unicam, huius rei

rei causam fuisse puto, quia cum remotissimè à nostris regionibus hac tam dira lues exorta sit : à paucis, & serò agnita fuit. Neq; in hoc me falli opinor, cum hodièq; non paucos ex nostris, alioqui non indoctos, Mahumeticarum rerum adeò rudes videam, ut Mahumetanos, idololatrias, Lunaque, ac Mahumeti adoratores existiment, aliasque de Agarenica secta, eiusque Authore ineptias effutiant. Porro quamvis à Christianis Orientalibus Arabia proximis, velin Arabia ipsa degentibus, syncerior superstitionis huius notitia statim ab initio habita sit : quia tamen

eo tempore, bonarum artium usus obsoleuerat, & Oriente toto bellis inuoluto, Græci ipsi sapientiam amiserant; non mirum, si pauci illam libris scriptis confutauerunt: præsertim cum non libris, aut verbis; sed ferro, atque igni, Arabes illam propugnarent, & propagarent. Neq; tamen negauerim, multos, præsertim ex Græcis, contra eam stylos exacuisse (id saltem mihi persuadeo): verum inter tot rerum turbas ac turbines, librorum iacturam factam fuisse credendum est: id quod apud nos etiam in Gothorum, Vandalorum, aliarumque Barbararum gentium

tium incursionibus euenisse, & scimus, & dolemus.

Neque dubitari potest, ut superius innui, humana salutis hostis Diaboli astu, quemadmodum Christianorum Principum arma, ita Catholicorum Doctorum ingenia ab hac peste profliganda atque exterminanda disflenta ac distracta fuisse; ut in se potius mutuò utraq; ex inanibus causis desuarent; quàm contra Mahumetum & Alcoranum, pro Christi religione pugnando, exercerentur. Vt cumque se res habeat (nam magnum, & inscrutabile Dei iudicium in hoc agnosco) ego, & Christiana religio-

c nis

nis propugnanda Zelo; & Ma-
 humetana superstitionis oppu-
 gnanda ardore impulsus; & mul-
 torum doctissimorum, ac pijsimo-
 rum virorum hortatu incitatus; &
 INNOCENTII XI. Pontificis Ma-
 ximi, dum adhuc inter mortales
 versaretur, iteratis imperijs a-
 dactus; opus hoc meum, quod
 diu in scrinijs delituit, euulgare
 decreui. Faxit DEVS Optimus
 Maximus, ut labor ad illius
 gloriam, & ad Sacrosanctæ eius-
 dem Ecclesiæ utilitatem à me
 susceptus, finem illum, quem cu-
 pio, & quem mihi proposui, sor-
 tiatur. Spero autem sortitutum,
 hoc potissimum tempore, cum
 Inui-

*Inuictissimi Caesaris LEOPOLDI ,
 Principumque fœderatorum ar-
 ma, Sanctissimi, semperque Glo-
 riosissimi Pontificis INNOCENTII
 XI. opera sociata, atque eiusdem
 opibus precibusque roborata ;
 Othomānicam Potentiam, uni-
 cum propè Mahumetanica su-
 perstitutionis columen, ita depres-
 serunt, atque infregerunt; ut om-
 nem prorsus pristinas vires re-
 cuperandi spem amiserit ; &
 maiora quotidie mala, atque
 extremam denique perniciem à
 Casareis fulminibus timere co-
 gatur.*

*Superest, ut aliquid de Ope-
 ris ipsius argumento & ordine*

c 2 bre-

breuiter dicā. Fuit iam pridem
 in animo, Alcoranum, Saraceni-
 cæ impietatis fontem ac fomitē,
 exactè, quantum fieri posset, re-
 futare. Id demum aggressus sum;
 Et non sinè multo labore sudore-
 que perfeci. Opus iam ab aliquot
 annis torculari paratum est. In-
 terim verò, dum varia impres-
 sioni obstacula fieri viderem: o-
 pera pretium duxi, hunc veluti
 PRODROMVM, quo generalis Al-
 corani ipsius confutatio contine-
 tur, præmittere. Quia verò
 quatuor præcipuè fundamentis
 Mahumetani Sectam suam con-
 tra Christianā Religionem sta-
 bilire conantur, nempe: Sacra-
 rum

rum Scripturarum, ac Traditionum autoritate: Miraculorum testimonio: Dogmatum veritate: Legumque, ac morum sanctitate: Et ad hæc quatuor capita, uniuerſa ferè Alcorani farrago reducitur: idcirco in totidem, Partes, ſeu Tractatus, hunc meum Prodromum diuidere decreui.

In prima Parte, Sacrorum utriusque Testamenti librorum, Et veterum ex Christianis, Et Hebreis traditionum testimonia, quibus Mahumetus Et Moſlemi ad errorem ſuum confirmandum abutuntur, diſcutio: eorumque verum legitimumque ſenſum demonſtro.

In secunda, de Miraculis ago, quæ iſdem non ſolùm Mahumeto, ſed illis etiam, quos inter ſuos tanquam Sanctos venerantur, attribuunt: & hæc omnia, falſa, ac ficta: quemadmodum, vera, quæ Chriſtus, Sanctique Chriſtiani patrauerunt, eſſe conuincō.

In Tertia, præcipua Chriſtiane fidei Dogmata, quæ Mahumetus, atque eius aſſecle oppugnant, propugno: & Agarenice perfidie impia ac ſuperſtitioſa axiomata conuello.

In Quarta, de ijs, quæ ad Legum præxiſ, morumque ac vitæ probitatem ac ſanctitatem pertinent,

nent, tracto : atque ut in Christianis veram ac sinceram virtutem, & sanctitatem; ita in Mahumetanis fictam ac fucam esse demonstro. Totum verò opus, precipuis Alcorani erroribus, mendacijs, ac fabulis referendis absoluo.

Placuit autem, ad maiorem eorum, quæ à me scribuntur, notitiam; aliquid breuiter de Mahumeto, eiusque Alcorano pramittere : copiosius de utroque in ipsa Alcorani consutatione tractaturus.

Porro in hoc meo opere, non Theologorum, vel Doctorum nostrorū authoritatibus (nisi rarò)

utor: has enim Mahumetani, vel
 reijcerent, vel etiam deriderent:
 sed armis suis hostes aggredior;
 Moslemmicorum scilicet Autho-
 rum, & praesertim Alcorani, sen-
 tentijs, & effatis eos inuado: Go-
 lia caput gladio suo amputare
 contendo. Hac verò non ex vi-
 tiosa ac fallaci alicuius inter-
 pretis versione, vel ex suspectis
 Authorum nostrorum allega-
 tionibus: verum ex ipsis Ara-
 bicis codicibus hausi, quos mihi
 varia in Vrbe Bibliotheca sup-
 peditauerunt: nimirum Vati-
 cana: Collegij Urbani de Pro-
 paganda fide: Collegij Maroni-
 tarum: Conuentus S. Petri Mi-

no-

norum Reformatorum in Iani-
 culo, seu Monte aureo: Collegij S.
 Pancratij Carmelitarum Di-
 scalceatorum: Conuentus S. Lau-
 rentij in Lucina Clericorū Mi-
 norum: Eminentissimi Cardi-
 nalis Camilli de Maximis, glo-
 riosa memoria: D. Abrahami
 Ecchellensis Maronita, in Sy-
 riaco atque Arabico idiomate,
 Regij in Gallia, & Pontificij in
 Vrbe Professoris: D. Petri a
 Valle Patricij Romani, qui ut
 olim viuens magnam terrarum
 Orbis partem peragrauit; ita
 nunc vita functus, nominis sui
 fama, atque operum luce perlu-
 strat. Optauissem, & alios plu-
 res,

res, nomine tantum mihi notos, Authores Arabes videre, sed non potui Roma reperire; vel aliunde mihi comparare. Alij fortasse reperient: & quod ego tenui, atque imperfecto opere exorsus sum, grandiori molimine perficient. Non omnia possumus omnes; Quod potui, pro meis viribus effeci.

Dabis autem veniam, benigne Lector, si ea, quae ex Arabico idiomate transtuli, non ita verbo tenus Latina reddiderim. Tadium rigida translationis, fateor ingenuè, saepe perferre non potui: satis habui, sententiam fideliter exprimere: di-

etionem unam vel alteram demere, vel addere, quo faciliorem sensum redderem, religioni mihi non duxi. Hoc & alij, non solum in Arabicis, sed in alijs quoque idiomatibus fecerunt. Si tu id piaculum putas, ignosce. Sed non eris, scio, mecum censor adeo austerus, si animaduerteris, etiam in Sacrorum Librorum versionibus Interpretes id sibi permisisse. Sapè verò ad tadium mihi, & ad laborem Typographo minuendum, Latina interpretatione contentus, Arabica verba pratermisi; praesertim ubi minus necessaria existimaui.

Nec

*Nec minus indulgentem ac
 benignum te mihi esse exopto, si
 Arabicis Latine transferendis,
 vel ex propria ignorantia erra-
 vi; vel ex corruptorum codicum
 errore deceptus sum (in substan-
 tia me non errasse ferè certò scio):
 vel si in argumento ipso pertra-
 ctando infelicior fui, vel aliqua
 in re hallucinatus sum. Sunt
 in Arabica lingua, quemadmo-
 dum etiam in cæteris, peculiare
 quidam idiotismi, allusiones,
 adagia, apophthegmata; quæ
 non nisi natiui Arabes, yque
 doctissimi & eruditissimi, va-
 leant explicare: hos autem hic
 Roma non licuit reperire. Ego
 vero,*

vero, Dauus sum non Oedipus.
Quòd si etiam Oedipus essem,
ingenuè tamen cum Terentiano
Chremete faterer

Homo sum: humani à me
 nihil alienum puto.

Te quoque, Amice Lector, ut
 homo erga me sis, & humanita-
 te tua mecum utaris, obnixè
 oro, atq; obsecro. Neque minus
 humanum te opto cum Typogra-
 pho Francisco de Rubeis Veneto,
 si quid in characteribus preser-
 tim Arabicis, tot nexibus colli-
 gatis, & toties figuram mutan-
 tibus, componendis peccauit.
 Hi erant illi tam ignoti, quàm
 Arabia ipsa Deserta: & tamen
 unius



MAHUMETI

AUTHORIS

ALCORANI

*Vitæ, rerumque gestarum
Synopsis.*

PRAEFATIO.



I Mahumeti vitam, ac res gestas, iuxta ea, quæ ab Authoribus nostris referuntur, describere vellem: ridiculum, puto, me Mahumetanis præberem. Adeo enim quæ ab his, & ab illis narrantur, inter se dissident: ut
d vix

vix credas de eodem homine utroque tractare. Quamobrem ijs, quæ à nostris scribuntur, prætermisissis, vel ad lectoris notitiam tantummodo indicatis : illos in cæteris sequi decreui. Non quòd Mahumetanorum fidem synceram existimem : sed quòd, cum contra hostes religionis agimus, eosdem suis ipsorum armis facilius quàm nostris oppugnamus, & feliciter superamus. Huc accedit, multos ex nostris Scriptoribus quædam de Mahumeto referre, quæ & Mahumetanis risum excitent, & eosdem in superstitione sua firmiores efficiant. Ex probatissimis igitur apud Arabes Authoribus Mahumeti vitam desumam. Quamvis enim hos etiam in multis mentiri, & plurima affingere ad Pseudoprophetæ sui dedecora tegenda, vel cohonestanda, ipsumque Prophetam verum venditandum certissimè sciam : non tamen ab illis mendax ipse habebor : imò maiori fide mendaces eos ac falsos ostendam, si suis ipsorum verbis, suoque testimonio

tales

tales omnibus manifestè appareant. Lectorem interim precor, ne offendatur, si audiat me aliquando absolutè referentem tanquam vera aliqua falsa aut ficta à Mahumetanis : protestor enim me loqui ex sensu, & verbis eorum: neq; puto vllum reperiendum esse tam in me iniquum iudicem, vt me eorum nugis, & mendacijs fidem vllam adhibere sibi persuadeat.

†





De Progenie Mahumeti.

Caput Primum.



Ahumetus, Arabicè dicitur محمد Mohamad : idest, *Laudatus*; per antiphrasim; quemadmodum aurifames, *Sacra*, pro execranda, à Poeta appellata fuit : & filius ille David, qui contra patrem bellum excitavit, Absalom, i. *Pater pacis*, nominatus fuit. Duo etiam alia nomina illi velut propria tribuunt; nempe احمد Ahmad, quod idem propè significat ac Mohammad : & ابو القاسم Abu-casem, idest, *Pater Casemi*. Primus enim filius quem genuit, Case-

d 3 mus

mus vocatus fuit : obtinuit quippe consuetudo apud Arabes, vt ex nomine primogeniti, pater cognominetur. Ego, *Mahumetum*, vt plerique nostrorum consueuerunt, appellabo.

Patriam habuit Mahumetus مكة

Meccam, quæ etiam dicitur بكة *Becca*; urbem Arabiæ celeberrimam, quam communiter ponunt in اليمن *Arabia felici*: sed Gabriel Sionita, & Geographi ipsi Arabes asserunt esse metropolin Arabiæ Petreæ, sitam in valle quadam glaucois repleta, quæ dicitur بطاء *Bataba*, atque etiam عكاظ *Akat*, & عموك *Omok*.

Ortus est ex nobilissima familia Corasina, cui nomen dedit قریش *Corais*, alio nomine فهر *Phaber*, oriundus ab Ismaele filio Abrahæ ex Hagar ancilla Ægyptia. Conueniunt omnes, patrem eius fuisse عبد الله *Abdallah*: auum verò paternum عبد المطلب *Abdalmoalleg*: proauum autem هاشم *Hascem*, & abauum عبد مناف *Abdomonaph*, cuius progenitores certos quindecim enumerant vsque ad

ad عدنان *Adnan*: nempe *Cosa* قصى , *Caab* كعب , *Morra* مرّة , *Kelab* كلاب , *Phaber* فهر , *Galeb* غالب , *Louua* لوى , *Corais* قریش , seu *Malec* مالك , *Hazima* حزيمة , *Kenana* كنانة , *Nodhar* , *Modhar* مضر , *Elias* الياس , *Medraca* مدركة , *Nazar* نزار , *Moad* معد , qui filius fuit prædicti *Adnan*, cuius progenitores, alij per plures, alij per pauciores successiones, omnes tamen incertas, vsque ad *Cedar* filium *Ismaelis* deducunt.

Mahumeti Mater fuit *Amena* امنة , seu *Emina*, filia *Vaheb* وهب , filij *Abdomonaph*, qui videtur diuersus à proauo paterno *Mahumeti*, cum hic dicatur fuisse filius *Zahare* زهرة , filij *Kelab*, in quo vniuntur lineæ paterna ac materna *Mahumeti*, & fortasse in auo eius *Abdomonaph*. Placuit nomina propria Arabicis characteribus exprimere, quia plerumq; in alienas linguas translata, in alia prorsus nomina transeunt.

*De Natiuitate Mahumeti, &
prodigijs, que in ea eue-
nisse finguntur.*

Caput Secundum.

Natus est Mahumetus die lunæ post decimum diem mensis Rajij (seu Verni) prioris. Alij tamen scribunt, natum fuisse octauo die, alij secundo, alij decimo septimo : alij die Veneris in ortu Auroræ ; anno trigesimo quarto, & mense octauo Regni Cosroæ cognomento Anuasruan filij Cabad. : & anno octauo, ac mense octauo regni Amru filij Hend Regis Arabum, qui cognominatus fuit Abulkasem ; octingentesimo octuagesimo primo anno post deuictum ab Alexandro Darium Regem Persarum. Fuit hic annus Christi, iuxta Almacinum, 571. Alij volunt fuisse 570. alij 578. alij 580. alij 600. alij de-

demum, inter quos est Kiffæus, 620. Nostri etiam Authores in hoc plurimum inter se dissident, quia scilicet nihil certi apud Arabes inuenire potuerunt.

Multa fingunt Moslemi in ortu Mahumeti prodigia, quæ tamen prudentiores ac sapientiores inter eos, ut puto, non ita facile credunt: cum certum sit ex ipso Alcorano, Mahumetum usque ad annum ætatis suæ quadragesimum peccatorem, & idololatram semper fuisse. Scribit Abu-nazar, matrem eius, nullam, dum illum vtero gestaret, molestiam sensisse, cumque sine ullo dolore peperisse. Præterea asserit, Mahumetum in ortu repertum fuisse circumcissum, resectoque umbilico. Alij tamen volunt, septima die à natiuitate ab auo suo Abdalmotalleb circumcissum fuisse. Scribunt alij, Gabrielem non solum illum circumcidisse, sed etiam discidisse per medium pectus eius, & cor purificasse. *Eodem tempore (inquit Abu-nazar) Demones ex orbibus caelestibus eiecti, conuenerunt ad Diabolum, ut hoc idem ei significarent.*

rent. Ille verò iussit eos vniuersam terram circumire, vt quid noui euenisset, viderent. Cum itaque illi terram peruagarentur, peruenērunt Meccam, in qua viderunt domum quamdam Angelis circumdatam: ex ea verò ignis ad Calum vsque emicabat. Reuersi igitur daemones, Diabolo id quod viderant retulerunt; qui ex hoc, ortum iam esse Mahumetum intellexit. Portenta alia aggerat Albacarius. Primò: Prodeunte in lucem Mahumeto, idola omnia ac simulacra prono ore in terram cecidere. Secundò: Imminuta est aqua lacus Sauà, & exundauit torrens Samauà. Tertiò: Sacri Persarum ignes extincti sūt. Quartò: Regia Cosroæ concussa est, & quatuordecim illius turres corruere.

Addit Albacarius alias nugas. Cum Amena partui proxima, sola domi moraretur, audiuit magnum fragorem, viditque auem albam, alis suis vterum ipsius contingentem. Tum mulieres quædam procerae, vestibus pretiosis indutæ, ac suauissimum spirantes odorem, clausis ianuis ad eam ingressæ, scyphis gem-

gemmeis, quos manu tenebant; eam potauere: & post potum facies illius mira luce coruscauit. Deinde audiuit strepitum alarum Angelorum, & eorundem canoras voces, variosque inspexit colores, & volucres cum rostris rubris. Hæc cum admiraretur, peperit Mahumetum, quæ candida nubes statim abscondit ab ea, & interim ab Angelis circūductus est per omnes partes terræ, & maris, vt omnes tã homines, quàm Dæmones, agnoscerent eum. Deinde matri suæ restitutus est veste lanea inuolutus, & trës clauës manu tenebat, quas ex quadam voce intellexit mater, esse clauës Victoriæ, Prophetiæ, & Templi Meccani. Et ecce interim nubes alia maior priori, cum hinnitu equorum, & strepitu alarum: & rursus euauit infans ab oculis parentis, delatus ab Angelis ad loca, in quibus Prophetæ, & Legati nati fuisse ferebantur, resonante interim voce: *Induite illum stola Adam, & sublimitate Noë, & scientia Abraham, & lingua Ismaël, & pulcritudine Ioseph, & patientia Iacob, & voce David, & castitate Ioan-*

Ioannis, & honorificentia Iesu, & fortitudine Moyfi; & date illi dotes, & indolem Prophetarum. Mox vidit cum Amena tementem nescio quid manu, quod significabat, illum futurum esse Dominum totius Orbis terrarum. Et ecce tibi tres viri splendidissimi cum gutturnio argenteo, & patina smaragdina, sericoque complicato: cumque infantem septies lauissent; vnus eorum instrumento lucidissimo signum propheticum inter humeros eius impressit: tum serico inuolutum posuit sub alis suis (erat enim Angelus Custos Paradisi): mox extracto, insusurrauit nescio quid in auriculam eius: & cum osculatus eum fuisset, prædixit ei, fore ipsum Dominum, & Intercessionem omnium in die Iudicij. Vidit deinde Amena tria simulacra ex luce confecta, pendentia inter cælum & terram; & interim nubes per longum tempus iterum abscondit infantem: & denique apparuit stibio illitus, circumcissus, & fascijs suauissimum odorem spirantibus obuolutus.

Eodem

Eodem tempore Abdalmotalleb Gaa-
bam, seu Delubrum Meccanum, cir-
cumibat; viditque idola, quæ in ea erant,
corruere ac dispergi: vocemque audiuit:
Nunc Amenæ peperit Mahumetum. Cum-
que ad Amenæ domum festinus propera-
ret, vidit duos montes Sapham, & Me-
ruam subsilire. Vbi autem ad Amenæ
domum peruenit, nube candida illam
coopertam aspexit; & ex eius penetrali
suauissimum odorem exhalari sensit.
Cum verò infantem ostendi sibi postula-
ret, & recusantem Amenam minis per-
terreret: vir quidam procerus ac terribi-
lis, euaginato gladio, repulit eum, asse-
rens, nulli fas esse Mahumetum videre,
donec Angeli illum visitassent. Demum
illud habetur ex traditione; nato

Mahumeto, multos Dæmo-
nes excæcatos, mul-
tos etiam mor-
tuos fuisse.



De

*De ijs, quæ post ortum Mahu-
meti euenere, usque ad
illius profectio-
nem in Sy-
riam.*

Caput Tertium.

ORto Mahumeto, magna fuit fre-
quentia congratulâtium Ame-
næ, & Abdalmotallebo : nam
Abdallah pater eius iam vita functus fue-
rat duobus mensibus antequam nascere-
tur: (quamuis Sciahipschah scribat, mor-
tuum fuisse, cum Mahumetus esset iam
bimestris, & iuxta alios septimestris; iu-
xta alios verò ferè trimulus.) Experie-
bantur autem omnes ex puero & matre
suauissimum odorem. Septima ab eius
ortu die, celebrauit Abdalmotalleb po-
pulo Meccano per tres dies opiparum
con-

conuiuium, cuius reliquias iussit in syl-
 uas ad auium, ferarumque cibum depor-
 tari. Assignata est nutrix puero Halima
 Saadiensis, quam aduocauit Amena,
 prius in somnis admonita: imò Halima
 ipsa cum esset in regione sua, in qua ma-
 gna erat sterilitas, & rerum omnium ca-
 ritas: vidit semisopita nescio quem ad se
 venire, qui manu prehensam duxit ad
 fontem quendam aquæ suauissimæ, ex
 qua cum bibisset, percussit ille manu pe-
 ctus eius; dixitque ei: *Vade in Meccam,*
ubi copiosam alimoniam inuenies per pue-
rum qui ibi natus est: & Deus tibi copiosum
lac vberibus infundet, quo eum lactare possis.
 Euigilans autem Halima, vbera sua la-
 cte turgentia inuenit, & exinde pin-
 guior, & corpulentior apparuit: & cum
 Meccam venisset, incidit in Abdolmo-
 talleb, qui duxit eam ad Amenam, cuius
 cubiculum ingressa, vidit illud vnde qua-
 que luce coruscare, quæ erat lux Mahu-
 meti, cuius gratia nunquam Amena lu-
 cernâ noctu accendebat. Cum verò Ha-
 lima dextrum vber infanti præbuisset;
 fuxit

suxit ille ex eo quantum libuit : è sinistra verò sugere deinde recusavit. Imò nunquam in posterum lac sugerat, nisi prius alius collactaneus suxisset. Acceptum Halima infantem secum duxit regrediens ad suos : in itinere verò lapides omnes, cespites, & arbores illi de ipsius fortuna congratulabantur. Cumque super asinam sederet, puerumque læuo brachio sustineret, ad instar venti asina volabat. Accidit, vt proficiscens obuios haberet quadraginta monachos Christianos cum ipsorum Abbate, qui admonuit eos, puerum illum esse, quem ipsi timebant. Multò verò magis timuerunt, cum lucem è vultu eius exire conspexere. Interim Diabolus adfuit sub humana specie, incitauitque eos, vt infantem occiderent. Illi, euaginati gladijs, in eum irruerunt. At puer extulit ad Cælum caput, & repente portæ eius apertæ sunt, descendensque ex eo ignis, Monachos omnes combussit. Statim verò vbi Halima cum infante ad suos peruenit, reuirit terra eorum, & arbores antea steriles

les fructum produxerunt : pecora etiam prius macilenta ac sterilia, repente pinguefacta, sæcunda euasere. Cum id vidissent Saadienses, magnum erga puerum illum amorem concepere ; præsertim vbi viderunt, cum ægrotos tactu manus sanare, & prodigia multa patrare : nam cum modicus illi cibus apponeretur, ita augebatur, vt omnes ex eo domestici satiarentur. Cum verò interim adolesceret, pulchritudine & decore in dies augebatur. Fertur autem, Halimam nunquam illius vestes lauiffe.

Cum ad septemnium peruenisset, pergebat cum suis collactaneis pastoralis cultu indutus, vt pasceret oues Halimæ. Inter has quædam macilenta, quam vnus ex collactaneis baculo male contriuerat, confugit ad Mahumetum, & apud eum de accepta iniuria conquesta est. Ille verò eam contrectans, blandis verbis solatus est, ac sanam integramque dimisit. Quotidiè verò miracula, prodigiaque patrabat : inter quæ illud erat, quòd oues nutui eius erant obsequentissimæ. Dic-

e

qua-

quadam, dum solus in valle quadam syl-
 uestri moraretur, adueniens leo submi-
 fit illi caput suum, blandè agitans cau-
 dam. Mahumetus verò præcepit ei, ne
 ultra in locum illum reuerteretur. Eo-
 dem tempore Halima somnio quodam
 preterrita est, in quo vidit Mahumeto
 commoranti in pascendis ouibus, à duo-
 bus viris immensæ magnitudinis fulgenti
 ficaventrem discindi. Somnium ieu-
 nus comprobavit : sequenti enim die,
 dum esset in pascuis vnà cum collacta-
 neis, duo ingentis stature viri arripien-
 tes illum, duxerunt in verticem montis.
 Cumque eum humi prostrassent; gladio
 sciderunt ventrem eius, & cor extraxe-
 runt. Quod cum collactanei vidissent,
 aufugientes, venerunt ad Halimam, ei-
 que id quòd Mahumeto euenerat, narra-
 uerunt. Erupit statim in fletus & cla-
 mores Halima; & aduolans cum tota vi-
 cinia ad montem illum, inuenit Mahu-
 metum in medio ouium absque vlla læ-
 sione, prorsusque incolumem. Quam-
 obrem domum reuersa, cepit fustibus

ac lapidibus filios tamquam mendaces appetere. At Mahumetus illam prohibuit, asserens, verum esse quod filij narrauerant: *Nam reuera duo procerissima statura iuuenes (inquit) fulgenti sica aperuerunt ventrem meum, & cor disciderunt, ex quo extraxerunt guttulam nigram, asserentes eam esse portionem, quam habebat Satanas in corpore meo. Deinde, cum cor aqua lauissent, atque in loco suo reposuissent, impresserunt ei signum sigillo fulguranti: meque ambo manibus contrectantes, faustissima mihi prænunciauere. Deinde appende-runt me in statera, primò cum decem Arabibus; ex altera parte; deinde cum viginti: demum cum vniuersis Arabibus: & semper præponderaui. His ita gestis, in calum reuersi sunt.*

Cum autem Halima Mahumetum ablactasset, iamque is grandior esse cœpisset, retulit eum Meccam ad Abdolmotaleb. In itinere autem incidit in Ariolum quendam senē grandæuum, qui, cum Hali na Mahumetum super camelam gestans transfret, cecidit semimor-

tuus. Mox ad sensus rediens, incitauit eos cum quibus erat, ut feminam illam ac puerum occiderent; ab his enim perniciēs ipsis ventura erat. Id cum illi aggrederentur, camela præterijt citissimo cursu; nec eam assequi potuerunt. Cum Halima prope Meccam peruenisset, ventris onus depositura secessit, puerum interim solum relinquens. Sed subito clamore reuocata, illum minimè inuenit. Cumque de eo quosdam qui aderant interrogasset, illi puerum se nullum vidisse affirmare. Quamobrem Halima vestibus discissis, ac faciem palmis verberans, minabatur seipsam præcipitem è sublimi loco daturam. At Senex quidam illius miserta: *Ne desperes mulier (inquit), sed mecum perge: nam ut filium tuum inuenias, efficiam.* Duxit igitur eam secum ad Caabam, seu templum, ibique idolum quoddam rogauit, ut ubinam Mahumetus esset, indicaret. Mahumeti nomine audito, corruit repente idolum: quamobrem senex perterritus aufugit. Halima verò audiuit vocem, qua certior fiebat

siebat de puero reperiendo . Venit igitur ad Abdalmotalleb, sperans se eum apud ipsum inuenturam . Sed spes eam fefellit . Abdolmotalleb autem cum tota vicinia diu illum frustra quæsiuit : tandemque veniens ad Caabam, septies eam circumiuit, deosque precatus est, vt nepotem sibi restituerent . Ex eorum responso intellexit , vbinam Mahumetus reperiretur . Pergens igitur ad locum sibi indicatum, ibi puerum inuenit sedentem sub arbore Mausæ, quæ ramis inclinatæ, fructus suos illi præbebat . Et ipse confessus est, se eò ab aue candida deportatum fuisse, quam omnes Gabrielem fuisse crediderunt . Interim cum matri restitutus fuisset, suscepit eum Abdalmotalleb in curam suam : cumque ophthalmia, seu oculorum morbo, laboraret, camelæ impositum, ad monachum quemdam medicinæ peritum detulit . Cum autem monachus pueri vultum, ob morbum velatum, detegi iussisset, cæpit eius cella repentino motu concuti . Tunc verò prædixit Monachus.

Abdalmotallebo, qualisnam, quantusque puer ille futurus esset. Morbum verò, quo laborabat, nullius periculi esse affirmavit. Morti iam proximus Abdalmotalleb, Mahumetum Abutalebo eius patruo commendavit. Huius, quemadmodum etiam Phatemæ vxoris suæ, tanta fuit in puerum charitas, vt eum proprijs liberis longè præferrent. Septenni iam, vel iuxta alios, sexenni Mahumeto, obiit mater eius Amena in Abaua, dum Medina rediret. Scripsere quidam, Mahumetum iam grandem & prophetam, fuscitasse matrem suam, eamque Moslemam reddidisse: alij tamen id vt fabulosum negantes, eum matris sepulchrum tantum inuisisse, & vbertim ibidem fleuisse affirmant.

†

De

*De Profectione Mahumeti in
Syriam ad procuranda
negocia Chadiges.*

Caput Quartum.

CVM die quadam transiret Mahumetus iuxta ædes Chadiges filiae Chauiled, quæ erat sibi sanguine coniuncta, atque inter omnes Mecanos ditissima ac potentissima : Sacerdos quidam Iudæus, qui iuxta Chadigen in grege faminarum nobilium & ancillarum assidebat, fixit in illum obtutum : orauitque Chadigen, ut iuuenem illum qui transibat, per vnam ex ancillis accerferet. Obsecuta est Chadige : & ut illum vidit, statim amore eius capta est, nihilque ardentius optare cepit, quàm cum illo maritali nodo copulari.

Habuerat Chadige antea duos maritos, quibus mortuis, procos multos, qui

nuptias eius ambirent, acquisiuit. At illa patruo, se velle quidem iterum nubere manifestauit: sed de nouo sponso adhuc se hærere asseruit.

Interea adfuit Abutaleb cum omnibus cognatis suis ad ianuam Chadiges, vt nepotem suum illi commendaret. Sperans autem illa inter eos esse Mahumetum, quem iam deperibat, in tantum amatorium velut amens erupit. Verùm vbi illum abesse intellexit, statim accersendum curauit: & interim opiparo conuiuio eos, qui aduenerant, excepit. Perrexit Abbas, vnus ex ijs, qui cum Abutaleb profecti fuerant, vt Mahumetum exquireret, inuenitque eum in monte Hora dormientem, vbi olim Abraham dormierat, pallio inuolutum. Erat autem iuxta caput eius ingens draco, qui halitu suo Mahumetum perflabat. Cumque Abbasesuaginato gladio vellet eum occidere, & draco in eum insiliret: clamore elato, Mahumetum dormientem excitauit, & draco euauit. Intellexit autem Abbas à Mahumeto, draconem illum

illum esse Angelum missum à Deo ad custodiam ipsius. Venit itaque Mahumetus cum Abbas ad Chadigèn, præcedente eum consueta luce, quam videns Chadige, existimauit Solem in domum suam ingressum fuisse. Aduenienti autem assurrexerunt omnes: exhibuitque ei Chadige lautissimum conuiuium. Deinde interposito honestatis causa velamine, blandissimis verbis Mahumetum allocuta est, eique negotiorum suorum, non sine mercedis magnæ promissione, curam exhibuit, quam Abutaleb ab ea nepoti postulauerat. Statim verò ferocissimum camelum, cui nemo insidere poterat, iussit adduci, vt eo ad itinera vteretur: Voluit enim per hoc, Mahumeti audaciam experiri. Camelus eo viso, voceque eius audita, procidit ad pedes illius, rictuque submisso, osculatus est eos, & humana voce locutus dixit: *Quis est similis mei? Palpauit enim dorsum meum manus Domini primorum & nouissimorum.* Fæminæ, quæ cum Chadige erant, magicis hoc artibus tribuerunt. Sed redarguit

guit eas Domina, propheticum opus hoc esse affirmans. Erat Mahumetus viliori veste indutus: quamobrem iussit Chadige eum decentius vestiri; eique camelam suam ad profectionem in Syriam exhiberi: duosque famulos, qui eidem proficiscenti in obsequijs essent, Meiseram scilicet, & Naschum, assignavit. In ipso autem discessu cepit Chadige velut amens, ob amoris vim licentius cantare.

De ijs qua Mahumeto in profectione Syriaca evenisse referuntur.

Caput Quintum.

E Gresso Mahumeto cum mercatoribus Meccanis, præibat eum nubes á Gabriele efformata, quæ illum à solis æstu defenderet: peruenit.

uenitque in locum quemdam, qui Vadihmiah, idest torrens aquarum, vocabatur, eo quod omnes ibi regionis illius aquæ confluerent. Quamobrem Mahumeti hortatu, mercatores, ne subita aliqua aquarum irruptione obstruerentur, sese cum sarcinis suis versus montem receperunt. Quidam autem, qui illius consilium sequi renuit, mercium suarum iacturam, aquis subito excrefcentibus, passus est. Cum quatuor ibi dies morati fuissent, & torrens interim augeretur: author fuit Meisera, vt Meccam reuerterentur. At Mahumetus Angeli cuiusdam, vt ipse assererat, admonitu, mane constitit supra ripam torrentis, & iussit suos iter proseguere in Syriam per eam partem, per quam avis quædam candida volatu suo viam signabat, & cum iisdem iter ingressus est per aquas præcípites ac profundas: omnesque incolumes transiire. At verò Abu-gehel, homo Mahumeto semper infestus, hoc magicis illius artibus attribuit: & præcurrens ad locum quemdam, in quo mercatores con-

consistere solebant , oppleuit arena & lapillis puteum qui ibi erat, ne Mahumetus eiusque socij aquas inuenirent . At Mahumetus vbi eò peruenit , constitit iuxta puteum, oculisque elatis, preces quasdam obmurmuravit, quibus absolutis, arena ac lapilli ab Abughel iniecti, cum strepitu exilierunt, & aquæ vbertissimæ emanauerunt . In furorem actus propter hoc Abu-ghel discessit; cumque in syluam quamdam Syriæ peruenisset, obuium habuit draconem quemdam aperto ore sibilantem , atque ex oculis scintillas euibrantem ; ex quo camela cui insidebat exterrita, in terram illum deiëcit , & costis eius confractis, diu exanimatus iacuit . Tandem verò ad se reuersus, tentauit inducere Mahumetum, & Hasemitas eius socios in idem discrimen . Præuidit id Mahumetus; & nihilominus in eandem syluam se contulit . Cum autem Camela eius, viso dracone, retrocederet, increpitans eam dixit : Væ tibi : quomodo times, cum gestes sigillum Prophetarum, & Principem Legatorum ?

torum? Deinde ad draconem conuersus: Aufer te hinc, inquit, quocumque vis, neque vltra hic appareas: ego enim sum Mahumetus; cui Deus benedictionem contulit & felicitatem: alioqui conquerar de te apud Deum. Tunc draco salutauit eum, asseruitque se non esse draconem, sed vnum ex regibus dæmonum; nomine Alham filium Alhim, qui fidem amplexus fuerat opera Abrahæ Patriarchæ, qui prædixerat sibi aduentum ipsius Mahumeti, & occursum eius in hoc eodem loco, in quo ipsum diu expectauerat. Se quoque præsentem fuisse, quando Christus ascendit in Cælum, præcepitque Apostolis, vt Mahumeticam legem sequerentur. Dimisit tandem Mahumetus illum, promittens se pro eo oraturum, dummodo inde statim discederet, nunquam in posterum eo in loco appariturus.

Inde Carauana, seu Mercatorum societas, progrediens, peruenit ad Vallem quandam, in quam aquarum copiosæ scaturigines confluebant antea, sed tunc ne
vesti-

vestigium quidem aquæ apparebat. Mahumetus palmas in arenam immergens, oculos in cælum extulit, & verba nescio quæ mulsitavit: statimque è digitis eius aquæ tam copiosæ eruperunt, vt camelis cum sarcinis submersi fuissent, nisi Abbasis admonitu, aquarum impetum compescuisset. Eodem in loco nucleos aliquot dactylorum sputo suo illitos terræ infodit; qui eadem hora in arbores dactylis maturis onustas excreuerunt; ex quibus omnes comederunt; & Abbas camelam suam oneravit. Sed magicis artibus hoc etiam Abugehel attribuit.

Peruenerunt inde ad locum quendam, in quo erat Monachorum canobium, quibus præerat Abbas quidam, nomine Felix, filius Iunan, filij Abdalsalib, cognomento Bahira, qui in Prophetis, & Euangelio iam legerat vaticinia de Mahumeto; habebatque penes se volumen scriptum à tempore Christi, in quo ea, quæ ad eundem Mahumetum spectabant, continebantur; & ex multis lacrymis ob desiderium aduentus eius effusus,

fufis, oculorum lumen amiferat. Quid verò ibi Mahumeto euenerit; in Prima Prodromi huius parte pag. 257. refertur.

Cum à Bahiræ canobio Mahumetus difceffifet, venit cum cæteris ad Emporium quoddam nobilæ Syriæ, vbi omnes, præter illum, mercès fuas vendiderunt. Cum verò propter hoc Abughel de eo iocum captaret, poftera die plurimi è varijs regionibus inftitores aduenere peregrinas merces empturi; quamobrem Mahumetus fuas, quæ folæ remanferant, duplo pretio diftraxit. Accidit autem, vt Iudæus quidam Sacerdos, nomine Said filius Cattim, qui ex vaticinijs, quæ in Sacris Scripturis legerat, cognouerat Mahumetū eſſe Prophetam illum Arabem, qui Iudæos erat perditurus, rogaret eundem, vt ſibi venderet camelum ruſum, reſiduum mercium ipſius, vltro offerens ei quantumcumque pretium vellet, dummodò domum ſuam venire, ibique cibum ſumere dignaretur. Obſequutus eſt Mahumetus Iudæo,

qui

qui præcurrens, præcepit vxori suæ, vt lapide molari ex superiori parte domus, Mahumetum ianuam ingressurum, interficeret. Paruit fæmina; sed dum putat se Mahumetum perimere, duos filios suos iactu molæ interemit. Tunc Iudæus sublato clamore viciniam omnem in Mahumetum concitauit, quasi ipse duos filios suos interfecisset. Statim Iudæi omnes adfuere, & inter eos & Hasemitas Mahumeti socios acre bellum commissum est. Hasemitæ in certamine superiores, Iudæis profligatis, opima de eis spolia retulere; & quilibet ex parte sua Mahumeto, cuius precibus victoriam tribuebant, aliquid muneris titulo, impertitus est.

*De regressu Mahumeti è
Syria, eiusque co-
niugio cum
Chadige.*

Caput Sextum.

REgressi Mercatores Coraisitæ è Syria, in loco quodam aliquan-
to spatio à Mecca distito sub-
stitere. At Mahumetus conscensa ca-
mela, solus iter prosequutus est. Ange-
lus autem à Deo missus, vias longas, bre-
uiores; asperas verò ac salebrosas, pla-
nas mollesq; illi effecit. Vbi verò Mec-
cæ montes in prospectu habuit, grauem
illi soporem Deus immisit; & interim
præcepit Gabrieli, vt tabernaculum,
quod duobus millibus annis antequam
Adam crearet, pro Mahumeto efforma-
uerat, è Paradiso extraheret, & supra
ipsius nunc dormientis caput expande-
f ret.

ret. Erat autem hoc tabernaculum diaphanum, quippe totum ex lucidissimis ac pretiosissimis gemmis compactum: & quatuor per quatuor angulos portas habebat. Dum autem Gabriel illud è Paradiso asportaret, puellæ omnes Paradisi ex palatiorum suorum fenestris prospexere, Deum laudantes, quòd iam Mahumetum in mundum misisset: & auræ misericordiæ efflauere, arborumque folia agitata sunt, & aues in garritus erupere. Interea Chadige residens cum puellis suis, comitatuque procorum in loco sublimi, vidit lucem fulgurantem, & tabernaculum illud supra Mahumetum dormientem, expansum, quod Angeli cum vexillis explicatis ambiebant. Cum autem ancillæ Chadiges lucem tantum viderent, ipsa Mahumetum etiam super camelam suam in tabernaculo dormientem prospiciebat. Porrò camela portam urbis ingressa, Gabriel & Angeli cum tabernaculo & vexillis in paradisum redire. Mahumetus expectatus, contulit sese ad Chadigen, quæ impatientissi-
mè,

mè, vt pote amore eius faucia, expectabat. Vbi verò præsentem illum aspexit, in verba amatoria erupit, solem suum, suumque dilectum eum appellans. Sed timens ne merces suæ, quas Mahumetus aliquantò procul ab Vrbe apud Mercatores Coraisitas reliquerat, dispendium aliquod paterentur, rogauit eum, vt ad illas repetendas quantocius regrederetur. Discessit è vestigio Mahumetus: & interim Chadige è sublimiori domus parte prospiciens, vidit Gabrielem & Angelos iterum è Paradiso dilabi cum tabernaculo & vexillis ad Mahumetum gestandum: qui vbi breuissimo paucarum horarum spatio ad locum illum, vbi mercatores constiterant, peruenisset; redijt cum ijsdem Meccam, mercesque omnes integras, magnoque cum incremento, ad Chadigen reportauit. Hæc omnia cum illa patri suo Chauailedo enarrasset, viam sibi ad Mahumeti coniugium parare studebat. Deinde cum eundem ad se aduocasset, nullo velamine interiecto, apud se iussit residere: &

quamuis à Meisera, vniuersa quæ in itinere euenerant, antea audisset: eadem nihilominus ab ipso iterum voluit audire. Tandem blandissimis verbis ab ea dimissus, venit ad Abutaleb patrum suum. Vbi verò postera dies illuxit, festiuis vestibus ornatus, ac suaueolentibus vnguentis delibutus, ad Chadiges domum regressus est; quæ eo conspecto, cæpit gestire lætitia, & in carmina amatoria erumpere. Tandemque verecundia omni deposita, sese illi in uxorem & ancillam exhibuit. Erubuit Mahumetus, pudoreque, ac sudore vultum perfudit, penitusque obmutuit. At Chadige, amoris vi propè amens, blandissimis verbis iuuenem titillabat, atque amatorio carmine cantando demulcebat. Cumque ille paupertatem, & tenuitatem suam potentissimæ ac ditissimæ dominæ ob oculos poneret; iurauit Chadige, opes suas omnes in potestate illius futuras. Mahumetus, felicitate tam insperata lætissimus, & Chadiges amore iam totus incalescens, ad Abutalebum venit:

venit: orat atque obsecrat, vt sibi ad has nuptias adiutor esse velit; id verò feliciter euenturum, si Chauailedo Chadiges patri, & Varkæ eiusdem patruo persuadeat, vt illæ in filiæ, hic in neptis vota consentiant. Omnem lapidem mouit Abutaleb apud vtrumque, vt Chadigæ; id maximè cupienti, Mahumetum coniugem concederent. Varcam faciliè inflexit: at Chauailedus inexorabilem se diu ostendit, donec & Abutalebi fratrumque eius importunis precibus, & Mahumeti supplici rogatu, & Chadiges lacrymis, ac penè desperatione, expugnatus, in hoc coniugium consensit inuitus, quòd sibi, filiæque indecorum, ac probrosum esse manifestè agnoscebat. Sed tamen vt illud felici omine cohonestaret, asseruit Abubakar filius Cahaphæ, se vidisse per somnium eleuari stellam è domo Abutalebi, & ad modum Lunæ plenæ excurrere, atque in ædes Chadiges descendere, & sub illius vestibibus sese celare. Hoc autem coniugij Mahumeti cum Chadige præsagium esse, vniuersi

intellexere. Dum autem ad nuptias celebrandas solennissimum conuiuium pararetur, concussus est, Angelis admirantibus, thronus Dei: atque ipse Deus maiestate plenus præcepit Custodi Paradisi, vt puellas, & pueros eius cum festiuis ornamentis educeret, & calices ad bibendū ordinatim disponderet: grandiores item puellas, & iam sororiantibus māmīs præditas, & iuuenes illis coæuos, pretiosis vestibus indueret. Iussit præterea Gabrielem, vexillum laudis supra Meccanum Templum explicare. Tunc verò valles omnes & montes præ lætitia gestire cæperunt, & tota Mecca nocte illa velut olla super ignem imposita efferbuit. Manè verò conuenere in ædes Chadiges cum Mahumeto & patris eius Magnates, & Principes vicinarum regionum. Inito autem conuiuium, vox è Cælo in hæc verba resonuit: *Deus iam coniugio Purū cum Pura, & Veracem cum Veraci copulauit.* Eodem tempore præcepit Deus Gabrieli, vt super omnes mortales vnguenta pretiosissima dispergeret, admirantibus omnibus subitū
illum

illum, atque insolitum odorem, quem in gratiam nouorum coniugum diuinitus exhalasse vniuersi cognouere. Hoc modo nuptiæ Mahumeti cum Chadige omni cum luxu, ac lætitia celebratæ sunt.

*De noua Secta à Mahumeto
instituta.*

Caput Septimum.

Post quindecim annos, quibus cum Chadige vixerat, ferunt Mahumetum Propheticum munus accepisse: deinde verò per tres annos cum eadem in Mecca vixisse. Defuncta est autem Chadige ætatis suæ anno quadragesimo nono & mense octauo, dum Mahumetus quadagesimum tertium annum percurreret.

Consueuerat autem Mahumetus secedere quotannis per mensem in deserta

montis Harra, erat quippe solitudinis amicus. Anno itaque quadragesimo ætatis suæ, in mense Rhomadan, in illum cum vxore & familia sua secessit. Quadam autem nocte apparuit ei nescio quis, qui se Gabrielem esse asseribat, præcepitque illi, vt legeret. Cum verò Mahumetus se legendi ignarum esse respondisset; Gabriel eum arripuit, atque in terram proiectum maximas in angustias redegit. Deinde rursum præcepit ei, vt legeret. Cumque Mahumetus se legendi artem ignorare respondisset: tertio addidit Gabriel: *Lege in nomine Domini tui, qui creauit: creauit hominem ex sanguine coagulato. Lege, & Dominus tuus gloriosissimus, qui docuit scribere calamo, docuit hominem id quod nesciebat.* Sunt autem hæc verba initium Suræ 96. Legit igitur, seu potius recitauit eadem verba Mahumetus. Deinde ad medium montis egressus, hanc vocem è cælo audiuit: *O Mahumete, tu es Legatus Dei; & ego sum Gabriel.* Quibus auditis, constitit eodem in loco prospiciens Gabrielem,

lem, qui mox ab eo recedens euauit. Regressus ad Chadigen, timore perculsus, totoque corpore contremiscens, iussit se vestibus cooperiri, donec à timore conquiesceret. Aduocauit deinde Chadigen; id quod sibi euenerat illi narravit: sese malum aliquod sibi timere affirmavit. Illa verò solata est eum: nihil ipsi timendum esse asserens, qui pietate ac fide cæteros mortales superaret. Mox adduxit illum ad Varkampatrum suum, antea idololatram, modo Christianum, ob multam ætatem oculorum lumine destitutum. Hic verò, vt id quod Mahumeto euenerat audiuit; illum Prophetam Arabum futurum; sed à suis conciuibus reiiciendum esse prædixit; nec multò post ex humanis excessit.

Mahumetus è Montis Harrà solitudine egressus, Meccam venit; vbi septies Meccanum delubrum ritè circumiuit. Cum verò Gabrielem amplius non videret, tam magnum animo concepit mærorem, vt à suis discedens, non semel sese è culminibus montium præcipitem dare

dare tentauerit. At quoties id aggrediebatur, Gabriel eum detinebat, dicens: *O Mahumete; tu es verè Legatus Dei.* Tandem verò frequentius sibi Gabriele apparente, cessauit ab hac amentia sese è montibus præcipitandi: credensque se verè esse Prophetam, & Legatum Dei, Meccam regressus est. In itinere autem lapides, & arbores omnes salutabant cum his verbis: *Pax super te, ò Legate Dei.* Nec prætereundum est id quod refert Giaber filius Samaræ, Mahumetum ipsum dixisse post aliquod tempus; nimirum: *Est nunc in Mecca lapis, qui salutabat me illis noctibus, quibus missus fui ad prophetandum; sed modo eum non recognosco.* Vbi igitur Meccam peruenit, cepit sectæ suæ fundamenta iacere, & prima, quæ in eum credidit, fuit Chaidige.

Hæc, quæ ex Ismaële filio Aly relata sunt, paulò aliter ab alijs enarrantur. Author libri *اعلام العدى* idest, *de signis directtonis*, scribit: Mahumetum, cum ad trigessimum septimum ætatis annum peruenis-

uenisset, & inter montes in pascendis Abutalebi patrui sui pecoribus moraretur; vidisse nescio quem, salutem sibi tanquam Dei legato impertientem. Id cum sæpius accideret, interrogauit eum Mahumetus, quisnam esset? Ille verò Gabrielem se esse affirmavit, missum à Deo, ut in Legatum suum ipsum assumeret. Hoc cum Chadigæ tantum ille retulisset, bonam spem hæc ei fecit. Paulò post regressus Gabriel, iussit cum aqua e Cælo subito delapsa sese abluere, quò purius posset orare: docuitque cum ritum, faciem & manus à curuatura cubiti purificandi; caput, & pedes usque ad talos confricandi; & totum corpus ad fundendas preces incuruandi, & orandi. At verò nonnisi post annum quadragesimum, modum legesque orationis, nullo tamen determinato tempore, præscripsit: Habetur autem ex traditione per longissimam seriem deductam; cum Mahumerus hoc tempore extra Meccam iter ageret, montes omnes, arbores, & lapides, quacunque transibat, consue-

uisse

uisse cum salutare his verbis : *Pax super te, ò legate Dei.*

Anno ætatis suæ quadragesimo (Authore Aly filio Ebrahim) accepit Mahometus à Gabriele verba illa Alcorani : *Manifesta id quod præcipitur tibi : & longe recede ab idololatriis.* Quamobrem egressus constitit supra Petram : (erat autem hic locus, in quo populus conueniebat, ad latus septentrionale Caabæ) cæpitque Meccanis vnius Dei cultum prædicare ; seque Prophetam & Legatum Dei venditare . Hæc ex Authore prædicto.

S. Petrus Paschasius Episcopus Gienensis & Martyr, ex libris & testimonio Saracenorum , similia iam relatis scribit : nimirum, *Mahumetum, cum quadraginta esset annorum, idolorum cultum reliquisse, & Prophetam se vulgasse ; perque montes solitarium pergere, & per valles & per colles, tanquam à Demone exagitatum vagari cepisse : aliquoties verò supra spatium vnius mensis solum in monte prope Meccam sito, nomine Yran (corruptè pro Horram) commoratum fuisse.* Hoc in loco
Ga-

Gabrielem sibi apparuisse dictabat, post cuius aspectum, venit ad Chadigen, & super genu illius sedit, accubuitque super eam. Illa non Gabrielem hunc, sed malum aliquem Dæmonem fuisse suspicata (erat enim mos Dæmonibus gentem illam ita illudere) rogavit Mahumetum, ut sibi quoque Gabrielem ostenderet. Afferuit ille, Gabrielem ibi adesse, & à se videri. Sed cum Chadige eum minimè videret, iussit Mahumetum primò super genu suum sinistrum, deinde super dextrum assidere: tum in sinu suo recumbere: semperque rogabat, utrum Gabrielem videret. Asserebat ille se videre. At Chadige cum minime eum aspiceret, velavit faciem Mahumeti velamine suo: vel, ut alij scribunt, abscondit eum sub vestimentis suis: & tunc rursus interrogavit, utrum Gabrielem intueretur. Respondit ille, se amplius eum non videre. Tunc Chadige: *Æquo animo esto* (inquit); nam pro comperto habeo amicum istum tuum non esse Dæmonem, ut suspicabar, sed Angelum bonum: & spero, te gentis huius Prophetam esse futurum. Chadige itaque omnium

nium prima credidit in eum. Hactenus S. Petrus Paschasius, qui addit ex alijs Maurorum libris illud haberi, quòd cum Gabriel Mahumeto se videndum exhibebat, ipse in terram corruerat in morem eorum, qui à malo Dæmone opprimuntur. Tunc verò sudario capiti eius imposito, sindone cooperiebatur, totoque è corpore sudorem emittebat. Ut autem sensuum compos fiebat, surgens vaticinabatur. Afferebat verò, ita se exanimatum cadere, eo quòd Gabrielis splendorem sustinere non posset. Hæc S. Pater ex ipsis Mahumetanis. Porro quòd Mahumetus, cum ob aspectum Gabrielis exanimatum se cadere afferebat, vestibus cooperiretur, patet ex Sura 73. quæ inscribitur *المزمل Inuolutus*. Et 27.

cuius titulus est *المُدثر Coopertus*. Puto autem hoc illum fecisse, quo facilius motus indecoros celaret, quos à Dæmone exagitatus patiebatur.

P. Philippus Guadagnolus alibi à me lau-

laudatus, in Apologia sua, cap. 10. sect. 1. agens de Mahumeto, refert ex libro Hagar, alijsque Mahumetanorum Scripturis, Mahumetum vsque ad quadragimum ætatis suæ annum idola coluisse. Ab anno verò decimo sexto vsque ad vigesimum quintum, mulionem, seu camelarium, Chadiges amitæ suæ fuisse, quam, defuncto marito, duxit in uxorem, atque ex ea tres filios, & filiam vnâ suscepit. *Ab anno autem trigesimo octauo capit solitarius secedere in speluncam, quæ dicebatur غار هار Gar Har (puto corrigendum غار حرا Gar Harra) ibique*

dies totòs solus versabatur: tandemque relicto idolorum cultu, Deum vnum capit adorare. Præterea ita à potu ciboque abstinēbat, ut ex inedia cerebrum eius euanesceret. Audiebat autem varias voces, neminem tamen loquentem videbat; licet figuras quasdam personarum, ac phantasmata quasdam rerum mirabilium se aspicere affirmaret. Id cum sæpe Chadigæ indicasset, illa semper hæc Dæmonum ludibria esse dicebat.

Quam

Quamobrem merore ac desperatione ad-
 ætus, conscenso monte, inde se precipitem
 dare constituit. Interea apparuit ei Gabriel,
 salutemque illi impartiens ex nomine Dei,
 Prophetiæ donum, legationis diuinæ munus,
 & super omnes creaturas excellentiam pro-
 misit. Deinde præcepit ei, ut legeret ea
 verba Alcorani Suræ 96. Lege in nomine
 Domini tui &c. tradiditque illi Suram Al-
 corani sexagesimam octauam, quæ inscribi-
 bitur العلق (per errorem posuit القلم Cala-
 mus) sanguis coagulatus: atque ab eo di-
 scessit. Redeunti Mahumeto domum suam,
 iumenta omnia, omnesque arbores salutem
 dicebant his verbis: Salue ó Mahumete & le-
 tare, quia tu es Legatus Dei, & optima crea-
 turarum eius. Cum autem hæc uxori narra-
 set: illa rursus malorum Demonum præsti-
 gas esse respondit. Quamobrem Mahume-
 tus frigido quodam horrore ex magna tristitia
 correptus, in lectulum se proiecit, seque
 multis vestibis iussit cooperiri. Tum verò
 apparuit ei Gabriel, tradiditque secundam
 Suram, quæ inscribitur المذثر Coopertus,

& in

& in Alcorano septuagesima quarta recen-
 setur. Hanc ille Chadige ostendit, quæ dia-
 bolicum figmentum esse pronunciauit: ad-
 didit tamen: Si iterum ac sæpius spiritus ille
 rediret, fore Angelum bonum: malum verò,
 si amplius non regrederetur. Redijt igitur
 Gabriel, tradiditque Mahumeto Suram
 tertiam, in Alcorano nonagesimam tertiam,
 quæ inscribitur الذی Diluculum. Hanc
 etiam uxori ostendit: sed illa nihilominus
 Satanae commentum esse affirmauit: nec
 alias vnquam aliter se credituram, nisi Ga-
 brielem ipsa etiam vidiſſet. Cum verò Ma-
 humetus respondiſſet, ipsam non esse tanta
 virtute præditam, ut poſſet Angelum
 videre, acquieuit Chadige, tan-
 demque credidit in Mahu-
 metū. Hæc P. Gua-
 dagnolus ex li-
 bro Ha-
 gar.

te traditum sibi Alcoranum, nesciebat, quid esset fides : ita exponit idem Interpretas : ما كنت تعرف قبل الوحي اليك :

Non noueras, antequam fieret tibi hac reuelatio (nempe Alcorani) quid esset Liber, neque quid fides . Sed Gelaleddinus non sine manifesto mendacio, & aperta impudentia, pro الايمان fide, intelligit شرايعه leges, seu sanctiones eius, scilicet Alcorani; cum certissimum sit apud Arabes الايمان fidem, distingui prorsus ab الشريعة lege, seu sanctione. Verum laqueo suo capitur : nam inter leges, seu sanctiones Alcorani, praecipua est, cultus vnius Dei, pluriumque Deorum reiectio.

Secundò . Sura 74. المذثر Coopertus :

fingitur Deus, ita cum Mahumeto loqui : والرجز فاهجر . *Et abominationem relinque .* Nomine الرجز abominationis, Gelaleddinus, Zamchascerius, & Expositores caeteri communiter, idololatriam intelligunt, nam فسترة النبي من بالاوثان Ma-

hūmetus ipse idola illam esse exposuit. At-
qui hæc fura tradita fuit Mahumeto cum
esset quadraginta annos natus, vt constat;
ergo adhuc eo tempore idola colebat.
 Gelaleddinus, فاجر *Et relinque, expli-*
cat, دُم على هجرة : Perseuera in relictione
eorum. Eodem modo Zamchascerius :
 والمعنى الثبات على هجرة لانه كان برياً من الله :

Et significat perseverantiam in relinquendo
ea; nam ipse purus erat ab ijs. Sed retor-
queo in eos eorum iacula; Ergo Mahu-
metus saltem per aliquod tempus adora-
rauit idola: nemo enim propriè dici po-
test illud relinquere, vel perseverare in
relinquendo illud, quod nunquam ha-
buit, & quod ad ipsum nunquam perti-
nuit. Verùm audiamus circa primum
 Alcorani locum verba ipsa Záchascerij.

فان قلت قد علم ان رسول الله من منا كان يدري

ما القرآن قبل نزوله عليه فما معنى قوله ولا

الايمان والانبياء لايجوز عليهم اذا عقلوا وتبينوا

من النظر والاستدلال ان يحيطيم الايمان بالله وتوحيده
 ويجب ان يكونوا معصومين من ارتكاب الكبائر
 ومن الصغائر التي فيها يتغير قبل المبعث وبعد
 فكيف لا يعصمون من الكفر : قلت الايمان اسم
 يتناول اشياء بعضها الطريق اليه العقل وبعضها
 الطريق اليه السمع فعني به ما الطريق اليه السمع
 دون العقل وذالك ما كان له فيه علم حتى كسبه بالوحي :

*Quod si dicas : Certum est Mahumetum
 non intellexisse quid esset Alcoranus ante-
 quam acciperet illum : Sed quomodo dici po-
 test , eum non intellexisse quid esset fides ?
 Nam dici non potest , Prophetas postquam
 intelligentia & visione potiti sunt per de-
 monstraciones , nescisse quid esset fides , &
 unitas Dei . Cum enim conueniat , ut cu-
 stodiantur imminunes à perpetrandis peccatis
 tam mortalibus , quàm venialibus , in quibus
 fit mutatio , (id est correctio , seu emenda-
 tio) ante eorum missionem ad prophetan-
 dum ,*

humerus ipse idola illam esse exposuit. At-
qui hæc sura tradita fuit Mahumeto cum
esset quadraginta annos natus, ut constat;
ergo adhuc eo tempore idola colebat.
Gelaleddinus, فاهجر Et relinque, expli-
cat, دُم على هجرة : Perseuera in relictione
eorum. Eodem modo Zamchascerius :
 والمعنى الثبات على هجرة لانه كان برباً منــــه :

Et significat perseuerantiam in relinquendo
ea; nam ipse purus erat ab ijs. Sed retor-
queo in eos eorum iacula; Ergo Mahu-
metus saltem per aliquod tempus adora-
rauit idola: nemo enim propriè dici po-
test illud relinquere, vel perseuerare in
relinquendo illud, quod nunquam ha-
buit, & quod ad ipsum nunquam perti-
nuit. Verùm audiamus circa primum
Alcorani locum verba ipsa Záchascerij.

فان قلت قد علم ان رسول الله من منا كان يدري
 ما القرآن قبل نزوله عليه فيما معنى قوله ولا
 الايمان والانبياء لايجوز عليهم اذا عقلوا وتذكروا

من النظر والاستدلال ان يخطيئهم الايمان بالله وتوحيده
 ويجب ان يكونوا معصومين من ارتكاب الكبائر
 ومن الصغائر التي فيها يتغير قبل المبعث وبعد
 فكيف لا يعصمون من الكفر : قلت الايمان اسم
 يتناول اشياء بعضها الطريق اليه العقل وبعضها
 الطريق اليه السمع فعني به ما الطريق اليه السمع
 دون العقل وذاك ما كان له فيه علم حتى كسبه بالوحى :

*Quod si dicas : Certum est Mahumetum
 non intellexisse quid esset Alcoranus ante-
 quam acciperet illum : Sed quomodo dici po-
 test , eum non intellexisse quid esset fides ?
 Nam dici non potest , Prophetas postquam
 intelligentia & visione potiti sunt per de-
 monstraciones , nescisse quid esset fides , &
 unitas Dei . Cum enim conueniat , ut cu-
 stodiantur imminunes à perpetrandis peccatis
 tam mortalibus , quàm venialibus , in quibus
 fit mutatio , (id est correctio , seu emenda-
 tio) ante eorum missionem ad prophetan-*
 dum ,

dum, & post eam: quomodo non seruabuntur immunes ab infidelitate? Respondeo, fidem esse nomen quod multa significat, ad quorum quadam fit via per intellectum; ad quadam autem per auditum. Hic verò significantur ea, ad quæ fit via per auditum, citra intellectum. Et hæc sunt de quibus Mahumetus non habuit scientiam, donec per reuelationem acquisiuit eam. Sed inepta est obiectio, ineptior verò responsio, ut quilibet facile agnoscere potest. Nam eodem modo dicitur Mahumetus nescisse ante reuelationem Alcorani, quid esset fides, ac quid esset Alcoranus, in quo sanè pleraque spectant ad fidem. Dicere autem tunc ignorasse Alcoranum solum quoad ea, quæ spectabant ad auditum, nempe ad ritus quosdam ac leges; minimè verò ad dogmata fidei; idem erit ac dicere, illum nescisse ea ex fide, quæ continebant الشرايع videlicet ritus ac statuta, quæ fidei dogmata minimè attingunt: in quo erit ineptissima Τετλογια. Deinde, nos non dicimus, Mahumetum, postquam proph-

phetam se cæpit venditare, ignorasse quid esset fides, quæ vnum tantum, non plures docet esse Deos: negamus tamen prophetas tam antè, quàm post propheticum munus acceptum, ab omnibus peccatis tam grauibus, quàm leuibus immunes fuisse, vt patet ex sacris literis; imò etiam ex eo quod Mahumetani ipsi fateri coguntur. Constat enim ex Alcorano, Mahumetum & ante, & post munus propheticum sibi arrogatum, peccata multa etiam grauiâ perpetrasse: nam orat in eodem, vel potius orare iubetur pro delictis suis: & Deus affirmat se illi peccata omnia tam grauiâ quam leuiâ condonare. Illa porro distinctio de via auditus & intellectus circa ea, quæ spectant ad fidem, est prorsus inepta. Nam fides, iuxta D. Paulum, gignitur ex auditu in intellectu: nec aliquid est in intellectu circa fidem, quod prius non fuerit in sensu, nempe in auditu. Quod si dicas, posse Deum immediate infundere fidem in intellectu sine auditu: respondeo hanc infusionem à

revelatione non differre. huiusmodi autem revelationem Mahumetus nunquam habuit ante annum ætatis suæ circiter quadragesimum.

Tertiò. Sura 93. الضالّ Diluculum, fingitur Gabriel dicere Mahumeto :

ضالاً فهدى : وجدك ضالاً فهدى : *Inuenit te (Deus) er-*

rantem : & direxit. Gelal. & Iahias expo-

nunt : ضالاً عما انت الآن عليه من الشريعة :

errantem ab ea lege in qua nunc es. Porro

nomine legis, ea tantum intelligunt, quæ

ad ritus, & ceremonias religionis perti-

nent, cuiusmodi sunt oratio, ieiunium,

eleemosyna, & peregrinatio. Sed au-

diamus explicationem Zamchascerij :

ضالاً معناه الضلال عن علم الشرايع وما إطرقيه

السمع كقوله تعالى ما كنت تدري ما الكتاب

وما الايمان : وقيل ضلّ في صباه في بعض شعاب

مكة حين حلّية فطمته وجاءت به لثورة على عبد

المطلب

المطلب : وقيل ضل في طريق الشام حين خرج به
 ابوطالب : فهذاك فعزفك القرآن والشرائع أو
 فإزال ضلالك عن جدك وعمك : ومن قال كان
 على امر قومه أربعين سنة فان اراد انه كان على
 خلوم عن العلوم الجمعية : فنعم : وان اراد انه
 كان على دينهم وكفرهم فبعاذ الله والانبياء بحسبه ان
 يكونوا معصومين قبل النبوة وبعدها من الكبار

والصغائر الشانية كما بال الكفر والجهل بالصانع :

*Errantem, denotat errorem seu ignorantiam
 circa leges, & circa id, ad quod est via per
 auditum : iuxta illud Alcorani : Non no-
 ueras, quid esset liber, quidue fides. Qui-
 dam dicunt illum errasse, dum esset puer,
 per quemdam montem Mecca, quando Ha-
 lima ablauctauit eum, & reduxit ad Abdol-
 motaleb. Alij dicunt illum errasse in itine-
 re, quando profectus est cum Abutaleb
 in Syriam. Quod verò dicitur : Et direxit*

te: idem valet ac, fecit ut cognosceres Al-
coranum & leges: vel fecit cessare erro-
rem tuum ab auo tuo, & patruo tuo: idest,
reduxit te ad Abdolmotallebum, & ad
Abutalebum, à quibus erraueras. Qui
autem dicunt, illum fuisse in statu gentis
sue per quadraginta annos: si intelligant
de errore vel ignorantia circa ea quæ dixi-
mus ad auditum (id est ad leges) perti-
nere: consentimus illis. Si autem velint
illum fuisse in religione, & infidelitate
eorum: negamus omnino: nam si oportet
Prophetas immunes esse, & præseruari an-
te & post munus propheticum susceptum,
à peccatis grauib, & leuib person-
alibus: quanto magis præseruari debent ab
infidelitate & ignorantia Creatoris sui?
Sed iam supra respondi, & nunc iterum
respondeo, nomen الايمان Fides, seu Cre-
dere, non spectare ad الشرايع leges, seu
sanctiones: illa enim respicit assensum in-
tellectus circa res à Deo reuelatas: hæ
autem exercitium operis circa res à Deo
præceptas. Quamobrem professio ipsa
sectæ Mahumetanicæ edita ab Algazelo,
& alijs,

& alijs, ponit الايمان *Fidem*, & الشرايع
sanctiones in الدين, scilicet *Religionem*,

tamquam duo membra ipsius inter se distincta, & opposita, quorum vnum spectat ad credendum, alterum ad operandum; vnum ad theoriam, alterum ad praxin. Totum verò fundamentum accipiendi hoc loco الايمان *fidem*, pro الشرايع
sanctionibus, contra omnem proprietatem & vsum loquendi, est illud quod allegat Zamchascerius ex Sura 2. البقرة

وما كان الله ليضيع ايمانكم . 145. *Vacca* :

بالصلوة : *Et non fuit Deus, ut perire sine-*
ret fidem vestram in oratione. En (inquit)
 hoc loco *oratio*, quæ spectat ad *sanctiones*,
 لانما بعض ما يتناول *fides*,

الايمان : *Nam ipsa est una earum rerum*
quas recipit fides. Nihil ineptius dici poterat.
 Primò enim in Alcorano non est additio illa
 بالصلوة *in oratione*. Deinde aliud est oratio;
 aliud fides cum qua coniungitur oratio;
 quemadmodum aliud
 est

est opus, aliud circumstantiæ, quæ comitantur opus.

Postremò Sura 94. الانشراح *Dilatatio*.
Fingit Mahumetus Deum ita secum lo-

qui: وضعنا عنك وزرك الذى انقضض ظهرك :

Deposuimus à te pondus tuum, quod aggrauauerat dorsum tuum. Nomine ponderis tui intelligit Gelaeddinus, ذنبك delictum tuum. Expressius Explicat Iahias:

الذنوب التى كانت عليه فى الجاهليّة ————— :

*Pondus tuum: intelliguntur esse peccata, quæ fuerunt super eum in Ignorantia: id est tempore idololatriæ: ita enim vocant Arabes tempus, quo, vero Deo ignorato, plures dij colebantur. Per quod manifestè ostenditur, Mahumetum, sicut cæteros Meccanos, idola coluisse. Idem confirmatur ex Sura 48. الفتح *Victoria*, in qua fingitur Deus dicere Mahumeto* أَنَا فَتَحْنَا لَكَ فَتْحًا مُبِينًا لِيُغْفِرَ لَكَ اللَّهُ

مَا تَقَدَّمَ مِنْ ذَنْبِكَ وَمَا تَأَخَّرَ ————— :

Nos

Nos quidem concessimus tibi victoriam manifestam, ut ignoscat tibi Deus quod præcessit de peccato tuo, & quod subsequutum est. Explicat Mocatel, relatus nec reiectus à Zamachascerio : ما تقدم في الجاهلية

وما بعدهما, Quod præcessit in Ignorantia (idololatria), & quod post illam secutum est. Omitto alia loca Alcorani, in quibus euidenter habetur, Mahumetum non solum magnum peccatorem, sed idolorum quoque cultorem, saltem per plures annos, fuisse: ut quivis agnoscere possit, insanire omnino Zamchascerium, & alios Interpretes Alcorani, qui tanquam e tripode pronunciant, Prophetas omnes tam ante, quam post propheticum munus susceptum, à peccatis omnibus tam grauib, quam leuib, immunes esse debere.

Ex his etiam manifestè patet, omnia quæ de Mahumeto adhuc infante, vel puero, vel iuvene, tam mirabilia, ac portentosa Mahumetani referunt, figmenta esse, & mendacia: & tam illis, quam

quàm cæteris, quæ deinceps ex eorum historijs in Mahumeti laudem relaturi sumus, nullam prorsus fidem adhibendam esse.

*De ijs, qui primi Mahumeto
adhæsere.*

Caput Nonum.

I Smael filius Aly, quem plerique sequuntur, scribit, Chadigen Mahumeti vxorem, omnium primam in illum credidisse. Secundum ponit Aly filium Abutalebi, patruelem Mahumeti, quem ipse adhuc puerum in contubernium suum à patre familia grauato acceperat. Tertium Zaidum filium Harethæ libertum ipsius Mahumeti, à Chadige illi donatum, & ab eodem in filium adoptatum. Mox alij nonnulli in partes eius transierunt, clandestinis illius hortatio-

tationibus, quibus per tres annos plures iuniores sibi adiunxit, allesti. Postea publicè legem suam prædicandi mandatum à Deo se accepisse affirmans per verba illa Alcorani: *Et prædica contribulibus tuis propinquioribus*; præcepit patrueli suo Aly nondū ex ephæbis egresso, ut eos, qui erant ex familia Abdalmotallebi, (ad quadraginta circiter viros perueniebant) ad conuiuium inuitaret, tantumque cibi apponeret, quantum vix vni homini satis fuisset. Id fecit Aly, omnesque ad satietatem comederunt. Cum autem Abulaheb, vnus ex conuiuis, hoc magicis artibus tribuisset; omnes à Mahumeto, sectam suam illis prædicare volenti, tanquam à præstigiatore discessere. At ille præcepit Aly, ut eosdem sequenti die ad simile conuiuium inuitaret. Venerunt igitur rursus vniuersi; prandioque absoluto, cepit Mahumetus illis sectam suam prædicare, eosque ad sui sequelam adhortari. Verum nemine ei respondente, solus Aly obtulit sese illi affecclam & adiutorem; quamobrem

obrem Mahumetus Vicarium suum illum constituit, cui omnes obedire deberent. Hoc verò risus magnos excitavit inter conuiuas, cum viderent nouum Prophetam puero vices suas delegasse.

Cæpit interea religionem suam palam euulgare: nec obstiterynt ei Meccani, donec eorum deos conuicijs appetere, & ipsos impietatis atque infidelitatis cæpit redarguere: tunc enim eum prohibere, atque hostiliter insectari cæperunt. Cum autem Abutaleb nepotem acriter defenderet, venerunt ad eum Corasini, rogaueruntque, vt Mahumetum à se eijceret, proculque amandaret. Conatus est ille blandis verbis ac promissis Corasinos lenire. Sed cum Mahumetus in sua secta vulganda, eorumque superstitione damnanda persisteret, Abutalebum minis, & armis terruere, nisi quantocyus vel Mahumetum ab incæpto prohiberet, vel in exteras regiones amandaret. Perterritus senex, nepotem aduocat, Corasinorum minas commemorat, vt ab incæptis desistat hortatur.

Ille

Ille verò obstinatissimum se in proposito suo ostendens, non sine lacrymis à patruo indignatus discessit. Sed reuocauit eum Abutaleb, promisitque se illi contra aduersarios defensorem & adiutorem. Non cessabant interea Meccani Mahumetum, eiusque affeclas vexare. Vt autem à patruo illum obtinerent, postmodum occidendum, adolescentem pulcherrimum, nobilissimum, ac deliciosissimum, nomine Emarat filium Validi, nepotem illi adoptandum obtulerunt, dummodo Mahumetum interficiendum, ipsis traderet. Sed recusauit hoc Abutaleb, nimis se ridiculum fore asserens, si extraneum alendum domi suæ reciperet, vt nepotem eijceret ab ipsis occidendum.

Hoc tempore nonnulli sese Mahumeto socios addebant, religionis veræ specie ab eo allekti: prædicabat enim vnum Deum; idolorum vanitatem manifeste ostendebat: futuri ludicij, ac Gehennæ metu homines deterrebat: Paradisum, delicijs, & corporeis voluptatibus ple-

h num

num proponebat: Imperium denique & potentiam aſſeculis ſuis promittebat. Inter eos, qui hoc tempore ſectæ illius adhæſere, vnus fuit Talha, qui aſſerebat ſe interuiſſe in Emporio Boſræ, vbi quidam monachus cognouit Mahumetum fore Prophetam, eique futura multa prædixit. Hunc ſequutus eſt alius quidam nomine Abubacar filius Abu caha-phæ: ſed Nuphel filius Chauailed, Princeps Coraſinorum, vtrumque arripuit, atque in arctiſſima vincula coniecit.

Cum verò die quadam Mahumetus prope montem Sapha moraretur, Abugehel eius patruus, ſed ſemper illi inſenſus, cæpit eum maledictis inceſſere. Nihil patruo Mahumetus reſpondit: ſed Hamza, qui eius partes ſequebatur, hoc audito, Abugehelum cum alijs armatis adorſus eſt, ac malè multauit. Quamobrem Mahumetus Hamza ad ſectam ſuam propagandam, deinde ſemper vſus eſt.

Inter eos, qui illum hoſtiliter inſectabantur, fuit Omar filius Chotrabi. Hic

arre

arrepto gladio, perrexit vt eum occideret. Sed deterruit illum Naim filius Abdallah. Habebat autem Omar sororem, & nepotem, qui Mahumetum sequebantur. Hos cum Omar inuenisset legentes in quodam codice Suram vigesimam Alcorani, cui titulus est: *Tah*: voluit per vim codicem à sorore arripere, tandemque minis & verberibus illum obtinuit, sed non sine promissione restituendi. Cum autem cepisset codicem legere, lectionis pulchritudine allectus, ad Mahumetum se contulit, atque in illius verba iurauit.

Cum pergeret Mahumetus sectam suam euulgando, & Alcoranum recitando, alij alia de eodem Alcorano pronunciabant; quibusdam poësin, quibusdam solutam orationem, quibusdam præstigium, seu carmen magicum, illum esse affirmantibus. Quamobrem conueniunt ad Validum filium Mogheiræ, poëticarum rerum peritissimum, sine cuius censura, & approbatione, carmina nulla vulgabantur, vt illius senten-

tiam de Mahumeti Alcorano explora-
rent. Ille aduocatum ad se Mahumē-
tum, rogauit, vt aliquid sibi de libro
suo recitaret. Hic verò legit ei verba il-
la, quæ primo loco in Alcorano ponun-
tur: *In nomine Dei Miseratoris, Miseri-*
cordis. Quibus auditis, in profusos risus
Validus erupit. Cum enim esset Iema-
nita quidam, qui *Miserator* (Arabicè
الرحمن Alrahman) vocabatur, existima-
uit Mahumetum inuitare homines ad il-
lum, tanquam Deum, adorandum. Sed
cum Mahumetus Validum de errore suo
commonuisset, legit illi Suram 41. quæ
inscribitur *الحاقة* H. M. *Adoratio.*

Cumque peruenisset ad ea verba versi-
culi 14. *Quod si longè recesserint, dic il-*
lis: Commemorabo vobis supplicium, sicut sup-
plicium Aad, & Themud: totus exhor-
ruit Validus, ita ut arrexerint se capilli ca-
pitis ac pili barbæ eius: tacituque di-
fcessit, nec ultra ad Corasinos, qui præ-
sentes fuerant, reuersus est. Illi suspi-
cati sunt, Validum Mahumetanum fa-

Etiam

Etiam

Etiam

Etum fuisse . Sed Validus hanc ab eis suspicionem remouit: se tamen ex Alco-
rani verbis contreritum fuisse, ingenue
confessus est . Interrogatus autem quid
de illo sentiret: post multum temporis
spatium respondit, illum esse opus ma-
gicum, ad hominum corda fascianda .
Alij tamen scribunt, Mahumetum non
verba ex Sura 41. allegata Valido legis-
se, sed illa, quæ habentur in alia Sura:
*Certè Deus præcipit iustitiam, & beneficen-
tiam, & ut donetur propinquis: & prohi-
bet obscœnitatem, & iniustitiam & violen-
tiam . Ad hoc hortatur vos, ut commone-
fiatis .*

Cum autem viderent Meccani, Ma-
humetum nouam sectam instituere, &
se Prophetam, in Pentateucho & Euan-
gelio à Deo promissum, iactare: primò
exigere coeperunt ab eo miracula, tan-
quam testimonia, quibus illum à Deo
missum fuisse credere possent. At ille
semper se excusauit, affirmans, non ad
miracula patranda, sed ad veritatem
prædicandam se missum fuisse: aliasque

excusationes afferebat, quas videre licet in Alcorano. Deinde miserunt ad Iudæos, qui erant in Medina, quosdam è suis, vt resciscerent ab eis, vtrùm aliquid de Mahumeto in sacris eorum Libris reperiretur. Responderunt illi, se nihil prorsus in scripturis suis inuenire, quod ad huiusmodi hominem pertineret: posse tamen Meccanos cognoscere, vtrùm hic Propheta esset, nec ne: si nimirum ad quædam, de quibus interrogaretur, legitimè respondisset. Erant hæc quædam quæstiones leuissimæ, & prorsus ridiculæ, de quibus vide in Prodro-mo, p. 2.

Postremò, vt probaret Mahumetus Meccanis suis, se verum esse Prophetam, & Dei legatum: sæpius eosdem ad aliquid Alcorano suo simile conscribendum prouocauit: sanctè affirmans, eos, etiamsi vniuersi simul ad hoc conuenerent, & prætereà Dæmones omnes in auxilium aduocarent, nunquam tamen, ne vnâ quidem suram, parem vel similem

milem suis esse facturos : prout etiam
in ipso Alcorano confirmatur.

*De Emigratione Sociorum
Mahumeti in Aethio-
piam.*

Caput Decimum.

CUm pergerent Meccani , præ-
fertim Corasini, Mahumeti con-
tribules , illum , & eius affeclas
diuexare , atque in dies acrius contra
eos defœuissent; præcepit Mahumetus suis,
vt in Aethiopiam ad *النجاشي* *Alnogiasci*
(hoc enim nomine Aethiopum Reges
vocabantur) confugerent: præfecitque
eis Giaapher filium Abu-taleb, patrue-
lem suum , qui cum septuaginta viris
conscensa naui soluit Aethiopiam versus.
Id cum Coraisitæ rescissent, miserunt &

ipsi aliquot é suis post eos , sub ductu Amru filij Aàs Sahemienfis , & Emarat filij Valid , adolescentis omnium Meccanorum pulcherrimi , ac deliciosissimi : qui in naui ebrius , vxorem Amru voluit osculari . Sed cum Amru vxoris suæ iniuriam vellet arcere ; arripuit eum Emarat , vt in mare proijceret . Verùm obstitere socij ne eum demergeret , non tamen ne vxorem eius oscularetur . Quid verò in Æthiopia euenerit , vide in parte 2. Prodromi . Cum autem scripsisset Mahumetus ad Alnogiasci Epistolam , qua inuitabat eum ad sectam suam , rescripsit ei Alnogiasci in hæc verba .

In nomine Dei Miseratoris Misericordis . Mahumeto Legato Dei , Alnogiasci Alasham filius Aibar . Pax super te , ò Propheta Dei , qui direxit me ad religionem Aslam . Iam peruenit ad me Epistola tua , ò Legate Dei . In eo quod scripsisti de Iesu , testor Dominum Cali & terre , Iesum nihil addidisse illis , quæ tu dixisti . Iam agnouimus id quod scripsisti ad nos , & securo hospitio recepimus patruelem tuum ,

tuum, & socios eius. Profiteor autem te esse legatum Dei verum, & veridicum: & iuravi fidelitatem tibi, & patrueli tuo: & professus sum religionem Aslam in manibus eius Deo Domino seculorum. Iamque misi ad te, o Propheta Dei, Alarihan filium Alasham filij Aihar. Ego sanè non possideo nisi animam meam. Quod si volueris, veniam ad te: veniam, o Legate Dei. Ego enim testificor, id quod tu dicis esse veritatem.

Addit Author, Regem misisse ad Mahumetum munera multa, inter quæ fuit ancilla nomine Maria Cophtha, quæ peperit Mahumeto filium, nomine Ebrahim: (Sed omnes conveniunt, hanc non à Rege Æthiopiæ, sed ab Almacucco Præfecto Alexandriæ illi donatam fuisse: & idem fatetur hic Author, dum agit de ancillis Mahumeti: ex quo patet quanta fides Mahumetanis Historicis adhibenda sit.)

Author est Thalebiensis, Regem hunc Æthiopum Mahumetanum obijisse; & Gabrielem, mortem eius Mahumeto revelaf-

uelasse; & effecisse, vt stans in Medina, corpus eius defuncti in Æthiopia intueretur. S. Petrus Paschasius, non ex sua, sed ex Maurorum fide, scribit; Regem hunc, Tregessium dictum fuisse. Cumque Æthiopes illum ad Mahumeticam sectam procliuem viderent, occidere eum voluisse: sed ipsum sese ab eorum manibus liberasse, Christianæ fidei professionem licet fictè ac fraudolenter, scribendo, eamque publicando.

Ne autem aliquid nugarum, quas hic Mahumetani Authores excogitant, omittam, illud appendicis loco subnecto, quod refert liber اعلام الهدى. Cum puella, quæ flabello muscas à Rege Æthiopum abigebat, aspectu & amore Emarat, illius adolescentis speciosissimi, capta fuisset, & ab eodem per literas requisita, pretiosissima illi vnguenta, quibus Rex tantum utebatur, clam misisset; id vt Rex rescivit, noluit illum occidere, ne fidem securitatis iam datam violaret: sed iussit per foramen virgæ virilis illius, instrumento quodam
hydrar-

hydrargyrum, seu argentum viuum, im-
mitti, quo ille in furorem actus, in syluas
ac nemora inter feras vagabatur : tan-
demque à suis captus, tandiu sese inter
eorum manus concussit, & agitauit, do-
nec animam efflauit.

*De his, quæ Mahumetus, & eius
assecla passi sunt ab infideli-
bus Meccanis.*

Caput Decimum primum.

NOn cessabant interim Meccani,
& præsertim Corasini, quo-
rum dux erat Omar Abu-la-
heb, Mahumetum, & eius socios diue-
xare. Cumque die quadam sederet Ma-
humetus in Petra, qui erat locus pro-
pe Caabam; proiecerunt quidam ex ip-
sis secundinas ouis super eum. Ille tan-
tam

tam iniuriam sibi perferendam minimè
 ratus, venit ad Abutaleb patrum suum,
 conquerens de eo quod à Corasiniis pas-
 sus fuerat. Abutaleb iussit Hamzam,
 arrepto gladio, ingredi secum in Caa-
 bam, vbi Corasini assidebant, & singu-
 lorum labijs secundinas illas affricare :
 reluctantes verò gladio confodere. Id
 fecit solerter Hamza, nec vllus ei resi-
 flere, aut sese defendere ausus est. Alius
 Author nomine Abu David, scribit, se-
 cundinas illas fuisse cameli, & conie-
 ctas à quodam nomine Akeba filio Abu
 Moait, Corasinorum hortatu, supra
 dorsum Mahumeti sese in precibus incur-
 uantis. Id autem videns Phatema Ma-
 humeti filia accurrit, & abstulit à dor-
 so eius secundinas illas, maledictis onerans
 eos qui hoc fecerant. Ipse etiam
 Mahumetus diras imprecatus est illis, à
 Deo exposcens ultionem. Habetur au-
 tem ex vetusta traditione, hos vniuersos
 in prælio Bædrensi occisos fuisse, & eo-
 rum cadauera in puteum Alcalib, vel iuxta
 alios Ianzair, fuisse proiecta.

Conquerentibus autem Mahumeti sol-
 clis de his, quæ à Meccanis patiebantur
 (nam ex ijs quidam miserè torquebantur,
 ac discruciabantur) hortabatur ille eos
 exemplo Martyrum Christianorum, pro-
 mittens illis, huiusmodi tempestatem
 quamprimùm cessaturam. Interim Abu-
 gchel transfodit hasta vterum Sammie
 matris Omar, quod Mahumetum seque-
 retur. Corasini verò videntes hanc se-
 ctam in dies augeri, conspirauere inter
 se, ne quis cum Mahumeti cognatis &
 propinquis, nimirum Hasemitis, & Ab-
 dalmotallebitis iniret matrimonia, aut
 negotia vlla exerceret: deque hac re
 Decretum sanxerunt, quod in Caabæ
 medio suspendere. Id videns Abu-laheb
 Hasemita, transijt ad partes Corasino-
 rum reliquorum, vnà cum Ommogemi-
 la vxore sua, confugientibus cæteris Ha-
 semitis ad Abutaleb, seque intra septa
 illius ab aduersariorum furore tuentibus.
 Ommogemila autem virgas spinosas in
 via, per quam transiturus erat Mahu-
 metus, ponebat, vt in eas pedibus
 impin-

impingens , fauciaretur .

Per spatium trium circiter annorum commoratus est cum Hasemitis in septis Abu-taleb , qui post novem ferè menses , mortuus est . Author de signis Directionis , scribit , Mahumetum in septis patruī quatuor annos commoratum fuisse , quamvis subinde furtim egrederetur ad conuenticula nonnullorum , quos non adeo aduersarios sibi esse sciebat , legeretque ipsis Alcoranum suum . Post duos autem menses egressionis eius à septis , defunctum esse Abutaleb ; post cuius obitum , transacto quinto ac trigésimo die , mortuam fuisse Chadigen . Hæc duo infortunia , maximo dolore Mahumetum affecerunt . Addit Sciahin-sciah ; anno quinquagesimo , & mense tertio vitæ Mahumeti ; venisse ad eum dæmones , seu genios Nisibinos , atque in eum credidisse .

*De nocturno Mahumeti itinere
in Ierusalem, eiusque in
Calum translatione:
& de incremen-
to Sectæ il-
lius.*

Caput Decimum secundum.

QUÆ de hoc Mahumeti noctur-
no itinere Authores Arabes
fussimè enarrant, nullam al-
liam habent fidem, quàm
quæ futilibus vnius Mahumeti dictis de-
betur: omnia enim inter ipsum, & ficti-
tium illum Gabrielem noctu transacta
sunt. Nimis longum ac prorsus mole-
stum esset totam hic fabulam referre. Vi-
de, quæ dicam in Prodromo p. 2.

Post mortem Chadiges, & Abu-Ta-
leb (quem plerique idololatram mor-
tuum

tuum fuisse scribunt) circumibat Mahu-
 humetus conuentus Meccanorum, & no-
 bilissimos eorum blandis verbis ad sectā
 suam allectos attrahere conabatur: nihil
 aliud ab eis exigens, nisi vt ipsum tueren-
 tur, ne quis eum occideret, donec legem
 suam publicasset. At omnes eum tan-
 quam impostorem ac nebulonem ma-
 gno cum spretu reiecerunt. Quamobrem
 Mecca discedens, profectus est in Taiph,
 Urbem Arabiæ, ad populos Tckiphen-
 ses, sperans se ab illis benignè recipien-
 dum. At verò spes sua illum fefellit; e-
 tenim hi quoque tanquam erronem ac
 seductorem è finibus suis illum expulere:
 & obsidentes hinc inde vias, per quas
 transiturus erat, lapidibus pedes eius in-
 festare ceperunt: quamobrem malè sau-
 cius, ac dolore tristitiaque exagitatus,
 in hortum quendam confugit: vnde etiā,
 quia illius Dominos sibi infensos esse co-
 gnouit, statim discedere coactus fuit.
 Sed illi miserunt post eum adolescentem
 Christianum, nomine Adas, natione
 Niniuitam, qui aliquot vix racemos fe-
 cum

cum deferebat . Hunc ubi Mahumetus vidit, & ex ipsius confessione Niniuitam esse cognouit : *E ciuitate* (inquit) *viri optimi es tu ; Iona scilicet filij Matai .* Cui dixit Adas : *Vndè nam Ionam nosti ?* Respondit ille : *Ego sum legatus Dei : & Deus mihi historiam Iona reuelauit .* Cumque eandem historiam adolescenti narrasset ; ille procidens , pedes eius cruore fædatos osculabatur , prophetam eum esse existimans .

Inde Meccam regressus , vt Caabam religionis gratia septies de more circumiret ; antequam Urbem ingrederetur , misit quendam è suis affeclis , qui amicos rogaret , vt sibi in eo religionis officio assisterent , ne à Corasfinis iniuriam aliquam pateretur . Sed omnes id facere recusarunt , præter Motaam filium Addi , qui libenter se illi custodem ac defensorem exhibuit . Ingressus igitur Mahumetus Meccam vnâ cum Zeido liberto suo , Caabam septies circuiuit , defendente latus eius Motaamo cum decem filijs armatis . Id videns Abugehel , Corasfinos

contra eum, & contra Motaam filiosque eius incitavit. Nec tamen obtinuit, ut Mahumetum à sacra circumcitione impediret: qua peracta, gratias egit Mahumetus Motaamo: nec tamen hospitio illius ultra vnum diem vti voluit, eo quòd esset idololatra, atque infidelis.

Accidit hoc eodem tempore, ut Afaad filius Zeraræ Chazragensis veniret Meccam, auxilium contra Ausinos Chazragensium hostes petiturus, simulque Ædem sacram visitaturus. Cum autem audisset antea à Iudæis, eo tempore Prophetam Mecca egressurum, simulque ea quæ circa Mahumetum contingebant, & per urbem vulgabantur intelligeret; suspicatus illum esse Prophetam à Iudæis prænunciatum; rogavit Otbam filium Rabiæ, apud quem diuenterat, ut ubi nam Mahumetus esset, sibi indicaret. *Inuenies illum (inquit Otba) in foro Petre prope Caabam, quam si circumieris, illum omninò videbis. Sed caue omnino ne eum, vel audias, vel alloquaris: est enim prestigiator insignis, & facile dementabit te.*

Afaad

Afaad facram Ædem obiturus, vt ab hoc se periculo liberaret, gossypio aures obturauit, oculosque valdè depressos tenebat. Verùm prima vice circuitus sui semel quasi furtiuè Mahumetum suspexit. Secunda verò vice non solùm curiosius eum intuitus est, sed etiam gossypio ex auribus extracto, ad illum propius accessit, atque amicè salutauit. Cumque Mahumetus salutem illi restituisset; interrogauit eum Afaad, quidnam nouæ religionis prædicaret. Ille verò respondit, se docere homines vnius Dei cultum; beneficentiam erga parentes; abstinentiam à cæde filiorum ob inopiam, & cuiuscumque alterius hominis citra legum præscripta: flagitijque omnis etiam clandestini fugam. Præterea pupillorum bona non attingere; iustam mensuram in rebus vendendis & emendis seruare: periurium ac mendacium effugere; & promissâ Deo complere. Statim in verba Mahumeti iurauit Afaad; obtulitque ei quemdam socium suum, qui Decuan vocabatur: & hic quoque

in eum credidit, recognoscens in eo omnia illa, quæ de venturo per id tempus Propheta, Iudæi antea sibi prænunderant. Deinde rogauit vterque Mahumetum, vt in ipsorum regionem virum mitteret, qui indigenas Alcoranum doceret. Misit igitur Mahumetus cum eis Mosaab filium Omeir, adolescentem pulcherrimum ac florentissimum, & in magnis delicijs apud suos enutritum; qui propter Mahumeti sequelam, multa à domesticis perpeffus fuerat. Didicerat hic multa ex Alcorano: quamobrem cum ad Chazragenses peruenisset, Mahumeti sectam vnà cum Afaad & Decuan singulas domos circumiens prædicabat: credideruntq: ex qualibet familia vnus vel duo: illi autem, qui Mosaabo adhærebant, erant iuniores. Abdallah uerò filius Obaj princeps inter Chazragenos obfistebat Afaado, ac Decuano, ne nouam religionem prædicarent: illi autem venerunt vnà cum Mosaabo ad Saad principem Ausinorum, auunculum ipsius Abdallah, rogantes eum, vt
id

id ipsis permetteret, quod nepos negauerat. Sed cum animaduertisset Saad, ad eorum aduentum magnam iuniorum turbam confluisse, & curiosius Alcorano aures præbere; tanquam iuuentutis corruptores iussit eos procul amandari. Sed is, per quem hoc præceperat, Oseid nomine filius Hodheir, vir primarius inter Ausinos, audita à Mosaab yna Alcorani sura, Mahumetanus factus est. Saad quoque cum vidisset Oseid redeuntem vultu mutato; & audisset à Mosaab suram *حَمْد*, quæ incipit: *Demissio à Misericatore Misericorde*, Mahumeti sectam suscepit. Mos autem, seu ritus, quem in suscipienda hac secta eo tempore seruabant, hic erat: Aqua sese lauabant: deinde duas vestes mundas induebant: tam pronunciando consuetam fidei professionem: *Non est deus nisi Deus; Mahumetus legatus Dei*; bis sese incuruando, orabant. Congregauit igitur Saad vniuersum populum, & hortatus omnes ad nouam religionem amplectendam, præcepit

cepit Mosaabo , vt eam palàm prædica-
ret, (qui scilicet magis venustate vultus
ad libidinem , quàm sermonis vi ad pie-
tatem posset homines allicere). Magna
propterea Chazragensium , & Ausino-
rum multitudo in regione Medinæ , e-
tiam ex nobilioribus , Essamiticam le-
gem professæ est , præsertim propter te-
stimonium Iudæorum : (at hi nihil , quod
pro Mahumeto faceret in Libris suis esse
asserant) : quæ omnia scripsit Mo-
saab ad Mahumetum in Meccam , vbi
ex opposito , quisquis Mahumeto , ex
Corasinis adhæsisset , verbera & suppli-
cia à contribulibus suis perferre cogeba-
tur. Sed Mahumetus eos in Medinam ad
Chazragenses , & Ausinos transmittē-
bat , à quibus humanissimè excipiebant-
ur : illos verò Meccam sacre peregrina-
tionis causa venientes , pari humani-
tate Mahumetus recipiebat.

Cum igitur Mahumetani in magnum
numerum , præsertim Medinæ , excre-
uissent , omnesque in Mahumeti obse-
quium viribus atque opibus suis essent

para-

parati, elegit ille duodecim ex ipsis, tanquam cæterorum duces, innuente sibi singulos Gabriele, ad similitudinem, ut aiebat, Moÿsis, qui totidem præfectos Israëlitis constituit. Erant autem ex his nouem Chazrageni, & tres Aufini: Omnes verò se illi fidelitatis sacramento obstrinxerunt in loco, qui dicebatur جمرۃ العقبة *Gemarat Alakeba*. Fuit hæc prima Mahumeti inaugurationis in Principem: in qua, ut scribit Sciahinsciah, duodecim prædicti Moslemorum duces, (qui vocati sunt الانصار *Alanfar*, idest *Auxiliatores*,) obligauerunt se Mahumeto بيعة النساء *Sacramento mulierum*, quod continebat promissionem, colendi vnum Deum: non furandi: non mœchandi: non occidendi filias suas, & non mentiendi. Fortasse quia hæc, mulieres potius, quàm viros bellatores respiciebant: vel quia æquè ad viros atque ad fæminas pertinebant.

Ponit idem Sciahinsciah secundam Mahumeti inaugurationem eodem in loco *Gemarat-alakeba*, anno tertio-deci-

mo post acceptum munus propheticum , cum Mosaab iam commemoratus , rediens Meccam , duxit secum ex ijs , qui Eslamiticam sectam professi fuerant , tres ac septuaginta viros , ac duas mulieres . His , cum in locum prædictum conuenissent , legit Mahumetus Alcoranum ; ac deinde ita loquutus est : *Accipiam sacramentum vestrum , cum pacto , ut defendatis me ab ijs incommodis , à quibus defenditis uxores vestras , & filios vestros .* Cum hac igitur conditione , fidelitatem suam illi iuramento obstrinxere . Mahumetus verò in signum fidei eorum à se acceptæ , extensa manu , promisit illis , si pro ipso occiderentur , Paradisi felicitatem . Quibus ita peractis , edixit suis asseclis emigrationem è Mecca in Medinam . Itaque singuli caperunt paulatim emigrare : ipse tamen Meccæ remansit , expectans , ut aiebat , præceptum Dei .

Huic subitæ emigrationi Diabolum causam dedisse ferunt , qui immiscens se Coraisinis , cæterisque Meccanis , magnis vocibus contra Mahumetum & Mahumeta-

metanos eos incitauit, tanquam contra nouarum rerum molitores, quippe qui in monte Akeba simul conuenissent, & Mahumeto ipsi, tanquam Regi, sese fidei sacramento obligassent. Sumptis igitur armis cucurrerunt contra eos magno cum furore in Akebam. At Mahumetus eorum clamore strepituque audito, iussit suos, quantumuis pugnare cupientes, clam recedere. Remansitque solus ipse vnà cum Hamza, & Aly: qui duo, arrepto gladio, in cliuo montis constiterunt. Cumque Corasini superuenientes, quærerent ab eis, quod nam conuenticulum illic contra rem publicam ageretur: negauit Hamza, conuenticulum vllum eo in loco haberi: seque tantum ibi vnà cum Aly reperiri: si quis verò eorum vltius transire auderet, comminatus est, se illum gladio confossum. Quamobrem regressi sunt Corasini, post quos Mahumetus etiam è latebris egressus, Meccam repetijt, discedentibus affeclis eius Medinam versus, non simul omnibus, sed singillatim, & cum

cum interuallo, ne possent aduersarijs
suspicionem mouere.

*De Transmigratione Mahu-
meti à Mecca in Me-
dinam: quæ di-
citur Hegira.*

Caput Decimum tertium.

CUm Meccani, & præsertim Co-
rasini, viderent res Mastumeti
maius in dies robur acquirere,
timentes rebus suis, conuocato Senato-
rum Concilio, illum è medio tollere de-
creuerunt. Miserunt igitur, qui eum
noctu domi commorantem occiderent.
At cum id Mahometus præsensisset, col-
locato Aly in lecto suo, vesteque striata,
qua ipse utebatur, cooperto; domo au-
fugit, iterque arripuit versus Medinam.

Cora-

Corasini verò ita se illusos ægrè ferentes, probè Aly pulsauere, reque infecta discefferunt. In fuga obuium habuit Mahumetus Abubacrum, cum quo peruenit ad montem Thaurum, ibique speluncam quandam ingressus, triduo in ea latitauit, donec illi, qui à Corasinis ad eum insequendum & capiendum missi fuerant, de illo inueniendo desperantes regrederentur. Fingunt hic quidam miraculum: araneas os speluncæ, in qua Mahumetis cum Abubacro latitabat, telis suis repente cooperuisse. Fabulæ Thalmudicæ de Daud.

Post triduum Mahumetus spelunca egressus, pastore quodam duce, per ignotas semitas (comparato prius ab amicis Meccanis viatico) Medinam versus tendebat. Addiderunt se illi nonnulli socios itineris, cum quibus noctem totam, & partem sequentis diei vagatus, peruenit cum illis ad locum quemdam salebrosū ac lutosum, vbi à quibusdam Corasinis, qui eum insequabantur, deprehensus, sese ab eorum manibus non miraculo

raculo, vt fingunt, sed astu, & arte se liberauit.

Antequam vltcrius progrediar, lectorcm admoneo, Mahumctanos computare annos suos ab hac Hegira, seu transmigratione Mahumcti è Mecca in Medinam : quæ incidit iuxta probabiliorcm sententiam in annum Christi sexcentcsimum trigesimum & vnum, circa mensem Martium, cum esset Mahumctus quinquaginta ac trium circiter annorum.

Peruenit tandem profugus Medinam, atque hospitio exceptus est per quatuor dies à quodam Medinensi nomine Chalthum, in loco qui dicebatur Coba, vbi iecit fundamenta Meskitæ, seu Oratorij Cobensis. Inde egressus, obuiam habuit magnam virorum ac puerorum turbam ; ascendentibus multis supra tecta domorum, vt eum viderent: vniuersique felicitatem illi apprecabantur. Plures ei hospitium obtulere: sed Abu-Aiub, vnus ex duodecim Adiutoribus, arrepta eius camela, coegit illum diuertere in domum

domum suam. Apud eum igitur moratus est, donec compleretur ædificium Meskitæ, quam ædificare decreuerat in loco, in quo constiterat, ac genua flexerat camela eius.

Interea aduenit è Mecca Aly cum familia sua :cæperuntque affecclæ Mahumeti confringere simulacra idolorum Medinensium, in quo egregiè se gesserunt duodecim Adiutores, & septuaginta viri, qui se peculiari sacramento, obstrinxerant Mahumeto, cuius secta magnum ab hoc tempore accepit incrementum.



De

*De his, quæ primo anno Hegiræ
euenere.*

Caput Decimum quartum.

MOrabatur in Medina plures Iudæi, qui venientes ad nouum Prophetam, interrogauerunt eum, quisnam esset, & quam legem prædicaret. Ille verò respondit, se prædicare vnitatem Dei: seque esse Legatum eius, & Prophetam illum, qui prædicebatur in Pentateucho eorum: exposuitque eis quædam vaticinia futilia, quæ de se in eodem Pentateucho reperi, & Sapientibus ipsorum notissima esse affirmabat. Iudæi, ne cum homine fanatico ac potenti certamen susciperent; vel, vt eidem assentarentur: responderunt; verissima esse, quæ ipse dicebat: propterea se ad eum venisse, rogaturos, vt sibi permetteret, ne essent pro ipso, neque contra ipsum: eodemque

que modo ipse se cum eis haberet, donec appareret, quem exitum res eius essent habiturae. Consensit illis Mahumetus, & huiusmodi pactum inter utrosque firmatum est.

Interea Mahumetus Meskitam eo in loco, ante quem camela eius primò constiterat, nempe in stabulo, cepit ædificare, ad cuius fundamenta ipse etiam lapidem humeris portauit, ac manibus coniecit. Extructa autem Meskita ad staturam hominis in altitudine, cum longitudine, ac latitudine centum cubituum: ut homines à feruore Solis defensarentur, super ligneas columnas, ex ramis palmarum vmbracula composuit: atque in ambitu Meskitæ sibi suisque affeculis habitacula ædificauit.

Hoc anno (quamuis alij anno secundo euenisse scribant) tradidit Mahumetus in sponsam Phatemam filiam suam adhuc nouennem patrueli suo Aly, à quo accepit in dotem duodecim vncias ريش plumarum (i. pennarum struthionis, quæ in pretio habebantur) & loriam

cam eius, cum nihil aliud penes se Aly haberet. Mahumetus etiam duxit Aisam filiam Abubakri, adhuc septennem: quamvis Ismael velit duxisse eam octo mensibus ante Hegiram. Hanc solum accepisse virginem scribunt Moslemi; quasi verò prodigium sit, quòd adhuc septennis iam scortum non esset. Refert Abdalrahman Hamdanius in libro المبعيات *Septenariorum*, Abu-bakrum diu restitisse, ne filia in tam parua ætate nuberet Mahumeto. At ille asseruit, Deum sibi præcepisse, ut eam duceret. Quamobrem Abubaker misit filiam cum calatho dactylorum ad Mahumetum, qui ubi puellam solum in cubiculo in quo erat, aspexit, scribit Author prædictus, مَدَّ يَدَهُ الْمُبَارَكَةَ وَاخَذَ بِطَرَفِهَا وَدَايَهَا وَمَدَّهَا إِلَيْهِ *porrexit manum suam benedictam, & arripuit extremitatē pallioli eius, & extendit eam ad se.* Tantam hominis petulantiam non ferens puella, (pergit Author) *tornuo iratoque aspectu eū intuita, dixit:*
 Ho-

Homines vocant te Fidelem: verum hoc quod in me agis, perfidum te ostendit. Et retrahens ad se vestem, exiuit e manibus eius: venitque ad patrem suum conquerens de eo, quod secum fecerat Mahumetus, ac dicens: Ille apprehendit me per vestem, & extendit me. Quibus verbis non obscurè innuit hominis lasciviam ac petulantiam. At pater, puellæ blanditus: Deus (inquit) iam despondit te Mahumeto: atque adeò hic tecum egit tanquam cum sponsa sua.

Vsq̃ue ad septimum mensem (quamvis alij vsque ad decimum octauum scribant) seruauit Mahumetus Medinæ ritum in orando, quem Meccæ obseruauerat, conuertendo scilicet se ad Templum Ierosolymitanum. Id ei exprobrantibus Iudæis: cæpit se conuercere duabus vicibus ad Templum Ierosolymitanum, & duabus ad Meccanum. At deinde semper in orando ad Templum Meccanum se conuertebat.

Mense octauo huius anni, inter se ac suos confraternitatem instituit: ita vt ipse prior acceperit in fratrem Aly filium

k

Abu-ta-

Abu-taleb patruelem suum . Deinde
 quilibet Moslemorum cæterorum, alteri
 Moslemo sese vinculo fraternitatis ob-
 strinxit.

De anno Hegire secundo.

Caput Decimum quintum.

HOC anno instituit Mahumetus
 ieiunium mensis lunaris Ro-
 madhan: cuius ieiunij leges in
 secunda Alcorani sura præscribuntur .
 Ut autem statum rerum Corasinorum in
 Mecca exploraret, misit quosdam è suis,
 qui cum in itinere in mercatores Corasi-
 nos incidissent, deprædati sunt eos,
 duosque præcipuos ad Mahumetum ca-
 ptivos adduxerunt.

Plura commisit hoc anno cum popu-
 lis Medinæ confinibus prælia. Primum
 fuit contra Gioheinenses: in quo cum
 iam

iam vtraque acies esset congressura, interposuit se sequestrem pacis Maged filius Amru Gioheinenensis; quamobrem vtrique sine certamine regressi sunt. Mouie præterea arma in Abaua contra Dhamaræos: sed sine vlllo conflictu reuersus est Medinam. Deinde misit Amidam filium Hareth, vt pugnaret contra alios quosdam Meccanis fæderatos. At is etiam, re infecta, regressus est.

Paulò post suscepit expeditionem contra Corasinos: cumque peruenisset cum exercitu propè hostes, illi in fugam se dederunt. Cum autem non posset illos assequi, substitit ibi aliquot dies. Atque interim cum Dhamaræis pace composita, Medinam repetijt. Sed vix decem dies ibi transegerat, cum Caraz filius Giaber per agros Medinae caput excurrere, & pecora prædari. Quamobrem Mahumetus persecutus est eum vsque ad torrentem Sephuan, qui pertinet ad Bedrum: propterea appellatum fuit hoc, primum bellum Bedrense, seu Bedrense minus. Sed Caraz fuga se proripuit cum suis.

Eodem tempore misit Mahumetus Abdallah filium Giahsci in Nahalam; non ut pugnaret, sed ut Corasinos confilia exploraret. Verum cum is in aliquot Corasinos, qui peregrinationem Meccanam susceperant, incidisset, vno ex illis occiso, duos viuos cepit: alij autem fuga salutis sue consuluerunt. Reuersus Abdallah cum captiuis & præda ad Mahumetum; ille factum improbauit, quod in mense Moharram, quo bella prohibebantur, quippe sacro, contra hostes pugnasset: & aliquandiu renuit prædam, & captiuos accipere. At ægrè ferens, si è manibus suis euasissent: protulit versiculum Alcorani, quo Deus (nempe sua dira cupido) præcipiebat ei, ut prædam illam, captiuosque acciperet: sed captiuos redimi permisit. Id ægrè tulerunt illius affeclæ, quia videbatur per hoc approbare bellum in mense sacro. Ille verò respondit, Deum sibi reuelasse, ut quocunque tempore etiam sacro, Fideles contra Infideles pugnare deberent.

Ela-

Elapsis deinde duobus mensibus, contigit bellum illud famosissimum, seu potius latrocinium infamissimum, quod appellatum fuit Bedrense maius. Cum enim audiuiſſet Mahumetus, redire è Syria cum mercibus Abu-Sophian filium Harbi, cum quadraginta mercatoribus Corasinis: ne præda tam opulenta sibi effugeret, egressus est contra illos cum multis peditibus & equitibus, & octoginta camelis. Id audiens Abu-Sophian, duxit suos cum mercibus super litus maris: misitque ad Meccanos, ut peteret ab eis auxilium. Illi autem mille circiter milites cum ducentis equis ad eum direxerunt. Cum autem peruenisset Mahumetus in castra, obuium habuit ibi exercitum Corasinorum. Commissum est certamen: & occisi sunt ex Corasinis septuaginta circiter viri, ac totidem capti. E Mahumetanis autem quatuordecim tantum interfecti sunt. Constabat porro exercitus Corasinorum minus mille viris. Mahumetani verò ad trecentos viginti circiter perueniebant. Fin-

gunt hic Moslemi sexcentas miraculorum quisquillas : quasi verò miraculis opus esset ad tam macram emunctamque victoriam.

Hoc bello confecto, reuersus est Mahumetus Medinam. Sed vix sex dies transierant, cum expeditionem contra Selimitas suscepit. Verùm cum ad eorum fines peruenisset, ibique triduum constitisset, re infecta, redijt Medinam.

Mox consequutum est bellum Sauicense contra Abu-Sophian, qui cum centum, vel, vt alij scribunt, ducentis equitibus Medinæ appropinquauerat, Mahumetum aggressurus, qui contra eum statim exercitum suum mouit, ad cuius aspectum Abu-Sophian cum suis in fugam se coniecit, abiecto viatico, quod ex ptisanis, & polenta constabat. Propterea hoc bellum dictum fuit *فروقة السويق* *bellum Sauic*, seu Sauicense, idest *polenta*.

Deinde post duos menses contigit prælium Duamarense. Cum enim audisset Mahumetus plures ex Gotphanensibus

sibus

sibus sub ducē Daathur, ad Medinae fines deprædandos collectos fuisse, egressus est contra eos cum quadringētis quinquaginta viris. Sed hostes, cognito illius aduentu, in montium cacumina confugere. Dum autem in Duamar cum exercitu moraretur, vehemens pluvia repente superuenit: & Mahumetum, qui à suis recesserat ventrem exoneraturus, totum madefecit. Quamobrem vestibus ad Solem siccandis appensis, ipse interim sub arbore procumbebat. De hoc commonitus Daathur à suis, arrepto gladio illum inopinantem adorsus est. Fingunt hic miraculum: sed reuera nullum aliud miraculum fuit, nisi quod Mahumetus validè se defendit: itaut Daathur victum se videns, supplex ab eo vitam postulauerit, sanctè iurans se in posterum fore Mahumetanum. Quidam scribunt, Mahumetum in hoc prælio instituisse orationem, quæ dicta fuit: *ملاى الله*. *Oratio timoris*, de qua alibi dicemus.

Post sex menses fuit expeditio Caradensis, ita dicta ab aqua, seu puteo in

Naged, nomine Carada: in qua cum Mahumetus misisset Zeidum filium Harethæ, hic incidit in agmen quoddam mercatorum Corasinarum, qui vilis militibus Mahumetanis, relinquentes iumenta ac sarcinas, in fugam se dederunt. Et ne iterum in Mahumetanorum insidias inciderent, commutato itinere, per Mesopotamiam viam susceperunt: nec tamen ita etiam eorum rapacitatem effugere potuerunt.

Mense vigesimo Hegiræ, decreuit Mahumetus bello appetere Iudæos Caincaenses, qui habebant peculiare domicilium in Medina, ubi cum Mahumetus eos congregasset, hortatus est ad suscipiendam sectam suam: nisi id facerent, arma ipsius contra se experturos. Cum verò illi audacter atque intrepidè respondissent, se nunquam religionem autam esse deserturos: ita ille excanduit, ut statim arma mouerit contra eos, & per sex dies in ipsorum arcibus eosdem obsederit. Quo tempore Abdallah princeps Chazragenorum rogauit Mahumetum,

ut lu-

vt Iudæos illos imperio suo subijceret.
Fecit id libenter Mahumetus. At illi
hanc ignominiam sibi non ferendam ra-
ti, Medina discedentes in Syriam emi-
grauere. Ismael filius Aly scribit, Iu-
dæos Caincaenses, non sponte in Syriam
emigrasse, sed à Mahumeto per vim ex-
pulsos fuisse; qui deinde omnia illorum
bona diripuit, sub specie, quòd fædus
cum ipso à principio initum violassent.
At hoc fuit mera calumnia.

*De gestis à Mahumeto anno ter-
tio Hegira.*

Caput Decimum sextum.

P Vgnauit hoc anno contra Corasi-
nos, eorumq; fæderatos in monte
Ohod prope Medinam: quamobrè
appellatum fuit hoc prælium Ohodense.
Erant Mahumetani circiter mille: hostes
verò

verò ad duo, vel vt alij scribunt, ad tria millia perueniebant. Dum autem Mahumetus Corasinos expectaret, milites eius seditionem excitauere, reditum in Medinam postulantes: & re ipsa trecen- ti circiter reuersi sunt. At Mahumetus constanter cum reliquis perseuerans, ad- uenientes hostes inuasit. Primo confli- ctu victi ac profligati Corasini, magnam cladem acceperunt. At dum Mahume- tani in diripienda fugientium præda auidius contra Mahumeti iussu deti- nentur, egressi hostes ex insidijs adorti sunt eos, occisoque duce Abdallah filio Giobeir, in fugam reliquos conuertere. Mahumetus verò voce ac manu suos à fuga reuocare studebat. Interim Aly, qui cum eo perstiterat, irruens in hostes, quoscumque obuios habuit, occidit. Ce- cidere ex Mahumetanis septuaginta, ex hostibus verò duo supra viginti. Mahu- metus in speluncam quamdam confugit, ibique delituit, postquam manus illius dextera iaculo vulnerata fuit, & facies eius cum labio ferro discissa: præterea
bra-

brachium eius lapide funda iacto graui-
 ter ictum: & duo dentes, vel ut alij scri-
 bunt quatuor, excussi. Erat dux hostium
 Abu-Sophian, cuius vxor, nomine Hen-
 da, cum vidisset Hamzam patrum Ma-
 humeti occisum, extraxit iecur eius,
 caputque illud dentibus corrodere, ac
 deuorare: aliæ verò mulieres ludicrum
 captantes de Mahumetanis occisis, ab-
 scissis auribus ac nasus eorum, torques ex
 eis sibi fecerunt. Mahumetus autem è
 spelunca egressus, cum vidisset corpus
 Hamzæ patrui sui vndique dilaceratum
 ac transformatum, iurauit, se de eo vin-
 dictam in tripulum sumpturum ex septua-
 ginta Corasinis, si eos in manus habere
 potuisset. Deinde ita vulneratus, ac san-
 guine resperfus venit ad Phatemam fi-
 liam suam, quæ in fletus erumpens,
 Diras cepit contra hostes imprecari.

De gestis quarto anno Hegira .

Caput Decimum septimum .

HOC anno venerunt ad Mahumetum quidam ex Adhal, & Caret, rogaueruntque eum, vt mitteret è suis aliquos, qui illos in Alcoranica lege instruerent. Misit ille sex viros, qui cum peruenissent prope eam gentem, Adhalenses ex insidijs illos adorti, tres occiderunt, tres autem viuos ceperunt: atque hos etiam deinde peremerunt.

Amer quoque Princeps Nagedinorum, quamuis Ethnicus, rogauit Mahumetum, vt mitteret aliquos Moslemos ad prædicandam suis nouam religionem. Ille verò misit quadraginta è suis præcipuos. Sed cum hi peruenissent in Birmaunam, is qui iussu Amer eos ducebat, occidit Moslemum, qui portabat Alco-

Alcoranum, cæteros verò, immixtis armatis, trucidavit, præter vnum, qui saucius fuga sibi salutem comparavit. Alius etiam Moslemus, qui à cæteris aberat, comperta suorum cæde, venit ad Mahumetum, eique quod acciderat, narrauit.

Deinde per sex menses obsedit Mahumetus Iudæos Nodeienses: qui tandem rogauerunt illum, vt fineret ipsose extorres abire, secumque asportare quæ possent, præter arma. Id illis concessum fuit; quamobrem magna cum lætitiâ discessere, & partim in Chaiber, partim in Syriam se recepere. Alij rem ita narrant. Cum postulasset Mahumetus pecuniam fænebrem à Caab principe Iudæorum, hic non solùm illam ei promptè exhibuit, sed etiam ad conuiuium inuitavit, vt per fraudem occideret. At Mahumetus cum fraudem persensisset, conuiuium recusavit: & post triduum è solo Medinensi Iudæos eiecit. Hoc eodem tempore vulgavit Mahumetus præceptum de prohibitione i vini, quod à Deo

Deo finxerat sibi traditum fuisse.

Postremò hoc eodem anno in mense Sciaaban egressus est Mahumetus cum exercitu pugnaturus, iuxta id quod inter ipsos conuenerat, contra Abu-Sophian & Corasinos in Bedro. At Abu-Sophian Mecca cum suis egressus, audito Mahumetanorum numero, ac viribus, statim regressus est. Quamobrem Mahumetus etiam, diu illo frustra expectato, redijt Medinam.

De anno quinto Hegira.

Caput Decimum octauum.

CUm intellexisset Mahumetus, Meccanos, atque alios Arabes simul conspirasse, vt bello eum in Medina adorirentur, iussit magnam fossam vrbi circumduci: in qua effodienda, fingunt, nescio quæ miracula

cula satis friuola ab eodem patrata fuisse, de quibus fortasse alibi dicemus. Fo-uea absoluta, superuenere octo millia ex coniuratis, duce Caab filio Asad: quos videntes Mahumetani, perterriti, contra Mahumetanum obloqui ceperunt, fugamque tentauerunt. Triginta ferè dierum spatjo hinc inde sagittarum iactu pugnatum fuit. Deinde conuenerunt, vt res per monomachiam decideretur. Ex parte igitur coniuratorum electus fuit Amru filius Abdud: ex parte verò Moslemorum Aly filius Abutaleb, nepos ipsius Amru. Inito autem duello, occisus fuit Amru ab Aly: & interim ventus adeo vehemens excitatus est, vt omnia quæ erant in hostium castris susque deque reuolueret. Deinde exorto inter coniuratos dissidio: omnes discessere.

Paulò post profectus est Mahumetus contra Iudæos Coraiditas. Cumque ad eorum urbem peruenisset, obsidione eam cinxit per viginti quinque dies, post quos illi sese ei deditere. At Mahume-

tus

tus iudicio Saad filij Moad, qui item erat Iudæus, eosdem remisit. Libenter ipsi acquievere, sperantes Saad, vtpote eiusdem generis, sibi fore benignum. At ille, vt Mahumeto rem gratam faceret, iussit omnes viros occidi: mulieres verò & pueros captiuos fieri, & facultates in prædam militibus Mahumetanis distribui. In partitione prædæ, Mahumetus elegit sibi Ricanam filiam Amru, eamque in vxorem accepit. Hoc factum Saad Scriptores Arabes vehementer detestantur, feruntque illum à Deo propterea subita miseraque morte punitum fuisse. At Mahumetus non solum illud non damnauit, sed etiam comprobauit, accipiendo sibi partem prædæ: ex quo aperte conijcitur illum cum Saado de tanto scelere perpetrando conuenisse: sed voluit ostendere Saadum esse authorem eius, vt in illum odium hominum caderet, sibi autem ac suis emolumentum prædæ proueniret. In eo etiam Mahumetus dedecus magnum commeruit, quod cum Coraiditas prædictos obsideret,

rét : tanquam vnus ex lixis & calonibus ,
 capít in eos conuicia & maledicta conij-
 cere . At illi eum amicè commonue-
 runt , vt modestius loqueretur , & ab in-
 temperantia illa oris abstineret . Quæ
 admonitio adeo Mahumetum pupugit ,
 tantoque rubore ac pudore perfudit , vt
 hasta è manu eius , & pallium ex hu-
 meris exciderit , pedemque retrò pud-
 bundus retraxerit .

*De iys , quæ anno sexto Hegi-
 ra euenere .*

Caput Decimum nonum .

HOc anno commissum est præ-
 lium contra populum Lokah
 in loco qui dicebatur Dhucard ,
 non longè à Medina . Cumque hostes se
 fuga in saltibus proripuissent , Mahume-
 tus regressus est Medinam .

1

Dein-

Deinde profectus est contra Haiamitas, qui dicebantur Regienses. At illi etiam se in cacuminibus montium munierunt. Quamobrem descendit in Asphan, ut terrorem Meccanis incuteret.

Non multò post profectus est contra Mostalecenses: commissoque cum eis certamine, plures occidit, alios verò captiuos duxit, atque eorum facultates diripuit, duxitque in uxorem Geuiriam filiam Hareth ducis Mostalecensium. Contigit in hoc prælio, ut Aisa Mahumeti vxor, quam, utpote super cæteras dilectam, secum duxerat; discedente illo cum exercitu, sola remaneret cum adolescente quodam nomine Sephuan, qui Mahumeti domum valde frequentabat. Cumque is eam solam inuenisset, camelo suo impositam duxit ad locum, ad quem Mahumetus cum exercitu peruenerat. Magnam hoc genuit suspicionem in vniuersis contra honestatem, ac pudicitiam Aisæ: cumque de aliquo inter eam & Sephuan flagitio argumenta ferè manifesta apparerent: Mahumetus
osten-

ostendit, se velle eam repudiare. Sed cum nimis durum illi esset à suis delicijs diuelli, finxit sibi reuelatam fuisse à Deo innocentiam Aisæ: quamobrem illam retinuit, & flagellari iussit octoginta ictibus eos, qui contra illius pudicitiam fuerant obloquuti, excepto Abdallah filio Obba, cui quamuis præcipuo auctori, pepercit, eo quòd esset vir potens, & facile posset sese suorum auxilio defendere. In hac eadem expeditione, tradunt reuelatum fuisse Mahumeto ritum **الغيم**, idest purificandi se pulvere in defectu aquæ. De quo ritu agitur in Alcorano Sura 5. *Mensa*, ver. 7.

Plures expeditiones suscepit hoc anno Mahumetus. Primam contra Omrenses, contra quos misit Acafciam filium Machad, qui, fugientibus Omrensibus, ducentos eorum camelos deprædatus est. Secundam contra Cassanenses, ad quos deprædandos, misit Abu-Obeidam filium Gera. At illi se fuga in montes propriuerunt. Tertiam contra quosdam ex

Hauazensibus, contra quos misit Mohammed filium Moslemæ, cui Hauazenses insidias tetenderunt, & in fugam compulso, socios illius omnes trucidauerunt. Quartam contra Solimitas in Gemum, quos Zeid filius Har aggressus noctu, pecora eorum deprædatus est: homines verò captiuos abduxit. Quintam contra Aisinos, & Telaëbinos, aduersus quos misit Zeid filium Harethæ. At cum Thelaëbini se in fugam coniecissent, viginti tantum camelos eorum Zeid abduxit. Sextam, in qua misit Aly contra Phadacenses, eo quòd audisset, eos validam manum collegisse ad opem ferendam Iudæis Chaiberensibus. Septimam, in qua misit Abdalrahman filium Auph contra habitatores Dhumat Algendal, quod est oppidum inter Persidem, & Syriam. Cum verò hi statim se se dedidissent, ac præterea Mahumeticam sectam amplexi fuissent, accepit Abdalrahman in vxorem Themadar filiam Regis eorum; eo quòd ita ipsi Mahumetus præcepisset. Octauam, in qua
misit

misit aliquot equites contra populos, seu Tribus Arinensium; qui pastores Mahumeti occiderant, eorumque camelos abduxerant. Cum autem hos habuisset in potestate captiuos, iussit abscindi manus, ac pedes eorum, candentique ferro oculos excæcari, atque ita relinqui, donec miserè perirent. Nonam, in qua milites Mahumetani inuaserunt Abu-Alas cum aliquot Corasinis, qui cum mercibus è Syria redibant, quas à Mahumetanis direptas, Mahumetus inter suos milites partitus est. At Abu-Alas fugiens, venit ad Zeinabam vxorem Mahumeti, & per illam obtinuit, vt merces direptæ, sibi, suisque restituerentur.

Hoc anno Mahumetus vnà cum mille & quadringentis è suis profectus est, vt inuiseret sacram Ædem Meccanam: duxitq; secum oues immolandas, ac cæteros ritus seruauit peregrinis præscriptos. At Corasini, audito illius aduentu, miserunt Aruam Dynastam Taiph, vt eum ab ingressu Meccæ dissuaderet, timebant enim ne illam armis inuaderet. Cum perue-

nisset Arua ad Mahumetum, cæpit eum familiarius alloqui, & barbam illius manu atrectare: quod cæteris indignè ferentibus, ille risu dissimulauit. Obstupuit porro Arua, cum vidit Mahumetanos certatim accurrere ad colligendam aquam, quæ à corpore Mahumeti defluebat, cum sese purificaret: & si quando spuisset, sputum illius tanquam muscum suauissimum olfacere: quinetiam pilos, qui in radendo corpore, vel rondendo capite illius decidebant, studiosissimè tanquam gemmas colligere. Mahumetus autem misit Othman ad Corasinos, qui certos ipsos faceret, se non belli causa, sed sacræ Visitationis Meccam aduenire. At Corasini captum Othman in carcerem coniecerunt. Interea Mahumetus suis ad concionem congregatis, fuit ab iisdem tertio in Principem inauguratus, atque vniuersi fidelitatem illi iurauere. Corasini autem miserunt ad illum Soheil filium Amru, vt cum illo fædus pacis inirent. Mahumetus verò ea conditione promisit se fædus

dus initurum, vt futuro anno sibi suis-
 que per triduum liberam Meccam relin-
 querent ad sacram Visitationem perā-
 gendam: atque interim Corasini in ca-
 cumina montium secederent. Inito
 sædere, Mahumetus reditum parabat in
 Medinam: cumque esset in itinere, fi-
 gunt, Deum reuelasse illi victoriam,
 quam proximo anno de Meccanis erat
 habiturus. Interim verò plures è Mec-
 canis adhærentes Mahumeto, ad illius
 partes transfugiebant, sub specie reli-
 gionis; sed re vera vt latrocinia impunè
 exercerent. Scribunt enim Authores
 Arabes, hos novos profelytos transfu-
 gas, nullam mercatorum Corasinorum
 societatem reliquisse, quin eam depræ-
 darentur, & mercatores occiderent.
 Quamobrem miserunt Corasini ad Ma-
 humetum, eum obsecrantes, vt huius-
 modi prædones cohiberet, & Meccanis
 securitatem ab illis concederet. Mahu-
 metus verò eorum postulationibus an-
 nuit.

Caput Vigesium.

IN huius anni principio obsedit Mahumetus Iudæos Chaiberinos, qui plures arces munitas possidebant. Erat dux exercitus Abu-Baker, quo ab hostibus repulso, successit Omar : qui etiam terga vertit. Quamobrem Mahumetus tradidit vexillum patrui suo Aly, etiamsi ophthalmia laboraret, & penè cæcus esset. Nam fingunt, Mahumetum expuissse in oculos eius, & statim curatum fuisse. Aly igitur irruens in hostes, qui contra eum ex arcibusegressi fuerant, eos profligavit: & ianua arcis reuulsa, eam pro clypeo adhibuit: erat autem tam vasta, ut milites omnes tentantes eam reuoluere, eo quòd sub ea cuneum sæminarum latere suspicarentur, etiam si omnes simul conatum omnem adhiberent, nunquam mouere potuerint. Tandem deuicti Iudæi,

dxi, sese dedidere cum conditionibus, quas Mahumetus admisit: cum pacto tamen, vt quandocunque vellet; eijcere posset eos ex Arabia.

Cæpit hoc anno Mahumetus concionari è suggestu, qui duobus gradibus & sedili constabat. Neque diu post misit Aly cum exercitu contra Phadacenses, qui statim sese illi dedidere: eorumque regio cessit in possessionem peculiarum Mahumeti. Deinde subiecit sibi armis populum, qui incolebat Vadilcoram, idest, *vallem urbium*.

Hoc tempore regressi sunt ex Æthiopia ij, quos miserat Mahumetus, inter quos erat Ommohabiba filia Abû-Sophian, cuius vir remanserat in Æthiopia. Illam igitur Mahumetus duxit in uxorem. Quod cum audisset Abu-Sophian pater eius, dixit quasi per iocum: *Hic est camelus admissarius, cuius nares capistro non cohibebuntur*. Per quod, effrænatam illius libidinem notauit.

Post victoriam Chaiberensem, sæmina quædam Iudæa, nomine Zaineba, filia

Ha-

Hareth, cum sciret Mahumetum harmis ouium assis valdè delectari, vt iniuriam genti suæ illatam vlcisceretur, obtulit ei huiusmodi harmum veneno infectum. Cumque ex eo Mahumetus frustum comedisset; harmus illum commonuit, se esse veneno infectum: ita fingunt. Statim verò vim veneni persensit, atque ex illo caput paulatim dolore tentari, & breui tandem consumptus interiit.

Scribunt, seu potiùs fingunt quidam Authores Arabes, Mahumetum hoc anno ad omnes ferè Reges, & Principes literas, ac legatos misisse, quibuscum ad religionem suam inuitabat. Quosdam porrò literas ac legatos eius honorificè suscepisse, humaniterque rescripsisse: munera etiam ad eum misisse, & ad sectam eius amplectendam propensos, vel non alienos se ostendisse. Alios verò & literas eius lacerasse, & legatos reiecis-
 se, & audaciam eius ac stultitiam derisisse.

Hoc eodem anno misit Mahumetus Abdallah filium Anis cum triginta equi-
 tibus

tibus ad Iasir filium Razam Iudæum, quem audierat sollicitare Gotphanenses contra se. Cum igitur peruenisset Abdallah ad Iasir, adduxit eum, ut Mahumeti partes sequeretur, & triginta è suis daret, qui triginta Moslemos, quos secum adduxerat, adiuuarent. Sed deinde mutato consilio, tentauit occidere Abdallah, qui in eum irruens, pedem eius abscidit, quamuis hic etiam baculo adunco faciem illius lacerauerit. Id videntes Moslemi, Iudæos omnes occiderunt, quos Iasir secum adduxerat.

Duas alias expeditiones ponunt hoc anno quidam Authores. Primam, in qua Mahumetus inmissis militibus in terram Masaræ, eius habitatores partim occidit, partim captiuos duxit. Alteram contra Ambaritas, ex quibus item nonnullos occidit, alios verò captiuos abduxit.

Postremò, iuxta conditum cum Corasinis superiori anno, suscepit Mahumetus peregrinationem Meccanam, ut sacra Meccæ loca visitaret: cumque iam
pro-

propior esset vrbi, Corasini, iuxta pacta, sese in montes receperunt. Moratus est autem Mahumetus tres dies Mecaë, quibus Caabam, & reliqua sacra loca visitaret. Quo tempore duxit in vxorem Maimunam filiam Hareth, quamuis illicitum esset in sacra visitatione matrimonia contrahere. At ille assererat, se in hoc à Deo dispensatum fuisse. Triduo transacto, postulauit à Corasinis, vt liceret sibi per alios tres dies ibidem commorari, vt eos in suis ædibus conuiuio exciperet. Illi verò inurbanè conuiuio recusato, iusserunt eum statim ex vrbe discedere. Discedens igitur redijt Medinam, vbi profelytos aliquot ad se profugientes, excep-
pit.

De octavo anno Hegiræ, & expugnatione Meccæ.

Caput Vigefimum primum.

HOC anno commiffum eft bellum in Mauta, quæ eft in Syria, inter Romanos & Mahumetanos, in quo occifi funt primò tres duces Mahumetani. Erant autem Romanorum centum millia, & iuxta alios ducenta millia, inter quos erant plures Arabes Chriftiani: Mahumetanorum autem tria millia tantummodo. Quamobrem hi hoftium multitudine perterriti, fuga fibi falutem comparauere: multi tamen occifi funt.

Hoc eodem anno contigit Meccæ expugnatio. Cum enim Corafini Bacarenfibus fæderatis fuis pugnantibus contra Chazaenfes, qui cum Mahumeto fæderati erant, opem tuliffent; exiftimauit Mahu.

Mahumetus Corasinos fœdus initum per hoc infregisse. Et quamuis Corasini de hoc se apud Mahumetum submissè excusarent, mittentes ad eum legatum Abu-Sophian socerum ipsius: ille tamen excusationem, aut submissionem vllam admittere recusauit: imò ne verbo quidem socerum dignatus est.

Post decimam igitur diem mensis Rhomadan, Mahumetus cum decem millibus militum Medina discessit: cumque Meccam peruenisset, iussit ingredi in illam aliquot milites cum Aly, penes quem erat vexillum militare. Scribunt quidam, Mahumetum suis interdixisse, ne Meccanum vllum occiderent: atque pacificè in vrbem ingressum fuisse. Sed verius est, & probabilius, quòd referunt alij, Meccam ab eo per vim, & cum multa sanguinis effusione captam fuisse. Ingressus igitur Meccam, ad sæuitiem, & impietatem suam religione fucandam, inuisit Caabam, seu Templum illius, & septies illud mulæ insidens circuiuit: iussitque amoueri ab eo simulacra, quæ ibi cole-

colebantur . Postea iussit occidi nonnullos, qui se illi aduersarios ostenderant .

Hoc igitur pacto Mahumetus hostiliter patria expugnata , sibi que subacta ; militum per confines regiones armatos, ut incolas ad sectam suam perducerent, subductu Chaled filij Valid, qui cum peruenisset in regionem Chazimæorum, iussit eos arma deponere (armati quippe illi occurrerant) deinde manibus eorum post terga alligatis, militibus suis trucidandos obiecit . Quod cum audisset Mahumetus, factum Chaledi improbavit , iussitque quadam pecuniarum summa Chazimæis pro illata iniuria satisfieri .

Misit etiam ad populos Madlegitas , & Dailitas , quosdam qui eos ad sectam suam inuitarent . Illis verò eam reiicientibus, noluit per vim compellere .

Mecca expugnata , Chauazeni, qui habitabant in valle Honein , tribus passuum millibus procul à Mecca , collegerunt exercitum contra Mahumetum , aduocatis in auxilium confinibus populis . Id
ille

ille audiens, egressus est Mecca contra eos cum duodecim millibus militum. Et quamvis Chauazenorum milites essent longè pauciores, Mahumetanostamen terga dare coegerunt. Sed Mahumeti hortatu, & increpatione regressi, contra hostes pugnantes, victoriam de illis retulere, captis quatuor millibus hominum, & duodecim millibus camelorum, aliaque præda copiosa. Inter captiuos fuit Scebama filia Halimæ, soror collactanea Mahumeti, quæ cognouit eum, seque illi cognoscendam dedit, ex vestigio morsus, quem ipse puer dentibus impresserat dorso eius (agnosce Mahumeti adhuc ab incunabulis lasciuiam). Concessit igitur illi Mahumetus libertatem, cum alijs sæminis, quas illa postulauit, cum parte prædæ suæ, & cæterorum Moslemorum. Porro hostes, qui Mahumetanorum manus effugerant, Mahumetus insecutus est, missis post eos militibus sub ducibus Abu-Amer, (qui ab hostibus interfectus est,) & Abu-Musa patruele illius. Erat dux hostium Malec

lec filius Auph, qui cum fugiens Mahumetanos, in arcem Taiph cum suis confugisset, obsessus fuit per viginti fere dies, ac machinis, & ballistis oppugnatus: tandemque hostes sese Mahumeto dedidere, & plures ex eis sectam illius susceperunt.

Postea Mahumetus profectus est in Algeranam, ubi prædas ex Hauazenis relatas deposuerat; partemque earum iisdem restituit, vnâ cum fæminis, & filiis eorum. Qua beneficentia deuictus Malec dux Hauazenorum, Essamiticam sectam suscepit, & à Mahumeto, gentis suæ præfectus constitutus est. Cum verò Mahumetus prædam inter suos æqualiter diuississet, & singulis ducibus centenos camelos donasset; quatuor tantum dedit Abbaso filio Mardasi: qui propterea indignatus, satyram vulgauit, qua illum non obscure pungebat. Quamobrem Mahumetus iram præferens, præcepit Aly, vt linguam illius abscinderet. Sed deinde curauit, vt Aly daret ei optionem, vt si quatuor camelis non

m

esset

esset contentus, centum acciperet. Ille verò tanta humanitate victus, centum recusavit, & quatuor tantum cum lingua incolumi retinuit. Cum verò ex hac præda nihil Auxiliatoribus tribuisset, illi vehementer indignati sunt: Sed deinde ab eo placidè commoniti, quievere; veniamque ab eo cum fletu postulauere. Cuidam verò illum incusanti, quod non iustè prædam partitus esset, indignatus respondit: Væ tibi: si non est iustitia apud me, apud quem erit? Cumque Omar vellet hominem tam audacem occidere, prohibuit eum, prædixitque illum fore caput cuiusdam Sectæ, quæ à religione sua deuiaret; & ferunt euenisse id quod prædixerat. Sed si hoc verum fuisset, valdè imprudenter prohibuisset ne occideretur, præsertim cum ob suam temeritatem morte dignus esset.

Interea redeunte Mahumeto ex Algerana, orta est seditio inter milites, eo quòd suspicarentur se ab illo in partitione prædæ fraudatos fuisse. Cumque eum vsque ad arborem quamdam
com-

compulissent, pallium ab eo per vim abstulerunt. Ille verò sese purgans, ac defendens, ostendit se nihil prædæ, quod ad ipsos pertineret, sibi retinuisse.

Veniens deinde Meccam, sacram Visitationem obiuit: qua peracta, Medinam reuersus est, relictis Vicarijs suis in Mecca. Cumque Medinæ moraretur, suscepit ex Maria Ægyptia filium nomine Ebrahim, qui adhuc puer interijt.

*De his, quæ anno Hegiræ nono
euenere.*

Caput Vigesium secundum.

HOC anno venerunt ad Mahumetum in Medinam plures Legati Arabum, inter quos fuit Caab filius Zoheir, cui, quamuis sibi infenso, ob elegantissimum Epigramma

m 2 in

in laudem suam conscriptum, lacernam propriam donauit.

Contigit hoc anno bellum Tabucense, in quo Mahumetus profectus est cū exercitu contra Romanos cū triginta millibus militum, & decem millibus equitum. Cumque peruenisset in Geraph, inde venit in Tabuc, vbi supra mensem commoratus est. Inde etiam misit quosdam è suis contra Gedamitas sub duce Abu-Obeida, qui plures ex eis captiuos fecit, ac prædas ex eis retulit. Misit etiam contra Solimæos, & Talienses Saadum cum militibus: sed vtrique se in fugam proripuerunt. Præterea iussit Chaledum proficisci contra Ocaider præfectum Dumat Algendal, Christianum; qui copiosissimam prædam, vnà cum ipso Ocaider viuo adduxit ad Mahumetum. Sed ille eum liberum dimisit, cum pacto, vt annum sibi tributum persolueret. De successu belli Tabucensis, ne verbum quidem faciunt Scriptores Moslemi, quia nimirum in eo Mahumetani, vt probabile est, à Romanis victi pro-

profligatique sunt.

In reditu Mahumeti ex Tabuc, quidam ex ipsius militibus, facta conspiratione, decreuerunt in itinere ducere eum per vias abruptas, in montem, & inde præcipitare eum. Persensit ille dolum, & quamvis dissimulauerit, viamque ab illis ostensam tenuerit, vbi tamen peruenit ad clium montis, astu se ab eorum manibus eripuit. Nec quemquam coniuratorum occidere voluit, imò nec manifestare, ad hominum malevolentiam euitandam. Medinam regressus, animaduertit in quosdam, qui secum ad bellum Tabucense proficisci recusauerant: neque alia contra eos pæna usus est, quàm vt à commercio omnium etiam domesticorum, atque ipsarum vxorum, per plures dies illos separaret, & quodammodo anathemate feriret. Sed tandem, cum illos valde facti pæniteret, & supplices veniam precarentur, eos ab anathemate absoluit. Cumque quidam ex ipsis vellet pro hoc peccato suo, omnes facultates suas in eleemosynam elargiri,

non permisit Mahumetus , contentus , quòd promitteret tantummodo se in posterum fore veracem . Cum Mahumetus se iam potentem , securumque videret , vulgavit , tanquam sibi à Deo reuelatam Suram nonam Alcorani , in qua iubebatur renunciare pactis omnibus , quæ inierat cum infidelibus , vbi ad terminum præscriptum peruenissent . Illis verò , cum quibus pactum nullum initum fuisset , quatuor menses immunitatis concederentur : quibus elapsis , vbi cunque deprehensi fuissent , interficerentur , nisi vel Mahumetani fierent , vel tributum soluerent . Amplexi sunt igitur legem Alcoranicam plures idololatæ , & præsertim Taiphenses , qui miserunt ad Mahumetum decem legatos è primis gentis suæ : ipse verò magnis eos honoribus ac muneribus est prosequutus . Regressis igitur legatis , Taiphenses simulacra omnia Deorum suorum demoliti sunt , non sine magno fletu muliercularum , quæ illa impensè venerabantur .

Post Taiphenses , venerunt turmatim
lega-

legati cæterorum Arabum, vt Mahumeticam sectam susciperent. Duo tamen ex illis, simulantes fidem Essamiticam, in Mahumeti necem conspirauere: verum id illis non successit. Ex legatis etiam Taiensium Odda filius Hatem, post Essamismum susceptum, illum deseruit. Sed reuersus ad Mahumetum, iterum sectæ eius adhæsit. Ille verò cum multo honore eum suscepit, & puluinar supra quod sederet, manu sua ad illum proiecit.

Hoc eodem tempore misit Mahumetus Aly contra Zobeidenfes, qui aliquot eorum occisis, & captis, reliquos tributum soluere coegit.

Celeberrima fuit hoc anno legatio Christianorū Nageranensium ad Mahumetum: erant enim viginti legati nobilissimi illius gentis, quibus præerat Abu-Haretha Episcopus eorum. Multæ transierunt disceptationes inter hunc, & Mahumetum circa Christianam religionem: tandemque conuentum est, vt per imprecationem maledictionis à Deo

contra eos, qui errarent, discerneretur qualis esset vera religio, Christianane, an Mahumetana. Sed cum simul ad hunc effectum conuenissent, recusauit Abu-Haretha Mahumeto, & Mahumetanis malè precari: pacemque fecit cum iisdem, cum pacto mittendi Mahumeto bis mille vestes duplices magni pretij: deque hoc syngraphā conscripsere. Scribunt nonnulli, Mahumetum, cum vidisset hos Legatos pretiosissimis vestibus indutos, noluisse eos recipere, & ne quidem resalutare: humiliùs verò indutos, humaniter, ac perbenignè ad colloquiū admisisse.

Denique misit hoc anno Mahumetus Aly ad Iemanitas, vt quintam partem facultatum eorum, eleemosinæ nomine, reciperet. Itemque ad Nageranenses, vt tributum ab illis, & eleemosynas exigeret.

*De anno decimo Hegiræ.**Caput Vigesium tertium.*

HOC anno indixit Mahumetus per præconem sacram peregrinationem ad Meccam. Ex omni igitur regione innumerus populus Medinam confluit. Egressus est cum illis Mahumetus; & antequam Meccam ingrederentur, consuetis ritibus sese præparauere. Ducebat autem secum centum, seu, vt alij scribunt, sexaginta & sex oues mactandas. Et in itinere seorsim ab alijs incedebat, nullaque in re se cum cæteris conformabat. Sunt qui scribant, quotidie in itinere Alcoranum super eum de Cælo descendisse.

Ingressus Meccam cum peregrinis, primus circuiuit septies Caabam: ter velociter currens: quater autem pedetentim incedens. Deinde inuisit montes Sapham, & Meruam, & vallem Minam,

nam, & montem Araphat, vbi concionem ad populum habuit: aliaque sacra loca visitauit. Deinde regrediens in vallem Minam, septem lapillos de more post tergum suum proiecit, quibus Diabolum lapidaret: & mox oues, quas adduxerat, immolauit: nempe tres ac sexaginta manu sua: triginta autem & septem per manum Aly.

Deinde ad Cabaam reuersus, septies iterum eam circumiuit. Bibit etiam aquam haustam ex puteo Zamzam. Postea rediens in Minam, moratus est ibi tribus diebus: proiecitque quotidie contra diabolum tres lapillos, septies deambulando.

Voluit deinde, Aisam, (quam utpote præ cæteris dilectam, secum duxerat,) sacram Visitationem ea nocte obire. Deinde, præparatis ijs, quæ ad reditum erant necessaria, iterum Cabaam circumiuit, ac deinde Medinam versus iter suscepit.

Scribunt multi, Mahumetum in regressu, declarasse ex præcepto Gabrielis

lis successorem suum in Imperio Aly, collocando eum in suggestu ad dexteram suam, atque omnibus præcipiendo, tam viris, quàm fæminis, vt ad eundem accedentes, illum salutarent, & cum eo de proximo Imperio congratularentur. Hoc fortasse Sciaitæ seu Persæ admittent: sed negabunt Sonnitæ.

*De anno decimo primo Hegiræ,
in quo mortuus est Mahu-
metus.*

Caput Vigesium quartum.

IN ingressu huius anni, cepit Mahometus vim veneni in harum ouis accepti, acriorem atque acerbiorum experiri. Cum itaque maximis doloribus excrucietur, per domos vxorum suarum velut amens vagabatur.

Cum-

Cumque eas simul congregasset, voluit, ut sibi præscriberent, apud quam earum esset decubitus. Illæ, eius genij non ignaræ, consenserunt omnes, ut in domum deliciarum suarum, nempe Aisæ se reciperet: id quod ille libentissimè fecit. Prima eius ac maxima sollicitudo fuit, ut Asma, qui militiæ præerat, recederet cum exercitu procul à Medina, unà cum Abu-Bacro, Omare, & alijs Primoribus Moslemorum, ne fortè, si tempore mortis suæ in Vrbe reperirentur, turbas excitarent, ac per technas Imperium à se tunc Aly destinatum, præriperent.

Vbi igitur apud Aisam se recepit, illa conquesta est, se capitis dolore laborare. Sed Mahumetus dixit ei: Sine me, ò Aisa, conqueri de capitis mei dolore. Tibi porrò melius fuerit, si ante me moriaris: ego enim assistam funeri tuo, pro te orabo, ac te in sepulcro componam. Hæc verba ægrè tulit Aisa, atque indignata voluit abire, & ad suos reuerti. Sed Mahumetus blandis verbis

cona-

conatus est eam placare . Mox dolore excruciatuſ , atque agitatuſ , egreſſuſ è domo Aiſæ , à nonnulliſ ſuſtentatuſ contulit ſe in publicum , iuſſitque omneſ ad concionem vocari : cumque ſuper ſuggeſtum aſcendiſſet , prolixam ad eoſ paræneſin habuit . Deinde poſtulauit ab eiſ , vt ſi quiſ ab ipſo damni aliquid accepiſſet , manifeſtaret : ſe enim paratuſ eſſe ſinguliſ ſatiſfacere . Quidam verò exurgens , aſſeruit deberi ſibi ab eo treſ drachmaſ , quaſ ſtatim iuſſit illi reſtitui . Sed hæc , & alia quæ quidam ſcribunt , eſſe figmenta , patet ex eo quòd , per duos tantum dieſ illum ante mortem in domo Aiſæ ægrotaviſſe , grauiffimi Scriptoreſ affirmant .

Cum ſe morti proximum agnoſceret , rogauit Aly , vt cadauer ſuum lauaret , tegeretque verenda eiſ , ne cuiuſpiam aſpectui paterent . Deinde datiſ ſupremiſ mandatiſ Auxiliatoriſ , iuſſit charitam atque atramentum ſibi afferri , vt librum aſſecliſ ſuiſ ſcriberet , per quem poſt mortem ſuam nunquam à vera religio-

gione aberrarent. At verò qui aderant, cognoscentes eum delirare, noluerunt ei obsequi, sed turbati confusique discesserunt. Scribunt autem quidam, eo tempore quo ægrotavit, consuetas quinque preces cum populo persoluisse.

Tandem vi morbi consumptus obiit die Lunæ in ortu diei, vel iuxta alios, in meridie, translatumque est cadaver eius in cubiculum Aisæ, quæ fertur dixisse: *Nunquam mirabor de morte cuiusvis hominis, quamvis valde cruda sit, & cruciatibus plena, cum viderim duram & crudellem, quam subiit Mahumetus.* Referebat præterea eadem Aisæ, Mahumetum inter mortis angustias postulasse à se vas aquæ, & manu propria faciem suam lavisse, & deinde aquam super se ipsum effudisse: iamque morti proximum, iactasse se in sinum illius, & petiisse ab ea matellam ad mingendum: & postquam minxit, statim mortuum fuisse. Addunt alij, Aly posuisse caput Mahumeti moribundi in sinu suo: cumque expiraret, excepisse dextera manu animam eius, & affri-

affricuisse eam ad vultum suum. Mortuus est Mahumetus iuxta communem sententiam, anno sexagesimo tertio vitæ suæ, in mense Rabio priori, qui partim Aprili, partim Maio nostro respondet.

*Quid post mortem Mahumeti
euenerit.*

Caput Vigesium quintum.

EXtincto iam Mahumeto, resierunt plerique Arabum à secta eius. Cum verò mors illius Medinæ vulgata esset, confluit cum tumultu turba hominum, ut viderent, utrùm verè mortuus esset: hoc enim non poterant sibi persuadere: Quamobrem obstinatè obsistebant, ne corpus eius sepeliretur. Verùm Abbas iuravit illis per Deum

Deum, verè mortuum esse, atque ita quieuerunt. Quidam scribunt, biduo insepultum mansisse: alij triduo. Laue-
runt autem corpus eius Aly, Abbas, & alij ex magis domesticis eius, & inuolu-
tum tribus vestibus, conditum est aroma-
tibus immixtis musco, qui residuus erat
ex eo, quo viuens utebatur. Postea ora-
uerunt super illud Moslemi singilla-
tim. Effossus est autem, seu potius ex-
cisus in lapide, illi sepulchrum sub le-
cto, in quo mortuus fuerat, in domo
Aisæ. In ipso verò sepulcro posita est
subtus eum panula coccinea, qua vi-
uens utebatur. Super tumulum autem
eius erectus fuit fornix laterculis nouem
contextus.

Cum autem Aly, & cæteri è Mahu-
meti familia, in sepeliendo eius corpore
occupati essent, orta est seditio inter
Auxiliatores, & reliquum populum, cir-
ca eum, qui rerum summæ esset præfi-
ciendus: atque hac occasione Abu-Ba-
ker Imperium sibi arripuit, illique omnes
fidelitatem iurauerunt. Sepultus igitur
fuit

fuit Mahumetus in Medina, non autem in Mecca, quæ longissimè distat à Medina, vt plerique ex nostris per errorem scripsere. Monumentum autem eius hodie reperitur in delubro quodam in meditullio vrbis illius constructo. Non erit Lectori ingratum, si ea hîc referam, quæ scripsit de hoc templo, & de Mahumeti sepulcro Gabriel Bremond Massiliensis, familiaritate mihi intima coniunctus, in Opere suo, inscripto: *Descrittioni esatte dell' Egitto superiore, & inferiore &c. Lib 1. c. 30.* Verba eius in italico idiomate hæc sunt. *Questo Tempio è fabricato come quello di Gierusalemme; non così bello, ma ricchissimo; tutto coperto di marmi fini, come diaspro verde, lapislazzoli, & abbondanza d'agate: & in più luoghi lastre d'oro, e d'argento, in particolare nelle congiunture più riguardeuoli. Si dice per certo che vi siano ventimila lampade da accendere mentre vi sono i pellegrini: e molti vasi, in cui fanno ardere odori aromatici. Il sepulcro di Maometto è in una cappella fatta in forma di torretta, ò fabri-*

ca tonda, con una cuppola, che i Maomettani chiamano Turbè. Quest' edificio dal mezzo in su verso la cuppola è aperto, & all' intorno vi è una picciola galleria (oringhiera): la muraglia è piena di quantità di finestre, che hanno gielosie d' argento. La parte inferiore della torretta è apparata & arricchita d' oro e gioie, sopra tutto doue risponde la testa del sepolcro, di valore inestimabile, mandate da i Prencipi Maomettani in tanti secoli. Et paulò post. La porta per doue s' entra alla galleria, è d' argento; e così quella, per la quale s' entra nel Turbè, oue si scendono alcuni scalini per andare al sepolcro. I pellegrini non vedono questo sepolcro, perchè è chiuso; e vi bisogna la chiave d' oro per iscenderui: e non lo possono vedere che per la galleria, essendo coperto per ogni lato dal Padiglione, & altri ornamenti. Ma passata la folla, quei che risiedono in Medina, per fauore lo possono vedere, & entrarui. Quel gentilhuomo c' hò detto, l' ha veduto più volte, per hauer seruito in quel tempio: e però io voglio qui riferire ciò che mi disse, e che mi fu anche confermato da al-

tre

tre persone degne di fede. E dunque questo sepolcro di pietre concie, riuestite di marmi finissimi, posato nel mezzo di questa torre a terreno piano, longo sette piedi, largo quattro; hauendo verso la testa vna colonna di diaspro scannellata, sopra la quale vi è vn turbante verde, e verso i piedi vi è vn'altra simile; e su questa continuamente si abbruciano odori suauissimi, come balsamo, e legno d'aloè. Sopra questo sepolcro, verso il suo mezzo, vi è vn pezzo di marmo, che si leua segretamente: e sotto di esso è vn forame, per cui può passare vn braccio, & vn cereo acceso, per vedere dentro vna testa di morto, che non hà, che quattro denti. L'osso d'vna coscia, e gamba, & alcune vertebre tarlate, stanno separatamente: e questo è il residuo del corpo di Mahometto: Vi sono attorno al sepolcro più lampade d'argento, che ardonno notte e giorno: e sopra, vn baldacchino d'oro ricamato di perle: e sotto di esso, sopra il sepolcro, si pone il padiglione, che a tale effetto si porta ogn'anno da Damasco, riportandosi il vecchio al Gran Signore. Dal lato di mezzo giorno, nel muro sotto

la Galleria, che sporge in fuori per reggere la balaustrata, vi è una pietra di calamita, grossa tre diti, di due piedi in quadro; la quale è attaccata con quattro grossi rampini d'argento: e sotto di essa si vede una mezza luna d'oro con le punte rivolte in alto; nel mezzo della quale vi è un chiodo di ferro, grosso come un dito, che tirato dalla calamita, si tiene sospeso per aria frà la calamita, e la cassa. In questa mezza luna sono incastrati diamanti, & altre gioie di gran preggio. Questo è il tanto decantato miracolo del sepolcro di Maometto, che alli Maomettani idioti, e più zelanti, cagiona estasi furiose: perche alcuni si fanno crepare gl'occhi per non vedere doppo ciò cosa alcuna. *Hactenus Author; ex cuius verbis, quibus asserit in sepulchro Mahumeti tam exiguum corporis eius portionem inueniri, persuadetur, verum esse id, quod grauissimi Scriptores tradidere: nimirum, dum Primates Mahumetani post mortem Mahumeti de Imperio inter se contendebant, ac populus tumultuabatur, nullo illius cadauer inte-*

rim custodiente, fuisse à canibus dilaceratum, cum iam triduo, vel quatrIduo expositum, corrumpi ac fætere cepisset.

Descriptioni iam allatæ Delubri Medinensis, in quo Mahmmeti tumulus asseruatur, subijciam id, quod de Templo Meccano tam celebri apud Mahumetanos, & toties in Alcorano recantato, scribit idem Author Lib. I. c. 29. Italicis verbis retentis. *La Mecca è in grandissima stima de' Maomettani, non solo per esserui nato Maometto, mà per causa del Tempio ch' essi chiamano Kaabe, cioè casa quadrata: & è ancor detta Beitallah, cioè Casa di Dio: e credono che sia stata fabricata da Abramo più degnamente del Tempio di Salomone. Si vede nell' entrar di questo Tempio vicino alla porta, una pietra, nera, grossa come la testa d' un huomo, che dicono essere scesa dal cielo: e che altre volte era bianca, ma per i peccati degl' huomini diuenisse negra. Essi l' hanno in gran veneratione, perche dicono, che quando Abramo fabricaua con le sue mani questa casa à*

Dio, era sopra questa pietra, che si alza-
ua, & abassaua, secondo il bisogno, acciò
non vi lasciasse alcun bugio, o altro man-
camento ne muri. Quello che la bagia il pri-
mo nel tempo del Salamè, ch'è doppo la
preghiera del Kous Klouk, il Venerdì che s'
incontra ne trè giorni, che stanno alla Mec-
ca (che però non vi s' incontra ogn' anno) è
riputato Santo, & ogn' vno procura di ba-
giarli i piedi, e vi si affollano in modo, che
se non si salua in luogo di difesa, lo soffoga-
no. Vogliono che questo Tempio sia lungo
quindici passi, largo dodici, & alto cinque
braccia. Il suolo della porta è alto da terra,
quanto può vn huomo alzarfi à toccarlo con
la punta de deti. La porta è alta vn brac-
cio e mezzo, e larga vno, & è vicina al
cantone sinistro, volta a Settentrione. Si
chiude con argento massiccio in due parti, e
vi si monta con vna scala. E coperta da vn
terrazzo sostenuto da trè colonne di figura
ottangolare, che sono di legno d' aloè della
grossezza d' vn huomo, alte trè braccia e
mezzo, tutto d' vn pezzo, e di ottimo odo-
re. Nel di dentro è tutta parata di seta
rossa,

rossa, e bianca, & in essa è scritto a lettere d'oro Arabiche: La Elàh, ellà Allàh: Mohammed Rasul Allah: parole di lor fede. Stà in mezzo la Città, circondato d' un muro in quadro, essendo frà il recinto, & il Tempio un buono spatio. E coperto d' una bella cuppola. Il cortile, che è attorno, si chiama Haram, oue sono tre ordini di colonne, e quattro volte nel muro, per le quattro sette del Maomettismo; oue fanno le loro orationi. Ogni volta riguarda verso il Beit Allàh, (ò vero Tempio) doue guardano pregando. Il Beit Allàh è cinto di due cinture dorate, una in alto, l' altra à basso. Le tegole sono dorate, che sporgono in fuori del terrazzo per la lunghezza d' un braccio. I Maomettani dicono, che sono d' oro massiccio, come ancora le cinture; ma non è credibile. Seruono à gettar l' acqua della pioggia, acciò non guasti i paramenti, che il Gran Signore, & altri Prencipi Maomettani inuiano in dono à gara. Et nonnullis interiectis. Non si può entrare in questo Tempio, che stimano sacrosanto, senon quattro volte l' anuo. L' una nel Roma-

dan, per lauarlo d'acqua rosa, dappo ha-
uerlo ben nettato: mà chi vuol donare vn
centinaro di zecchini, troua il modo d'en-
trarui. Et concludit. Hò saputo tutti que-
sti particolari da vn Gentilhuomo degno di
fede, che dimorò sette anni al seruitio del Rè
Sceriffo, hauendorinegato: e che io in Da-
masco aiutai a saluarsi: & il medemo poi
mi fu confermato da molti. Hæc Author
de Kaaba, seu Templo Meccano. Sed
ea quæ ad Mahumetum spectant, prose-
quamur.

*De naturalibus, ac moralibus
Mahumeti qualitatibus.*

Caput Vigesium sextum.

IN his vtrisque describendis, par-
tim ridiculos, partim mendaces se
ostendunt Authores Mahumetani
ex

ex quibus nonnulli potius ideam perfectissimi Principis, quam Mahumetum describunt. Cæterum ex ijs, quæ in vita eius relata sunt ab ipsis Mahumetanis, potest unusquisque apertè cognoscere, quis, & qualis fuerit Mahumetus. Hic breuiter tantum minus incredibilia indicabo.

Fuit Mahumetus staturæ quadratæ, quæ neque in longitudine, neque in breuitate excederet. Color eius erat albus rubro temperatus. Paucissimos in capite vel barba canos habebat. Erat perfectissimæ constitutionis: nec macie, nec caluitie deformatus. Habuit oculos nigros cum albedine, in qua apparebant tenuissimæ venæ rubræ. Vox eius equorum hinnitum referebat: alij dicunt, fuisse aliquanto raucam. Collo erat longiori, barba verò densa. Habuit maxillas læues ac planas: caput amplum: palmas, ac plantas crassiores. Grauitatem, ac maiestatem præferebat. Dulcis erat in loquendo. Latera frontis eius erant ampla: supercilia tenuia, & disiuncta,
cuma

cum gibbositate propè superciliorum .
 commissuram . Erat naso aquilino : am-
 plo ore : dissitis inter se dentibus : sub-
 tilibus capillis . Pilosa habebat brachia
 & humeros : seriesque pilorum in mo-
 dum calami decurrebat à summitate pe-
 ctoris vsque ad vmbilicum : cæteræ par-
 tes pilis omninò carebant . Pinguis fuit,
 & bene complexus ; excepto ventre &
 pectore : Agiliter, & festinè incedebat,
 tibijs diuaricatis . Tingebat se cyprio, &
 herba catam . Fluebat è plantis pedum
 eius humor , qui cum cessabat , relin-
 quebat in eis inflammationem . Vteba-
 tur ad iter agendum equo , vel mulo ,
 vel asino (nescio cur camelum omittat)
 Confricabat faciem equi sui extremitate
 manicarum tunicæ . Innitebatur virgæ vel
 baculo , iuxta morem Prophetarum , (vt
 ipse aiebat) : & ob eandem rationem ,
 pascebat etiam oves , affirmans , nullum
 fuisse Prophetam , qui oves non pauerit .
 Erat amicus ominis , idest augurij por-
 tendentis felicitatem ; & abhorrebat ab
 augurijs infaustis . Cum sternutabat , id
 sine

sine strepitu faciebat, apponens ori vestem vel manum. Cum dormiebat, sufflabat quidem, sed non ronchizabat. Cum vellet dormire, supponebat palmam manus dexteræ maxillæ suæ. Cum loquebatur, probè verba distinguebat, & ter idem verbum repètebat, vt melius perciperetur. Cæterùm parcus erat in loquendo, verbisque æquiuiocis utebatur: aliquando etiam aliquid poeticum, & parabolicum vsurpabat. Erat risus eius modestus, & placidus: & dum rideret, apparebant dentes eius genuini, seu molares. Non comedebat accumbens, neque super mensam: Cibos obuios ac vulgares manducabat: Panem etiam vulgarem amabat: & affirmabat Abu-Horeira, illum nunquam satiatum fuisse pane hordeaceo. Transibant vnus, vel duo menses, absque eo quod in domo eius ignis accenderetur: & interim fructibus sustentabatur: Dicere autem consueuerat: *Una die esurio, & altera satior.* Vesciebatur libenter carnibus gallinæ, & hobatæ, seu otis, quæ est avis
valde

valde suavis ad cibum. Erat etiam valde amicus cucurbitæ, quam comedebat expansam in patina. Præterea valde delectabatur harmo ouillo, afferens carnem humeri optimam esse. Comedebat panem cum aceto, dicens, illud esse præstantissimum condimentum. Oleum etiam tum ad cibos condiendos, tum ad corpus vngendum maximè cōmendabat. Oleribus cuiusque generis apprimè delectabatur. Nullam verò aliam rem magis amabat, quàm suaves odores, seque odoriferis rebus assidue perfundebat, dicere consuetus: *Deus posuit delectationem meam in suauibus odoribus, & in mulieribus.* Et in itineribus semper ferebat secum vasculum vnguenti, & stibium, & speculum. Omitto alias huiusmodi quisquilias, circa naturales qualitates, & consuetudines Mahumeti: quemadmodum etiam ea, quæ de moralibus illius virtutibus referunt Scriptores Arabes: hæc enim multò melius ex ijs, quæ in vita eius scriptimus, quàm ex Mahumetanorum assentatorijs verbis colliguntur. Et profecto

Etò quidquid in laudem illius iactant,
 dum de virtutibus loquuntur, destruitur
 ab eo quod in vita eius enarrant : Sit
 exempli loco. Scribunt de eius virtuti-
 bus : *Non rependebat malum pro malo :
 imò ignoscebat, & condonabat.* At in
 eius Vita scribunt, eos, qui camelos il-
 lius diripuerant, & pastores occiderant,
 fuisse ab eo crudelissimè interfectos, ab-
 scissis eorum pedibus, ac manibus, ocu-
 lisque candenti ferro erutis, atque ita,
 donec miserè animam efflarent, reli-
 ctos. Scribunt præterea : *Erat omnium
 modestissimus, & pudore virgines ipsas su-
 perabat.* Et nihilominus referunt illum
 septennem puellam, nempe Aisam, per
 vestem attractam extendisse ad se tam
 inuerecundè, vt puella ipsa in eum iratis
 verbis inueheretur. Scribunt præterea :
Nunquam tetigit manu sua mulierem.
 Fieri potest, vt Mahumetus in aliorum
 conspectu fæminâ nullam tetigerit. Satis
 enim ipsi erat, si nullo vidente, fæminas
 quasque libidini suæ obuias contrecta-
 ret. Præterea adeò erat in fæminas pro-

cax , vt ne filiæ quidem suæ Phatemæ
 pudori pepercerit , quamuis iam nuptæ :
 Hoc enim narrat Aly Ebrahim filius
 Hascem , ex auctoritate Alsadec Giaa-
 pher filij Mohammed , prout habetur in
 Vita ipsius Mahumeti scripta ab Authore
 libri اعلام الهدى *de Signis Directionis*.

قد بلغنا عن اباينا انم قالوا كان رسول الله يكثر

تقبيل فم فاطمة ميدة نساء العالمين الى ان قالت

له عايشة يا رسول الله اراك كثيرا ما تقبل فم

فاطمة و تدخل لسانك في فيها قال نعم يا عايشة

انه لما اسرى بي الى السماء ادخلني جبرائيل ع

الجنة فادناي من شجرة طوبى وناولني من ثمارها

تفاحة فاكلتها فصارت نطفة في صلبى فلما

هبطت الى الارض وقعت خديجة فحملت بفاطمة

فكلما اشتقت الى الجنة قبلتها وادخلت لساني في

فيها فاجد منها ربح الجنة ومن راحمة شجرة طوبى

فمى

في انسدية سواد : —————

Accepimus per traditionem à patribus nostris, Legatum Dei Mahumetum consuevisse multiplicare oscula in ore Phatema (filia suæ) Domina mulierum omnium seculorum : ita ut dixerit ei Aisa (vxor eius, zelotypia tacta) : O Legate Dei , ego video te valde frequenter osculari os Phatema, & intrudere linguam tuam in buccam eius . Respondit ille : Ita est, ò Aisa ; Nam postquam nocturno tempore translatus fui in Cælum , introduxit me Gabriel , cui sit pax , in Paradisum , & adduxit me ad arborem Tuba (i. beatitudinis) & præbuit mihi unum ex pomis eius , & comedi illud, & conuersum est in sperma in lumbis meis . Cum autem descendissem in terram , concubui cum Chadige , quæ concepit Phatema . Quotiescumque ergo subit mihi desiderium Paradisi , osculor illam , & ingero linguam meam in os eius , & sentio ex ea auram Paradisi ; & odorem arboris Tuba , qui est mixtus ex terreno , & celesti . En tibi modestissimus ille , qui nunquam mulieres

lieres tetigisse iactatur. Nihil hic dico
de adulterio, & incestu illius cum Zai-
naba (seu Zenoobia) vxore Zeidi filij
fui adoptiui : nihil de intemperantia
cum Maria Ægyptia ancilla sua ; nihil
de alijs eius huiusmodi flagitijs, de qui-
bus in Prodromi p. 4. aliquid in-
nuam. Superest nunc, vt non.

nulla de ijs, quæ ad res Ma-
hometi pertinent ,
appendicis lo-
co subiun-
gamus.



De

*De vxoribus, filijs, alijsque
rebus ad Mahumetum
spectantibus.*

Caput Vigefimum feptimum.

H Abuit Mahumetus, iuxta com-
munio rem ſententiam, vxo-
res viginti & vnam. Alij ſex
& viginti illi tribuunt: & præter vxores
legitimas, quatuor etiam pellices ancil-
las habuit. Ex prædictis vxoribus, ſex
repudiauit: quinque mortuæ ſunt dum
adhuc ipſe viueret: vndecim verò poſt
mortem eius; cum quibus matrimonium
non conſummauerat. Sed cum inter has
numeretur Aiſa, vel mendacium eſt, vel
ea ad nefariam tantummodò libidinem
uſus fuit. Prima illius vxor fuit Chadige,
qua viuente, nullam aliam accepit vxo-
rem. Iam verò ſuperius diximus ex Ma-
humetanorum aſſerto, nullam Mahu-
metum duxiſſe vxorem virginem, præ-
ter

ter Aisam septennem .

Suscepit Mahumetus ex Chadige quatuor mares , qui omnes in infantia mortui sunt . Quatuor item fœminas , quæ omnes supervixerunt , virisque traditæ sunt ad coniugium . Inter has Phatema Mahumeti delictum , tradita fuit Aly : tantaque in veneratione apud Moslemos habetur , vt mulierum omnium seculorum excellentissima censeatur . Præter filios prædictos ex Chadige , alium genuit Mahumetus ex pellice Maria Cophtha , quem Ebrahim , seu Abraham , appellauit . Sed hic etiam post paucos ab ortu menses interijt : providente Deo , ne ex tam immani monstro progenies virilis superesset .

Fuerunt præterea illi nouem patrui , omnes filij Abdolmotallebi : & sex amittæ è diuersis matribus . Nullus verò fuit ei propinquus maternus : mater enim eius Amena nullum habuit fratrem aut sororem . Ipse quoque Mahumetus vnicus fuit parentibus suis .

Libertos eius vsque ad quadraginta fuisse

fuisse scribunt; quorum præcipuus fuit Zeidus filius Harethæ, quem in filium adoptauit, & nihilominus abstulit ab eo uxorem, quam impotenter deperibat.

Ancillæ eius, seu libertæ, septem enumerantur, quarum præcipua fuit Maria Cophthæ.

Quindecim famulis ad obsequia sua diuersa utebatur.

Habuit quindecim Scriptores, quatuor præcones, octo custodes corporis sui in prælijs.

Illius prælia nonnulli decem ac nouem: alij duo & viginti: alij vsque ad septem supra viginti enumerant. Expeditiones tamen ab eo susceptas, vsque ad quinquaginta recensent.

Decem habuit equos, tres mulas, & quatuor asinos: camelos autem vsque ad quadraginta quinque. Centum etiam habebat oves: & vnum gallum gallinæceum album. Omnibus his animantibus singillatim proprium nomen imposuerat.

Habuit etiam arma diuersa, diuersaque

que vestes, & multa vasa & instrumenta, quæ superuacaneum est hoc loco singulatim recensere.

Hæc sunt quæ de Mahumeti Vita, ac rebus gestis referunt Historici Mahumetani, & quæ illum non Prophetam, aut Legatum Dei, sed prædonem, impium, lasciuum, maximumque hypocritam fuisse ostendunt. Certè si Mahumetus comparetur, non dico cum aliquo ex sanctioribus Regibus, vel Imperatoribus Christianis, quales S. Ludouicus Rex Galliarum, & S. Henricus Imperator fuere: sed cum multis Principibus Ethnicis, exempli causa cum Numa Pompilio, secundo Rege Romanorum: cum Vespasiano, Tito, Traiano, eorumdem Imperatoribus (detractis quibusdam friuolis, ac ridiculis miraculis, quæ illi affingunt etiam reluctanti, & ea se fecisse neganti) Mahumetus longè illis inferior vitæ probitate, morumque honestate remanebit.



D E

ALCORANO.

De nomine Alcorani.

Caput Primum.



LCORANVS, Arabicè القرآن, est vox deducta à verbo قَرَأَ, quod eadem ferè significationes habet ac verbum latinum, *legere*, & Hæbraicum קָרָא, cum quo etiam conuenit in sono. Significat enim legere librum; atque etiam colligere, & congregare plura in vnum. Hinc dicimus, *legere flo-*

o 3 res,

res, idest colligere. Itaque Alcoranus idem erit ac *lectio*, seu *liber lectionis*: eò quòd in eo legantur Mahumeticæ Sectæ Sanctiones: vel *collectio*; eò quòd in eo collecta sint quæ sparsim Mahumeto per spatium viginti ac trium annorum reuelata esse finguntur: vel quia in eo Saracenicæ legis statuta colligantur.

Notandum est autem القرآن *Alcoran*, esse cum articulo Arabico ال *al*, qui respondet ex parte Italico *il*, & Græco ὁ: sed propriè Hæbraicæ literæ ה; quam vocant הַיְיָהוּה idest *notificatiuam*: Porro sine articulo scriberetur قران *Coran*; & significaret indeterminatè quemuis librum legibilem: cum articulo autem prædicto significat determinatè Librum specialem legis Mahumeticæ, respondetque voci הַמִּקְרָא, qua Hebræi Sacra Volumina inscribunt, quæ Græci τὰ βιβλία; nos cum iisdem, *Biblia*, appellamus. Vt autem in lege scripta, ita in orali, quæ traditiones à Legislatore non scri-

scriptas continet, Hebræorum simias Mahumetani se exhibent. Quemadmodum enim hanc secundam Hebræi מִשְׁנָה *Miscnâh*; ita Arabes, Prophetæ sui traditiones سُنَّة *Sonnat*, voce non absimili nuncupant.

Præterea, ut Hebræi Sacrorum Voluminum, ita Arabes Alcorani sui non solum Suras seu Capita; sed versus, dictiones, & characteres enumerauere. Quin etiam varias lectiones ad eorum imitationem adnotauere, quas in ipsius Alcorani explicatione licebit recognoscere. Extat de illis libellus manuscriptus, Authore محمد بن محمود بن محمد الفرقاني

Mohammad filio Mahmud filij Mohammad Samarcandio, in Bibliotheca Illustr. Abbatis D. Erasmi filij celeberrimi Viri Petri de Valle nobilis Romani. Vixit Author anno Hegiræ septingentesimo quinquagesimo quarto; qui respondet anno Christi, circiter 1354.

Vocatur etiam Alcoranus الفرقان *Al-pher-*

phorcan, à verbo فرق *distinguere* : quasi distinguat vera à falsis, & licita ab illicitis. Hoc tamen nomine etiam Pentateuchus, & quilibet liber sacer appellatur. Dicitur præterea الذكر *Aldhecr*, idest *Commemoratio*, seu *Commonitio* : quia in eo commemorentur verba Dei, & quia per illa homines commoneantur. Sed hoc nomen commune est etiam Pentateucho, & Evangelio. Vocant etiam Alcoranum simpliciter per Antonomasiā الكتاب, idest *Librum*, sicut Græci Sacra Volumina, τὰ Βιβλία : & كتاب الله, idest *Librum Dei* : alijsque nominibus, ac titulis honorificis illum insigniunt.



*De Alcorani idiomate ,
versionibus , disposi-
tione , & stylo .*

Caput Secundum .



Alcoranus Arabico idio-
mate primò scriptus ac
vulgatus est : deinde in
Persicam linguam trā-
slatus , sed multa cum
variatione ; itaut ab A-
rabico notabiliter dissidere dicatur . In
alias linguas, quantum rescire potui, non
sinunt Moslemi eum transferri . In La-
tinum idioma conuerti curauit Venera-
bilis Abbas Petrus Cluniacensis . Hæc
translatio Basileæ impressa , in Indice
Romano meritò prohibetur , non tam
ob

ob ipsam Alcorani doctrinam, quam propter marginales adnotationes, quæ in impietate Alcoranum ipsum excedunt. Nuper prodijt Versio Gallica, à D. de Beyr elaborata. Extat etiam interpretatio Italica, & Hispanica; sed hanc postremam nondum vidi. Ego versionem meam feci, adhibitis doctissimis Alcorani Interpretibus Arabibus, sine quorum ope frustra omnino in ea desudassem. Est enim Alcoranus ita obscurus, concisus, perplexus, diffusus, atq; elumbatus; vt, nisi illius Expositores suppetias ad eius intelligentiam ferrent, Oedippo ipsi frustra explicandus traderetur. Verum, Arabes etiam Interpretes plerumque diuinant, sed falsò; & Prophetæ sui ineptias in mysteria transformant. Quamobrem mirum non est, si in hominum nostrorum versionibus Alcorani, innumeræ propè hallucinationes deprehendantur. Hoc autem me mouit vt interpretationem meam ita concinnarem, vt verbotenus Arabico textui responderet. Et vt non solum in verbis, sed etiam
in

ris, seu *Suratis*, scribunt *Azoaras*.

Distinguitur itaque liber totus Alcorani in Suras, seu Capita, centum & quatuordecim, in qua enumeratione non pauci ex nostris manifestè errant, plures vel pauciores recensendo. Ex his quædam ita breues sunt, vt tres, vel quatuor versiculos non excedant. Quædam verò ad trecentos ferè versus, & plerosque satis prolixos perueniant. Itaut similis sit Alcoranus Tigellio illi Sordio, de quo Horatius, lib. 1. Sat. 3. scribit: *Nil æquale homini fuit illi. Habebat sæpe ducentos, sæpe decem seruos*. Alias diuisiones inuenio Alcorani, in quibus tamen non omnes conueniunt.

Inscribuntur autem Suræ, vel à prima ipsarum dictione, de more Hebræorum; vel à materia aliqua partiali, quæ in ijs tractetur; rarò à totali: nam nulla ferè Sura habet vnam certam materiam; sed per sexcentas nugas inordinatim vagatur. Non tamen inscriptiones, seu tituli earum sunt vniformes in omnibus Alcora-

corani exemplaribus, ut suis locis videbimus.

Præterea quædam ex his Suris inscribuntur **مكتبات** 1. *Meccanæ*, quia reuelatæ dicuntur Mahumeto Meccæ: quædam verò **مدنيّات** 1. *Medinenses*, quia traditæ sint illi Medinæ. Quædam ex parte Meccanæ sunt, & ex parte Medinenses: quia pars earum Meccæ, pars Medinæ reuelatæ feratur. Quædam dubiæ habentur, quas notant Interpretes his verbis **يختلف فيها** 1. *Variatio est in illa*: quia scilicet non conuenit inter Doctores, utrùm Meccæ, an Medinæ Mahumetus eas acceperit. Author **المعريّ** *Masaudius*, & alij communiter scribunt, reuelatas fuisse Mahumeto Medinæ triginta ac duas Suras: reliquas verò Meccæ. Est autem Mecca Vrbs Arabiæ Petreæ, seu iuxta alios, Felicis, in qua natus est Mahumetus, & vixit per plures annos. Alio nomine appellatur, **بكة** *Becca*.

Medi-

Medina autem est Vrbs Arabiae Petrae, alio nomine يثرب *Iathreb*; ad quam transmigravit Mahumetus eiectus Mecca: vixitque in ea per decem circiter annos, ac mortuus sepultusque est. Ibidem nunc illius sepulchrum inuisitur, quod multi ex nostris per errorem Meccae constituunt. Propterea vulgò مدينة النبي *Medinat Alnabi*, idest *Vrbs Prophete*, nuncupatur. Distat autem Mecca à Medina itinere decem dierum.

Suræ, seu capita, vt dixi, distinguuntur in versiculos, quos Moslemi آیات *i.*

Signa appellant, quasi quilibet versiculus signum sit vel miraculum. Hæc autem signa dignoscuntur ex terminatione rythmica in morem carminum Ethruscorum. Verum quia huiusmodi rythmus non semper est vniformis in tota qualibet Sura: ideo in nulla ferè est certus numerus Signorum: & quidam plura, quidam pauciora constituunt. Eadem signa non sunt regulata numero syllabarum, itaut

ita ut legitimum carmen efficiant (sicut apud omnes Arabes, Hebræos, Græcos, Latinos, Ethruscos, & reliquas ferè gentes moris est) : sed sine vlla syllabarum regula, vel numero, sæpè breuius, sæpè longius prosaicè decurrunt, donec in rythmum desinant, qui vt plurimum consonans est, vocali affecta, cum vna ex tribus quiescentibus præcedente : vt *وِ* ina, *يَا* ina, *أَ* ano; ita ut Alcoranica Poesis non sit dissimilis ab ea, qua cæci, vel erronei in triuijs & plateis ex tempore vtuntur : imò longè minus lepida & concinna.

Stylum Alcorani Arabes ad Cælum efferunt. Styli autem nomine, elegantiam, & pulcræ rerum, verborumque dispositionem intelligo. Est sanè in Alcorano fluxus quidam verborum ad aurium pruritus ac lenocinium accommodatus : præsertim vbi modum loquendi propheticum affectat, & Sacrarum Scripturarum phrasin imitatur. Cæterùm vbi è proprio loquitur, nihil habet, nisi quis-
qui-

quilias , & meras ineptias , quas tamen Moslemi pro miraculo venerantur . Sed de hoc Alcorani miraculo fufius proprio in loco differemus .

Dixi , Alcoranum affectare ftylum propheticum , Id verò facit non folùm in verbis, & fententijs: fed etiam in commutatione temporum , & personarum . Sæpe enim loquens de præteritis , ytitur tempore futuro : contrà verò futura tamquam præterita enunciat . Sæpè tranfit à persona tertia in primam , & à prima in tertiam , & à tertia in secundam : quemadmodum videmus in Prophetis , & aliquando etiam in noſtris Poetis contingere .





De Materia Alcorani.

Caput Tertium.



VIX dici potest, quid determinatè cōtineat Alcoranus : est enim miscella, & farrago innumerarum rerum. Zamchascerius, alijque Expositores diuidunt materiam Alcorani in *تشابها*. *Assimilatam* : & in *مكتبا* *re-*

ctè firmatam, vel *Sapienter dispositam*. Prima continet ea, quæ sunt obscuriora intellectu, & vel parabolica, & ænigmatica, vel à Deo reuocata, & abrogata. Secunda verò ea, quæ sunt clara, aperta, & ab omni dubitatione remota,

p

& à

& à Deo nunquam reuocata, aut abrogata. Sunt enim plura in Alcorano, quæ à Deo retractata, & abolita esse dicuntur: de quibus paulò post agemus.

Secundò continet Alcoranus, iuxta Gelaleddinum, Authorem satis celebrè

ac notum, الأحكام والقصة والمواعظ

Iudicia, Historias, & Paræneses. Ad Iudicia pertinent leges, & sanctiones tam ad res sacras, quàm ad politicas spectantes: cuiusmodi sunt ieiunia, preces, peregrinationes, matrimonia, hæreditates, tribunalia. Ad Historias, variæ narrationes, partim è sacris literis (quamquam corruptè) desumptæ: partim fictæ, aut ex libris apocryphis, sed præcipuè ex Thalmud Iudæorum, excerptæ. Ad Paræneses referuntur hortationes ad nouam religionem, ad bella pro eius defensione ac dilatatione suscipienda, ad eleemosynas, ad preces; deterrendo à vitijs, Paradisi felicitatem pollicendo, extremæ diei rigorem, ac gehennæ pænas comminando.

Por-

Porro in Alcorano modò fingitur loqui Deus, vel Gabriel ad Mahumetum, seu Meccanos, aut alios: modò Mahumetus ipse alloquitur suos affeclas, ~~vetin-~~ fideles, præsertim Meccanos, vel Iudæos, vel Christianos: exprobrando illis impietatem, perfidiam, & errores, & ad sectam suam illos exhortando. Modò loquitur vniuersus Cætus fidelium: modò damnati in gehenna: modò beati in Paradiso: ita vt sit veluti quoddam drama, in quo diuersæ personæ loquentes introducuntur.

Quod verò nonnulli ex nostris Alcoranum tam impia, nefaria, scelestæ, ac naturæ lumini repugnantia, & præsertim detestabile contra naturam flagitiū docere, ac præcipere affirmant; verum magnâ ex parte esse conuincitur. Errores præcipui in eo sunt, Christi Diuinitatem, ac passionem per mortem Crucis, & mysterium Sanctissimæ Trinitatis negare: historias sacras corruptè confusèque referre, & figmenta quædam noua, præsertim Thalmudica, permiscere.

Cæterum nihil ferè sacrarum scripturarum intactum relinquit : de Adam & Heua , de Cain & Abel , de Noe , de Henoch, de Abraham, de Isaac & Iacob, & Ismael, de Moïse, & Pharaone, de Saul, David, Salomone, Ezra, Iesu Christo, Beata Virgine Maria, Zacharia, Ioanne Baptista, & alijs ferè omnibus, qui in sacris libris recensentur. Præterea de Septem dormientibus, de Martyribus sub Dunaan tyranno, & alijs nonnullis historijs Ecclesiasticis. Quin & de Alexandro magno, Æsopo, & alijs ex historijs profanis. Hæc verò, & alia ad nauseam repetit, & perpetuò crambem recoquit.

Magna verò pars Alcorani in supremi Iudicij die, Paradisi gaudijs, & Gehennæ pænis describendis, vel commemorandis infumitur. Verùm in his quoque multa fabulosa, absurda & ridicula admiscetur. Ad bella contra Infideles pro religione capeffenda sæpe suos hortatur. De precibus, eleemosynis, peregrinatione Meccana, ieiunio mensis

Ro.

Romadan, Matrimonijs, & alijs sectæ suæ ritibus & institutis multa præscribit. Quædam etiam habet ad virtutes morales, & Theologicas spectantia, quæ ex Christianorum libris vel colloquijs hausisse non est dubitandum. Iudæos sæpissimè insectatur: aliquando etiam Christianos, sed humaniùs. Aliquando demum Satyris pro Suris utitur, in quibus contra quosdam sibi infestos, præsertim cognatos, pus euomit atque venenum.

Porro ea fuit antiqui hostis versutia, ut ad nouæ sectæ fidem faciliùs conciliandam, transfigurans se in Angelum lucis, inter absurda plurima, falsa, impia, ac ridicula; multa etiam pia, sana, vera, & omninò Catholica permisceret: præsertim quæ ad Dei venerationem, cultum, ac magnificentiam spectant. Eius enim epithetis, laudibus, & encomijs Alcoranus propè totus respersus est. Vult scilicet inimicus homo zizania bono semini superseminare; quod seductores, ac nouarum sectarum authores

penè omnes facere consueuerunt , quo
 simplices homines facilius in errores
 suos attraherent. Rectè monet S. Au-
 gustinus lib. 2. quæst. Euang. cap. 40.
*Nulla falsa doctrina est, quæ non aliqua
 vera permisceat.* In Apocalypsi | cap. 13.
*Bestia illa horribilis, quæ fortasse Mahu-
 metum præsignabat, habebat cornua duo
 similia Agni : sed loquebatur ut Draco.*
 Apparet prima fronte Alcoranus simi-
 lis Sacris Libris vtriusq; Testamenti : quid
 enim sanctius, quàm prima illa eius verba ?

الحمد لله رب العالمين : الرحمن الرحيم : مالك يوم

الدين : اياك نعبد و اياك نستعين : اهدنا

الصراط المستقيم : صراط الذين انعمت عليهم

غير المغضوب عليهم ولا الضالين :

*Laus Deo Domino Mundorum : Misera-
 teri , Misericordi, Regnanti diei Iudicij :
 Te adoramus , & opem tuam implora-
 mus . Dirige nos ad viam rectam : viam
 illorum , erga quos beneficus fuisti, non eo-
 rum, in quos iram exercuisti ; neque eorum,
 qui*

qui errauerunt. Quis credat tam pia ac
 sana verba, vel ab impio infanoque Au-
 thore prolata fuisse; vel summæ impieta-
 ti pro larua tantum deferuire? Et tamen
 ita est. Imò quia Alcoranus sic pietate
 laruatus incedit, nec est, qui laruam de-
 trahere illi studeat, aut curet: totum iam
 penè Orbem decepit. Plures, fateor,
 contra Alcoranum scripsere: sed pleri-
 que vel falsa crimina obijcientes,
 vel vera prætermittentes; Ma-
 humetanos in errore suo
 non parùm con-
 firmaue-
 re.





De Alcorani Authore.

Caput Quartum.



Eferam hoc loco , non quidem ea , quæ ad Mahumeti vitam , ac res gestas pertinent : nam de his ex professo superius egimus : sed præcisè , quid nostri de Alcorani Authore sentiant . Deinde etiam Moslemorum sententiam in medium adducam . Demum quid ego ipse mihi persuadeam , breuiter aperiam .

Communis nostrorum opinio est , Monachum quemdam , Sergium nomine , Alcoranum scripsisse , vel in illo scribendo Mahumetum adiuuisse . Sed quis fuerit iste Sergius , non omnes conveniunt :

niunt: neque etiam eodem modo rem ipsam Authores referunt. S. Petrus Paschasius Martyr, Giennensis Episcopus, ex Ordine S. Mariæ de Mercede Redemptionis Captiuorum, qui viuebat anno Christi millesimo trecentesimo: in sua Historia Mahumetica cap. 8. scribit, Monachum quemdam (nomen reticet) valde doctum, & sapientem, sed ambitiosum, & honoris cupidum, cum Romam profectus ad honores aucupandos, non posset assequi suum intentum: decreuisse aliquid mali contra Romanam curiam, & Christianam Religionem moliri. Itaque Roma discedens, contulit sese in regiones Maurorum, quos Saracenos, & Agarenos, & Ismaelitas appellabant: & potest esse (inquit Author), ut prædictus Monachus natus sit in illa Mauria Maiori, ubi sunt Æthiopes: nam falsus, & fallax in omnibus suis factis, ac verbis erat. Cum autem venisset ad populum quemdam, qui nuper Christi fidem amplexus fuerat, vteos facilius deciperet, vitam eremiticam instituit: & cum

cum simulatione magnæ sanctitatis, & vitæ austeritatis, in eremo iuxta ciuitatem seorsim ab alijs degebat. Ibi Mahumetus adhuc adolescens patruī sui camelos pascebat. Monachus videns adolescentem viuacis indolis, ingenio acutum, & forma decorum, cæpit cum illo familiariter agere, eumque palpare, ac lenocinari, & multa docere, quæ ipsi placere intelligebat. Tandem pollicitus est illi, si sibi fidem seruaret, magnū ipsum Principem, multarumque Urbium Dominum effecturum. Promittenti Mahumeto fidem, præcepit Monachus, vt adduceret ad se duos vitulos; album alterum, alterum variegatum; & columbam candidam. Iussit verò, vitulum album ita sub terra clausum custodire, vt nullus eum videret: interim ipse solus pasceret eum, & cum eo sæpe luctaretur, atque ad humum illum deijceret. Variegatum verò assuefaceret comedere semper in sinu suo: Columbam autem accipere cibum ex aure sua dextera. Omnia adamussim executus

cutus est adolescens. Moritur interea
 Rex Urbis illius sine prole. Ciues non
 solum de eligendo nouo Rege; sed et-
 tiam de religione, ac lege mutanda
 (quippe Christiana iam suscepta, nimis
 dura videbatur) cæperunt deliberare.
 Ortæ propterea inter eos dissensiones,
 ac turbæ magnæ; ad quas sedandas, Mo-
 nachum illum Sanctum vniuersi conue-
 niunt. Ille octo dierum spatium ad re-
 spondendum petit: diuino lumine ac
 miraculo hic opus esse affirmat. Iussit
 interim Mahumetum, taurum album è
 subterranea caua eductum, liberum
 dimittere: & quinque vtres aqua plenos
 terræ infodere, humoque operire. Re-
 deunt post septimam diem Ciues. Sua-
 det Monachus, vt Regem eligant illum,
 qui taurum album in proximis syluis er-
 rantem colluctando ad terram deiecisset.
 Id cum frustra multi tentassent,
 Mahumetus facilè effecit cum benedi-
 ctione Monachi, qui cum iam in disci-
 pulum adoptauerat, ac suis artibus pro-
 bissimè instruxerat. Vniuersi itaque
 Mahu-

Mahumetum in Regem elegerunt. Cum
verò esset hora meridiana, & populus
siti laboraret: Mahumetus à Monacho
præmonitus, orauit Deum, vt electio-
nem suam miraculo confirmaret. Tunc
baculo perfodiens terram, sub qua erant
quinque vtres aquæ absconditi, ita illos
perforauit, vt aqua super faciem terræ
efflueret; ex qua populus bibit, non tam
ad sedandam sitim; quàm ad pietatem
ostentandam. Nouum itaque Regem,
ac taurum album duxerunt in Vrbem: &
tauro ad sacrificium mactato, per octo
dies festum egerunt. Interim Mahume-
tus nouam legem traditurus, iussit po-
pulum per decem dies in Ecclesia orare,
dum ipse ad Magistrum suum pergeret,
rogaretque, vt à Deo legem sibi obtine-
ret. Eo temporis interuallo ad Mona-
chum profectus, vna cum illo Alcora-
num confarcinauit, quem aureis chara-
cteribus eleganter conscriptum, tauri
variegati cornibus alligarunt. Postea de-
scendit Mahumetus ad Populum, qui in
Ecclesia orabat, dixitque, se legem à
Deo

Deo per preces Magistri sui obtinuisse , non tamen secum detulisse , quia Deus illam per Angelum ad eos missurus erat. His dictis , cum thronum ascendisset , cepit ad populum concionari. Interea taurus , qui Mahumetum procul insecutus fuerat , aduenit cum Alcorano cornibus alligato , & expanso : & transiens per medium populi , cecidit ad genua Mahumeti , & caput , de more , in sinu illius deposuit , in quo semper cibum capere consueuerat . Mahumetus legem reuerenter accepit : taurus verò (quem omnes Angelum esse crediderunt) ad montem reuersus est . Deinde Librum aperuit , ac legit populo ; ante precatus Deum , vt veritatem legis illius nouo miraculo comprobaret . Dum ergo legeret ; ecce columba illa , ex composito à Monacho dimissa , volauit super humerum dexterum Mahumeti , & rostrum in auriculam eius immisit , vt grana , sicut erat assucta , comederet ; statimque auolauit . Repente autem Diabolus Mahumetum obsedit , & in terram , ore , manibus

nibus, & pedibus contortis deiecit. Ille verò spumans, super templi pauimentum volutabatur, non sine magno populi metu, ac terrore. Sed accedentes ferui, sindone illum cooperuerunt. Tandem in se reuersus dixit: eo tempore sibi Angelum apparuisse, nouamque legem explicuisse. Hæc summatim ex S. Paschasio.

Author quidam recentior sub nomine *Michaelis Febure*, in opere inscripto, *Teatro della Turchia*, rem ita refert: Mahumetus militans in exercitu Heraclij, ab eo desciiuit: & magna seditiosorum turba coacta, cepit sese vt eorum Principem gerere. Aduenit eodem tempore in Arabiam Sergius quidam Monachus Nestorianus, qui ob hæresim à patria eiectus fuerat. Et cum Mahumetum noua molientem reperisset, sese illi adiunxit: & hortatus est eum ad nouam religionem cum nouo imperio instituentem. Sed quia Mahumetus erat homo idiota, & legendi, scribendique prorsus ignarus: Sergius instruxit eum in rebus Bi-
bli-

blicis, licet cum satis leui tinctura, & cum multis erroribus. Refert deinde Author miraculum fictitium columbæ, quo Sergius induxit populum ad eligendum Mahumetum in Regem, tanquam Prophetam, & Legatum Dei, cui per Angelum Gabrielem Deus ipse secreta sua reuelaret. Facile id populo rudi, atque omnis religionis experti persuasum. Interim Sergius vnà cum Mahumeto Alcoranum conscribit. Tum iubet populum in locum quemdam desertum conuenire: Deum quippe ibi legem suam ipsi, vt quondam Moyse, traditurum. Erat ibi puteus siccus, in quem nebulo-nem quemdam Apostatã cum Alcorano scripto descendere, ac delitescere antea fecerant. Conuenit frequentissimus populus. Sergius librum simillimum illi, quem intra puteum Apostata tenebat, sed sine vlla scriptura, totumque album, populo ostendit. Promittit, digito Dei in eo nouam legem scribendam: mox funiculo alligatum, in puteum demittit. Apostata totius technæ conscius,

li-

librum demissum, qui scriptura carebat, soluit: scriptum verò, quem ipse tenebat, funiculo alligat. Sergius extrahit, ac populo ostendit. Obstupuere omnes. Tum Sergius, ne fraus detegeretur, ita populum allocutus est: Ne sanctissimus hic puteus per casum cuiusbestiæ in illum coinquinetur lapidibus cum replete. Id statim fecere: & miserum illum Sicophantam ibidem sepelierunt. Hactenus Author allegatus.

Hæc est communis cæterorum ex nostris opinio; & cum his duobus omnes ferè conueniunt. Et quidem Mahumetum in conscribendo Alcorano, Christianum aliquem vel Iudæum adiutorem habuisse, communis erat Meccanorum opinio eo ipso tempore, quo idem illum recitabat. Quamobrem Sura 16. quæ inscribitur *الحل 1. Apis: 9. 106.* hæc legimus: *ولقد نعلم أنهم يقولون إنما يعلمه بشر*

Et iam quidem nouimus eos dicere: Profetò docet eum homo: 1. aliquis homo. Sed vt osten-

vt ostendat hoc esse falsum, respondet:

لسان الذى يحدون اليه اجمى وهذا لسان عربى
 مبین : *Lingua, ad quam illi inclinant, est
 barbara : at hic (nempe Alcoranus) est
 lingua Arabica elegans .* Ac si diceret :
 Christiani, & Iudæi loquuntur Græcè,
 vel Hæbraicè, vel alio idiomate barba-
 ro: quamobrem non possunt docere Ma-
 humetum linguam Arabicam elegan-
 tem, qua vtitur Alcoranus.

Ariolantur hic Expositores, vt diui-
 nent, quisnam fuerit ille homo, qui asse-
 ritur fuisse Mahumeti Magister. Zam-
 cha scerius hæc habet: ارادوا بالبشر غلاماً

كان لحويطب بن عبد العزى قد اسلم وحسن اسلامه

اهمه عايش او يعيش كان صاحب كتب وقيل

هو جبر غلام روى كان لعامر بن الحضرمى وقيل

عبدان جبر ويصار كان يصفان العميرى بمكة و

يقرون التوراة والانجيل فكان رسول الله اذا مر وقف

عليهما فسمع ما يقرآن فقالوا يعلمانه ف قيل لاحد
منهما فقال بل هو يعلمنى و قيل هو سلمان الفارسى :

Per hunc hominem indicabant iuuenem quemdam famulum Hauiteb filij Abdalozza, qui Mahumeti religionem sincerè amplexus fuerat, nomine Aisc, vel laisc, qui erat librarius. Alij dicunt fuisse Habar iuuenem Romeum, seu Græcum, qui erat in famulatu Amer Ebnolchadhermij. Alij volunt fuisse duos seruos, Habar, & lasar, politores gladiatorum in Mecca, qui legebant Pentateuchum, & Euangelium. Cumque Legatus Dei transfret per eorum officinam, consistebat, & audiebat id quod legebant. Quamobrem dicebant Meccani: Hi docent eum. Sed unus eorum interrogatus de hoc, respondit: Imò potius ille docet me. Alij volunt hunc fuisse Salman Persam. Hactenus Zamchascerius. Iahias ita rem narrat: انما يعلمه بشر يعنون عبدا لابن الخضوى وكان

رومياً صاحب كتب فى تفسير قتادة اسمه جبر وقال

بعضهم

بعضهم هو عداس غلام هتية بن ربيع ————— : ة

Certè docet eum homo. Per hunc hominem innuunt seruum quemdam Ebnolchadermij, qui erat Romeus, & librarius, ut affirmat Cottada. Vocabatur autem Habar. Alij malunt hunc fuisse Adas famulum Otabei filij Rabie. Gelaeddinus autem ita sentit : يعلمه اى القران بشرو هو قى ————— ن :

نصرانى كان النبى يدخل عليه ————— :

Docet eum, nempe Alcoranum, homo. hic autem erat Cain Christianus, cuius domum Propheta frequentabat. In ipso Alcorano. Sura 25. quæ inscribitur الفرقان Alforcan, §. 4. confirmatur non parum hæc opinio, dum scribitur : وقالوا الذين كفروا : ان هذا الا افك افتراه واعانه عليه قوم اخرون :

ان هذا الا افك افتراه واعانه عليه قوم اخرون :

Et dixerunt infideles : Non est hic (Alcoranus) nisi mendacium, quod confinxit (Mahumetus) : & adiuuerunt eum ad hoc homines alij. Et §. 5. وقالوا اساطير الاولين اكتبها

اكتتبها فهي تُلى عليه بكرة وواصيلاً :

Et dixerunt (infideles) : Narrationes antiquorum (nempe continet hic Alcoranus), quas ipse descripsit , dum leguntur ei mane & vespere . Gelaleddinus pro hominibus alijs, intelligit aliquos من اهل الكتاب ex familia Libri . Iudæos scilicet , vel Christianos , qui mane & vespere , (i. quotidie) docebant eum res Alcoranicas, quas ipse in Librum suum referebat. Zamchascerius etiam intelligit Iudæos : & addit : وقيل عداس مولى حويطب بن عبد

العزى ويسار مولى العلاء بن الحضرمي وابو فكيهة

الرومي قال ذلك النضر ابن الحارث بن عبد الدار : *Alij dicunt , (eum qui docebat Mahumetum) fuisse Adas libertum Hauiteb filij Abdaloza , & Iasar libertum Alola filij Chadermij . Et Abu-phakiha Romanus asserit , hunc fuisse Nodhar filium Hareth filij Abdaldar .* Notat autem hic Zamchascerius, non esse intelligendum , Mahumetum
scri-

scripsisse hæc per se, cum esset idiota, sed per alium.

Vt autem ad Sergium redeamus: Ma-
faudius putat illum eundem esse ac Ba-
hram: ita enim scribit in capite الغيرة:
nempe de ijs, qui fuerunt inter Christum,
& Mahumetum: ومنهم بحيرا الراهب وكان

مؤمناً على دين المسيح واسم بحيرا في كتب النصارى

مرجى وكان من دير عبد القيس

*Et inter hos fuit Bahira Monachus, qui pro-
fitebatur religionem Christianam. Nomen
autem Bahira in libris Christianorum, idem
est ac Sergius. Erat verò Monachus in Mo-
nasterio Abdolcaifi. Sed paulò infra in c.
de Natiuitate Mahumeti, appellat hunc
eundem Bahram نسطور Nestorium. Id
tamen puto ex errore Authoris, quippe
qui audiens Bahram fuisse Nestorianum
(quemadmodum affirmat Georgius Mo-
nachus Scriptor Arabs, sed Christianus)
confundit illum cum ipso Nestorio. Por-
rò Georgius hic, quem dixi, ita scribit
in Dialogo cum Principe Saracenorum*

اعلم يا ابا سلامة ان : nomine Abusalama :

محمدًا كان من الاعراب من بنى قريش من امه

اسماعيل بن هاجر المصرية زوجة ابراهيم وكان

رجلاً عربياً جماً مسافراً يتردد بسفرة الى بيت

المقدس فاضاف برجل نصراي تابع مذهب نسطور

اهم مجيرا فلما استخبره ذاك عن مذهبه ودينه

ولما علم مجيرا انه من تلك القبيلة رق على صبيلا

الالفه و المودة فافاده المعرفة بالله وتلى عليه فصول

من الانجيل والتوراة والزبور ولما عاد الى ارضه والى

امته قال لهم وبكم انكم على ضلال مبين :

Scias, o Abusalama, Mahumetum fuisse

Arabem ex Tribu Corasina, ex progenie

Ismael filij Hagar Egyptiae uxoris Abraha:

enatque homo Arabs, camelorum ductor, qui

mercaturae exercenda gratia proficiscebatur

in Ierusalem. In itinere autem receptus fuit

a quodam homine Christiano Sectae Nesto-

rianae,

riana, qui vocabatur Bahira. Cum verò hunc interrogasset Mahumetus de Secta & Religione ipsius, & intelligeret Bahira, illum esse Saracenum: ex mera amicitia & charitate imbuere eum cognitione Dei, legitque illi aliquot capita Pentateuchi, Evangelij, & Psalmorum. Reuersus autem Mahumetus in terram suam, & ad gentem suam, dixit: O vos miseros! Certè vos versamini in errore manifesto. Hæc Georgius.

Volui hæc ex Arabibus ipsis Scriptoribus referre, vt omnes intelligant, non esse nouum nostrorum inuētum id quod dicitur de conscriptione Alcorani facta à Sergio, vel Bahira, vel alio Christiano, aut Iudæo, simul cum Mahumeto; cum, etiam, Mahumeto ipso viuente, hoc idem Arabes Meccani dictitarent.

Sed venio iam ad Mahumetanorum sententiam. Negant hi Alcoranum à Mahumeto scriptum fuisse, quem ipsi الدى الامى 1. *Prophetam idiotam*, nimirum legendi scribendique prorsus ignarum fatentur. Negant etiam, ab alio homi-

ne, siue Arabe, siue extraneo, confectum ac traditum fuisse Mahumeto : quippe qui sit liber tantæ excellentiæ, vt, Alcorano ipso teste, Sura 17. *الاسرى* de itinere nocturno §. 91. *لَئِنْ أَجْتَمَعَتِ الْإِنْسُ*

وَالْحَن عَلَىٰ أَنْ يَأْتُوا بِمِثْلِ هَذَا الْقُرْآنِ لَا يَأْتُونَ

بِمِثْلِهِ وَلَوْ كَانَ بَعْضُهُمْ لِبَعْضٍ ظَهِيرًا ————— رَا :

Si simul congregarentur homines, & Dæmones, vt facerent aliquid simile huic Alcorano, nunquam id efficere possent, etiamsi mutuò sese ad hoc adiuuarent. Communis igitur, & certissima Moslemorum fides est: sicut Pentateuchum Moyse, & Euangelium Christo, & alios Sacros libros alijs Prophetis; ita Alcoranum Mahumeto à Deo ipso traditum fuisse. Sed quomodo, aut quando id factum sit, nunc audies.

Primò: Constanter credunt, Alcoranum esse æternum, imò & increatum (licet hoc nonnulli negent) semperque fuisse apud Thronum Dei in Tabula quadam,

dam, seu Libro immensæ magnitudinis, quam vocant *الروح المحفوظ* *Tabulam custoditam*: in qua omnia præterita, præsentia, & futura descripta sunt. Non desunt qui asserant, Alcoranum in ipsa Dei essentia custodiri.

Secundò: Credunt, in mense Rhomadan, Moslemorum ieiunijs sacro, in nocte quadam, quam vocant *ليلة القدر* *noctem potentia* (seu potius *dispositionis*, quia in ea disponuntur, & determinantur à Deo omnia, quæ anno illo futura sunt) eundem Alcoranum demissum fuisse per Gabrielem à Throno, siue ab essentia Dei, usque ad *السماء الدنيا* *Cælum infimum*,

nempe Cælum lunæ, scriptum in charta papyracea, in vnica summa, seu volumine.

Tertiò: E Cælo lunæ Gabrielem reuelasse Mahumeto singulos versiculos (vel plures simul) Alcorani, varijs in locis ac temporibus, in Mecca, seu Medina, per spatium viginti trium annorum, iuxta rerum exigentiam. Singuli quippe

pe versus, seu singulae Suræ, reuelabantur à Gabriele, quando aliquid peculiare Mahumeto contingebat. Hæc omnia clarius videbimus in ipso Alcorano, & præsertim in Sura 97. quæ inscribitur سورة القدر *Sura potentia*, seu dispositionis, aut decreti.

Quartò: Tradunt, Mahumetum, quando aliqui versus ei reuelabantur, illos Amanuensi suo scribendos, ac servandos tradidisse, qui confusim eos in capsâ collocabat: ita ut certò sciri non possit, quonam tempore quilibet Alcorani versiculus traditus fuerit: quantumvis in hoc Expositores Moslemi diuinare conentur. Afferunt plerique, primos versiculos fuisse illos, qui leguntur in principio Suræ 96. اقرء باسم ربك الذى خلق خلق

الانسان : *Lege in nomine Domini tui, qui creauit: creauit hominem, &c.* Itaque cum Alcoranus, quem præ manibus habemus, non sit scriptus iuxta ordinem, quo traditus est, sed præposterè, & confusim: non potest esse Alcora-

coranus ille æternus, & increatus in Throno, seu essentia Dei, nisi ille etiam sit ita præposterè confarcinatus, & confusus.

Quintò: Non solum Mahumeti Amanuenses, sed multi etiam è populo, dum ipsis Alcorani versus recitarentur, in chartulis, seu membranis adnotabant: plures etiam contenti erant eosdem memoria retinere. Sed qua fide vtrumque factum sit, tu cogita.

Sextò: Certum est Mahumetum, nullum Alcoranum integrum perfectumque reliquisse. Id constat tum ex iam dictis; tum quia ex Alcorano ipso habetur, Mahumetum illius versus recitare consuevisse, repetendo in morem psittaci ea, quæ Gabriel sibi dictabat: tum demum quia, ut Moslemi communiter tradunt, idem Gabriel semel in anno Alcoranum suum Mahumeto ostendebat: ultimo verò vitæ eius anno duabus vicibus ostendit. Ex quo constat Mahumetum Alcoranum nullum proprium habuisse.

Septi-

Septimò : Certissimum est apud Moslemos, post mortem Mahumeti, Abubacrum, qui illi in imperio successit, cum videret Alcoranum esse tantum in membranis, seu chartulis quibusdam, & hominum memorijs: collegisse huiusmodi chartulas, & expiscatum fuisse è singulorum memoria id, cuius recordarentur, atque ex his Alcoranum compegisse, quem Haphsæ Mahumeti uxori tradidit custodiendum. Cum verò illius exemplaria in varias Mahumetanorum prouincias transmissa fuissent, & magna inter ea diuersitas reperiretur, atque vnaquæque Prouincia Alcoranum suum cæteris præferret: Othman, qui Abubacro in imperio successerat, iussit à quatuor Sapientibus describi plura exemplaria ex Codice Haphsano: & cæteris suppressis, voluit illa pro legitimis haberi. Verùm neque Codex ille Haphsanus erat adeò sincerus, vt non multa in eo à Sapientibus illis fuerint correctæ: & nihilominus sunt hodie in exemplaribus Alcorani multæ lectiones variæ, & quæ

quæ non raro sententiam immutant, vt in Alcorano ipso licet recognoscere.

Quod verò spectat ad collectionem illam, & correctionem Alcorani factam per duos Chaliphas, Abubacrum, & Othmanem post mortē Mahumeti, ita scribit doctissimus inter Moslemos Ismael Scia-

hinscia, in vita Abubacri : ولما رأى ابوبكر

كثرة من قتل أمر بجمع القرآن من أفواه الرجال

وحرير النخل والجلود وترك ذلك المكتوب عند حفصة

بنت عمر وزوج النبي صلى الله عليه وسلم ولما تولى

عثمان ورأى اختلاف الناس في القرات كتب

من ذلك المكتوب الذي كان عند حفصة نسخاً

وارسلها الى الامصار وابطل ما سواها :

Cum autem vidisset Abubaker multitudinem eorum, qui occisi fuerant, iussit in unum volumen colligi Alcoranum ex ore hominum, & membranis palmarum, & pellicium : & reliquit huiusmodi volumen penes

nes Haphsam filiam Omar uxorem Mahumeti . Verum cum imperium obtinuisset Othman , & vidisset homines valde discrepare inter se propter varias lectiones : descripsit ex illo Codice , qui erat penes Haphsam , exemplaria , & misit ea per Pro-uincias , & aboleuit omnes alios Codices præter istum . In vita autem Othmanis hæc habet : ثم دخلت هذه ثلاثين فيها بلغ عثمان :

ما وقع في امر القرآن من ان اهل العراق يقولون قراتنا اصح من قراءة اهل الشام لاننا قراءنا على ابن موسى الاেশري واهل الشام يقولون قراءتنا اصح من قراءة اهل العراق لاننا قراءنا على المقداد ابن الاسود وكذلك غيرهم من الامصار فاجمع رأيه ودأى العجابه على ان يحمل الناس على المعحف الذى كتب في خلافة ابي بكر رضى الله عنه وكان مردوعا عند حقصة زوج النبي ص وتخرق ما سواه من

المصاحف

المصاحف التي بأيدي الناس ففعل ذلك المحقق
 مصاحف وجمّل كلامها الى مصر من الامصار وكان
 الذي نسخ المصاحف العثمانية بامر عثمان زيد ابن
 ثابت وعبد الله ابن الزبير وسعيد ابن العاص
 وعبد الرحمن ابن الحارث ابن هشام الخزومي:
 وقال عثمان اذا اختلفتم في كلمة فاكتبوها بلسان
 قريش فانما انزل القرآن بلسانهم .

*Ingresso anno Hegiræ trigesimo, pervenit ad
 notitiam Othmanis, id quod euenerat circa
 Alcoranum: nimirum Eracenses dicebant:
 Alcoranus noster habet veriore lectionem,
 quàm Alcoranus Syrorum: nos enim legi-
 mus illum secundum Abumusam Aascia-
 raum. Syri verò dicebant: Alcoranus no-
 ster est melioris conditionis, quàm Alcoranus
 Eracensium: nos enim legimus illum se-
 cundum Mecdadum filium Assuadi. Et ita
 ceteræ Prouinciæ inter se contendebant. Con-
 uenit igitur Othman unà cum Primatibus
 Mahu-*

Mahumetanorum , ut cogeret homines ad
 usum illius codicis , qui scriptus fuerat in
 Principatu Abubacri , & asseruabatur pe-
 nes Haphsam uxorem Propheta : & com-
 burerentur cetera omnia exemplaria , quæ per
 manus hominum circumferebantur . Fecit
 igitur hoc Othman , & describi iussit e Co-
 dice Haphsano multa exemplaria , quæ
 transmisit per singulas Prouincias . Illi au-
 tem , qui iussu Othmanis descripserunt exem-
 plaria e Codice Haphsano , fuerunt : Zeid
 filius Thabet : Abdallah filius Zobeir : Said
 filius Alaas : & Abdorrahman filius Ha-
 reth filij Hasciam Machzumensis . Dixit
 autem his quatuor Viris Othman : Cum
 discrepantes fueritis inter vos circa aliquam
 dictionem , scribite illam lingua Corasina :
 Alcoranus enim in huiusmodi lingua tradi-
 tus fuit . Haftenus Sciahinsciah . Abu-
 giaaphar etiam Chronologus primarius ,
 quem in compendium redegit Alma-
 cinus , in vita Abubacri ita scribit :

ان ابا بكر رضى الله عنه اول من جمع القرآن من

الوحين

الروحين فانه لما اُصيبوا المسلمون باليهامة خاف ان
يعدم من القران طائفة وانما كان في صدور الرجال
وقى الرقاع بين الروحين وسماه معجزة

*Abubacer fel. mem. primus fuit qui collegit.
Alcoranum ex duabus tabulis. Cum enim
Moslemi aduersam fortunam in Iemama
habuissent, timuit ne aliquid Alcorani pe-
risset: erat enim solum in hominum memo-
ria, & in schedulis inter duas tabulas: &
appellauit eum Mosbaphum. 1. Codicem.
Ex his constat valde dubiam, & incer-
tam esse Alcorani fidem.*

Sed non dissimulabo, hoc ipsum quod
ex Authoribus Mahumetanis adduxi,
paulo aliter referri à P. Vincentio Maria
de S. Catharina, Carmelita discalceato,
in itinere ad Indias Orientales lib. 1. cap.
17. vbi scribit: Sergium indignatum,
eo quòd se Constantinopoli eiectum
vidisset, cum Mahumeto societatem
iunxisse, & cum eodem Alcoranum
composuisse, cuius prima structura adeo

r

rudis

rudiserat, & incondita, vt Arabes pudore illius affecti, legemque tam ineptam ac barbaram dedignati; quatuordecim suorum doctissimos Damasci collegerint, qui Alcoranum ad talem styli elegantiam rede gere, vt hoc tempore nihil illi par, nihil simile esse, aut fieri posse, ab insulsis Mahumetanis censeatur. Hæc ille. Non tamen omnem fidem ijs, quæ á nostris circa hoc argumentum dicuntur, haberi volo; quippe non rarò eos improbabilia, minimèque vero similia afferre video.

Illud certissimum est, in Alcorano, etiam prout hodie extat, maximam confusionem ac perturbationem ex testimonio ipsorum Mahumetanorum reperiri. Inter hos Iahias Ebnosalam Bosrensis, in principio Expositionis Alcorani hæc habet. بعض الايات نزلت الآية منها قبل

الاية وهى بعدها بالتاليف وقد فسرنا هذه الوجوه فى مواضعها من التفسير : وان ما نزل بمكة فهو من

المتكى

المَكِّي وما نزل في قدوم المدينة فهو من المدني : وما
 كان من القرآن يا ايها الذين امنوا فهو مدني : وما
 كان يا ايها الناس فهو مكِّي او مدني واكثر مكِّي :
 قال يحيى : ولا يعرف تفسير القرآن الا من عرف
 اثني عشر خصلة : المكِّي والمدني : والناسخ والمنسوخ :
 والتقديم والتأخير : والمقطوع والموصول : والخاص
 والعام : والاضمار والعريضة . واخبرني صاحب لي عن
 سعيد بن ابي عروة عن قتادة ان حديقة بن اليماني
 قال لعثمان ابي عفان ما كنت صانعاً اذا قيل
 قراءة فلان وقراءة فلان وقراءة فلان كما صنع اهل
 الكتاب فاصنعه الان : فجمع عثمان الناس على
 هذا المعنى وهو حرف زايداً . وحدثني الحسن بن
 دينار عن محمد بن سيرين ان جبرائيل كان ياتي
 النبي عَمَّ فيعرض عليه القرآن عرضة كل عام فلما
 كان

كان العام الذي قبض فيه اتاه فعرض عليه مرتين : قال
ابن مبرين فكانوا يرون ان قراءتنا هذه هي الارضة
الاخري : قال يحيى : وحدثونا ان السور لم تنزل كل
مورة منها جملة الا اليسير لكن النبي عم قد كان
يقى وامر لم كلما نزل من القران شيئا ان يضعوه من
السور في المكان الذي يأمرهم فيه حتى تمت السور :
وكان يأمر ان يجعل آية كذا بين ظهري كذا
وكذا من السورة : وقد انزل المكي قبل المدني
وان هذا التاليف الذي ألف بين السور لم ينزل على
هذا التاليف ولكنه وضع هذا لم يجعل المكي من
السور على حدة يتبع بعضه بعضا في تاليف السور
وقد نزل مكة بعض ما امر به لما يكون بالمدينة
يعملون به اذا قدموا المدينة وان بعض الايات نزل
منها قبل الآية وهي بعدها في التاليف وقد قسمونا
هذه

هذه الوجوه في مواضعها من التفسير وان ما نزل
بمكة وما نزل في طريق المدينة قبل ان يبلغ النبي
المدينة فهو من المكي وما نزل على النبي في اهاضه
بعد قدوم المدينة فهو من المدني : قال محمد : وجميع

ما نقلته من كتاب عيسى فقد اخبرني ابي رحمه الله :
*Quidam versiculi traditi sunt ante alios, qui
tamen postponuntur in ordine Alcorani : Iam
verò explicauimus hoc suis locis in exposi-
tione Alcorani. Porro id quod traditum fuit
in Mecca : id inscribitur Meccanum. Quod
verò traditum in aduentu in Medinam : id
inscribitur Medinense. Quoties in Alcorano
dicitur : O qui crediderunt : est Medinen-
se. Quoties verò dicitur : O homines : est
Meccanum, vel Medinense ; sed plerumque
Meccanum. Non poterit autem ritè expo-
nere Alcoranum, nisi qui probè calluerit
duodecim illius proprietates, nimirum :
Meccanum, & Medinense : Abrogatum,
& Abrogans : Præpositum, & Postpositum :
Disiunctum, & Coniunctum : Peculiare,*

& Commune : Implicitum in intentione ,
 & Explicitum in verbis . Narravit autem
 mihi amicus meus ex eo quod audierat à
 Saido filio Abu-Arue , qui audierat à Cot-
 tada : Hodeipham filium Iemanij dixisse
 Othmani filio Ophanis : Non faciebas (cum
 tibi dicebatur : Ita legit talis (in Alcora-
 no) : & ita talis , & ita talis) sicut fece-
 rant Iudai in suis Biblijs : fac igitur nunc
 hoc . Congregavit ergo Othman homines su-
 per hoc exemplar : & ipse expunxit ex eo
 superflua . Et narrauit mihi Hasan filius
 Dinar , se audiuisse Mohammad filium Sai-
 rin dicentem : Consuevisse Gabrielem ve-
 nire ad Prophetam Mahumetum , & osten-
 dere illi Alcoranum semel per singulos annos .
 Cum autem aduenisset annus , in quo mor-
 tuus est , apparuit illi Gabriel , & ostendit
 ei Alcoranum duabus vicibus . Dixit filius
 Sairin : Existimabant igitur , hunc Alco-
 ranum , prout nos legimus , esse illum eum-
 dem , quem Gabriel ostendit Mahumeto vl-
 tima vice . Narrauerunt etiam nobis, Suras
 Alcorani non traditas fuisse singulas in una
 summa , (totas scilicet & integras), nisi
 pau-

paucas . Sed Propheta Mahumetus iam nomen indiderat Suris , & præceperat Amanuensibus , ut quoties traditum fuisset aliquid Alcorani , ponerent illud in Suris eo in loco , quem præcepisset illis , donec perficerentur , seu complerentur Suræ . Præcipiebat autem , ut poneretur in principio Surarum id quod erat Medinense ante Meccanum . Veniebat autem Gabriel ad Prophetam Mahumetum , & dicebat illi : Deus benedictus & excelsus præcipit tibi , ut ponas versiculum talem in medio talis , vel talis Suræ . Et iam quidem Suræ Meccanæ traditæ sunt ante Suras Medinenses : quamvis hic ordo , quo nunc dispositæ sunt Suræ , non sit idem ordo , quo traditæ sunt . Verumtamen præsens Alcorani dispositio non collocat Suras Meccanas omnes simul separatas à Medinensibus , cum consequentia unius post aliam in ordine Surarum . Neque collocat Suras Medinenses separatim cum consecutione unius post aliam in serie surarum . Porro nonnulla traditæ sunt in Mecca cum præcepto faciendi ea , quando peruenissent in Medinam , eo quod ad illud tempus pertinerent :

quamuis quidam versiculi traditi sint Mahumeto ante alios, qui nunc in dispositione Alcorani iisdem postponuntur. Porro id quod reuelatum fuit in Mecca, & in itinere, antequam perueniret Mahumetus in Medinam: pertinet ad Suras Meccanas. Quod autem reuelatum fuit Propheta in alijs itineribus eius post aduentum in Medinam, pertinet ad Suras Medinenses. Dixit Mohammad: Omnia quæ transcripsi ex libro Iahia, iam ante audiueram à patre meo fel. mem. Hactenus Iahias; vel potius Mohammad filius Abdallah Zemanin, qui Iahjæ historiam in compendium redegit.

Hæc omnia satis confirmant id quod dicebam, nempe in Alcorano vniuersa esse perturbata: cum in eadem Sura confundantur Meccana cum Medinensibus, & anteriora cum posterioribus. Quamobrem impossibile est Expositoribus Moslemis Alcorani intelligentiam assequi, cum incertis tantummodo coniecturis, fallacique famæ inniti illos oporteat: id quod ingenuè fatetur celeberrimus ille Interpres Ahmed filius Mohammed

Tha-

Thalebiensis, cognomento القمباليه *Castalana*, in principio expositionis Alcorani, vbi hæc habet التفسير علم نزول الآية

وكانها وقصتها والأسباب التي نزلت فيها وأخبر

أنه يطور على الناس القول فيه إلا بالسمع والاثار :

Expositio est scientia reuelationis versiculæ (1. notitia temporis quo reuelatus est), & qualitatis eius, & narrationis eius (1. historiæ quam continet), & causarum propter quas reuelatus est. Certum est autem, non posse homines assequi hoc, neque de eo sententiam pronunciare, nisi ex auditu, & ex vestigijs : idest ex fama, & indicijs, seu coniecturis. Quod si petas, cur concinnatores Alcorani, non collocauerint Suras ac versiculos eo ordine, quo fingitur Gabriel tradidisse Mahumeto, & Mahumetus ipse dictauit : nihil aliud possunt Moslemi respondere, nisi Deum, vel Gabrielem, ita Mahumeto præcepisse. Friuola tamen hæc responsio est : nam Mahumetus non reliquit volum

lum Alcoranum, neque Suras ac periodos illius certo ordine disposuit: alioquin non erat cur Abubacer ferè statim post mortem Mahumeti laboraret in colligendis schedulis, & expiscandis versiculis ex ore & memoria hominum, ut ex his vnum volumen conflaret. Hæc igitur peruersio refundenda est in Abubacrum, qui cum non posset singularum schedularum, seu versiculorum quos colligebat, ordinem certum, ac dispositionem dignoscere, vniuersa permiscuit, ac perturbatè confusèque collocavit.

Verã tamen huius rei causam hanc esse existimo. Cum in Alcorano multa sint inter se opposita ac pugnancia: Moslemi, ne Prophetam suum contra se pugnare fateri cogerentur, rationem excogitauerunt eū ab hac nota liberandi, fingentes, Deum nonnulla Mahumeto præcepisse vno tempore, quæ alio tempore (eo quod illi non congruerent) reuocauit. E. C. Sura 2., quæ inscribitur البقرة *Vacca*. § 218, prohibet vinum, *quia magna est in eo iniquitas.*

tas. Et Sura 5. *الأنبياء* Mensa §. 96. iterum prohibet; quia est res abominabilis, & opus Satanae, & auertit à memoria Dei. At verò Sura 16. *الأنعام* Apis. Commendat vinum & ebrietatem ex eo prouenientem, tanquam beneficium Dei, & argumentum potentiae, & prouidentiae eius. Qua in re cum aperta Mahumeti inconstantia, ne dicam stultitia, appareat: excusant eum Moslemi, asserentes, verba Suræ 16. reuelata illi fuisse ante verba Suræ 2. & Suræ 5. quamuis in Alcorano postposita reperiantur. Quando scilicet vini vsus nondum in excessum, & abusum perniciosum transierat. Sed de hoc fusius suo loco agemus.

Superest nunc, vt sententiam meam, seu potius coniecturam circa Alcorani Authorem breuiter aperiā.

Primum dico: non posse sustineri id quod Moslemi fingunt, & in Alcorano non semel innuitur: nempe Alcoranum viginti ac trium annorum spatio, fuisse per partes Mahumeto traditum, & deinde ab Abubacro in vnum volumen post illius

illius mortem collectum : nam centies idem Alcoranus accusat sese tanquam librum integrum, ac numeris omnibus absolutum, quem Mahumetus sæpe alijs ostenderet, ac legeret, & ad eius imitationem æmulos suos prouocaret, etiam in ipsis Pseudoprophetiæ suæ exordijs. Prima Alcorani verba post prooemium, sunt ista : *Hic Liber* ذلك الكتاب لا ريب فيه *nullam habet dubitationem*, Agitur hic de Alcorano, vt Expositores omnes fatentur. Ergo Alcoranus erat Liber iam absolutus, quando Mahumetus hæc legebat. Cum autem Suram, in qua sunt hæc verba, quidam velint esse Meccanam, & consequenter traditã ante Hegiram : necesse erit fateri, Alcoranum totum ante Hegiram extitisse. Præterea Sura 15. quæ inscribitur الحجر v. 86. fingitur Deus dicere Mahumeto : ولقد اتيناك مبعا المماني والقران العظيم :

Et iam quidem tradidimus tibi septem versus, qui repetuntur (1. prooemium Alcorani, seu سورة الغاشية) *Alcoranum*

ma-

magnum. Et quidem hæc Sura citra controuersiam Meccana est. Ergo cum adhuc Mahumetus in Mecca moraretur, totus Alcoranus illi traditus fuerat. Præterea Sura 52. quæ inscribitur *سینا* *Syna*, & est Meccana, v. 31. & alibi ante Hegiram, prouocantur Meccani ad faciendum Alcoranum similem illi, quem habebat, & legebat Mahumetus: vel saltem decem Suras, aut etiam vnicam, eiusdem excellentiæ. Idem constat ex vita Mahumeti, in qua habetur, illum in ipsis initijs legisse, & proposuisse aduersarijs Alcoranum suum. Manifestè itaque conuincitur figmentum esse traditionem illam per versiculos, seu per partes, spatio trium ac viginti annorum: & collectionem schedularum factam ab Abubacro post mortem Mahumeti ad integrum perfectumque Codicem formandum.

Deinde probabile etiam existimo, Mahumetum vel per se (non enim congruit cum cæteris quæ de eo scribuntur, id quod asserunt, illum adeo idiotam fuisse) vel ope alicuius Christiani, aut Iudæi,

Iudæi ; siue ille Sergius fuerit , siue Bahira (quidam enim volunt vtrumque fuisse) siue Abdallah filius Salam , qui inter Iudæos doctissimus censebatur ; conscripsisse Alcoranum , ac pro libro sibi à Deo per Gabrielem tradito Arabibusignaris vendidisse . Porro cum Mahometus sagacis esset ingenij (quantumuis idiotam fuisse concedamus) & per emporia Syriæ cum Mercatoribus Christianis & Iudæis , inter quos plures erant hæretici , præsertim Ariani , & Nestoriani , assiduè versaretur : interrogabat eos de rebus Religionis eorum : & Iudæi quidem fabulas Thalmudicas , quibus Alcoranus totus repletus est ; Christiani verò historias apocryphas illi venditabant . Quædam etiam ex sacris libris veteris ac noui testamenti ab iisdem excipiebat : quæ deinde ipse confusim & peruersè , utpote ignarus , sibi ab aliquo scribenda curabat . Ita nouam legem coagmentauit , quæ partim Hæbreis , partim Christianis faueret . Christianos tamen , ut pote potentiores , magis probat ,

bat, & commendat; cum Iudæos plerumque vituperet, ac proscindat: fortasse vt hac ratione Christianos sibi magis beneuolos faciat. Plura etiam ad Ismaeliticam superstitionem spectantia admiscuit: cuiusmodi sunt, peregrinatio Meccana, ieiunium Romadan, visitatio Saphæ & Maruæ, purificationes, & alia huiusmodi Arabibus Ethnicis vsitata. Ita vt Alcoranus sit mixtura trium legum, seu religionum: Hæbraicæ, Christianæ, & Ismaeliticæ, additis paucis quisquilijs, quæ è cerebro suo Mahometus extraxit. Quæ autem ex singulis harum religionum, seu sectarum, in Alcoranum suum adsciuerit, poterit vnusquisque in illius explicatione recognoscere. Vnum illud admiratus sum, quòd cum circumcisionem, siue ab Hæbreis acceperit, siue à Saracenis retinuerit, nullam de ea in Alcorano suo mentionem faciat.

Hæc quæ de Alcorani Authore ex mea coniectura dixi, verosimiliora videntur illis, quæ nostri communiter enarrant.

rant. Probabile tamen est, siue Mahumetum, siue Sergium, siue Bahiram, nouam hanc legem fictitio aliquo miraculo, siue fuerit illud Tauri, siue Columbæ, siue aliud, confirmare tentasse.

Neque credo à vero aberrabimus, si dicamus, Diabolum ipsum trāsfigurando se in Angelum lucis, sub nomine Gabrielis, Mahumeto Alcoranum dictasse, vel totum simul, vel per sectiones ac versus aliquo temporum interuallo. Est enim locutio Alcoranica valde similis illi, qua vtuntur Dæmones in Energumenis, vel Arreptitijs, vel quando se ab hominibus audiri sinunt; intermiscendo vera falsis, ludicra serijs, clara obscuris, & sæpe per ænigmata & ambages loquendo. Huiusmodi erant oracula Gentium: & ita sæpe Dæmon plures decepit, etiam Christianos, dictans eis sub figura Angeli lucis, doctrinam tenebrarum: cuius rei superfluum est exempla adducere. Vnū tamen, quia multum in rem nostram facit, non præteribo. Refert illud Petrus Bedic Persarmenus in opere suo inscripto

pto

pto چهل ستون *Cehil Sutun* 1. *quadraginta columnarum*, art. 9. Ægyptius quidam, qui appellabatur شيخ عمر ابن فارت *Doct̃er Omar filius Phareth*, qui sancti & Prophetæ nomen apud Mahumetanos sibi comparauerat, sed erat omnis literaturæ expers, qualem fingunt Mahumetum : à malo Dæmone arreptus, sæpe sæpius in terram corruerat, diuersissima de diuersissimis exclamans, ac prodens, cuiusmodi in Alcorano etiam reperiuntur. Habebat autem quosdam Amanuenses, qui ea, quæ sexaginta annorum spatium ita arreptus effutiuerat, collegerunt, & volumen Alcorano maius & elegantius effecerunt, cui titulus appositus fuit دیوان شيخ عمر ابن فارت : *Dialogus Doct̃oris Omar filij Phareth*. Hodie etiam Deruisj, seu Monachi Mahumetanorum, in extasi illa, vel deliquio, quod post longam corporis totius rotationem ac turbinationem patiuntur, aliquid simile efficiunt. Hæc mea est de Alcorani Authore opinio ; quam eò probabiliorem puto, quòd Alcoranus sit omnium ferè
f anti-

antiquarum Hæreseon colluies , quas
non nisi Satanas poterat iam prope ex-
tinctas, & in tenebris sepultas, in lucem
reuocare . Quia tamen magnam Alco-
rani partem fabulæ Thalmudicæ & Rab-
binorum deliria occupant : certum ferè
habeo , Iudæos , & præsertim Abdallah

Ebno-Salam eorumdem primò an-
tesignanum, ac deinde Mahu.

meti affeclam , & disci-
pulum , seu potius
magistrum ,

Alcora-
ni

si non vnicos , sal-
tem præcipuos
Authores
fuisse.

†

De



De Abrogatis in Alcorano.

Caput Quintum.



L A M superius innuimus, plura in Alcorano inter se pugnantia, seque inuicem destruentia reperiri: quæ cum Moslemi, vtpote apertissima, inficiari non possint, excogitauerunt rationem, qua Prophetam suum ab inconstantia, & cerebri leuitate vindicarent, negocium totum in Deum reiiciendo. Fatentur igitur, Deum ipsum multa in Alcorano præcepisse vno tempore, quæ deinde, ita rerum necessitate exigente, reuocauit. Versum reuocatum vo-
f 2 cant,

cant, المنسوخ *Abrogatum* : illum verò quo

reuocatur; الناسخ *Abrogantem*. Quamuis autem Abrogans supponatur datus à Deo post Abrogatum : in ordine tamen Alcorani sæpe Abrogatus inuenitur esse posterior : cuius rei causam iam superius innuimus : quia scilicet neque Suræ, neque versiculi in Alcorano dispositi sunt eo ordine, quo Mahumeto traditi esse finguntur ; sed confusim, & ordine præpostero ac perturbato : & nihilominus fatentur duos esse versus Abrogatos à Deo, antequam Abrogantes ab eodem traderentur : quo nihil insulsius confingi potest.

Huiusmodi abrogationes frequentissimæ sunt in Alcorano : neque solum in eadem Sura, sed etiam in eodem versu reperiuntur. Collegit has abrogationes in vnum librum, celebris apud Moslemos Doctor, Emam, seu Præsul Abu-Hasem Habat-Allah : qui in proæmio Operis sui hæc habet notatu digna :

المنسوخ

المنسوخ في كتاب الله على ثلاثة أضرب فمنه
 ما نُسخ خطه وحكمه : ومنه ما نُسخ خطه وبقي
 حكمه : ومنه ما نُسخ حكمه وبقي خطه : فاما ما
 نُسخ خطه وحكمه فمثلا روى عن انس ابن مالك
 رضى الله عنه انه قال كنا نقراء على عهد رسول الله
 من بهوزة التوبة ما احفظه منها غير اية واحدة وهي
 لو ان لابن ادم واديين من ذهب لابتغى اليهما
 ثالثا ولو ان له ثالثا لابتغى اليهما رابعا ولا يزال
 خوف ابن ادم الا الشراب ويتوب الله على من تاب :
 وروى عن عبد الله بن مسعود رضى الله عنه انه قال
 اقراني رسول الله من اية حفظتها في محقق فلما كان
 الليل لم ارجع منها الى شئ وغدوت على محقق
 فاذا الورقة بيضاء فاخبرت رسول الله عن فقال لي
 يا بن مسعود تلك رفعت البارحة : واما ما نسخ
 خطه

خطه وبقي حكمه فمثل ما روى عن عمر بن الخطاب
رضي الله عنه انه قال لولا ابي اكره ان يقول الناس
ان عمر قد زاد في القرآن ما لينس فيه لكتبته آية الرجم
واثبتته والله لقد قرأته على عهد رسول الله ص
لا ترغبوا عن ابايكم فان ذلك كفر بكم : الشيخ
والشيخة اذا زنيا فارجموهما البتة نكالا من الله والله
عزير حكيم : فهو ممنوع الخط ثابت الحكم : واما ما
فصح حكمه وبقي خطه فهو في ثلاث وصتين حورة
مثل الصلاة الى بيت المقدس والصيام الاول والشمع

عن المشرعين والأعراض عن الجاهلین :

Abrogatum in Libro Dei, est in triplici differentia. Aliquando enim abrogatur simul litera, & sententia. Aliquando litera tantum, remanente sententia. Aliquando sententia tantum, litera permanente. Primi generis, in quo abrogatur simul litera & sententia, est illud, quod habetur per traditionem

nem ab Anas filio Malec fel. mem. Ipse enim fertur dixisse : Legebamus tempore Legati Dei faustissimæ memoriæ, Suram Penitentia : non teneo memoria ex illa, nisi unum versiculum, nimirum : Profectò si filio Adam forent duo torrentes auri, certè concupisceret præter eos tertium. Quod si foret ei tertius ; certè optaret addi sibi quartum : neque implebitur venter filij Adam, nisi puluere. Et conuertet se Deus super eum, qui conuerterit se. Habetur etiam ex traditione, Abdallah filium Masaud fel. mem. dixisse : Legere fecit me Legatus Dei versiculum Alcorani, quem descripsi in Codice meo. Cumque nox aduenisset, non diuertì ab eo ad ullam rem (1. assidue de eo cogitaui). Manè autem sequentis diei inspexi Codicem meum : & ecce pagina (in qua scripseram versiculum) erat alba. Indicaui autem hoc Legato Dei, qui dixit mihi : O fili Masaud, hic versiculus sublatus est proxima nocte. Porro inter eos, quorum abrogata est litera, & remansit vis sententia, est illud, quod habetur ex traditione Omar filij Chotab fel. mem. qui dixit : Nisi ego timerem,

ne dicerent homines : Omar adiecit aliquid in Alcorano, quod non erat in eo : certè scripsissem versiculum Lapidationis, & firmassem illum : nam testor Deum me legisse illum adhuc vivente Legato Dei . Erat autem huiusmodi : Ne fastidiatis patres vestros, nam hoc esset ingratitudo in vobis . Senex & anus (melius veritas : vir illustris, & femina illustris), cum machati fuerint, lapidibus eos omnino obruite : supplicium à Deo irrogatum . Et Deus est Præpotens, Sapiens . Hic abrogata fuit litera, remanente sententia . Denique abrogata quoad sententiam, litera remanente, inveniuntur in Suris tribus ac sexaginta . Hæc autem sunt huiusmodi : Converti in oratione ad Templum Ierosolymitanum : ieiunium iuxta morem priorum : indulgere Idololatriæ, eisque ignoscere : & procul recedere ab ignorantibus . Recenset deinde Abulcasem singula abrogata in vnaquaque ex prædictis sexaginta tribus Suris ; quarum prima continet triginta versiculos abrogatos : Secunda, decem . Tertia, viginti quatuor . Quarta, novem . Quinta, quin-

de-

decim. Et ita enumerat vsque ad vltimam, ducentos, ac viginti quinque versiculos abrogatos.

Quamuis autem, vt dixi, velint Sapientes Moslemi, versiculum abrogantem semper traditum fuisse post abrogatum, licet in ordine Alcorani appareat collocatio præpostera: duobus tamen in locis asserunt, etiam in traditione abrogatum præcessisse abrogantem: quod est omnino ridiculum. Quid enim magis risu dignum, quàm si Princeps ita per præconem edicat: Sciant omnes, me nunc abrogare legem, quàm deinde traditurus sum: itaque quando eam tradam, nullus eam obseruet, vel curet? Primus ex his versiculus est Sura 2. البقرة *Vacca*, §. 241.

والَّذِينَ يَتَّبِعُونَ مِنْكُمْ رِيبُونَ أَزْوَاجًا وَمِثْلَ لَأَزْوَاجِهِمْ
مَتَاعًا إِلَى الْحَوْلِ يُغَيِّرُ إِخْرَاجَ فَإِنْ خَرَجْنَا فَلَاحُنَا
عَلَيْكُمْ قِيمًا فَعَلَيْنَ فِي أَنْفُسِهِمْ مِنْ مَعْرُوفٍ وَاللَّهُ

Qui ad mortem
peruenerint ex vobis, & reliquerint uxores;
fa-

faciant legatum ad fauorem vxorū suarum,
 ut sit illis prouisio ad annum : neque eas do-
 mo eijciant . Quod si spontè disceſſerint :
 non erit vobis piaculum ob id quod ultrò fe-
 cerunt , iuste & legitimè . Et Deus est prae-
 potens , sapiens . Hic abrogatur per prae-
 cedentem 234. والذين يتوفون منكم ويذرون

ازواجًا يتربصن بأنفسهن أربعة اشهر وعشرا وإذا
 بلغن أجلهن فما جناح عليكم فيها فعلن في

انفسهن بالمعروف والله بما تعملون خبير :

Cum aliqui fato fungentur ex vobis : vxor-
 es , quas reliquerint , expectabunt quatuor
 menses & decem dies absque nouis nuptijs .
 Cumque peruenerint ad finem huius tempo-
 ris , nullum erit vobis piaculum ob id , quod
 secum ipsa fecerint iuste & legitimè . Et Deus
 de eo quod facitis est commonitus . Secun-
 dus est Sura 33. الاحزاب Coniurati , §. 53 .
 Vbi ita fingitur Deus loqui cum Mahu-

meto : لا عمل لك النساء من بعد ولا ان تبدل :

بهن

فهو من أزواج ولو عجبك حسنهن إلا ما ملكن
يمينك وكان الله على كل شيء قبيحاً :

Non licebit tibi posthac accipere alias uxores, neque aliquam ex illis quas habes in aliam commutare; etiamsi illius pulchritudo te valde alliciat. Poteris tamen habere pro uxoribus illas, quas captiuas possederis. Et Deus omnia obseruat. Hic abrogatur per præcedentem v. 50. يا ايها النبي أنا

أحللنا لك أزواجك التي أنبت أجورهن وما ملكت
يمينك مما افاء الله عليك وبنات عمك وبنات عماتك
وبنات خالك وبنات خالاتك التي هاجرت معك
وامرأة مومنة ان وهبت نفسها للنبي ان أراد النبي
يمتدكها خالصة لك دون المؤمنين :

O Propheta: nos sanè concedimus tibi in uxores, illas quibus dederis dotes suas. Et præterea illas, quas captiuas possederis concessas tibi à Deo in partitione prædæ: itemque filias

filias patrui tui, & filias amitarum tuarum: & filias auunculi tui: & filias materarum tuarum, quæ transmigrauerunt tecum: & omnes mulieres fideles, quæ seipsas tibi tradiderint, si volueris eas tibi matrimonio copulare. Hoc autem tibi ex peculiari privilegio conceditur, præter ceteros fideles.

Quòd si quæramus à Mahumetanis, cur in Alcorano abrogatus sit quoad litteram & quoad sententiam versiculus ille, qui habetur per traditionem ab Anas filio Malec: *Profectò si filio Adam forent duo torrentes auri, &c.* vel quoad litteram tantùm ille, qui habetur ex traditione Omar filij Chottab, de lapidatione adulteri, & adulteræ: cum tamen vterque versiculus bonus sit, & conformis rationi: vel demum duo illi alij versiculi, quos recensuimus, prius abrogati sint quàm traditi: non video quid possint congruè respondere. Plura sanè absurda possent Moslemis obijci, quæ ex hac abrogatione sequuntur. Sed hoc loco pauca ista sufficiant.

De



*De Aestimatione Alcorani
apud Mahumetanos.*

Caput Sextum.



IX credi potest quan-
tam venerationem,
Moslemi erga Alco-
ranum ostendant, &
quibus illum laudi-
bus extollant. Vo-
cant illum absolute

per Antonomasiā كتاب الله *Librum,*
Dei, vt pote ab ipso Deo per Gabrielem
traditum Mahumeto. Alcoranus totus
plenus est laudibus sui ipsius. In eo, &
in alijs libris Mahumetanorum prædica-
tur: *Veridicus: Veritas missa a Deo: to-*
tus

*ius rectus, ac sine ulla obliquitate : directio
 hominum : commonitio ad omnes creaturas :
 continens omne genus parabolarum : predi-
 candus hominibus, & demonibus : lux : lu-
 cerna refulgens : miraculum perpetuum :
 miraculum omnium maximum : sapientissi-
 me dispositus : via recta : predictus in Pen-
 tateucho & Euangelio, & utriusque asser-
 tor : indisputabilis : Sacrosanctus, nec tan-
 gendus nisi a mundis : summè disertus & ele-
 gans : omnium Sacrorum librorum prestan-
 tissimus : optima doctrina : inimitabilis ab
 ulla creatura : intelligibilis a solo Deo, &
 ab eodem speciali gratia custoditus, Sed hæc
 leuia sunt. Author celebris Abu-Mo-
 hammed Mostapha Ebnalsaib Hasan,
 cognomine Gennabi, asserit Alcoranum
 continere sexaginta millia miracula. Ah-
 mad filius Abdolhalim in sua Apologia,
 affirmat, Alcoranum esse maius miraculum,
 quàm suscitationem mortuorum : & excel-
 lenter continere omnes alios Sacros Libros :
 & complecti omnia tempora, præterita, præ-
 sentia, & futura. Algazel in professione
 fidei Mahumeticæ, profitetur Alcora-
 num*

num esse *eternum* : قدیم قائم بذات الله
subsistentem in essentia Dei. Alij commu-
 niter tenent eum esse غير مخلوق *in crea-*
tum.

Sed duæ sunt præcipuè circa Alcora-
 num quæstiones. Prima est, vtrùm pos-
 sit aliquid ei simile fieri ab vlla creatura.
 Secunda, vtrùm creatus sit in tempore:
 an verò increatus, & æternus.

Quoad primam quæstionem, certissi-
 mæ fidei est apud Moslemos, nihil par,
 aut simile ab vlla creatura Alcorano fic-
 ri posse, cum id expressè in Alcorano
 ipso asseratur: itaut oppositum credere,
 impium omninò sit ac blasphemum. Ve-
 rùm quia nullus est a deo stolidus (dum-
 modo stipes non sit) qui legendo Alco-
 ranum, manifestè non agnoscat propo-
 sitionis huius vanitatem: ideo non de-
 fuerunt ex Moslemis ipsis, qui eam libe-
 rè negarent. Inter eos fuere Mardarien-
 ses, de quibus Ismael Sciahin-Sciah in
 suo Taarich, capite في أمة المسلمين 1. de

gente

المردارية : *gente Moslemorum*, ita scribit :
 اصحاب هبى بن صبيح المكنى بابى موسى المقلب
 بالمردار ويسمى راهب المعتزلة لانه تزهد وانفرد عن
 اصحابه بمسائل قبيحة جدا منها ان الناس قادرون
 على مثل هذا القرآن فصاحةً ونظماً وبلاغاً

وهو الذى بلغ فى القول بخلق القرآن :
Mardarienses sunt affecla Isæ filij Sobeih,
qui cognominatus fuerat Abu-Musa; vul-
gato autem nomine, Mardar. Vocabatur
autem Monachus Mothazelitarum (hi e-
rant qui negabant attributa in Deo) :
religiosam quippe vitam professus est : & se-
paravit se a suis sodalibus : tenuitque senten-
tias admodum absurdas, ex quibus una fuit:
quòd homines facere possent librum similem
Alcorano in eloquentia, ordine, & elegan-
tia. Et eo etiam audacia processit, ut asse-
reret, Alcoranum esse creatum. Idem re-
fert de hoc Sectario Gregorius Abul-
phargius Arabs Christianus, sed quem
Mahumetani ipsi meritò plurimi faciūt,
 in Hi-

in Historia de Arabibus. Author Mahometanus libri, qui inscribitur شرح

الموافق *Declaratio stationum*; addit, hunc eundem Nouatorem docuisse, Arabes facere potuisse non solum aliquid simile Alcorano, sed etiam أحسن منه *melius illo*. Alius Author satis notus, nomine

الشهرستاني : Sciahar Settani, confirmat,

ابطاله اعجاز القرآن من جهة القصاحة والبلاغة :

illum pronunciaffe, vanum ac futile esse,

ponere miraculum in Alcorano, ob illius eloquentiam & elegantiam. Neque solum

Mardarienses, sed etiam alius Sapiens nomine النظام

Alnodham, à prædicto Sciahar Settani allegatus, nullum mira-

culum in Alcorano esse pronunciauit,

nisi : من حيث الاخبار عن الامور الماضية والآتية :

ومن جهة صرف الدواعى عن المعارضة ومنع العرب

عن الانتقام به حيروا او تعجيزا اذا لو خلام لكانوا

قادرين على ان ياتوا بصورة من مثله بلاغة

وفصاحة

وفصاحة

و فصاحة و نظماً : *Ex parte narrationis rerum præteritarum, & futurarum : & ex eo quod Deus auertit Arabes prouocatos ad respondendum, ne responderent, neque ad hoc animum intenderent ex stupore, vel imbecillitate. Nam si liberos eos reliquisset, certè potuissent facere Suram similem Suris Alcoranicis in elegantia, eloquentia, & ordinis venustate.*

Quod attinet ad secundam quæstionem : utrùm nimirum Alcoranus creatus sit, an verò increatus, & per consequens æternus : magnos multosque propugnatores habuit, & oppugnatores. Author Libri شرح المواقف superius allegatus, refert, Mahumetum ipsum dixisse : *Si quis dixerit Alcoranum esse creatum, infidelis est.* At verò Mardar, à Sciahar Settani laudatus, nihili Prophetæ sui dicta faciens, & vt mulus strenuè aduersus mulum recalcitrans, è tripode pronunciauit : *كفر من قال بقدم القرآن Infidelis est qui di-*
cit

cit, Alcoranum esse aeternum, seu increatum.
 Non multum recessit ab huius sententiâ
 insignis Doctor Giahedh, qui fuit Prin-
 cept Sectæ الجاحظية *Giahedbitarum.* Hic
 enim de Alcorano ita pronunciauit :
 ان القرآن جمد يجوز ان يقلب مرة رجلاً ومرة حيواناً,
Alcoranus corpus est, quod conuerti potest
aliquando in hominem, aliquando in bestiam.
 Poterat verius dicere, in bestiam tantum.
 modo conuerti posse, nisi esset bestijs
 ipsis deterior.

Chalipha, seu summus imperator Mo-
 slemorum Almamum (quemadmodum
 refert Almacinus ex insigni Chronologo
 Abu-giapher, pag. 138.) publico edicto
 definiuit, de fide credendum, Alcora-
 num esse creatum: & decretum eius con-
 firmavit Successor illius in Chaliphatu
 Vathecus, de quo ita scribit Author præ-
 dictus : وكان الوراق يقول يخلق القرآن والذي

حسن له هذا القول احمد ابن ابي داود بن عبد

الملك وكان وزيره وكتب الوراق الى جميع الامصار

ان توخذ المسلمين بان يقولوا بحمد الله القرآن وان
يُكتب على المساجد وغلط ذلك و عظم على المسلمين
وانكروا اشد الانكار وكل من انكر هذا القول ولم
يقبله ويقول به منهم من ضرب بالسياط ومنهم من
قتل : *Porro Vathecus*
asserebat Alcoranum esse creatum . Qui ve-
rò persuasit illi hanc sententiam , fuit Ah-
med filius Abu-David filij Abdolmalec , qui
erat illius Vizirus (seu Consiliarius .)
Scripsit autem Vathecus ad omnes prouin-
cias , ut cogerent Moslemos ad profitendum
Alcoranum esse creatum : & ut hoc scribere-
tur super portas Meschitarum . Sed durum
visum est hoc Moslemis , & graue : & obsti-
natissimè renuerunt illi assentiri . Quicum-
que autem recusabant edicto parere , vel il-
lud recipere , ac profiteri ; partim flagellis
cadebantur , partim carceribus mancipaban-
tur , partim occidebantur . Sed Vatheci
Successor Giaaphar Motauaccar , teste
codem

أطلق من كان محبوباً بسبب eodem Almacino

خلق القرآن وخط على محمد بن عبد الملك وزير

المتعصم والواثق وعلى عمر بن الفرج الزحبي وعلى

أبياح التركي وعلى أحمد ابن أبي داود قاضي القضاة :

Liberos dimisit eos , qui carceribus tenebantur inclusi ob reiectam Alcorani creationem :

& indignatus est contra Mohammad filium Abdolmalec Vizirum Motaasssemi , & re-

nuocauit edicta Motaasssemi , & Vatheci , & Omaris filij Alphargi Zahagensis , & Abiahi

Turca , & Ahmadi filij Abu David , qui erat Iudex Iudicum . Mardar , qui tenuit

creationem Alcorani , duos habuit discipulos , quorum vterque vocabatur

Giaaphar : & hi litem ita composuerunt

ان الله تعالى خلق القرآن في اللوح المحفوظ لا يجوز

ان ينتقل اذ يستحيل ان يكون الشئ الواحد في

مكانين في حالة واحدة وما نقراءة فهو حكاية عن

المكتوب : الاول في اللوح المحفوظ : وذلك فعلها وخلقنا :

Deus

Deus excelsus creauit Alcoranum in Tabula
custodita, unde non potest transferri aliò, cum
impossibile sit vnā eandemque rem esse
in duobus locis in vnicō statu. Alcoranus
verò, quem nos legimus, est sermo qui habe-
tur per scripturam. Prior Alcoranus est in
Tabula custodita: hic verò quem legimus, est
opus & factura nostra. Sed videtur rem
melius composuisse Algazel in professio-
ne Eslamica, dum definit, firmiter cre-
dendum: ان القرآن مقروء بالحنيفة مكتوب:

بالمصاحف محفوظ في القلوب وانه مع ذلك قديم
قايـم بذات الله لا يقبل الانفصال والفراق

*Alcoranum le-
gi, ac pronunciari linguis, scribi in Codici-
bus, conseruari in memorijs: & nihilominus
esse æternum, subsistentem in essentia Dei,
nec recipere separationem aut diuisionem ab
ea per translationem in memorias, & in pa-
ginas. Videtur hæc sententia velle, Ideam
Alcorani esse in essentia Dei, & conse-
quentur coessentialē & coæternam ipsi
Deo.*

Deo. Sed in hoc non haberet maiorem excellentiam Alcoranus, quàm quælibet alia res creata : omnium quippe rerum ideæ sunt in Deo : nec posset dici, descendisse à Throno Dei ad Cælum lunæ ille idem Alcoranus, qui erat in Deo ; sed alius iuxta Ideam illius, creatus, & in papyro descriptus. Et hoc videntur tandem velle Doctores Moslemi. Alioquin si ponunt Alcoranum increatum & æternum subsistentem in Deo, qui non sit ipsamet essentia Dei, sed aliud aliquid ab ea distinctum : cogentur fateri Alcoranum esse Deum, & quidem alium ab ipso Deo ; in quo aliquid difficilius credent, quàm sit mysterium Sanctissimæ Trinitatis.

Porro cum Moslemi tam portentosa de Alcorano credant ; non mirum si illum adeo superstitiosè venerentur. Non sinunt eum ab alijs, quàm à suis, legi, haberi, aut tangi : Et magno constaret Christiano, vel Iudæo, vel alij cuilibet non Moslemo, si apud eum Alcoranus inueniretur. Ipsi etiam non nisi purificati

cati illum tangunt, vel legunt. Quamobrem scribunt, vel formant in Alcorani Codicibus exterius hæc verba,

لا يمسّه الا المطهرون : *Ne attingant eum,*

nisi purificati. Illo vtuntur ad iuramenta sua : illum consulunt in grauiorum rerum tractatione : illum gestant in bella : illius sententias in vexillis militaribus describunt : illum auro ac lapidibus pretiosis exornant. Vtinam Christiani, ac præsertim Reges, & Principes, ea in æstimatione haberent Euangelium Christi, in qua Mahumetani habent Alcoranum Mahumeti. Sed hæc breuiter de Alcorano dicta sufficiant.



INDEX

CAPITVM

VITÆ

MAHVMETI.

P	<i>Refatio. pagina.</i>	I.
	<i>Caput I. De progenie Mahumeti. p.</i>	53.
	<i>Cap. II. De natiuitate Mahumeti, & prodigijs, quæ in ea euenisse finguntur. p.</i>	56.
	<i>Cap. III. De ijs, quæ post ortum Mahumeti euenere, vsque ad illius profectiõnem in Syriam. p.</i>	62.
	<i>Cap. IV. De profectiõne Mahumeti in Syriam ad procuranda negotia</i>	
	<i>u</i>	<i>Cha-</i>

Mahumeti euenerit : & de sepulcro eius , ac de Templo Meca. p.

191.

Cap. XXVI. De naturalibus , ac moralibus Mahumeti qualitatibus. p.

200.

Cap. XXVII. De vxoribus , filijs , alijsque rebus ad Mahumetum spectantibus .

209.

De Alcorano .

Cap. I. De nomine Alcorani . p.

213.

Cap. II. De Alcorani idiomate , versionibus , dispositione , stylo . p.

217.

Cap. III. De materia Alcorani . p.

225.

Cap. IV. De Alcorani Authore . p.

232.

Cap. V. De Abrogatis in Alcorano .

pag.

275.

Cap. VI. De estimatione Alcorani apud Mahumetanos . p.

285.

Erra-

Errata sic corrige.

Pag. 68. linea. 17. miserta. cor. misertus.

Pag. 85. lin. 5. illæ. cor. ille.

Pag. 259. lin. 9. ابى. cor. ابن.

Pag. 265. lin. 5. مخطور. cor. مخطور.

Alia leuiora errata in latinis, facile poterit per se Lector corrigere : In Arabicis autem, ex Latina interpretatione statim deprehendet. Consistunt autem ferè omnia in praua collocatione punctorum, quæ potius typorum, quibus puncta affixa sunt, vitio; quam Typographi incuriæ tribuenda est:

Appendix.

NE pagellæ vacarent, exhibui in
eis epigraphas, seu titulos Surarum totius Alcorani ad numerum centum & quatuordecim. Poterit enim Lector ex tam ineptis atque insulsis inscriptionibus agnoscere, cuius furfuris sit Liber ille, cui Mahumetani diuinitatem ipsam tribuere non verentur.

Primæ Suræ titulus est, الفاتحة *Aperiens*.

2. البقرة *Vacca*. 3. آل عمران *Familia Amran*.

4. النساء *Mulieres*. 5. المائدة *Mensa*.

6. الأنعام *Pecora*. 7. الأعراف *Alaraph* (paries inter Paradisum & Gehennam).

8. الأنفال *Manubia*. 9. التوبة *Penitentia*. 10.

يونس *Jonas*. 11. هود *Hud* (nomen Prophetæ fictitij).

12. يوسف *Ioseph*. 13. الرعد *Tonitru*.

14. إبراهيم *Abraham*. 15. الحجر *Hegrum* (nomen loci).

16. النحل *Apes*. 17. الأعراف *Alaraph*.

18. الكهف *Speunca*.

19. الأنبياء *Prophetæ*. 20. الحديد *Ferum*.

21. المجادلة *Megdal*. 22. الفرقان *Frax*.

23. الشعراء *Poetae*. 24. الزمر *Congregatio*.

25. الحديد *Ferum*. 26. المجادلة *Megdal*.

27. الفرقان *Frax*. 28. الزمر *Congregatio*.

29. الحديد *Ferum*. 30. المجادلة *Megdal*.

- lunca . 19. مريم *Maria* (Deipara) . 20. طة
Tab. (*Dictio ignotæ significationis*) .
 21. الانبياء *Propheta* . 22. الحج *Peregrinatio*
Meccana . 23. المومنون *Fideles* . 24. الدور
Lux . 25. الفرقان *Distinctio* . 26. الشعراء
Poëta . 27. النمل *Formica* . 28. القيص
Historia . 29. العنكبوت *Aranea* . 30. الروم
Romani . 31. لقمان *Locman* (*Æsopus*) .
 32. العبادة *Adoratio* . 33. الاغزاب *Coniurati* .
 34. سبا *Saba* (*regio*) . 35. الملائكة *Angeli* .
 36. لاس *las* . (*dictio ignotæ significationis*) .
 37. الصافات *Ordinatrices* . 38. سن
Sad (*character ignotæ significationis*) .
 39. الزمر *Caterue* . 40. المومن *Fidelis* . 41.
 فصلت *Distincta sunt* . 42. الشورى *Consulta-*
tio . 43. الزخرف *Ornamentum* . 44. الدخان
Fumus . 45. الجاثية *Genusflexa* . 46. الاحقاف
Alahkaph (*nomen loci*) . 47. القتال *Bel-*
lum . 48. الفتح *Aperitia* (*seu Victoria*) .
 49. المعونات *Conclauia* . 50. قى *Qoph* (*cha-*
 u 4 racter

tacter ignotæ significationis) . 51.
 Spargentes . 52. الطور Mons Synai.
 الرحان . 53. Stella . 54. القمر Luna . 55.
 الحديد . 56. الواقعة Casura . 57. Miserator .
 المجادل Disceptatrix . 58. Ferrum .
 الممحنة Probatæ . 59. Congregatio . 60.
 المصنف Ordo . 61. Conuentus . 62. الجمعة
 Impij . 63. Fraudatio mu-
 Repudium . 64. الطلاق . 65. Pro-
 hibitio . 66. Regnum . 67. القلم Calamus .
 Fatalis . 68. Gradus . 69. نوح .
 Inuolutus . 70. المعارج . 71. Genij . 72. الحق .
 Resurrectio . 73. المذبح . 74. Coopertus .
 Miffa . 75. المرسلات . 76. Homo . 77.
 Nuncium . 78. Abstrahentes . 79. النبأ
 Corrugauit faciem . 80. التكوير .
 Diffiffio . 81. الانقطاع . 82. Innolutio .
 Sciffio . 83. الانشقاق . 84. Mensurâ iniusta .
 Noctu ueniens . 85. البروج . 86. Turres .
 Operiens . 87. Altissimus . 88. الغامضة .
 89.

89. *Aurora* . 90. *Regio* . 91. *Sol* . 92. *Nox* . 93. *Elevationis Solis* . 94. *Dilatatio* . 95. *Ficus* : (*Alij الزيتون Olea*) . 96. *Sanguis coagulatus* . 97. *Decretum* . 98. *Evidentia* . 99. *Terremotus* . 100. *Concitati equi* . 101. *Pulsatrix* . 102. *Contentio multiplicandi* 103. *Pomeridianum* : 104. *DetraCTOR* . 105. *Elephantes* . 106. *Corasini* . 107. *Vtenfilia* : 108. *Kauther* (*Fluuius Paradisi*) : 109. *Infideles* . 110. *Auxilium* . 111. *Abulabeb* (*patruus Mahumeti*) . 112. *Vnificatio* : 113. *Diluculum* . 114. *Homines* .

Hæ verò tam ridiculæ epigraphæ , vix vnquam cum Suris suis in argumento conueniunt : non secus ac si quis cerdo , vel barbitonsor apponeret tabernæ suæ signum cauponis , vel myropolæ : vel si quis Ethnicus subscripsisset Iouis simulacro ; *Mercurio Sacrum* .

tacter ignotæ significationis) . 51.
 Spargentes. 52. الطور Mons Synai.
 الرحان. 53. stella. 54. القمر Luna. 55.
 الحديدي Miserator. 56. الواقعة Casura. 57.
 الحديد Ferrum. 58. المجادل Disceptatrix. 59.
 المجمع Congregatio. 60. الممتحنة Probatæ. 61.
 المجمع Conuentus. 62. الصق Ordo.
 المنافقون Impij. 64. التخابي Fraudatio mu-
 sua. 65. الطلاق Repudium. 66. التحريم Pro-
 hibitio. 67. الملك Regnum. 68. القلم Calamus.
 نوح. 71. Gradus. 70. المعارج Fatalis. 69.
 المزل Inuolutus. 73. الجن Genij. 72. Noë.
 Resurrectio. 75. القيمة Coopertus. 74.
 Miffa. 78. المرسلات Homo. 77. الانسان.
 Abstrahentes. 79. النبأ Nuncium.
 التكوير. 81. Corrugauit faciem. 80.
 التطفين. 83. الانفطار Diffissio. 82.
 Scissio. 85. الانشقاق. 84. Mensurâ iniusta.
 Noctu ueniens. 86. الطارق Turres. 87.
 الغامية Operiens. 88. الاعمى Altissimus. 87.

89. *Aurora* . الجور . 90. *Regio* . البلد . 91.
Sol . الشمس . 92. *Nox* . الليل . 93. *Elevatio Solis* .
 العين . 94. *Dilatatio* . الشرح . 95. *Ficus* :
 (*Alij* الزيتون *Olea*) . 96. *Sanguis coagulatus* .
 القدر . 97. *Decretum* . 98. *Evidentia* . البينة .
Concitati equi . 100. العاديات . 101.
Pulsatrix . القارة . 102. *Contentio multiplicandi* .
 العصر . 103. *Pomeridianum* . 104. *Detractor* .
 الفيل . 105. *Elephantantes* . 106. قریش *Corasini* .
 المارون . 107. *Vtensilia* : الكوثر . 108. *Kauther* (*Fluvius*
Paradisi) : 109. الكافرون . 110. *Infideles* .
 النصير . 111. *Auxilium* : أبو لهب . 112. *Abulabgi*
 (*patruus Mahumeti*) : التوحيد . 113. *Vni-*
ficatio . الفاس . 114. *Diluculum* .
Homines .

Hæ verò tam ridiculæ epigraphæ ,
 vix vnquam cum Suris suis in argumen-
 to conueniunt : non secus ac si quis cer-
 do , vel barbitonsor apponeret tabernæ
 suæ signum cauponis , vel myropolæ : vel
 si quis Ethnicus subscripsisset Iouis simu-
 lacro ; *Mercurio Sacrum* :

• • • • •
• • • • •
• • • • •
• • • • •
• • • • •

The following is a list of the names of the persons who have been appointed to the various positions in the various departments of the Government of the State of New York, for the year 1900.

[illegible]

PRODROMI

A D

REFVTATIONEM ALCORANI.

PARS PRIMA.

*In qua nulla Sacrarum Scriptura-
rum oracula, quibus Christiana
Religio confirmatur, Ma-
humeto, eiusq; Sectæ
suffragari de-
monstra-
tur.*




ROMÆ, Typis Sac. Cong. de Prop. Fide.
M. DC. XCI.

Superiorum Permissu.

INDEX

CAPITVM.



P Roemium. pagina.	I.
Cap. I. <i>Præcipuum vera Religionis argumentum, Sacrarum Scripturarum oracula.</i>	
pag.	13.
Cap. II. <i>Probatur integritas Sacrorum Librorum.</i> p.	31.
Cap. III. <i>Argumenta Mahumetanorum contra integritatem Sacrarum Scripturarum.</i> p.	60.
Cap. IV. <i>Mahumetani agnoscetes integritatem Sacrarum Scripturarum, ijsdem abutuntur ad Mahumeto propheticum munus adstruendum.</i> p.	73.
Cap. V. <i>Vaticinia, quæ pro Mahumeto proferunt Doctores Moslemi</i>	

- temi ex Testamento Veteri. p. 78.*
- Cap. VI. *Vaticinia, quæ pro Mahumeto ex Novo Testamento proferunt Doctores Moslemi. p. 153.*
- Cap. VII. *Alia testimonia, quæ pro Mahumeto, & eius Secta è Sacris literis falsò proferunt Mahumetanorum Doctores. p. 167.*
- Conclusiones octo contra Mahumetanos, quas nullo modo possunt negare. p. 186.*
- Cap. VIII. *Respondetur argumentis Moslemorum. p. 203.*

Appendix.

- Cap. IX. *Vaticinia alia, Prognostica, ac testimonia, quæ pro Mahumeto eiusque secta proferunt Moslemi extra Sacras Scripturas. p. 219.*

Errata sic corrige.

Pagina 6. linea 4. الباقرون . corrige الباقون . p. 47. l. 8. preuagari. cor. peruagari. p. 142. l. 6. insciam. c. in-scitiam. p. 143. l. 5. appelletur. c. ap-pellatur. p. 145. l. 2. صوت . c. صوت . p. 197. l. 10. clarum est, & sine figuris de-monstrari. cor. clarum est & sine figu-ris, demonstrari. p. 237. l. 8. Albocha-rius. cor. Albocarius. Nam البجاري Al-bocharius, seu Albacharius, est Author libri Traditionum Mahumeticarum. At verò البكاري Albocarius, seu Albacarius, est Author libri *Splendorum*. Ex hoc po-terit Lector corrigere alibi hunc erro-rem. p. 256. l. 17. manifestarent. cor. manifestarant. p. 260. lin. 9. quem. c. quam. p. 268. l. 2. & licet is. c. & licet. p. 284. l. 17. المساول . c. المسلول .

Alia leuiora errata tam in latinis,quàm in Arabicis poterit prudens Lector faci-lè agnoscere, & per se corrigere.



PROOEMIUM.



Nam tantum dari veram Religionem à Deo Optimo Maximo in sui ipsius cultum hominibus constitutam, nemo sanæ mentis, ut puto, negare audebit.

Et nihilominus innumeræ propè nationes, quantumvis inter sese contrariæ, de vera religione sibi blandiuntur. Inter has, tres præcipuè gentes enumerantur: Iudæi, Christiani, & Mahumetani; quarum quælibet legitimum sibi Dei cultum attribuens, cæteras tanquam in errore versantes condemnat. Quidquid autem una ex his tribus nationibus ad religionis suæ veritatem comprobandam in medium adducit; duæ quoque aliæ

A

pro

pro se, si non proferunt, saltem proferre conantur. Sacrarum Scripturarum Oracula : miraculorum splendorem : legis sanctitatem ; vitæ , morumque probitatem ; vt Christiani contra Iudæos, ac Mahumetanos, ita hi contra Christianos, & inuicem contra se ipsos audacter fidenterque producant . Huc accedit , quòd quantumuis ardua , quantumuis paradoxa , quantumuis absurda vna ex his habeat ; semper se aliarum exemplo defensat ac tuetur, dum non minus , si non magis , incredibilia , & absorta in illis esse contendit . Si Christianus Mahumeto vxorum turbam , liberumque ancillarum ad concubitus usum opponit : ille statim causam suam, Abrahamæ , Daudis , ac Salomonis exemplo defendit . Si Iudæus Moslemum irridet, quòd ipsius Propheta in Alcorano formicas, & vpupas humano sermone loquentes inducat : hic & Serpentis Heuam , & Asinæ Balaam alloquentium historiam cōfestim reponit . Fidei præterea Christianæ mysteria tam ardua , ac difficilia , & pror-

prorsus inintelligibilia, & quædam prima fronte absona, & ab humana ratione aliena, latum exhibent hominibus male erga illam affectis campum, quodlibet insanæ opinionis monstrum in alienis sectis comprobandi.

Cum verò tres hæ sectæ, seu religiones inter se se maximè pugnent; nihilominus in qualibet earum quis versetur, illam mordicus tenet, eò quòd eam solam veram, cæteras falsas existimet; ita ut non rarò pro illa asserenda, sanguinem vitamque profundat. His difficultatibus quidam adacti, eo amentię prolapsi sunt, ut putarent quamlibet sectam, etiam Idololatrarum, bonam esse, ac Deo placere, atque in ea æternam salutem posse obtineri. Huius stultissimæ opinionis fuerunt quidam Mahumetani, de quibus Septemcastrensis in tractatu, quem inscripsit: *Turchica spurcitię*, hæc habet cap. 30. *Horum opinio est, quòd unusquisque saluatur in lege sua, & unicuique Genti, seu Nationi, lex data est à Deo, in qua saluari debet; & aqualiter omnes le-*

ges bonæ sunt eas observantibus, nec aliqua præferenda est tanquam melior alijs. Refert etiam doctissimus, ac sapientissimus vir Clemens Tossius Abbas à Congregatione Syluestrina in sua India Orientali par. 2. pag. 73. & 115. reperiri in regno Peguano quoddam Sacerdotum, seu Religiosorum genus (Telapoi appellantur:) qui eadem insania laborant, à qua Brahmanes etiam non excipiuntur.

Verùm cum Mahumetani ex præscripto Alcorani vnam tantùm veram esse Religionem certissimè teneant; non est quòd in hac opinione contra ipsos confutanda laboremus. Verum quidem est, aliquando in eodem Alcorano approbati tam Iudæis, quàm Christianis, & Sabæis, seu Sabaitis suam Religionem: sed Expositores communiter asserunt, hoc fuisse deinde à Mahumeto abrogatum per ea verba, quæ habentur in Sura 3., quæ inscribitur Arabicè آل عمران idest, *Familia Amran*, S. 83. *ومن يتبع غير الإسلام ديناً*. Et qui

aliam

*aliam religionem sectatus fuerit, quam
 Eslam, nullo modo acceptabitur ab eo; &
 ipse in futuro seculo erit ex pereuntibus. Est
 autem religio Eslam illa, quam se profi-
 teri iactabat Mahumetus, & quam A-
 braham, ac Prophetas omnes tenuisse
 affirmabat. Non solum autem docuit
 Mahumetus in vna hac tantum religione
 salutem reperiri, sed omnes eiusdem se-
 ctas, seu hæreses, in quas diuidenda erat,
 ad æternam damnationem ducere pro-
 nunciavit. In quo sanè prudentiorem se
 ostendit Marco Antonio de Dominis
 Archiepiscopo Spalatrensi, à Catholica
 religione apostata, eiusque Affecclis, qui
 docent in qualibet Christianorum secta
 æquè bene ac in Catholica Romana fi-
 de, quemlibet æternam salutem conse-
 qui posse. Est communis apud Mosle-
 mos traditio, ab Ismaele filio Aly, co-
 gnomine شاه‌شاه Sciahinsciah, insigni
 inter Mahumetanos Chronologo, rela-
 ta in suo Taarich, seu Chronico, cap.
 de Gente Moslemorum: quam etiam
 adducit Sciaher Settanius his verbis:*

فانفترقت المسلمين على ثلاث ومبعين فرقة والناجية
 من الفرق كلها واحدة كما قال صلى الله عليه
 وسلام متفترق امتي على ثلاث ومبعين فرقة
 الناجية منهم واحدة والباقرن هلكا قتل ومن الناجية
 يا رسول الله قال اهل السنة والجماعة قال ما انا
 Diuisi sunt Mahumetani in tres
 ac septuaginta sectas, ex quibus omnibus una
 ducit ad salutem; quemadmodum dixit Pro-
 pheta Mahumetus sancta memoria : Diui-
 detur gens mea in tres ac septuaginta sectas,
 ex quibus unica salutem consequetur; cetera
 vero perditioni erunt obnoxia. Cumque di-
 ctum fuisset illi : O legato Dei, quanam se-
 cta salutem assequetur ? Respondit : Illa, qua
 profitebitur Sonnam, & Concilium; nimi-
 rum, quod ego, & socij mei profitemur.

Posito igitur ut certo & indubitato,
 vnam tantum veram esse religionem, in
 qua homines Deo placere, & æternam
 salutem consequi valeant : necessario
 etiam fatendum est, ad diuinam proui-
 dentiam spectare, tam clara, & euiden-
 tia ad eam ab alijs falsis ac fallacibus se-
 ctis

ctis discernendam argumenta à Deo mortalibus exhiberi, vt quisquis eam amplecti cupiat, non possit nisi ex propria culpa aberrare. Id manifestè ostendit Dauid, illis verbis: *Testimonia tua credibilia facta sunt nimis.* Psal. 92. *Præceptum Domini lucidum, illuminans oculos* Psal. 18. *Lucerna pedibus meis verbum tuum, & lumen semitis meis* Psal. 118. Quibus consonant alia plura Sacrarum litterarum testimonia. Alioquin, si nullum esset à Deo constitutum argumentum, quo vera religio à falsa dignosci posset, liberum esset vnicuique Sectam quam vellet amplecti: neque in hoc culpam vllam admitteret. Superest, vt quænam sint hæc veræ religionis indicia, seu notæ, solerter perquiramus.

Ne quis verò existimet veræ religionis notas esse, vel magnitudinem imperij, atque ampla terrarum, quæ occupat spatia: vel temporis, quo perseueravit, diuturnitatem: (quamquam vera religio quoad veritates æternas, eadem semper fuit ab ipsis mundi incunabulis, & erit

vsque ad illius finem :) vel victoriarum
 gloriam, & armorum felicitatem : vel
 perpetuos rerum secundarum euentus ;
 vel quarundam virtutum moralium cha-
 ritate destitutarum vsum , propriæue le-
 gis , ac rituum exactam obseruantiam :
 vel crebras , aut prolixas preces , siue au-
 stera frequentiaque ieiunia , seu multas
 corporis afflictationes , spontaneosque
 cruciatus , vel alia huiusmodi : hæc ea-
 dem non rarò in falsis sectis , magis quàm
 in vera religione reperiri cognouimus .
 Quis enim imperij magnitudine Roma-
 nos æquauit ? Quot ætates Idololatria
 vidit , & quam magnam terrarum orbis
 partem occupauit , hodieque occupat ?
 Quis Alexandro Macedone , vel Iulio
 Cæsare in bellis fuit fortunatior ? Quan-
 ta cum gloria , virtutum quarundam mo-
 ralium huius generis praxis floruit in
 veteri illa Romanorum , vel Spartano-
 rum Republica ; qui etiam suarum le-
 gum , ac sacrorum adeò tenaces erant ,
 adeòque in ijs obseruandis exacti ; vt le-
 uissimus in illis error , grauissimi sceleris
 loco

loco duceretur ? In austerioris autem vitæ rigore, rerumque omnium terrenarum contemptu, pauci admodum Diogenem Cynicum, eiusque assecclas assecuti sunt. Si vero de ieiunijs, precationibus, cælestium rerum contemplatione, ab hominum rerumque omnium humanarum recessu agamus, non modo ex veterum scriptorum monumentis, sed etiam ex eo, quod hoc ipso tempore fieri vel videmus, vel audimus; Sabaitæ, Brahmanes, Gymnosoplistæ, Bonziji, admirationem his in rebus afferunt vniuersis. Alia ex parte Israeliticam gentem, populum Dei electum quondam fuisse, veram fidem, veram religionem habuisse, neque Christiani; neque Moslemi negant, aut negare possunt: Et nihilominus illorum imperij fines Palestinæ prouinciæ angustias non excessere: religio verò non multo latius, quàm regnum se se extendit. Frequentissimas, & grauissimas clades à Philistæis, Chaldæis, Assyrijs, Græcis, Romanis acceperunt: Nec semel in miserrimam totius gentis captiuita-

uitatem ab hostibus redacti sunt. Tot
 verò ac tanta in ijs scelera, ac flagitia,
 tum contra morales virtutes, tum con-
 tra religionem ipsam ferè perpetuò fuc-
 re; vt sacrorum scriptorum, & præfer-
 tim Isaiæ testimonio, Idololatrias ipsos
 longè in ijs superaauerint. Nèc tamen le-
 gimus (etiam cum modestius, ac tem-
 perantius se gererent) illos aut crebris
 ieiunijs, aut frequentibus precibus, aut
 corporis afflictationibus se se exercuisse.
 Quin & in legum, sacrorumque suorum
 obseruantia adeò socordes, ac negligen-
 tes erant; vt quemadmodum lib. 4. Reg.
 cap. 22. legimus, Iosia Sanctissimo Prin-
 cipe regnante, prodigij propè loco habi-
 tum sit, vt vnus Diuinæ legis codex per-
 uetustus (nam cæteri omnes vel perie-
 rant, vel ignorabantur) in templi an-
 gulo repertus sit. Et nihilominus popu-
 lus idem Israeliticus hoc tempore, quo
 tam ex nostra, quam ex Mahumetano-
 rum sententia, vera caret religione, &
 est Deo maximè exosus, adeò exactus,
 atque attentus in suarum legum, ac tra-
 ditio-

ditionum obseruantia apparet; vt in superstitionem propè degeneret. Et vbi antea tam frequenter in Idolorum cultum ruebat; nunc constantissimè vnus Dei cultum retineat. Negari tamen non potest, aliqua etiam ex supradictis esse argumenta veræ religionis saltem probabilia, præsertim si simul coniuncta reperiantur, quemadmodum in Christiana lege reperta sunt ante quam Moslemorum secta inualesceret, & tot hæreses in Ecclesiam Christi inueherentur: & hodie etiam (præsertim si de veris virtutibus loquamur) reperiuntur. Nihilominus his prætermisissis, ad certiora argumenta, & quæ à Mahumetanis ipsis admittuntur, veniamus. Sunt autem hæc quatuor: nempe, Oracula Sacrarum scripturarum: gloria miraculorum: veritas Dogmatum; Sanctitas morum, quæ in veræ Religionis professoribus tantummodo reperitur, quamuis non in omnibus, sed sæpe in paucis; in ijs videlicet, qui eiusdem religionis leges, & instituta ritè obseruant. Nos, cæteris

ris omiſſis, ea fortasſe, Deo fauente,
 aliàs tractaturi, de primo tantùm nunc
 agemus, vtpote præcipuo, &
 quo ſolo Mahumetica ſe-
 cta tota corruat, ac
 penitus diſſol-
 uatur.





PRÆCIPVVM

VERAE RELIGIONIS ARGVMENTVM,

*Sacrarum Scripturarum
Oracula.*



Nullo alio testimonio
magis sectam suam
Mahometus confir-
mare conatur, quàm
sacrorum Librorum,
veteris scilicet, ac
noui Testamenti,
authoritate. Quamuis autem Pentateu-
chi, & Euangelij tantumodo mentionem
faciat, quorum primum التوراة *Altaurat*:
Secundum الانجيل *Alangil*, corrupta Hæ-
brai-

braica, & Græca voce, appellat: certum tamen est Pentateuchi nomine vniuersos veteris Testamenti libros comprehendere, quod Hæbrei etiam facere consueuerunt, vt affirmat R. Bechai in Cad Hakemah in voce סוכה *Succa*. Ita testatur Ahmedus filius Abdolhalimi præcipuus inter Mahumetanos Doctor, part. 2. suæ Apologiæ contra Christianam Religionem pro secta Mahumetana, his verbis. فقله اخبرنى بصفة رسول الله .

فى التوراة قد يراد فيه نفس الكتب كلها وكلها تصدى
قورا *Per hoc autem, quod dicitur: Annuncia mihi Epitheton legati Dei in Pentateucho, intelliguntur omnes Sacra Scriptura, & omnes vocantur Pentateuchus. Et paulo post: ولفظ التوراة قد عرف انه الكتب يواد: جنس الشى يقراها اهل الكتاب فيدخل فى ذلك*
Sub hoc nomine: الزبور ونبوة اشعيا وسائر النبوات

Pentateuchi veniunt generatim omnes libri Sacri, qui à Scripturalibus (nimirum à Iudæis, & Christianis) leguntur. Atque ita ingrediuntur in hoc nomen Psalmi Davidis, & Pro-

& Prophetia Isaia, & caterorum Prophetarum libri, excepto Euangelio. Eodem modo sub nomine Euangelij comprehendunt sine dubio Mahumetani cæteros libros Testamenti noui: quamobrem hic idem Author, & alij, quos videre potui, adducunt authoritates ex Epistolis S. Petri, & ex Actis Apostolicis, & ex Apocalypsi, non secus ac ipsorum Euangeliorum testimonia.

Porro vix extat pagina in Alcorano, in qua hi sacri libri magna cum laude non commemorantur. Quin & Mahumetus fatetur illos esse verbum Dei, & regulam infallibilem veritatis, necessariam omnino ad æternam felicitatem consequendam. Præcipua hic tantum loca producere satis habeo. Sect. 2. de Vacca. §. 4. ita fingit Deum secum loquentem: *والذين يؤمنون بما انزل اليك وما انزل من قبلك وبالاخرة هم يوقنون اوليك على هدى*. Et qui credunt in librum tibi reuelatum: & in libros reuelatos ante te: & de futura vita certam habent fidem:

dem : hi dirigentur à Domino suo , & beatitudinem consequentur . Pro libro reuelato Mahumeto , intelligunt communiter Interpretes Alcoranum . Pro libris verò reuelatis ante eum , Pentateuchum , & Euangelium . Sect. 3. de Familia Amran , fingit hæc sibi à Gabriele dici .

الله لا اله الا هو الحى القيوم نزل عليك الكتاب بالحق مصدقا لما بين يديه وانزل التوراة والانجيل من قبل . Nullus est Deus alius , præter Deum : misit ad te librum (Alcorani) in veritate , confirmantem libros ante te reuelatos : & miserat antea Pentateuchum , & Euangelium ad hominum directionem . Ibidem §. 82. iubet suos Affeclasita dicere :

امنا بالله وما انزل علينا وما انزل على ابراهيم واسماعيل وامحق ويعقوب والامباط واوتى موسى وخيمى Credimus in Deum , & in librum (Alcorani ,) qui traditus fuit nobis ; & in libros , qui traditi fuerunt Abraham , & Ismaeli , & Isaac , & Iacob , & Tribubus Israel : & in eos , qui traditi fuere Moyfi , & Iesu , & Prophetis à Domino ipso .
rum

rum : nullum inter hos discrimen facimus .
 Id est, omnes hos libros pari fide , ac ve-
 neratione suscipimus . Quòd verò libro-
 rum Abrahæ , Ismaelis , Isaac , &c. men-
 tionem facit , indicat erroneam Mosle-
 morum opinionem , qui non solum his ,
 sed etiam alijs Sacros Libros à Deo tra-
 ditos fuisse credunt : nimirum , Adæ v-
 num ac viginti libros : Seth nouem ac
 viginti : Henoch triginta , Abrahæ verò
 decem . Nullum tamen ex his ipsi ha-
 bent, vel ostendere possunt . Eadem pro-
 ppe verba habet Sect. 4. de Mulieribus . §.
 162. Vbi Deum ita loquentem inducit :

اَنَا اَوْحَيْتُ اِلَيْكَ كَمَا اَوْحَيْتُ اِلَى اِنُوْحَ وَالنَّبِيِّينَ مِنْ
 بَعْدِهِ وَ اَوْحَيْتُ اِلَى اِسْمَاعِيْلَ وَ اِهْبْرٰهٖمَ وَ
 عِيْسٰى وَ اِيُوْبَ وَ يُوْنُسَ وَ هٰرُوْنَ وَ مُوْسٰى وَ اٰتَيْنَا دَاوُدَ زَبُوْرًا
Nos sanè (Alcoranum) tibi reuelauimus ,
quemadmodum reuelauimus (alios Sacros
Libros) Noe , & prophetis post eum : & re-
uelauimus Ismaeli , & Isaac , & Iacob , &
Tribubus Israel , & Iesu , & Iob , & Iona ,
& Aroni , & Salomoni , & dedimus Dauidi
Librum Psalmodiarum . Sect. verò 5. de Men-

sa §. 72. loquens de Iudæis, & Christianis,
 hæc habet : ولوانهم اقاموا التوراة والانجيل وما
 أنزل اليم من ريم لاكلوا من فوقهم ومن تحت ارجلهم
*Quod si ipsi obseruarent Pentateuchum, &
 Euangelium, & id quod traditum fuit illis
 à Domino ipsorum; certè comederent de
 supra se, & de sub pedibus suis. Id est, iu-
 xta Glossam Gelaleddini, copiosissimas
 à Deo opes obtinerent.*

Superuacaneum est plura ex Alcora-
 no loca congerere, vt probetur Mahu-
 metum ac Mahumetanos Sacrarū Scri-
 pturarum, & præsertim Pentateuchi, &
 Euangelij Diuinam authoritatem admit-
 tere, & in illis veræ Religionis funda-
 mentum constituere. Illud etiam cum
 Mahumeto, & Mahumetanis nobis con-
 uenit, non solùm Prophetam, qui no-
 uam legem Dei nomine hominibus tra-
 diturus sit, & veterem aboliturus, indi-
 gere præcedentibus Sacrorum Librorū
 vaticinijs in testimonium suæ veracita-
 tis, vt latè probat Ahmedus filius Abdol-
 halimi in sua Apologia superius alle-
 gata :

gata: verum etiam Christum Dominum non promulgasse legem suam Evangelicam, atque Mosaycam abrogasse, nisi Pentateuchi, & Prophetarum præuijs Oraculis suffultum. Quamobrem ea ferè omnia de Christi aduentu, & prædicatione Oracula in Sacris Scripturis veteris Testamenti admittunt, quæ nos admittimus. Id fatetur Mahumetus ipse in Alcorano Sectione 5. de Mensa §. 50. Vbi Deum ita loquentem inducit.

وَقَفِينَا عَلَى الْأَنْبِيَاءِ بَعِيسُ بْنُ مَرْيَمَ مُصَدِّقًا لِمَا
بَيْنَ يَدَيْهِ مِنَ التَّوْرَةِ وَاتِّبَاءَ الْأَنْجِيلِ فِيهِ هُدًى
وَنُورًا وَمُصَدِّقًا لِمَا بَيْنَ يَدَيْهِ مِنَ التَّوْرَةِ وَهُدًى
وَمَوْعِظَةً لِلْمُتَّقِينَ وَلِيُحْكَمَ أَهْلَ الْأَنْجِيلِ بِمَا أَنْزَلَ اللَّهُ
فِيهِ وَمَنْ لَمْ يُحْكَمْ بِمَا أَنْزَلَ اللَّهُ فِيهِ فَأُولَئِكَ هُمُ الْفَاسِقُونَ

*Et subsequi fecimus post Prophetas, Iesum
Filium Mariae; qui verificauit id quod ante
predictum fuerat in Pentateucho (id est
ostendit, ac probauit vaticinia Penta-
teuchi, seu veteris Testamenti de se ve-
rificata fuisse:) & dedimus ei Euangelium,
in quo est directio, & lux, & confirmatio, ac*

verificatio illius, quod prædictum fuerat in Pentateucho : & disceptatio, & exhortatio timentibus Deum. Iudicent ergo (Christiani) qui profitentur Euangelium iuxta id quod Deus in eo manifestavit. Qui verò non iudicauerint iuxta id, quod manifestavit Deus, hi sunt præuaricantes. Possem sexcenta alia testimonia tum ex Alcorano, tum ex Doctoribus Mahumetanis producere ad hoc ipsum comprobandum. An verò poterunt Mahumetani idem de Mahumeto, atque illius noua lege demonstrare? Hoc nunc à nobis inquirendum est.

Iactat sanè Impostor non semel in Alcorano, se in Pentateucho, & Euangelio prædictum fuisse: atque hoc tanta fiducia, vt asseclas suos hortetur ad Iudæos, & Christianos adeundos, vt eos consulant, & ab ipsis intelligant verum esse id, quod de se ipse affirmabat. Quamobrem sect. 10. de Iona. §. 93. inducit Deum ita secum loquentem.

فان كنت في شك مما ازلنا اليك فاسـئـلـ الـديـن

يقرون

يقرون الكتاب من قبلك. *Quod si dubitatio aliqua in te suboriatur circa ea, quae tibi reuelauimus, interroga illos, qui ante te sacra volumina legerunt. Explicat cum cæteris Interpretibus Gelaleddinus.* فاسأل الذين يقرون التوراة من قبلك فإنه ثابت عندهم يجبرونك بصدق. *Interroga eos, qui legerunt Pentateuchum ante te (id est Iudæos, vel Christianos:) nam hic manet integer apud eos: & docebunt te vera esse, quae tibi reuelauimus. Hoc idem fingit Deum præcipere affeculis suis Sect. 21. De Prophetis. §. 7. his verbis.* وما ارسلنا من قبلك إلا رجالاً نوحى إليهم فقلوا اهل الذكوان كنتم لا تعلمون *Et non misimus ante te nisi homines, quibus arcana nostra reuelauimus. Atqui interrogate professores Scripturarum, si vos nescitis. Explicat idem Gelaleddinus:* فقلوا العلماء في التوراة والانجيل. *Interrogate eos qui sunt periti in Pentateucho, & Euangelio. Verum cum timeret Mahumetus*
B 3 (quip-

(quippe qui non omnino stipes esset) posse in hoc se mendacem deprehendi; sententiam mutavit; suisque præcepit, ut neque approbarent, neque reproba-
rent id quod Iudæi ex Pentateucho, & Christiani ex Evangelio ipsis legissent. Atque ita eos commonet Sect. 29. de A-
raneæ. 46. لا يهادلوا أهل الكتاب إلا بالتي هي

أحسن وقولوا أمانا بالذي أنزل إلينا وأنزل إليكم
Ne dispute-
tis cū Scripturalibus, (idest Iudeis, & Chri-
stianis) nisi humanis, & modestis verbis,
dicentes: Credimus in Librum traditum
nobis, & in Libros traditos vobis: & Deus
noster, & Deus vester est unus, & nos illi
deuoti sumus. Addit Gelaeddinus
& ne illos vera-

ces, sed neque mendaces esse dicatis in hoc.
Confirmat hoc idem celeberrimus Do-
ctor Albocharius par. 30. Alcoranica-
rum traditionum, his verbis: حدثني محمد

بن بشار قال حدثنا عثمان بن عمر قال أخبرنا
على

حتى بن المبارك عن يحيى بن ابن كثير عن ابي سلمة
 عن ابي هريرة قال كان اهل الكتاب يقرءون التوراة
 العبرانية ويفسرونها بالعربية لاهل الاسلام
 فقال رسول الله ص لاتصدقوا اهل الكتاب ولا
 تكذبهم و قولوا امنا بالله وما انزل اليه و ما
 انزل اليكم. *Narrauit mihi Mohamed fi-*
lius Basciar dicens: Narrauit mihi Othman
filius Homar dicens: Narrauit nobis Aly
filius Almobarac, se audiuisse à Iahia filio
Ebnolathir, qui audierat ab Abusalma, qui
audierat ab Abuhoreira, his verbis: Lege-
bant Iudæi Pentateuchum in idiomate He-
braico, & explicabant eum Arabicè Mahu-
metanis. Dixitque illis Legatus Dei Ma-
humetus: Ne approbetis ut vera ea, qua
legunt Iudæi, neque reprobetis ea ut falsa:
sed dicite: Credimus in Deum, & in Alco-
ranum nostrum, & in Pentateuchum ve-
strum. Ita locutus est Veterator, ne pa-
lam mendax deprehenderetur, dum an-
tea Iudæorum, & Christianorum Sacros
Libros pro testimonio eorum, quæ de se
iactabat, allegasset.

Verum cum videret eosdem contra se suis ipsius verbis pugnare, manifestè ostendentes nihil esse in Pentateucho, nihil in Euangelio, quod ad ipsum pertineret : ad miserum subterfugium recurrit. Tàm Iudæos, quàm Christianos fraudis insimulavit, quod nimirum vaticinia, quæ in Pentateucho, & Euangelio de se, suoque adventu scripta erant, vel sacrilegè aboleuissent, vel malignè occulerent. Nulla est ferè in Alcorano pagina, in qua hoc scelus Scripturalibus, & præsertim Iudæis non obijciat. Sect. 5. de Mensa. §. 16. ita Deum contra eos loquentem inducit: يا اهل الكتاب قد جاءكم رسولنا يبين لكم كثيرا مما كنتم تخفون من الكتاب ويعفوا عن كثير. *O Scripturales, iam venit ad vos Legatus noster (Mahumetus) multa vobis manifestans, ex ijs quæ abscondebatis ex Scripturis, & multa dissimulans. Idest, non ea vobis manifestans, quia nihil profuissent ad correptionem vestram, sed tantummodo ad probum, & confusionem vestram. Ita explicat Gelaledinus.*

dinus. Hoc idem innuit Sectione 2. de Vacca. §. 88. Vbi loquens contra Iudæos, hæc habet. ولما جاءهم كتاب من عند الله مصدقا لما معهم وكانوا من قبل يستفتخون على الذين كفروا فلما جاءهم ما عرفوا كفروا به فلعنة الله على الكافرين يجمعوا اشتروا به انفسهم ان يكفروا فيما انزل الله بغيا ان ينزل الله من فضله على من يشاء من عباده فبئرا بغضه على غضب

Postquam autem venit ad eos Liber (Alcorani,) qui verificatur à libro ipsorum (idest qui consonat Pentateucho:) antea verò implorabant auxilium à Deo aduersus eos, qui non credidissent (Mahumeto venturo,) postquam, inquam, venit ad eos ille, quem antea venturum esse sciebant, noluerunt credere in illum. Verùm maledictio Dei super incredulos. O pretium infelix, quo venderunt animas suas, ut abnegarent id, quod reuelauit Deus, ob inuidiam, quod Deus communicaret gratiam suam cui vellet de seruis suis. Iram igitur super iram commenerunt. Sensus horum verborum est, iuxta Glossam Gelaleddini: Iudæos, & Chri-

Christianos antea expectauisse aduentum Mahumeti, quem ex Pentateuchi, & Euangelij vaticinijs cognouerant : & implorasse Diuinum auxilium contra eos, qui nolissent credere in illum. At vbi iam præsentem viderunt, avaritia, & inuidia permotos, occultasse, vel deleuisse è suis libris vaticinia, quæ de ipso extabant.

Libet hic addere traditionem, seu fabellam ex Albochario, par. 30. Alcoranicarum traditionum, quæ ita se habet.

حدثنا موسى ابن اسمعيل قال حدثنا ابراهيم قال
 اخبرنا ابن شهاب عن عبيد الله ان ابن عباس
 قال كيف تعلمون اهل الكتاب عن شي وكثا بكم
 الذي انزل على رسول الله احدث تقرونه محضاً لم
 يشك وقد حدثكم ان اهل الكتاب بدلوا كتاب
 الله وغيروا وكتبوا بايديهم الكتاب وقالوا هو من
 عند الله ليشتموا به ثمنا قليلا الا ينهاكم ما
 جاءكم من العلم عن مسيلنم لا والله ما راينا منهم رجلا
 يدرككم عن الذي انزل عليكم . *Narrauit nobis*

*Moyſes filius Iſmaelis dicēs : Narrauit nobis
 Abra-*

Abraham dicens : retulit nobis Ebnosciabab ex relatione Obeid Allah, quòd Ebnabas dixerit : Quomodo petetis à Scripturalibus (Iudæis, & Christianis) aliquid ; cum Alcoranus vester traditus Legato Dei, sit nouissimus Sacrorum Librorum, quem legitis purum putum, & nondum senuit ? Et iam denunciauit vobis Mahumetus, quòd Iudæi, & Christiani immutauerunt Sacras Scripturas, & variauerunt illas, & scripserunt manibus suis Librum, dicentes : Hic est à Deo ; ut lucrarentur per hoc exiguum pretium. An non detinet vos ab eo interrogando authoritas Alcorani ? Numquam certè vidimus aliquem eorum, qui interrogaret vos de Alcorano vestro. Hæc traditio manifestè pugnat contra præceptum Mahumeti in Alcorano, quo iubentur Moslemi interrogare Iudæos, & Christianos de ijs, quæ de ipso scripta sunt in Pentateucho, & Euangelio. Et nescio qua fronte Albocharius contrarium asserat in suis traditionibus dicens :

قول النبي من لا يعملوا أمال الكتاب عن شي

Dixit

Dixit Propheta Mahumetus: Ne interrogetis Scripturales de vlla re.

Neverò gratis hanc fraudem Scripturalibus Mahumetus imposuisse videatur: duo pro se ex Sacris Libris testimonia in Alcorano adducit. Primum. Sect. 7. quæ inscribitur Alaaraph. §. 149. His verbis

الذين يتبعون الرسول النبى الامى الذى يجدونهم
مكتوباً عندهم فى التوراة والانجيل يامرهم بالمعروف
وينهيهن عن المنكر ويحل لهم الطيبات ويحرم عليهم
الخبائث ويضع عنهم اصرهم والاغلال التى كانت
عليهم فالذين امنوا به و عزروه و نصروه واتبعوا النور
Qui secuti

fuerint Legatum, Prophetam Idiotam, quem reperiunt scriptum apud se in Pentateucho, & Euangelio, precipientem ipsis iustum, & prohibentem iniustum: concedentem res bonas, & interdicentem ipsis malas; & deponentem ab eis onus graue eorum, & vincula, quibus detinebantur: qui, inquam, crediderint in eum, & secuti fuerint lucem, quæ demissa est cum eo; & suppetias illi tulerint, & adiuuerint eum; hi erunt
fortu-

fortunati. Alterum Sect. 61. quæ inscribitur. Ordo. §. 6. his verbis: وإذ قال عيسى

ابن مريم يا بني إسرائيل اني رسول الله اليكم مصدقا لما بين يدي من التوراة ومبشرا برسول يأتي من بعدي اسمه أحمد فلما جاءهم بالبينات قالوا هو محرم مبين. Et (memento) cum dixit Iesus

Filius Mariæ: O Filij Israel, certè ego missus sum ad vos Legatus à Deo, ut verificem Pentateuchum, qui traditus fuit ante aduentum meum: & ut annunciem Legatum alium, qui venturus est post me, cuius nomen erit Ahmed. Cum verò venisset ad eos cum claris argumentis, dixerunt: Hic est manifestus præstigiator. Verùm nihil huiusmodi vel in Pentateucho, vel in Euangelio reperitur.

Respondent Mahumetani, neque hæc, neque alia de Mahumeto testimonia in Pentateucho, & Euangelio inueniri, quia in illo à Iudæis, in hoc à Christianis malignè sublata sunt, quemadmodum Alcoranus ipse sæpè testatur. Valdè tamen mirum est, si tam multa erant in Sa-

in Saris Libris de Mahumeto vaticinia,
hæc tantum duo ab ipso fuisse allegata.

Sed vt miserum hoc effugium Mahu-
metanis omnino præcludamus; euiden-
ter ostendemus Sacras Scripturas, quæ
hodiè apud Iudæos, & Christianos repe-
riuntur, numquam quod ad substantiam
attinet, corruptas, aut mutatas fuisse:
sed integras omninò esse, & illibatas, &
quales erant ante Mahumeti aduentum,
quando, vt ipsemet fatetur, omni vitio,
corruptioneque carebant. Porro cum
Mahumetus iaciat primum, ac præci-
puum superstitionis suæ fundamentum
supra Sacrorum Librorum noui, veteris-
que Testamenti Oracula; si ostenderi-
mus, nihil esse in his, quod illi suffrage-
tur, imò omnia eidem aduersari; cadet
illa per se, ruetque, penitusque exter-
minabitur.

*Probatur integritas Sacro-
rum Librorum.*

PRæmitto; ad hoc, vt aliquis Author dici possit integer, & incorruptus, non esse necessarium, vt nullum in eo erratum, vel defectus, vel nulla lectionum varietas reperiatur: alioqui nullus penè liber dici posset incorruptus. Et quidem non solum in Sacræ Scripturæ versionibus, cuiuscumque sint idiomatis, errata aliquot irrepsere, siue ex Amanuensium incuria, siue ex Interpretum minori quàm par erat, attentione, siue etiam inscitia: verùm & in ipsis fontibus Hebraicis, & Græcis defectus aliquot reperiuntur. Vt enim Interpretes infallibilem Spiritus Sancti assistentiam non habuerunt, qua errare in interpretatione non possent: ita nec Amanuenses, qui ex Originalibus transcribere, illam habuisse credendi sunt, ita vt hi quoque in aliquas mendas labi non possent. Hoc liquidò in Hebraico Textu agnoscitur, in quo

in quo illa tam celebris correctio facta fuit, quæ סופרים תיקון, idest *Scribarum*, correctio communiter appellatur. Aditæ sunt præterea in eodem variæ lectiones, quæ sub vocibus כתב Kethib, & קרי Keri ad marginem notari solent: & iuxta nonnullos ad 1171. perueniunt. Has autem correctiones variasque lectiones ex Amanuensium erratis ortas fuisse non est dubitandum. Hoc idem in Alcorano euenisse certum est, cum & in ipso plurimæ variæ lectiones reperiuntur, quas Expositores Moslemi solerter adnotarunt. Dissident etiam inter se Alcorani Exemplaria in titulis Surarum, siue Sectionum, in numeris periodorum, in Commatum distinctionibus, & alijs huiusmodi, quæ sæpe notabiliter sententiam immutant. Nec tamen propterea concedent ynquam Mahumetani Alcoranum vitiatum esse, vel corruptum, Certum præterea est, Alcoranum apud Persas, & Sciahitas non esse omnino eundem, qui apud Turcas, & cæteros

cæteros Sonnitæ : sed magnum inter vtrumque, etiam in substantialibus, discrimen reperiri. Quamobrem omnia Alcorani exemplaria, quæ ex expugnata Bagdado, seu Babylone Constantinopolim allata sunt ; in loco Palatij Regij recondita fuerunt, Anathematis pœna constituta ijs, qui ea legissent. Ita refert Author historiæ imperij Otthomani præsentis status. Et nihilominus tam Sciahitæ, quàm Sonnitæ credunt se verum, & incorruptum habere Alcoranum. Porrò si in textu originario Arabico Alcorani hæc eueniunt, quid de illius versionibus in alia idiomata putandum erit ?

Verùm vt ad id, quod primò proposueram regrediar, directèque Moslemis respondeam; dico falsum esse omnino, vel à Iudæis, vel à Christianis Sacros Libros Pentateuchi, & Euangelij, seu veteris, ac noui Testamenti (de his enim tantum loquitur Alcoranus,) simpliciter, & absolutè corruptos fuisse. Fateor non defuisse ex nostris aliquos, etiam

magni nominis Authores, qui vaticinia aliquot ad Christi aduentum spectantia, è veteri Testamento à Judæis malignè sublata, vel deprauata fuisse affirmarent. Verùm à cæteris Doctõibus communi-ter hæc sententia, vt falsa, & Christianæ religioni nimis perniciosa, reijcitur. Nam cum vetus Testamentum sit veluti basis, & fundamentum eiusdem religionis; si hoc corruptum deprauatumque sit, vacillat, & penè corruit ista; nihilque solidi pro fide nostra firmanda relinqui videtur. Et nihilominus illi, qui contrarium asseruere, nullo modo locuti sunt, neque loqui potuerunt de corruptione vniuersali, aut substantiali; sed de vnius, aut alterius loci deprauatione, quæ in eo sita esset, quòd cum in Hebræico Textu duplex esset lectio; Iudæi eam, quæ Christianæ religioni magis fauebat omittentes, minus fauorabilem retinuerunt. Sed neque hoc verum est, cum non rarò retineant eam lectionem, quæ magis Fidei nostræ fauet, & oppositam à Textu reijciant. Quod verò ijdem Iudæi

dæi in odium Christi & Christianorum simul conspirauerint, & dolo malo vel vnâ tantum Sacrorum voluminum periodum corruerint, ab omni prorsus veritate, & verosimilitudine abhorret: imò nullo modo id fieri potuisse, inferius patebit. Multo verò mius concedimus corruptum, aut deprauatum fuisse nouum Testamentum à Christianis, vt deblaterat Mahumetus, ne ea, quæ de ipsius aduentu in illo prædicebantur, apparerent. Porro, vt res euidentior fiat, afferam hic argumenta, quibus probetur neque à Iudæis, neque à Christianis potuisse Sacros Libros vniuersaliter, aut substantialiter deprauari.

Primū ac præcipuū argumentum est, Diuina prouidentia, ad quam spectat legem suam inter homines conseruare vnâ cum ijs libris, qui ad veram Dei agnitionem, cultumque legitimum sunt necessarij, & quibus veram à falsa religione dignoscere possimus: alioquin omnia erunt confusa, incerta, ac tenebris plena. Quin & pro Mahumetanis ipsis res

malè agetur : nam cum hi legem ac sectam suam (licet falsò) Pentateuchi, & Euangelij Oraculis stabilire se putent ; si hæc deprauata sint, ac proindè fide careant ; Religionis suæ veritatem nullo modo ostendere poterunt, vel comprobare. Neque satis est si dicant, extare Alcoranum: nam Alcoranus est in hac controuersia pars; neque potest in propria causa esse testis vel iudex, nisi aut mendax, aut suspiciosus. Idemque dicendum esset de Euangelio, nisi testimonium Pentateuchi, & Prophetarum præcedentium posset proferre.

Secundū argumentū est, accuratissima diligentia, ac vigilantia, qua Hebræi veteris Testamenti, Christiani verò tūm noui, tūm veteris libros semper custodierunt. Incredibile est quantum hac in re illi semper fuerint accurati, etiam ante ortum Mahumeti. Non solum libros omnes, & capita librorum, sed etiam periodos, dictiones, characteres, & apices in Sacris Biblijs enumerauere. Insuper adnotarunt, quoties quælibet dictio,

ctio, & qua forma in ijsdem scripta reperiatur. Tantam verò, ac tam exactam curam in Sacris Codicibus exscribendis adhibent, vt in superstitionem degenerare videantur. Viginti de hoc præcepta enumerat R. Moyſes in tractatu de lib. Leg. cap. 10. Inter quæ decimum est, vt ab homine Hæretico, vel profano exscribi non possint. Vndecimum, vt scriptor ita attentus sit, dum aliquod ex Dei nominibus exarat; vt si eo tempore à Rege Israelis salutetur, salutem illi reddere non debeat. Duodecimum, & decimum tertium, & decimum quartum, ac decimum sextum; vt si in scribendo literula vlla per incuriam vel addatur, vel detrahatur: vel si vnus character ab alio nimis distet, vel eidem plus iusto adhæreat; totus liber profanus habeatur. Vix etiam credi potest, quanta religione Sacra volumina in Synagogis suis asseruent, quantaque reuerentia manus illis admo-ueant: ita vt, si fortuito aliquo casu in terram decidant, id tamquam flagitium aliquod, aut scelus ieiunio expiandum

decernant. Multò verò maior, licet ab omni superstitione immunis, est, semperque fuit ab ipso Apostolorum tempore Christianorum cura in Sacris Scripturis, & præsertim Euangelij assertuandis, & venerandis. Non enim solum in Ecclesijs, sed etiam in priuatis domibus illas habere perpetuò consueuerunt. Et cum sæpè ab Idololatriæ eas depromere, sibi que tradere iuberentur; bonorum potius, vitæque iacturam facere, quàm sancta canibus dare eligeant. Mos etiam semper fuit, quotidie in publicis Conuentibus, dum Sacra celebrarentur, easdem populo legere: ad quod munus peculiaris Ministrorum ordo, qui Lectores dicuntur, institutus est, ad quos spectat, legere in Ecclesia libros veteris, ac noui Testamenti.

Tertium est, à primo vsque Christianæ religionis seculo Sacras Scripturas per vniuersas terrarum orbis prouincias ac nationes vulgatas fuisse, easque in omnium propè gentium linguas ex Hebraicis, Græcisque fontibus fuisse translatas:

& præ-

& præterea fontes ipsos, tum Hebræorum, tum Christianorum opera ad omnes æquè nationes promanasse. Sanctus Augustinus lib. 2. de Doctrina Christiana. cap. 5. affirmat, Sacros Libros per varias Interpretum linguas longè lateque diffusos fuisse. Et tract. in Psalm. 105. scribit, *Magnum Dei beneficium fuisse, qui Scripturas suas in multis linguis esse, voluit.* Theodoretus lib. 5. de Curan. Græcor. affect. testatur *universam faciem terræ, quantacumque Soli subijcitur, eiusmodi verborum (nempe Sacrarum Scripturarum) plenam iam esse.* Et quidem vetus Testamentum asserit suo tempore *versum iam fuisse in idioma Romanum, Persicum, Ægyptiacum, Indicum, Armenum, Scyticum, Sauromaticum; uno verbo, in omnium gentium linguas.* Viuebat hic Author anno Christi 450. centesimo circiter anno ante natum Mahumetum. Sanctus Ioannes Chrysostomus in Ioan. cap. 1. Hom. 1. Meminit versionum Syriacæ, Ægyptiacæ, Persicæ, Æthiopice, & aliarum. S. Hieronimus

præfat. in Euan. ad Damafum, *Sacram Scripturam in variarum gentium linguas translata[m] esse* testatur. Floruerunt hi omnes longè antè aduentum Mahumeti. Reperiuntur hodie hæ fere omnes versiones, & aliæ præterea æquè antiquæ, vt Arabica, Cophtica, Samaritana, & plures tam Græcæ, quam Latinae, quas hic non est otium recensere: Tam multæ igitur Sacrorum Librorum translationes, præter originaria exemplaria innumera, tot tamque varijs linguis ab omnibus propè terrarum orbis gêtibus confectæ, quamquam inter se, propter idiomatum proprietatem, verbis differant; in substantia tamen, & in ijs, quæ ad religionis, fideique dogmata, ad morum regulam, & ad historiæ veritatem pertinent, omnes conueniunt: quibus in rebus euidēs est Sacras Scripturas non fuisse corruptas: Verùm etiam si aliqua harum versionum defectum aliquem, vel errorem substantialem contineret, id tamen Sacrorum voluminum integritati nullum inferret præiudiciu[m]: huiusmodi

di enim defectus, ex totaliarum versionum, & ex originalium Textuum collatione facillimè deprehenderetur. Huc accedit, quòd licet aliqua particularis interpretatio vitiosa esset, & corrupta; non tamen propter illam dici possent Sacrae Scripturae corruptae, cum receptae versiones, & originalia illi aduersarentur: alioqui Alcoranus etiam corruptus, imò corruptissimus dicendus esset, cum multi illum pessimè describerint, vel in alias linguas conuerterint. Liberum est cuilibet vel ignarissimo Interpretem agere; neque tamen cuiuslibet interpretatio fidem facit, sed illa tantum, quæ Originali suo consona, communibus Doctorum calculis approbata fuerit, & ab Ecclesia recepta, vel non reiecta.

Quartum est; neque causas, neque tempus; neque Authores corruptionis huiusmodi posse assignari. Cur enim Iudæi Testamentum vetus corrumperent? In odium, inquiunt, Christi, & Christianorum, ne ea, quæ illis fauebant, apparent. Atqui si res rectè perpendatur, hoc

hoc sine aperta calumnia dici non potest : Primò enim in Hebraico Textu non solum reperiuntur hodie vaticinia illa omnia , quæ in nouo testamento à Christo Domino , eiusque Discipulis allegantur : verum & alia multa extant ; & vtraque interdum ob proprietatem Hebraicæ linguæ clariora , & efficaciora ibi sunt , quam in ipsa latina Vulgata . Neque dubitare aliquis potest , quin si Hebræi tantum scelus perpetrare voluissent , hæc etiam , & multo maiori cum ratione sustulissent . Deinde si vaticinia de Christo obscurare , vel abradere decreuissent : clariora , & ea , quæ minus negari possent , occuluissent ; ex quibus tamen aliquod hodie in Euangelijs , librisque Apostolicis , vel in primis Christianæ religionis Affeclis , inter quos erant Hebræi doctissimi , reperiretur . At nihil tale vsquam inuenitur : & consonant omninò in his vaticinijs vetus , nouumque Testamentum . Nec minor Mahometanorum insania est , dum Iudæos Pentateuchum , Christianos vero Evangelium

gelium corrupisse audacter affirmant , quò vaticinia , quæ in ijs de Mahumeto , eiusque Secta scripta erant , abolerent . Nam tam Pentateuchus , quàm Euangelium , cæterique Sacri libri sunt hoc tempore prorsus ijsdem , qui erant ante aduentum Mahumeti , quod 2. & 3. argumento iam allato manifestè probatur : & multò manifestius euincitur , quia multi hodiè extant Codices , præsertim Hebraici , veteris Testamenti , quorum antiquitas ortum Mahumeti longè superat ; & tamen cum modernis Codicibus omnino conueniunt . Quod si vel in his , vel in alijs Codicibus , aut Interpretationibus est aliquod discrimen , qualecunque illud sit , nihil ad Mahumetum , vel ad eius Sectam pertinet , sed ex Amanuensium , vel Interpretum minori attētionē quàm par est , contigisse cognoscitur .

Quæ porrò gens tam barbara , atque impia reperitur , quæ publico communi- que assensu , ad corrumpendos violandosque Libros illos conueniat , quos religionis , regnique sui fundamenta , ac bases

fes agnoscit, & veluti Sacrosanctos veneratur? Essent ne vnquam adeò stulti, amentesque Mahumetani, vt vniuersi conuenirent in ijs ex Alcorano abradendis, quæ Christi Diuinitati, Christianæque religioni fauere; vel Prophetæ suo, eiusque Sectæ aduersari arbitrarentur? Et quidem plura sunt huiusmodi in Alcorano. Nunquam hoc mihi persuadebo. Cur ergo adeo stultos, atque impios Christianos ac Iudæos facere ipsi volunt, vt in odium Mahumeti, & ad illius memoriam abolendam, scripturas illas communi conspiratione deprauarent, quas vt potè à Deo ipso traditas, adeò reuerentur, & quodammodo adorant, & prò quibus tuendis tot hominum millia vitam cum sanguine profudere?

Conuenit deinde corruptionis huius tempus assignare, quod sanè ante Christi aduentum esse non potuit, cum nullum fuerit causa ex superius assignatis; Christi scilicet ipsius (& multo minus Mahumeti) memoriæ abolendæ cupiditas. Huc accedit, quod si Iudæi hoc
scelus

scelus perpetrassent, neque Christus, neque Apostoli ab illis inculandis abstinuissent, quemadmodum cætera eorum peccata non tacuere. Atqui non solum hoc non fecerunt, sed oppositum potius docuere, dum sæpe ad Sacrarum Scripturarum testimonium Iudæos, & præsertim sapientiores, prouocabant, ipsique earumdem autoritate utebantur. Neque inuenimus eos aliquid vnquam ex veteri Testamento allegasse, quod vel totidem verbis, vel saltem eadem sententia in eo non existat. Sed neque post Christi aduentum potuerunt Sacra Volumna corrumpi, cum iam in manus Apostolorum, aliorumque sine numero, qui à Iudaismo ad Christianam fidem transierant, asseruarentur: hi namque sacrilegum Iudæorum facinus detexissent. Erant præterea Iudæi per totum orbem disseminati, & non solum in Synagogis, sed in priuatis quoque domibus libros à Deo traditos habebant: ita ut impossibile omninò sit eos omnes potuisse conuenire in ijs propter Christi odium

cor-

corrumpendis. Loquendo autem de nouo Testamento, nullo modo potuit à Christianis ante Mahumeti aduentum in, odium eiusdem Mahumetideprauari, ob iam dictas rationes. Neque dici potest illud à Iudæis vitiatum fuisse. Primò quia vulgatum iam erat, ac sparsum per omnes gentes, in quibus ab Apostolis, & eorum discipulis prædicatum fuerat. Deinde quia ea potius ipsi abrasissent, quæ ad Christi gloriam spectabant, non quæ ad vaticinia de Mahumeto, qui Christianæ Religioni tantam cladem erat illaturus. Neque demum dici potest, post Mahumeti aduentum corruptionem huiusmodi factam fuisse, ob supra allatas, & infra afferendas rationes.

Demum si de Authoribus huius corruptionis agatur, luculentius agnoscetur nullo modo fieri potuisse. Neque enim dici potest vnum, vel duos, vel paucos aliquos singulares viros ad hoc conuenisse: sed cogimur afferere, Iudæos omnes ad Pentateuchum deprauandum, omnesque Christianos ad corrumpendum

Euan-

Euangelium vnanimi consensu conspi-
rasse ; quo nihil absurdius, nihilque in-
credibilius dici potest , vel etiam cogita-
ri . Nam si aliqui tantum hoc fecissent
(quod sanè non negamus fieri potuisse)
statim ab alijs omnibus dèprehenfi fuif-
sent . Nec poterant hi pauci vniuersum
terrarum orbem preuagari , atque om-
nes Iudæorum Synagogas , domosque
penetrare ; omnes Christianorum Eccle-
sias , atque ædes priuatas peruadere : vt
omnes Pentateuchos , omnia Euangelia ,
ōnes Sacros libros tot idiomatibus exscri-
ptos , in tam multis doctissimorum vi-
rorum Commentarijs , Gloissisque inser-
tos corrumpere , quò ex ijs Christi , vel
Mahumeti nomen , & memoriam abo-
lerent . Multi saltem Sacrarum Scriptu-
rarum Codices integri , illibatique re-
mansissent , è quibus hodiè procul dubio
aliqui reperirentur . Et hoc euenisset,
etiamsi non pauci aliqui , sed plerique ,
imò omnes (paucis exceptis ,) Iudæi , &
Christiani tantam impietatem moliti
fuissent . Et nihilominus videmus hodiè

Codi-

Codices omnes cuiusvis idiomatis inter se, & cum alijs esse vniformes, atque easdem res in substantia continere, cum tamen nihil in ijs de Mahumeto legatur.

Eò accedit, non solum difficile, sed etiam impossibile omninò esse, vt in eadem sententia ac voluntate, in re de sua natura mala & illicita conueniant plures nationes inter se moribus, genio, lege, religione aduersæ, aut diuersæ; cuiusmodi sunt Christiani, & Hebræi, Latini, & Græci, Orientales, & Occidentales. Vnica dictio addita á Latinis in Symbolo Fidei non ad aliquid de veritate detrahendum, sed ad eandem veritatem magis explicandam, tam magnum inter eos, & Græcos peperit odiũ, ac dissidium, vt quantumvis pluries Græci in generalibus Concilijs additionem illam approbauerint, adhuc tamen inter eos, & Latinos scissura perseueret.

Sed est aliquid maius, ac mirabilius, quod se nobis in hoc argumento considerandum proponit. Quanta olim Ariannorum multitudo, quanta potentia fuerit

nemo

nemo est qui ignoret. Mahumetani ipsi Chronologi de Ariana Secta, eiusque numero ac viribus mentionem faciunt, quemadmodum etiam de Concilio Niceno, alijsque Concilijs œcumenicis ad Arianam hæresin comprimendam celebratis. Quamvis verò Imperatorum favore & autoritate Ariani ita inuallissent, vt triumphare iam de Orthodoxa fide viderentur: nunquam tamen ausi sunt aliquid vel minimum eorum ex Euangelio, alijsue Sacris Scripturis tollere, vel immutare, quod Christi Diuinitatem, quam ipsi impugnabant, demonstraret. Si ergo eo tempore, quo totus penè Orbis Arianus erat, ipsique Imperatores pro viribus Arianam hæresin propugnabant, nulla potuit fieri corruptio in sacris Scripturis ad obscurandam Christi Diuinitatem; quomodo facta fuerit, aut fieri puerit ad occulendas, vel abolendas prædictiones de Mahumeto, eo præsertim tempore, cum Mahumeti nomen vix extra Meccâ, & Medinâ audiretur? Porro etiam si daremus Chri-

D

stia-

stianos, & Iudæos illarum Urbium aliquid Mahumeti causa in sacris voluminibus corrupisse; poterantne hi pauci cæteros omnes terrarum orbis Christianos, vel Iudæos in suum scelus pertrahere?

Hoc porrò argumentum eò magis Moslemos vrget, quò Mahumetus ipse non semel in Alcorano fatetur Pentateuchū, & Evangelium, cæterosque sacros libros à Iudæis & Christianis deprauatos non fuisse, nisi postquam se se Prophetam cæpit venditare. Ita Sura 98. de Demonstratione, in ipso initio legimus.

لَمْ يَكُنِ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ مُنْفِكِينَ حَتَّى تَأْتِيَهُمُ الْبَيِّنَةُ رَسُولٌ مِنَ اللَّهِ يَتْلُو صُحُفًا مُطَهَّرَةً فِيهَا كُتِبَ قِيمَةٌ وَمَا تَفَرَّقَ الَّذِينَ أُوتُوا الْكِتَابَ إِلَّا مِنْ بَعْدِ جَاءَتِ الْبَيِّنَةُ

Illi, qui credere noluerunt ex Iudæis & Christianis, & Idololatriis, non discesserunt, donec venit ad eos demonstratio, nempe Legatus à Deo, qui legeret Codices purificatos, in quibus erant Scripturæ rectæ: neque diuisi sunt ij, quibus data sunt Sacra Scriptura, nisi

nisi postquam venit ad eos demonstratio. Hæc verba aliquanto obscuriora, ita explicat Gelaeddinus. لم تكن الذين كفروا ممن اهل الكتاب والمشركين زاييلين عما هم عليه حتى اتاهم الحجة الواضحة وهي محمد رسول من الله يتلو صحفا مطهرة من الباطل فيها احكام مكتوبة اى يتلو مضمون ذلك وهو القران وما تفرق في الايمان بحمد الذين اوتوا الكتاب الا بعد ما جاتهم البينة وهو محمد او القران وقبل بيته من كانوا مجتمعين على الايمان به اذ جاء محمد من كفر به منهم

*Qui noluerunt credere (in Mahumetum)
Indei, Christiani, & Ethnici, non discesserunt ab ea Religione, quam profitebantur, donec venit ad eos Mahumetus Legatus à Deo, recitans Codices purgatos ab erroribus, nimirum Alcoranum, in quo illi continentur. Neque diuisi sunt, seu discesserunt à fide in Mahumetum illi, quibus data sunt Sacra Scriptura, nisi postquam venit ad eos Mahumetus cum Alcorano : & ante aduentum eius erant concordēs in credendo in eum cum venisset : Sed ob inuidiam noluerunt postea credere in eum . Itaque vsque ad Mahu-*

meti aduentum , Iudæi , & Christiani Sacras Scripturas non corruperant, saltem in ea parte , in qua de illius aduentu vaticinia continebantur , dum adeò vni-formiter , & constanter credebant , & sperabant illum esse venturum . Illud verò manifestum est mendacium , quod Gelaleddinus ait, illas fuisse tales, quales continebat Alcoranus : nam cum hodiè sint eadem , quæ erant antequam Alcoranus vulgaretur , vt supra demonstra-tum est , videmus nihilominus Alcora-num eas non solum diuersa , sed sæpè aduersa ratione referre , ab ijs , quæ nunc sunt . Sed impudentius mendacium est asserere Iudæos , & Christianos credidisse vni-formiter in Mahumetum ven-turum . Certum est, magnam, imò maxi-mam, & præcipuam Iudæorum, & Chri-stianorum partem nihil prorsus de Ma-humeto sciuisse, nisi post plures annos ab illius morte . Et hodiè etiam multi, imò plerique ex his, Mahumeti tantum nomen, non ex Sacris Literis , sed ex fa-ma nouerunt . Præterea dum Mahume-tus

tus toties affirmat in Alcorano, necessario credendum esse in Pentateuchum, & Euangelium, & præcipit Iudæis, ut iuxta Pentateuchum, Christianis autem, ut iuxta Euangelium res suas iudicent, Mahumetanis verò, ut simul cum Alcorano utrumque recipiant, ac venerentur; & toties utrumque laudat, & commendat tamquam duces veritatis, lucernas illuminantes, & vias rectas ad salutem: supponit non solum hos Libros extare, sed etiam integros esse, & incorruptos. Nec poterat loqui de alio Pentateucho, vel Euangelio, nisi de ijs, quos Iudæi, & Christiani tunc habebant: nempe de Pentateucho illo, qui à Moyse scriptus fuit: & de Euangelio illo, quod quatuor Euangelistæ, Matthæus scilicet, Marcus, Lucas, & Ioannes scripserunt. Nec Doctores ipsi Mahumetani aliud Pentateuchum, vel aliud Euangelium agnoscunt. Et quidem quod ad Pentateuchum attinet, dubium nullum esse potest, cum Alcoranus ipse Moyse illum tribuat. De Euangelio autem ita scribit

Aly Abulhafanus filius Alhoseini Ma-

faudiensis : وان المسيح مَرَّ بجيرة الطبرية :

وعليها اناس من الصيادين والقصارين فدعاهم الى

الله وقال لهم اتبعوني تصيدون البشر فاتبعه ثلاثة

من الصيادين وهم بنوا زبدي واثناعشر من

القصارين وقد ذكرمتي ويوحنا ومرقس ولوقا

وهم الحواريون الاربعة الذين نقلوا الانجيل والفوا خبر

المسيح وما كان من مولده وكيف عمده لمحيى

بن زكريا وهو يحيى المعمد وما فعل من العجايب

واتا من المعجزات و ما ناله من اليهود الى ان رفعه

الله اليه وهو ابن ثلاثة وثلاثين سنة وفي الانجيل خطب

طويل في امر المسيح ومريم ويوسف النجار اعرضنا عن

ذلك لان الله تعالى لم يجبر بشي من ذلك في

كتابه ولا خبر به محمد نبي الله صلى الله عليه وسلم

Transiit Christus iuxta Mare Tyberiadis,

ubi erant aliquot piscatores, & fullones, vo-

cavitq; illos ad Deum, & ait : Venite post me,

& piscabimini homines . Secuti sunt eum

tres ex piscatoribus, qui erant filij Zebedei :

& duodecim ex fullonibus . Inter hos nomi-

nantur Matthaus, & Ioannes, & Marcus,

& Lu-

& Lucas: Suntque illi quatuor Apostoli, qui scripserunt Euāgelium, & Historias de Christo, & de eo quod ad illius ortum spectat, & illius Baptifinum per Ioannem filium Zachariae, cognomine Baptistam: itemque de miraculis, ac prodigijs illius, & de eo quod per tulit à Iudæis, donec Deus eleuauit illum ad se in Cælum, cum esset annorum triginta ac trium. Fit autem in Euangelio prolixa narratio eorum, quæ spectant ad Christum, & Mariam, & Iosephum fabrum lignarium. Nos tamen ab illis recedimus, quia nullam de eis mentionem facit Deus in libro suo, neque Propheta eius Mahūetus. Nihil refert quod Mahumetus nullā faciat mentionē de ijs, quæ habentur in Euangelio, vel saltem non omnia cōmemoret, vel etiam aliqua neget. Imò hinc manifestius apparet falsitas Alcorani, cū vel taceat, vel neget ea, quæ ipsemet implicite fatetur, dum Euangelium, quo ante suum aduentum Christiani utebantur, toties cum laude commemorat, & illud sit hoc ipsum, quo semper Christiani vsi sunt, vt superius probatum est. Præterea Ismael filius Aly in sua

historia loquens de Christianorum gen-

te, hæc habet. واما الانجيل فهو كتاب يتضمن

اخبار المسيح ع م من ولادته الى وقت خروجه من

هذا العالم كتبه اربعة نفر من اهل بيته وهم متى كتبه

بفلسطين بالعبرانية و مرقس كتبه ببلاد الروم

باللغة الرومية ولوقا كتبه بالاسكندرية باللغة

اليونانية ويوحنا كتبه بافسس باللغة اليونانية

ايضا . *Euangelium liber est, qui gesta*

Christi continet ab eius ortu, usque ad exi-

tum ex hoc mundo. Scriptum fuit à qua-

tuor viris ex ijs, qui eum sequebantur: fue-

runt autem Matthæus, qui scripsit illud in

Palestina idiomate Hebraico: Marcus, qui

scripsit illud in regione Romanorum lingua

Romana: Lucas, qui scripsit illud Alexan-

driae idiomate Græco: & Ioannes, qui scri-

psit illud Ephefi item Græcè. Præterea

Ahmedus filius Addolhalimi idem con-

firmat in sua Apologia his verbis. المسيح

تكلم بالعبرانية وترجم عنه بلغة اخرى كما القوا

احد الاناجيل باليونانية والاخرى بالعبرانية

الاخرى بالرومية وواحد بقى عبرانية

Christus Hebraicè locutus est; eius autem sermo in alias linguas translatus fuit. Vnum enim ex Euangelijis Græcè: aliud Syriacè: aliud Latine scriptum fuit: vnum autem remansit Hebraicum. Fallitur in eo quod putat, vnum ex Euangelijis Hebraicè, aliud verò Syriacè scriptum fuisse. Verum hoc parui refert. Accedit his duobus tertius Alsciaher Settanius, quem citat Ebnosahidus Mogrebinus, in eo quod de Christo scripsit, in hæc verba.

ثم ان اربعة من الحواريين وهم متى ولوقا و مرقس
و يوحنا اجتمعوا وجمع كل واحد منهم انجيلاً و خاتمة
انجيل متى ان المسيح قال اتي ارسلتكم الى الامم
كما ارسلني ربي اليكم فاذهبوا وادعوا الامم باسم
Quattuor ex Apo-

*stolis, scilicet Matthæus, Lucas, Marcus;
& Ioannes simul conuenere: & quilibet eorū
collegit Euangelium. Vltima autem verba
in Euangelio Matthæi sunt huiusmodi. Di-
xit Christus Apostolis: Ego mitto vos ad
gentes, sicut misit me Dominus meus ad vos:
Ite ergo, & vocate gentes in nomine Patris,
& Fi-*

& Filij, & Spiritus Sancti. Nescio vtrum
ex malitia scriptum sit ربي Rabbì: Do-
minus meus: pro ابي Abì, Pater meus:
& relictà fuerint verba: Baptizantes
eos.

Nullum aliud proferunt, neque pro-
ferre possunt Moslemi Euangelium, præ-
ter hæc quatuor, seu præter hoc vnum à
quatuor Euangelistis scriptum. Quam-
uis enim alia ab Hæreticis Euangelia cõ-
ficta fuerint, nullum tamen ex ijs fuit ab
Ecclesia Christiana receptum, id quod
Mahumetanos ipsos minimè latet: nam
Ahmedus Ebnedrisus meminit cuiusdam
Euangelij, præter illa quatuor, quod
ipse met agnoscit, & fatetur spurium,
& apocryphum: de quo ita scribit:

الانجيل الخامس يسمى انجيل الصبوة ذكر فيه الاشياء
التي صدرت من المسيح عـم في حال طفوليته ينصب
لبطرس عن مريم عـم وفيه زيادة ونقصان ومشاهير
معجزاته فيذكر فيه قدوم المسيح عـم وآمه رضى الله
عنها ويوسف النجار رضى الله عنه الى صعيد مصر
ثم عودته الى ناصرة. *Quintum Euangelium*
illud

illud est, quod inscribitur, de Infantia; in quo enarratur id quod pertinet ad infantiam Christi. Petro tribuitur, qui illud scripsit ex relatione Mariæ Sa: Me: Multa in eo abundant, multa desunt: & referuntur ibi mirabilia, quæ operatus est Christus (Infans:) & aduentus eius cum Matre sua, & Ioseph Carpentario in Thebaidem Ægypti, & reditus illius in Nazaret. Huius Evangelij de Saluatoris Infantia, multi etiam ex nostris meminere, & tamquam apocryphum semper fuit ab Ecclesia reiectum. Neque possunt eo, vel alijs huiusmodi Evangelijs Moslemi vti contra nos: quamadmodum neque nos contra Moslemos, Alcorano, qui scriptus est à Mosailma, vel alijs æmulis Mahumeti pugnamus, ad euertendū Alcoranum ipsius Mahumeti. Quamuis enim huiusmodi Alcorani, quos Moslemi spurios censent, ab aliquibus, imò à plurimis recepti fuerint: nunquam tamen communi Mahumetanorum consensu sunt approbati.

Verum neq; hæc Evangelia apocrypha quid-

quidquā Mahumetum, vel Mahumetanos
iuvāt, cum in illis ne minima quidē men-
tio Mahumeti, vel illius Sectæ reperiatur.

*Argumenta Mahumetanorum
contra Integritatem Sacra-
rum Scripturarum.*

N Vllius propè sunt momenti ea, quæ
Moslemi proferunt ad proban-
dum Sacras Scripturas fuisse corruptas:

Primum Argumentum allatum ab
Ismaele filio Aly in principio suæ Histo-
riæ, est: Dissensio inter Pentateuchum
Hebraicum, Græcum, & Samaritanum
in numero annorum à creatione Adam
vsque ad Abraham: Nam (inquit ille)
*Pentateuchus Samaritanus ponit ab Adam
vsque ad Diluvium annos tantum mille
trecentos sexaginta septem. Hebraicus ve-
rò mille quingentos quinquaginta sex; Inter
Diluvium verò & ortum Abrahæ ducentos
nonaginta duos. Summa autem annorum
huius Pentateuchi deficit à summa Penta-
teuchi*

*teuchi Græci mille quadrigentis septuaginta
quinque annis* . Probat deinde compu-
tum annorum Pentateuchi Samaritani
non posse subsistere, quia ex eo sequere-
tur, Noë vixisse simul cum Adam supra
ducentos annos, quod nemo vnquam di-
xit. Computum etiam Hebraicum con-
uincit esse falsum, quia ex eo sequeretur
Noë vixisse simul cum Abraham quin-
quaginta, & octo annos: quod item est
absurdum. Existimat autem Author,
malignè ab Hebræis ita numerum anno-
rum decurtatum fuisse in odium Christi,
quem cum Sacrae Scripturae in nouissimo
tempore venturum esse prædixissent; ita
annis abbreviatis, non in nouissimo tem-
pore, sed potius in medio aduenisse pro-
baretur (posito quod iuxta communio-
rem opinionem tota mundi ætas septem
millium annorum futura sit) & per hoc
non verus Messias, sed falsus esse demon-
straretur. Laudat deinde Author com-
putum Pentateuchi Græci, asserens eo
vfos fuisse historicos veraciores: nihilque
in eo absurdi aut absoni, ratione tem-
poris

poris ab orbe condito contineri.

Verùm licèt daremus Ismaëli , Samariticum Textum non solum in annorum computo , sed in alijs quoque graviorebus rebus esse vitiatum ; nihil faceret contra nos : cum huiusmodi Pentateuchum Christiana Ecclesia nunquam vt legitimum approbasse legatur . Quod verò attinet ad varietatem illam computi annorum in his tribus Pentateuchis ; quorum tamen exemplaria in hac varietate non semper inter se conueniunt : dicimus id non multum ad Pentateuchi substantiam referre , neque per hoc illius integritatem diminui . Norunt omnes , & experientia quotidie docet , quàm facile in numeris , sine magno , & sæpe sine vlllo veritatis dispendio , à librarijs peccetur . Quamobrem tutò asserere possumus , illum esse verum numerum , qui magis ad Chronologicam historiæ veritatem accedit : cæteros Amanuensium lapsus esse . Conati quidem sunt nonnulli numeros annorum Pentateuchi Hebraici & Græci inter se concilia-

lia-

liare: sed irrito conatu, & adhuc sub iudice lis est. Debet tamen stare victoria pro Textu Hebraico, ut potè primigenio, cum quo etiam latinus Textus, quo Sancta Romana Ecclesia utitur, concordat.

Quod verò obijciat Ismaël, absurdum esse asserere, quòd Noë vixerit aliquot annos vna cum Abraham: respondemus, ipsi fortasse absurdum videri: nihil tamen repugnat hoc factum fuisse. Verùm non est nunc mihi ocium in hac quæstione immorandi. Illud verò ridiculum, quod existimet Iudæos numerum annorum concidisse in odium Christi, ut appareret illum non venisse in fine temporum iuxta Sacrarum Scripturarum Oracula, ac proinde non fuisse verum Messiam. Primò enim non septem, sed sex millia annorum mundum perseveraturum, est communis Hebræorum opinio ex traditione Scholæ Eliæ. Quamobrem etiam si Christus in principio quinti millennarij aduenisset, poterat nihilominus illud ultimum tempus appel-

appellari . Secundò , nihil vetat quin vltimi temporis , vel nouissimorum dierum nomine , non vltimum tempus mundi , sed supremos Hebraici Regni dies intelligamus : hoc enim per Christi aduentum auferendum erat , ac destruendum , quemadmodum videmus factum . Itaque nulla fuit causa , cur Iudæi ita computum annorum in Pentateucho post Christi aduentum corrumpere : sed neque hoc facere potuerunt , vt superius certis argumentis demonstraui . Quid quid autem sit , nihil hoc pertinet ad Mahumetum , vel ad Sectam illius : neque apparet , vllam in hac annorum varietate potuisse interuenire malitiam .

Secundum Argumentum est Authoris libri تاييد الله , idest Confirmatio Religionis : quo probatur , Pentateuchum esse corruptum : & est huiusmodi . *Pentateuchus est Verbum Dei : Verbum autem Dei est æternum . At in Pentateucho , qui nunc extat , plura sunt , quæ continent res novas ,*

uas , ac recentes : Ergo hic Pentateuchus corruptus est , ac deprauatus . Hoc argumentum meretur potiùs risum , quàm responsum : & posset retorqueri hoc modo contra Authorem : Alcoranus continet multas narrationes recentes , & præsertim ea , quæ in dies Mahumeto accidebant : & prætereà fabulas multas ex Thalmud , & Rabbinis petitas : Ergo Alcoranus non est verbum Dei , sed liber corruptus , ac deprauatus . Hoc autem nemo Mahumetanorum admittet .

Tertium Argumentum est eiusdem Authoris in hunc modum : Deus abstulit Spiritum Prophetiæ à Moyse , & dedit eum Iosue filio Nun . Prætereà Moyses peccauit in educendo aquam de Petra ; quapropter meruit iram Dei , & priuationem Spiritus Prophetiæ . Concludit Author ratiocinationem suam his verbis :

و في هذا لقول مقنع وكفاية فتدبره فانه من
 اكبر الحجج عليهم . Hoc autem argumentum
 omninò probat , & conuincit : & tu poteris
 E illum

illum perpendere , est enim ex validissimis demonstrationibus contra Iudeos . Admiratione dignum est acumen Chrysippæum huius Authoris ; quasi verò repugnet Spiritus Prophetiæ in eo , qui aliquod peccatum , quemadmodum Moyse , imprudenter admisit . Pessimè faciunt Moslemi , dum Mahumetum tamquam Prophetam venerantur , qui toties , ut ipsi fatentur , & ex Alcorano constat , gravissimè peccavit . Argumentum tamen Authoris probat potiùs Pentateuchum non esse librum Diuinum , quàm fuisse corruptum . Quod verò Deus abstulerit à Moyse Spiritum prophetiæ , & dederit Iosue filio Nun , est merum figmentum : nihil enim huiusmodi habemus in Pentateucho . Sed etiamsi hoc verum esset , id tamen contigisset post scriptum à Moyse Pentateuchum : præsertim cum Mahumetani credant totum Pentateuchum traditum simul Moyfi à Deo .

Quartum Argumentum eiusdem Authoris est , quia *Pentateuchus , quem nunc habemus , indignus est qui habeat Deum*

Autho-

*authorem : continet enim plurimas superstitiones , & vanitates , ut patet Cap. 13. Leuitici , ubi agitur de purgatione leproforum : & alibi plurimis in locis . Nihil verò in eo legitur , quod pertineat ad res æternas , ut ad Paradisum , ad Gehennam , ad Extremum Iudicium , sed omnia quæ sunt in eo , res terrenas , & temporales respiciunt . Hoc Argumentum videtur aliquid ponderis habere : facile tamen respondetur , quasdam in Pentateucho videri superstitiones , quæ tamen sunt mysteria , & oracula cælestia : & ita omnes tam Iudæi , quàm Christiani semper ut talia illa agnouerunt . Neque inter Mahumetanos quidem vllum hæcenus legi , vel audiui , qui de Pentateucho tam indignè , impièque loqueretur . Porro quod Pentateuchus de rebus spiritualibus , & æternis non ita clarè loquatur , non probat non esse librum Diuinum , vel fuisse corruptum . Continet sanè hæc , sed sub velamine figurarum , & allego-
 liarum : & in eo ipsa tempora-
 lia , & terrena , tamquam spiritualium*

& cælestium Symbola proponebantur. At enim, cur non palam, & absque figurarum velamine hæc eadem Israelitis ingerebantur? Quia nimis erant rudes, & Spiritualium rerum incapaces: & quia Christo hæc eadē clarè apertèque manifestanda reseruabantur. Quòd si etiā Mahumetus de his agit in Alcorano: nullum mirum est, simiam actus hominis imitari. Hæc ille non ex se inuenit, aut primus proposuit, sed ab Euangelio, & Christianis Scriptoribus furatus est. Rursum ad id, quod obijciebat Author, continere Pentateuchum superstitiones, ac vanitates; libet respondere verbis doctissimi Mahumetanorum Algazelis, qui animaduertens multa in Alcorano, & in Sacris Meccanæ peregrinationis, & variarum purificationum ritibus apparere inutilia, ac vana, prorsusque superstitiosa; non tamen remouendam ab eis venerationem censet: imò eò magis veneranda existimat, quò minus eorum causa, vel utilitas agnoscitur; & hoc in obsequium fidei, & obedientiæ, quam Deo, qui illa præ-

præcepit, debemus. En verba Algazelis, quæ impietatem huius Authoris iugulât :

وأما تردّد السعى ورمى الجمار وأمثال هذه الاعمال فلا حظ للنفوس ولا انس للطبع فيها ولا اهتد للعقل الى معانيها فلا يكون فى الاقدام عليها باعس الا امر بحد وقصد الامثال للامر من حيث انه امر واجبه الانباع فقط وفيه عزل العقل عن تصرفه و صرف للطبع والنفس من محل انسه فإن كل ما ادرك العقل معناه مال الطبع اليه ميا ما فيكون ذلك الميل معيناً للامر وباعثاً معه على العقل ذلك . Quod ad cur-

sum illum repetitum, & iactum lapillorum, & similes huiusmodi actiones, nihil hac ad animos spectant, nec sunt consentanea nature, nec est quo intellectus dirigatur ad inquirendum quid hac sibi velint, nec quod quempiam ad ea amplectenda incitet. Verum mandato simplici constant, & intentione mera obsequendi mandato, quatenus mandatum est, cui necessario parendum sit, & cui se immiscere, intellectui non sit concessum, & à cuius usu familiari alieniores sint

natura, & animus. Cum enim percipit Intellectus rei alicuius scopum, fit aliquo modo natura ad eam propensior, quæ propensio suppetias fert mandato, unaque cum eo intellectum excitat; adeò ut non appareat in eo plena seruitus, & obedientia.

Quintum Argumentum est cuiusdam Ahmed filij Zin Alabedin, inter Persas nobilitate, ac doctrina insignis, qui idiomate Persico conscripsit librum aduersus Christianam Religionem, & characteribus aureis exaratum Romam misit ad Pontificem Maximum Urbanum Octauum, ut ad illius obiecta respondendum curaret. In eo, ut Euangelium corruptum fuisse probaret, opposuit contrarietates, seu dissonantias, quæ inter quatuor Euangelistas esse videntur. Verum satis prolixè & eruditè responsum illi fuit à P. Philippo Guadagnolo è Religione Cler. Regul. Min. in Romano Lyceò publicus Arabicæ linguæ Professor, omnigena eruditione, sapientia, vitæque probitate ornatus. Nunc ego breuiter respondeo, huiusmodi contrarietates,

tes, seu dissonantias, esse tantummodo apparentes, & maiores inueniri in Pentateucho, ac cæteris libris veteris testamenti: & tam his, quàm illis abundè ab antiquis Patribus & recentioribus responsum esse, itaut nulla in vtrisque sit vera contrarietas, vel dissonantia.

Omitto alia argumenta, vt potè leuissima, & nullius momenti: & ex ipso Alcorano defumo ego argumentum satis validum prò integritate Sacrorum Librorum. Sura 15. quæ inscribitur Hegra, inducitur Deus ita loquens:

إِنَّا مَن تَرٰنَا الذِّكْرَ وَإِنَّا حَافِظُونَ

Nos certe demissimus Commonitionem, & profectò nos custodiemus illam. Nomine الذِّكْر idest *Commonitionis*, seu commemorationis, aliquando intelligitur Pentateuchus, aliquando Euangelium, aliquando Alcoranus, aliquando decem omnes Libri Sacri. Hoc tamen loco Gelaeddinus, Zamchascerius, Iahias filius Salam, & alij quos videre potui, intelligunt solum Alcoranum: sed imme-

ritò, cum nullo modo Deus ita illud custodierit, vt non multa in eo varietas facta sit, vt iam supra ostendimus, & in Prolegomenis Alcorani fusius probauimus. Verùm, esto Deus Alcoranum ilibatum custodierit : peto à Moslemis, quare Pentateuchum etiam, atque Euangelium non debuit custodire, cum Mahumetus ipse iubeat in Alcorano, tam Alcoranum ipsum, quàm Pentateuchum, & Euangelium, & reliquos Sacros Libros pari veneratione suscipi, & tamquam verbum Dei recognosci, ac seruari?

Postremò si Moslemi obstinatè contendunt, Pentateuchi, & Euangelij Libros, quibus nunc Christiani, & Iudæi vtuntur, esse corruptos; proferant nobis ipsi vtrumque, vel alterutrum incorruptum: eum scilicet, qui antequam Mahumetus adueniret, existerat, & quem Mahumetus ipse asserit, ob inuidiam, & odium sui, à Iudæis, & Christianis fuisse corruptum. Probent autem solidis, & certis argumentis Pentateuchum, &
Euan-

Euangelium, quod nobis proferent, esse verum, legitimum, & incorruptum, itaut de illius veritate, & integritate dubitari non possit. Hoc numquam facient, nec facere poterunt.

Mahumetani agnoscentes integritatem Sacrarum Scripturarum, iisdem abutuntur ad Mahumeti Propheticum munus adstruendum.

HIs tam claris argumentis conuicti sapientiores Moslemi, coguntur ad Sacras Scripturas, quas nunc præ manibus habemus, recurrere, cum alias non habeant, neque habere possint ad quas confugiant: atque ex his aliquid eruere pro suo Propheta conantur, ne ille mendax nimis impudenter reperiatur, dum affirmat, se à Pentateucho, & Euangelio prædictum fuisse. A Christianis igitur apostatis, scelestissimisque Iudæis edocti,

tot

tot ex utroque testamento pro Mahumeto testimonia producant, ut Ahmed filius Abdolhalimi affirmare non vereatur, plus quam centum loca in utroque testamento inueniri, quæ de Mahumeti aduentu, deque illius Secta loquantur. Ego quæcunque apud Doctores Moslemos reperire potui, accuratè collegi.

Sed Lectorem præmonendum putavi, Dæmonem (ita Mundi sceleribus exigentibus) quædam, quæ Christus fecit, in Mahumato æmulatum fuisse, ac veluti mimicè expressisse; multa etiam huiusmodi de illo Mahumetanos impudenter confinxisse: ita ut mirum non sit, si nonnulla in Sacris Literis ad Christum spectantia, Mahumetani in Prophetam suum aliquali verosimilitudine detorqueant. Neque mirum, neque nouum hoc est. Idem Ethnici, idem Hebræi, idem Hæretici quidam fecere. Virgilius aptat Salonino filio Pollionis Oracula Sybillæ Cumææ, quibus Christi aduentus, atque ætas aurea sub illo futura prædicitur: ut apparet in Ecloga quarta.

Pue-

Pueri nobilitas, Patris virtus, temporis à Sybilla prædicti conuenientia, assentationi huic ansam dedere. Suetonius Tranquillus in vita Vespasiani; Cornelius Tacitus Hist. lib. 2. atque ipse Iosephus Hebræus, Vespasiano Oraculum illud tribuere, quod vel à Sacris Literis, vel à Prophetis Carmeli Montis acceptum, per totum ferè Orientem percrebuerat de nouo quodam Rege è Iudæa tunc temporis venturo, qui toti Orbi dominaretur. *Percrebuerat* (inquit Suetonius) *Oriente toto vetus constans opinio, esse in fatis, ut eo tempore Iudæa profecti, rerum potirentur. Id de Imperatore Romano, quantum postea euentu patuit, prædictum, Iudæi ad se trahentes rebellarunt. Diuinabant Iudæi, nam re vera de Christo eorum Rege, non de Vespasiano erat Oraculum. Possem huiusmodi exempla sexcenta referre, sed omnia omitto, vno tantum, eo quod in rem nostram optimè quadret, contentus. Refert Otho Frisingensis in Friderico, lib. 4. cap. 54. alijque Ecclesiasticæ Historiæ Authores,*
& fuit

& fuit res toti penè Orbi notissima : dum Eugenius III. Rhemis Concilium Generale celebraret An. Christiano 1148. productum fuisse in plenum Concilium coram Pontifice Maximo hominè quendam , qui præstigijs , & astu mali dæmonistam multos seduxerat , vt multitudi-
 ne asseclarum fretus , vbique formidabilis appareret , *Eudo* is vocabatur , natione Brito , homo illiteratus , & idiota : adeo vt cum Gallicè *Eon* diceretur : ipse confundens *Eum* cum *Eon* ; & *Eumdem* cum *Eudum* , affirmaret se esse Christum , de quo legitur in Ecclesiasticis precibus : *Per eum , qui venturus est , &c. & : Per eundem Dominum nostrum , &c.* Hoc tam ridiculo fundamento nouam Sectam instituens , cooperante Diabolo , cuius etiã ope varia prodigia faciebat , præsertim circa phantasticam apparentiam , & multiplicationem ciborum ; incredibile dictu est , quàm latè Sectam suam dilatauerit . Illud verò mirum , quod quisquis ex cibis illis Dæmonum ope paratis , semel gustasset , statim dementatus , insanix

fanix illius tenacissimè adhærebat. Multi Principes aduersus eum exercitus miserunt, sed frustra : perquisitus enim, nullo inueniebatur. Tandem verò diabolica ope destitutus; à Rhemenfi Archiepiscopo comprehensus est, & in Concilium Generale adductus vnà cum multis ipsius Discipulis. Interrogatus à Pontifice, quis esset: respondit, *Se esse eum, qui venturus est iudicare viuos, & mortuos, & seculum per ignem*. Ad hæc risit vniuersū Concilium, iussitq; eum tamquam fatuū, arcta, tutaq; custodia interim asseruari, in qua breui extinctus est. Affecclæ autem eius maluerunt igne comburi, quàm errores ab homine tam insano haustos abiurare. Non absimilis Mahumeto hic Eudus mihi videtur: & si incidisset in populos prorsus agrestes, & nullius Religionis, quales erant Arabes, seque ac suos magis corroborare potuisset; nullo negotio Imperium aliquod formidabile sibi comparasset, quod hodiè quoque perduraret: & quod vix credi potest, tam leui, imò tam nullo fundament.

mento; dum nomen illud sibi vindicabat, quod vix aliquam similitudinem cum vero ipsius nomine præferebat. Potest vnusquisque ad libitum, Sacrae Scripturae verba torquere, & distorquere, ingeniosis quidem, sed falsis, vel violentis allusionibus, & interpretationibus, Fecerunt hoc excellenter Doctores Moslemi ad Pseudoprophetae suo fidem adstruendam, quemadmodum in subiectis exemplis poterit vnusquisque recognoscere.

*Vaticinia, quæ pro Mahumeto
proferunt Doctores Moslemi
ex Testamento
Veteri.*

Proferunt primo loco tamquam præcipuum de Mahumeto, eiusque Secta vaticinium illud Deuteronomij cap. 23. *Dominus de Synai venit, & de Seir ortus est nobis: apparuit de Monte Pharan &c.*
Cui

Cui associant illud Habbacuc cap. 3.
Deus ab Austro veniet, & Sanctus de Monte Pharan. Quæ duo loca exponens Ahmed filius Abdolhalimi, hæc habet. *Afferunt plures è Sapientibus, & assertur ab Abu-Mohammed filio Coraiba, non esse in hoc occultum, neque obscurum rectè perpendentibus argumentum. Nam aduentus Dei de Monte Synai nihil aliud innuit, quam eundem Deum Moysi Pentateuchum tradidisse ex Monte Synai, quemadmodum à Iudæis, à Christianis, & à nobis affirmatur. Iuxta hoc conuenienter dicendum est, ortum illius è Monte Seir, esse velut typum traditionis Euangelij, quod dedit Christo, qui fuit ex Seir terra Galilee ex oppido quodam, cui nomen Nazaret, vnde Christi assectæ Nazareni sunt appellati. Consequenter etiam dicendum erit apparitionem Dei de Monte Pharan præsignare traditionem Alcorani factam Mahumeto. Certum quippe est tam apud Mahumetanos, quam apud Iudæos & Christianos, Pharan esse Montem Meccæ, imo Meccam ipsam. Et post multa, quibus intentum suum probare conatur,*

natur, tandem subdit. *Et cum hoc congruit id quod dicit Habbacuc Propheta : Venit Deus ab Austro, & apparuit Sanctus super Montes Pharan : & impleta est terra laudatione Ahmedì ; & possedit dextera eius ceruices gentium , & illuminauit terram luce sua , & inuecti sunt equites eius in mare .* Hoc idem argumentum affert Author libri Confirmationis Religionis : Sciaher Settanius , Thalebiensis , & alij .

Sed respondemus non esse satis, ad nouam religionem constituendam, allegorico Sacræ Scripturæ sensu ingeniosè conficito abuti . Deinde dicimus nihil attinere ad Christum, vel ad Christianos Montem Seir, vel gentem Esau, siuè Idumæos. Quod enim asseritur, Seir esse Montem, vel Oppidum Betlheem, vbi Christus natus est ; vel Nazaret, vel iuxta Sciaher Settanium, Ierosolymam : ineptè omninò falsoque asseritur. Licet enim concederemus, esse hodiè his in locis Montem aliquem, qui Seir appelletur ; esset tamen in nomine æqui-uocatio, neque

neque aliquid commune haberet cum Seir Monte Idumææ in Regione Arabiæ, de quo sermo est in loco ex Deuteronomio superius allegato . Verùm quidem est, Hebræos appellare per contemptum Christianos Idumæos: sed ridiculo prorsus fundamento ex fabula quadam Iosephi filij Gorionis, quam refert R. Isaac Abrabanellus scribens super caput 34. Isaïæ : quòd scilicet Sepho nepos Esau venerit in Africam , & cum Chartaginiensibus pugnaverit contra Italos : & deinde transfugiens ad Italos, pugnaverit pro eis Imperator contra Africanos , & Pisanos . Quamobrem ab Italis Rex electus Sepho-Ianus appellatus est ob Iani memoriam : Omitto alias ineptias : Vnum quæro : Quid facit hoc ad constituendum Christum , & Christianos Idumæos ?

Quod verò attinet ad Montem Pharan; supponunt Moslemi Doctores Montem illum huius nominis de quo sermo est in Deuteronomio, esse eundem cum Mecca. Falsum hoc esse Tabulæ Geo-

F gra-

graphicæ luculenter ostendunt. Longissimè hæc duo loca inter se distant, nimirum plusquam triginta dierum intervallo. At enim Ismael in Monte Pharan habitavit, Mahumetus autem Ismaëlita fuit. Parum hoc ad rem; Nihilominus dico, Ismaelēm non in Monte Pharan, sed in deserto Pharan habitasse. Ita enim habemus in Gen. cap. 21. *Crevit, & moratus est in solitudine, habitavitque in deserto Pharan.* Atque hoc bis ibidem habetur. Illud etiam satis probat, Pharan, siue mons, siue desertum sit, non esse Meccam: quia cum Mecca perlongè distet à Iudæa; desertum Pharan est eidem maximè propinquum. Patet hoc: nam David, vt Saulis iram effugeret, in desertum Pharan vnà cum Socijs secedebat, eratque locus Carmelo Iudææ monti contiguus, qui quadraginta prope dierum itinere distat à Mecca. Ita habemus lib. 1. Reg. cap. 25.

Iam verò vt Doctoribus Moslemis directè respondeam, dico Pentateuchi verba ab ipsis adducta, nihil aliud significare,

care, nisi Deum in Monte Sinai Israelitis legem dedisse inter Angelorum myriadas, non inter animas Prophetarum præteritorum, ac futurorum, vt Hebræi fabulantur; neque inter inania quædam Phantasmata, quæ Mahumetanam gentem præsignarent, vt Moslemi fingunt. Deinde in Seir Idumææ monte magis gloriam suam manifestauit per signa & prodigia, quorum quædam Pentateuchus enarrat: quædam verò in libro Iudicum cap. 5. innuuntur, vbi Debora Deum sic alloquitur: *Domine cum exires de Seir, & transfires per regiones Edom, terra mota est, Calique, ac nubes distillauerunt aquis: Montes fluxerunt à facie Domini.* Multoque magis sese Diuina potentia, & gloria manifestauit in Pharan, ob prodigia ibi à Deo patrata. Et quoniam in dies Dei Maiestas, Potentia, & Gloria tãto magis innotescebat non solum Israelitis, sed etiam cæteris gentibus, quanto magis miracula, & prodigia multiplicabantur: ideò posita fuit illa gradatio: *Venit, ortus est, seu coruscavit: &*

apparuit, seu manifestatus est : qua gradatione Ahmed abutitur ad probandam excellentiam Legis Euangelicæ supra Mosaycam, & Alcoranicæ supra Euangelicam. Hic est verus, & literalis verborum illorum sensus.

Per hoc patet responsio ad locum ex Propheta Habbacuc productum : in eo enim præterita cum allusione ad futura prophetice enarrantur : nempe ea quæ fecerat Deus in educendis Israelitis ab Ægypto, & per desertum in terram Chanaan introducendis ; & ea, quæ facturus erat pro iisdem Israelitis aduersus Chaldæos per Cyrum, & Darium. Nec sine causa nominauit Theman, siue Austrum, & montem Pharan, loca meridionalia : nam Medi, & Persæ, per quos Hæbraicum populum contra Chaldæos vindicare decreuerat, ad Meridiem siti erant respectu Iudææ. Non negamus tamen, sub verbis tam Pentateuchi, quam Habbacuc, alios sensus mysticos posse latere. Verum non potest in his solidum prò noua Religione constituen-

stituenda argumentum fundari. Non est hic dissimulanda Mahumetanorum audacia in allegandis tam peruersè verbis Habbacuc, ingerendo etiam nomen *Ahmed*, seu *Mahumeti*. Vbi enim legitur, & laudis eius plena est terra, nempe laude Dei: ipsi habent: *Et impleta est terra laudatione Ahmed*. Quod in nullo vquam Textu legitimo reperietur.

Secundum Argumentum desumitur ab Ahmed prædicto, & cæteris sapientibus Moslemis, ex eo quod Deus fecerit emanare fontem, quo Ismaelem siti pereuntem recrearet: & quod dicatur de illo cap. 21. Genes. *Et fuit Deus cum pueris*: & quod Ismael vnà cum patre suo Abraham templum Meccæ ædificauerit, quo d semper à Barbaris, & Arabibus, imò à Moyse, & cæteris Prophetis visitatum fuit. Ex eo etiam, quòd Angelus promiserit Hagari Matri eius, Deum facturum illum patrem copiosissimæ gentis.: Et quod manus eius futura esset super omnes, & manus omnium futura esset cum eo: & denique quòd habitatio ipsius fu-

tura esset super fines omnium fratrum suorum. Signatim autem hæc habet Ahmed. Deus Excelsus de Ismaële dixit : Ego faciam eum in gentem magnam, & magnificabo eum valde valde. Huiusmodi magnificatio toties iterata, rarum quemdam, & insolitum honorem, dignitatemque pollicetur. Verùm si templum illud, quod Ismaël in Mecca construxit, à nullo inuiseretur, & si illius progenies præter magnitudinem, & numerum speciosi nihil haberet, ut Iudeorum, & Christianorum multi deblaterant; in huiusmodi multitudine, & magnitudine nullus insolitus honor, nulla extraordinaria dignitas contineretur. Nam ex eo tantummodo, quòd quis numerosam, magnamque prolem sortitus sit, non agnoscitur singulari aliqua honoris nota insignitus, dum in eius progenie homines fideles, pii, Deoque obedientes non reperiantur. Hinc fit, ut cum dicat Deus : Ego faciam eum in gentem magnam : si huiusmodi gens sit infidelis, veraque religione careat ; nullo modo magna possit appellari. Et paulo post. Constat præterea hoc tam insignis magni-

magnitudinis genti Ismaëlis concessa incrementum, per quod manus illius supra omnes mortales euasit, non nisi in Mahumeti Prophetia completum, verumque fuisse. Et mox: Et ipse (Mahumetus) est qui prænunciatus fuit tamquam legis fortis Author, qui Reges, & Gentes terræ confregit, donec terrarum orbis eius nomine, ac gente repletus fuit ab ortu solis usque ad occasum: & imperium eius stabit in æternum. Deinde refert verba Angeli ad Hagar de Ismaële, licet satis infideliter, dicens: Et allocutus est eam Angelus dicens: manus eius erit super omnes, & manus omnium erit cum eo; & habitatio eius erit supra confinia omnium fratrum suorum. Et mox. Nec fuit manus filiorum Ismaël super omnes, nisi postquam missus est Mahumetus. Tunc enim fuit manus eorum super omnes, nec fuit in terra Imperium potentius Imperio eorum; & hoc usque ad finem mundi perseuerabit.

Urget argumentum Author libri de Confirmatione Religionis; ex eo quod nomen Ismaëlis ab Angelo matri prædi-

ctum fuerit antequam nasceretur ; & quòd in eodem nomine, Dei ipsius nomen contineatur ; idem enim sonat Ismaël, ac , *Audiet Deus* . Deindé contendit, verba illa, quæ dixit Deus Abrahæ Genes. cap. 15. *Suspice Cœlum, & numera stellas, si potes, sic erit Semen tuum* , accipienda esse non quidem pro Isaac , sed pro Ismaël. Hinc refert , quid Hagar , & filio eius Ismaëli euenerit : & uerba Angeli ad eandem Hagar eodem modo infideliter ac superius ab Ahmed allegata . Tum profert verba Genes. cap. 17. quibus Deus confirmat ingentia promissa , quæ fecerat Abrahæ , & posteris eius , pollicendo eidem ex Sara filium : & ea quæ dixit eidem de Ismaël : *Super Ismaël quoque exaudiui te . Ecce benedicam ei , & augebo , & multiplicabo eum valde: duodecim Principes generabit: & faciam ex eo gentem magnam : & pactum meum firmabo cum Isaac , quem pariet tibi Sara.* Circa hæc postrema verba ità insulse argutatur : *Existimant Iudæi, se se terre hæredes futuros , eò quòd dixerit Deus ex-*
cel-

celsus: & pactum meum firmabo cum Isaac :
 Saram verò fuisse Hagare excellentiorem ,
 eò quòd hac ancilla eius fuerit . Sed ad hoc
 illis respondemus : iam vos non ignoratis ,
 Deum benedixisse Ismaëli : porrò vox ,
 Benedictio , excellentior est , & plura com-
 plectitur ; quam vox , Pactum ; Quod eui-
 denter probatur , quia inter Epitheta Dei
 vnum est بركة idest, Benedictus sit . Bene-
 dictio igitur sanctitatem , & puritatem
 sonat , & praterèa incrementum , ac magni-
 tudinem . Insuper respondemus illis , Deum
 firmasse pactum suum cum Ismaële , quem-
 admodum cum Isaac . Et hæc sunt verba il-
 lius ad Abraham : Et firmabo pactum inter
 me , & inter te , & inter semen tuum post
 te, pactum sempiternum ; & ero tibi, & semi-
 ni tuo post te, Deus . Deinde subdit : porrò
 Ismaël , ego faciam ex eo gentem magnam ,
 eo quod sit semen tuum . Deinde vt probet
 benedictionem esse aliquid maius, quàm
 pactum, subdit . Habemus praterèa Deum
 dixisse Noë : Ecce ego firmabo pactum meum
 vobiscum , & cum semine vestro post vos ,
 & cum omni anima viuente , quæ est vobi-
 scum

scum ex volucribus, & iumentis. Init ergo Deus pactum cum iumentis, & volucribus, & cum Noë, & filijs eius, sicut iniuit cum Isaac, & cum filijs eius, Et quidnam habet excellentius pactum Dei cum Noë, & filijs eius, & cum pecudibus, & auibus, quam pactum eiusdem cum Isaac?

Nititur deinde probare, benedictionē Dei, qua benedixit semini Abrahamæ, non pertinere ad filios Isaac, sed ad filios Ismaël. Cum enim dixisset Deus Abrahamæ, postquam separatus fuit à Lot: *Leua oculos tuos, & vide à loco, in quo es, usque ad Aquilonem, & Meridiem, & Orientem, & Occidentem: omnem enim terram, quam conspicias, dabo tibi, & semini tuo post te, in sempiternum: & ponam semen tuum in multitudine sicut pulverem terræ: Postea limitavit filijs Isaac terram, præcipiens eis, ne certos illius fines transirent, ut manifestè patet ex capite 34. Numer. & ex lib. Iosue. Concluditque Author: Consequens igitur est, intentum Dei fuisse. ut non nisi Ismaëlis filij terram possiderent: Et hoc significant verba illa: manus eius super*

per omnes, & omnium manus cum eo; & habitabit super omnes terminos fratrum suorum; nimirum super totum orbem terrarum.

Adducit prætereà in laudem Ismaélis, quòd Deus post natiuitatem eius mutauerit Abrahæ nomen, præcipiens ei, ne ultra vocaretur *Abram*, sed *Abraham*, addita littera, *H*, tamquam nota dignitatis, perfectionis, ac felicitatis; & ad indicandum futurum esse Principatum in Ismêle, & stirpe eius vsque ad diem resurrectionis. Postea subdit. *Validius autem confirmatur hoc ex eo, quòd vaticinatus est Balaam filius Bahur: nimirum, Orietur stella ex Iacobs & consurgit homo de Israël, & percutiet duces Moab, vastabitque omnes filios Seth: & erit Idumæa separata, idest deuastata: & Idumææ nomine Romani intelliguntur &c.* Postea reuocat in dubium, vtrum benedictio, qua Isaac benedictus fuit à Deo, transierit ad posteros Iacob, an verò ad posteros Esau: & propendet in sententiam pro posteris Esau: *Quia, inquit, antequam esset Rex*
vllus

Nullus ex filijs Israël, fuerant Reges inter filios Edom. Et ita videmus hodie esse Reges in filijs Edom; cum tamen nullum Regem habeant filij Israël. Hinc cogimur asserere benedictionem Israëlitis cessasse, nec eos amplioribus spatijs ultra dilatandos esse.

Postremò probare conatur, non modò Saram, sed Hagar quoque veram Abrahamæ uxorem fuisse: & licèt Hagar ancilla esset, parem tamen cum Sara habuisse excellentiam: Quia, inquit, serui conditio nihil detrahit de dignitate personæ: quemadmodum constat in Ioseph, qui Putipharis Ismaëlitæ seruus fuit. Iacob item, fuit seruus Esau fratris sui, dicente Deo الكبير يتبع الصغير maior premet seruitute

minorem. Et ita videmus hodie Iudeos à Romanis premi seruitute. Et ipse idem Iacob septies Esau fratrem suum adorauit, dicens: Ego sum seruus tuus. Pergit deinde ineptè se in laudes Hagar diffundendo, quòd scilicet fuerit filia Regis Ægypti, & eadem cum Cetura, quam Pentateuchus appellat absolutè uxorem Abrahamæ:
 & quod

& quòd Angelus ei vterum gestanti apparuerit, & de futura prole præmouerit: quo honoris genere nulla alia mulier vnquam dignata fuerit. Nec obstat, quòd fuerit ancilla, vel concubina: nam etiam Bala, & Zelpha tales fuere, & tamen ex illis orti sunt quidam Patriarchæ; & Iudas ex incesto Liæ matrimonio natus est; & idem ex nuru sua Thamar genuit Phares, ex quo regia Daudis, & ipse Messias progenies emanauit.

Hanc eandem promissionem factam Hagari de Ismaële, eiusque multiplicatione, & magnitudine in posteris futura pertractat Author Vitæ Mahumeti, & successorum eius, cui titulus est.

اعلام

الهدى *Signa directionis.* cap. 2. Et inter alia hæc habet: *Reperitur de eodem* (Mahumeto) *vaticinium factum à Moyse in Pentateucho, quod mihi enarrauit quidam, cui optimè notum erat, dicens: Scriptum est in Pentateucho, exiturum Prophetam ex progenie Ismaelis, qui ibidem*
bis

Nullus ex filijs Israël, fuerant Reges inter filios Edom. Et ita videmus hodie esse Reges in filijs Edom; cum tamen nullum Regem habeant filij Israël. Hinc cogimur asserere benedictionem Israëlitis cessasse, nec eos amplioribus spatijs ultra dilatandos esse.

Postremò probare conatur, non modò Saram; sed Hagar quoque veram Abrahamæ uxorem fuisse: & licèt Hagar ancilla esset, parem tamen cum Sara habuisse excellentiam: Quia, inquit, serui conditio nihil detrahit de dignitate personæ: quemadmodum constat in Ioseph, qui Putipharis Ismaëlita seruus fuit. Iacob item, fuit seruus Esau fratris sui, dicente Deo الكبير يتبع الصغير maior premet seruitute

minorem. Et ita videmus hodiè Iudeos à Romanis premi seruitute. Et ipse idem Iacob septies Esau fratrem suum adorauit, dicens: Ego sum seruus tuus. Pergit deinde ineptè se in laudes Hagar diffundendo, quòd scilicet fuerit filia Regis Ægypti, & eadem cum Cetura, quam Pentateuchus appellat absolute uxorem Abrahamæ:
& quod

& quòd Angelus ei vterum gestanti apparuerit, & de futura prole præmouerit: quo honoris genere nulla alia mulier vnquam dignata fuerit. Nec obstat, quòd fuerit ancilla, vel concubina: nam etiam Bala, & Zelpha tales fuere, & tamen ex illis orti sunt quidam Patriarchæ; & Iudas ex incesto Liæ matrimonio natus est; & idem ex nuru sua Thamar genuit Phares, ex quo regia Dauidis, & ipse Messias progenies emanauit.

Hanc eandem promissionem factam Hagari de Ismaële, eiusque multiplicatione, & magnitudine in posteris futura pertractat Author Vitæ Mahumeti, & successorum eius, cui titulus est. املام

الحدى *Signa directionis.* cap. 2. Et inter alia hæc habet: *Reperitur de eodem* (Mahumeto) *vaticinium factum à Moyse in Pentateucho, quod mihi enarrauit quidam, cui optimè notum erat, dicens: Scriptum est in Pentateucho, exiturum Prophetam ex progenie Ismaelis, qui ibidem* his

his verbis describitur : لا شعيريل شبعثيها حتى براخت اوثوا بمود شنييم عوشور نعيم يولد و نانتويا
 quorum verborum hac est interpretatio : Isinaël, suscepi orationem eius ; & benedixi in illo , & crescere illum feci , & multiplicavi numerum illius in filio , qui erit ei , cuius nomen erit Mahumetus : erunt nonaginta duo in computo . Educam duodecim Reges ex semine eius , & dabo illi gentem multam numero .

Vt his tam ineptis ac friuolis Moslemorum argumentis è Sacris Literis pro suo Pseudopropheta petitis breuiter respondeam , dico ; nos etiam fateri Ismaelem adhuc puerum , monstrante Angelo Hagari eius matri fontem aquæ , ab exitio , quo ex siti periclitabatur , seruatum fuisse , Sed id totum fieri potuit , licet Ismael deinde à Deo esset reprobatus . Nam etiam propter Regem Saul primò Deus non leuia , nec pauca miracula ostendit : qui tamen ab eodem Deo in fine est reprobatus , & cum tota progenie extinctus . Verum etiam est , dici de
 Ismae-

Ismaele; *Et fuit Deus cum puero*. Sed de Sampfone quoque dicitur Iudic. cap. 13. *Benedixit ei Dominus, capitque Spiritus Domini esse cum eo*. Et nihilominus cap. 17. legimus: *Recessit ab eo Dominus*. Et etiam Regi Saul dixit Propheta Samuel 1. Reg. cap. 10. *Infiliet in te Spiritus Domini: Et, Dominus tecum est*. Porro cum in Sacris Litteris dicitur; Deus esse cum aliquo, vel aliquid huiusmodi; sæpe nihil aliud significatur, quam temporaria aliqua, vel terrena felicitas. Atque ita fuisse dicitur cum Cyro Persarum Rege, cui dixit ipse Deus Isaïæ cap. 45. *Hæc dicit Dominus Christo meo Cyro, cuius ego apprehendi dexteram, ut subjiciam ante faciem eius gentes: Ego ante te ibo, ut scias quia ego Dominus, qui voco nomen tuum, Deus Israel*. Poterat ne amplioribus, aut magnificentioribus verbis exprimi Divina assistentia cum Cyro? Et tamen homo Ethnicuserat, & infidelis. Quantum se iactarent Doctores Moslemi, si tantundem de Ismaele, vel Mahumeto in Sacris Literis reperiretur.

Quod

Quodd verò Ismael vnà cum Abraham Templum Meccanum ædificauerit, omni prorsùs caret fundamento : Nam si hoc fuisset ; aliqua de eo mentio in Scripturis reperiretur, in quibus tam magnificis verbis, tamque proluxa narratione Templum à Salomone ædificatum , à Nchemia instauratum commemoratur . Moyses etiam Gen. cap. 12. non omittit quin referat, Abraham ædificasse in Sichem Altare Domino : aliudque Altare inter Bethel, & Hai. Et cap. 13. Aliud iuxta Mambre . Et cap. 21. Plantasse nemus in Bersabee (locum scilicet sacrum, Deoque dicatum) & inuocasse ibi nomen Domini . Et quis credat, cum tam exactè referat Moyses altaria , quæ in honorem Dei Abraham erexit, Templi tam celebris ab eo constructi mentionem nullam fecisse ? Atqui ex Sacræ Geneseos contextu manifestè colligitur, non solùm Abraham huiusmodi Templum in Meccà non ædificasse, sed ne Meccam quidem vnquam vidisse.

Quodd Angelus prædixerit Ismaelem
nume-

numerosæ gentis, magnique populi patrem futurum, nihil facit pro Mahumeto, neque pro superstitionis Religione illius. Nam hi modi loquendi in Sacris Literis nihil propè aliud, quàm posterorum multitudinem, potentiamque significant. Atque ita dixit Deus ab initio auibus, ac piscibus: *Crescite, & multiplicamini, & replete aquas maris, &c.* Eademque verba dixit Noe, & filijs eius: *Crescite, & multiplicamini, & replete terram.* Et tamen ex tribus filijs Noe, duo infidelium populorum patres fuere: tertij quoque progenies non pertinuit nisi ex parte ad populum Dei. Neque refert, quod dicatur, gentem Ismaeliticam magnam esse futuram; quasi id sit argumentum Fidei, ac Religionis in illa à Deo constituendæ. Nam Iosue cap. 23. dicitur: *Auferet à vobis Deus gentes magnas, ac robustissimas:* Et tamen sermo ibi est de gentibus, quæ idola colebant. Et Ieremiæ cap. 7. de Chaldæis impijs, & infidelibus scriptum est: *Ecce populus venit de terra Aquilonis, & gens magna consurget*

G

à si-

à finibus terræ. Et idem repetitur cap. 50.

Neque quia in promissione huius copiosæ posteritatis ex Ismaele dicatur :
Et multiplicabo eum valde : vel vt in He-

braico fonte legimus כַּמְאֵד כַּמְאֵד in mul-

tum multum ; infertur singularis aliqua prærogatiua pro ipso, vel posteris ipsius. Nam etiam de filiis Israel dicitur Exodi cap. 1. *Et filij Israel creuerunt, & multiplicati sunt, & roborati sunt in multum multum.* Præterea eadem loquendi forma adhibetur de Isaac, & posteris eius, cap. 17. vers. 2. & 6. Dicitur enim primo loco; *Et ponam pactum meum inter me, & inter te, & multiplicabo te in multū multum.* Secūdo verò: *Ego sum, & pactum meū tecum, erisque pater multarum gentium..... faciamque te crescere in multum multum :* Et ponam te in gentibus, Regesque ex te egredientur: & statuam pactum meum inter me, & te, & inter semen tuum post te in generationibus tuis fædere sempiterno, vt sis Deus tuus, & seminis tui post te. Da-
 boque tibi, & semini tuo terram peregrinationis

tionis tue, omnem terram Chanaan in possessionem eternam. Non potest dubitari quin his duobus in locis sermo sit de Isaac, dum multiplicatio cum pacto coniungitur, quod non cum Ismael, sed cum Isaac initum est, quemadmodum paulo post dicit Deus ipse: Pactum autem meum statuam ad Isaac. Et præterea sermo est de illo semine, cui terra Chanaan danda erat in hæreditatem, & ex quo Reges egressuri erant. Certum porro est, hoc esse semen Isaac. Nam cum de Ismaele loquitur Scriptura, numquam nominat Reges, sed Duces, vel Principes. Contra verò ex Isaac oriundos, semper Reges appellat. Denique cum in Pentateucho nominatur absolutè Semen Abraham, semper de Isaac accipiendum est, cum dixerit Deus Abraham, Genes. cap. 21. In Isaac vocabitur tibi Semen. Itaque Ismael non ingreditur in pactum, neque computatur in Semine Abraham, nec filius eius censetur. Id quod manifestè patet ex modo loquendi Dei cum Abraham in illis verbis Gen. cap. 22. Tol-

le filium tuum vnigenitum, quem diligis Isaac. Porro Ismaelem semper vocat Scriptura filium ancillæ: quod si filius Abrahæ censeretur, non posset Isaac cum veritate filius eius vnigenitus appellari. Si verò Moslemi obijciant, Ismaelem quoque ingressum fuisse pactum Circumcisionis: Respondebimus, Circumcisionem non fuisse proprie pactum, sed signum pacti, quemadmodū dixit Deus Gen.c. 17. *Vt sit signum faderis inter me, & vos.* Cæterum licet pactum pertineret tantum ad Isaac: Signum tamen pacti, nempe Circumcisio, extendebatur ad omnes, qui erant in conuictu Abrahæ, vt patet ex illis verbis Dei: *Tam vernaculus, quam emptitijs circumcidetur, & omnis qui non fuerit de stirpe vestra.* Magis autem roboratur hæc veritas, quia quoties dixit Deus Abrahæ: *In semine tuo benedicentur omnes gentes terræ,* certum est cum respectu Isaac tantum locutum fuisse. Eadem quippe verba eidem Isaac iteravit Deus Gen. cap. 26. dicens: *Eroque tecum, & benedicam tibi, & multi-*

plica-

plicabo semen tuum sicut stellas Celi : & benedicentur in semine tuo omnes gentes terra . Et ne quis posset dubitare, an hæc pro Iacob , an verò pro Esau dicerentur (yterque enim fuit semen Isaac) eadem Deus Iacobo confirmavit cap. 28. dicens : Ego sum Dominus Deus Abraham patris tui , & Deus Isaac (nunquam & nusquam dicitur Deus Ismael) eritque semen tuum quasi pulvis terra . Dilataberis ad Orientem , & Occidentem , & Septemtrionem , & Meridiem : Et benedicentur in te , & in semine tuo cunctæ Tribus terra . Hinc apparet quàm stultè de hac re Author libri de Confirmatione Religionis dubitauerit .

Ad id , quod allegant de Ismaele dictum : Manus eius erit super omnes , & manus omnium erit cum eo : Et habitatio eius erit supra omnes fines fratrum suorum . Respondetur , eos perperam verba scripturæ referre , & magis perperam interpretari . In fonte Hebraico legimus : Manus eius in omnes , & manus omnium in eum . Et eodem modo Septuaginta Interpretes transtulere . Neque aliud per hoc

significatur, nisi Ismaelem, eiusque posteris omnibus infestos futuros; & è conuerso omnes illis aduersaturos, vicemque reddituros. Et quocumque modo verba interpretemur, nihil amplius dicitur de Ismaele respectu omnium, quam de omnibus respectu Ismaelis: utrobique enim Hebraicè est eadem particula *בְּ*, quam omnes Interpretes eodem modo utrobique verterunt. Præterea falsò dicitur, habitationem Ismaelis futuram supra omnes terminos fratrum suorum. Nam particula Hæbraica *בְּ-לִפְנֵי* *hal penè*, non significat, *supra*, sed *coram*, vel *contra*: & ita etiam Interpretes Græci, & Latini verterunt. Verùm licet daremus Moslemis, promitti à Deo his verbis illud Imperium Ismaelitis, quod olim habuerunt: nunquam tamen dicere verè poterunt, se Romanis superiores, vel etiam pares fuisse; qui tamen vera Religione caruerunt. Quod autem Ahmed, & alij Sapientes Moslemi asserant, Imperium Orbis terrarum in posteris Ismaelis æter-

æternum futurum; diuinant mendacium: videmus enim hoc tempore Ismaelitas, & Arabes imperio spoliatos sub Scytharum, & Turcarum tyrannide misere seruire, quamuis eiusdem superstitionis facce contaminatorum.

Neque quod Ismaelis nomen ab Angelo prædictum fuerit, aliquid tam magnum, aut singulare præfagit, quantum author existimat. Nam etiam Cyri Persarum Regis Ethnici nomen à Deo prædictum fuisse, colligunt communiter Interpretes ex illis verbis Isaiaë eidem Cyro dicta à Deo cap. 45. *Ego Dominus, qui voco nomen tuum, Deus Israel*. Et quidquid sit, felicius hac in re fuit Isaac, cuius non matri, sed patri, non Angelus, sed Deus ipse nomen prænunciauit, Gen. cap. 17.

Neque quod in hac voce, *Ismael*, nomen Dei contineatur, aliquid singulare præfagit. Innumeri prope sunt in Sacris Literis, qui Dei nomina *h*_N *El*, vel *n*_N *Iah*, vel alia, annexa nominibus suis habent, quorum tamen plerique nullius pretij, vel etiam mali, scelestique fuerunt. Alia

ex parte neque Abraham, neque Moyses, neque Dauid, (pudet dicere, neque Mahumetus,) huiuscemodi nomen sortiti sunt. Sed nihilominus si hinc felicitatis omen captare libet, felicior censendus erit Israel, nempe Iacob, quam Ismael: non solum quia immediate nominatus fuit á Deo: sed etiam quia Israel significat, vir videns Deum: Ismael autem, audiet Deum, vel Deus. Videre autem nobilius est, quam audire.

Fallitur porro, totoque Cælo errat aduersarius, dum putat verba illa Gen. cap. 13. quæ Deus dixit Abrahæ: *Suspice Cælum, &c.* ad Ismael, non ad Isaac pertinere: vel promitti Abrahæ vniuersum Orbem terrarum. Promittebatur enim tantum terra Chanaan posteris Isaac, & Iacob, vt patet ex cap. 26. vbi Deus ita loquitur cum Isaac: *Tibi enim, & semini tuo dabo vniuersas regiones has* (erat tunc Isaac in terra Chanaan) *complens iuramentum, quod sponendi Abraham patri tuo.* Sed hæc nimis aperta sunt.

Admirandum porro est acumen Ad-
uersa-

uerfarij in diffinitione illa *Pacti*, & *Benedictionis*: quali verò Isaac quoque non fuiffet à Deo benedictus. Sed contrariū a-
pertè conftat ex c. 17. Gen. cū hoc tamen
discrimine, quod Ifmaelis benedictio fi-
ftat in ipfo, nec tranfeat ad alios: contra
verò benedictio Isaac non folum diffusa
eft ad nepotes, & pofteros eius, fed ad
omnes gentes Orbis terrarum; cum ſæpè
repetantur ea magnifica verba: *In ſemi-
ne tuo benedicentur omnes gentes*. At in ſe-
mine Ifmael nullus legitur fuiſſe benedi-
ctus. Cæterum tam *Pactum*, quàm *Be-
nedictio*, commenfurari debet ſubiecto
ſupra quod cadit, & fini, ad quem diri-
gitur, cum in Sacris Literis tam *Pactum*,
quam *Benedictio*, reperiatur dici tam de
hominibus, quàm de animalibus brutis,
cum magno tamen discrimine.

Quod autem Deus perfecerit nomen
Abrahæ in gratiam Ifmaelis; non ſolum
gratis, ſed etiam falſò aſſeritur: nam pro-
pter Iſaac hoc factum fuiſſe, fatiſ con-
ſtat. Eodem quippe anno, quo Isaac na-
tuseſt, tertio decimo anno poſt ortum
Iſmael-

Ismaelis, Deus Abrahæ nomen mutauit, in qua mutatione mentio fit Paçti Diuini cum semine Abrahæ; quæ duo non ad Ismaelem, sed ad Isaac pertinere supra demonstrauius. Denique eodem tempore, eodemque momento nomen Saræ matris Isaac mutatum fuit à Deo, ad quam nihil attinebat Ismael: imò erat ei maximè exosus. Porro si in gratiam Ismael hæc mutatio facta fuisset, non Saræ, sed Hagaris nomen mutari debuisset.

Vaticinium illud Balaam ineptè omnino atque infulsè adducitur: nulla enim ibi mentio fit de Ismaele, vel de Ismaelitis. Neque Mahumetus ortus est ex Iacob, vel ex Israel.

Comparatio inter Hagar, & Saram, nihil facit ad rem. Et quamuis certum sit, Saram, vt potè dominam, excellentiorem fuisse ancilla sua Hagar: fatemur tamen nos etiam, conditionem seruilem non impedire, quin aliquis possit à Deo ad maximam excellentiam promoueri. Negamus tamen, Hagar fuisse vel filiam Regis Ægypti, vel eandem cum Cetura;
quid-

quidquid Mosleimi, vel Rabбини fabulentur. Vnum dissimulare non possum, quod nimirum verba illa Gen. cap. 25: *Maiores serviet minori*; nempe Esau Iacobo: sensu opposito allegentur ab adversario: nempe: *Maiores servitute premet minorem*. Quod si Iacob aliqua servitutis obsequia ostendit erga Esau, id fuit ex urbanitate, vel ex metu, ac necessitate tantummodo.

Venio nunc ad Authorem Vitæ Mahumeti superius allegatum. Hic verba Hebraïca fideliter expressit, licet satis pingui Minerua, characteribus Arabicis, quorum fidelis interpretatio hæc est: *Pro Ismael audiui te: Ecce benedixi ei* (omittit per incuriam, non per fraudem: *Et crescere faciam eum, & multiplicare faciam eum in multum multum: duodecim principes generabit, & dabo eum in gentem magnam*. Ita habetur in Fonte Hebraico. Ille verò eadem verba sic vertit, seu verius pervertit: *Ismael, suscepi orationem eius, & benedixi in illo, & crescere feci illum, & multiplicavi nomen eius in filio, qui erit*

erit ei, cuius nomen erit *Mohammed*. Erunt nonaginta duo in computo. Educam duodecim Reges ex semine eius, & dabo illi gentem multam numero. Hic homo, non verba, sed Cabalisticum verborum sensum à sciolo aliquo Rabbino edoctus expressit. Quem ut tu quoque lector intelligas; scito verba illa, in multum multum, Hebraicè scribi *מחמד*, septem characteri-

bus qui quando sunt numerales, efficiunt summā 92. quam sūmam faciunt etiā characteres, quibus Arabicè scribitur nomen *محمد* *Mohammad*, nempè *Mahumetus*, si iidem characteres more Hebraico numericè summentur.

Sed respondetur primò, etiam cum Scriptura loquitur de Isaac, ut supra ostendi, eadem verba, eosdemque characteres adhibere: quemadmodum etiam Exod. cap. 1. cum loquitur de Israelitis in Ægypto commorantibus.

Respondetur secundo: Nomen Arabicum *محمد* *Mohammad* summare numericum

rum

rum non quidem 92. sed 132. Habet enim literam م Mim in medio latentem sub signo, quod Grammatici vocant, تشدید idest *roborationem*. Sciendum est enim, Arabes non scribere duos characteres similes positos inter duas vocales: sed alterum eorum innuere per signum prædictum, cuius figura est, و, & suprà literas collocatur, quemadmodum nos per apicem suprapositum in hac voce Mohamad, significamus contineri ibi duplicem M: & in hac, Annus, desiderari alteram literam N. Atque ita si Arabicè scribenda esset hæc vox, Annus, necessario scriberetur انوس cum vnico

N, expresso, latente altero N sub signo prædicto. Cum igitur hæc vox محمد contineat tres م Mim, quæ summant numerum 120. & ه Ha, & د Dal, quæ faciunt numerum 12. erit tota summa 132.

Huc accedit, non nisi ineptissimè deduci Anagramma in vno idiomate ex Anagrammatismo alterius idiomatis, vt si quis E. G. ex voce Arabica Sued, nempe

pè niger, vellet deducere vocem Latinam *Deus*.

Postremò quis ignorat, quàm inanis, & fallax sit ars per literarum numerum, vel transpositionem, diuinandi, quam nos Anagrammaticam, Hebræi Cabalisticam appellant: cum ex eodem Themate erui possint sensus non solum ridiculi, & inepti, sed etiam inter se prorsus oppositi? Et ne longius abeamus, ex his ijsdem literis supra positis, במאר מאר, ex quibus Arabes vitiosè deducunt nomen محمد Mo-hammad: per iustum computum in eadem lingua Hebraica formantur hæc dictiones נביא כזב *Propheta mendacij*, vel *Pseudopropheta*. Hic nulla est in numeris, vel characteribus licentia: & Cabala, seu Anagramma, fit in eodem idioma-te, vt patet in subiecto schemate, in quo etiam videre licet parem numerum characterum:

כ 2

U	2	U	50
NDU	40	UN	2
NR	1	,	10
NR	4	X	1
NDNR	40	UN	20
NR	1	U	7
NR	4	U	2
<hr/>		<hr/>	
92.		92.	

Dicendum igitur erit, prædici ac promitti hoc loco Mahumetum quidem, sed seductorem, falsumque Prophetam, qui fraudibus, ac mendacijs suis Ismaelitarum gentem, atque Imperium multiplicauerit. Neque nos in hoc valdè reluctabimur: sed quis credat, Deum, Religionis, ac Fidei suæ mysteria his nugis alligare?

Iam verò, vt sapientibus Moslemis plenius satisfaciam: dico, certum esse Hagar, fæminam proteruam, & ancillam contumacem fuisse, despiciendo Saram domi-

dominam suam, seque illi præferendo. Quamobrem, etiam approbante Deo, illam domo, vnà cum filio eiecit: Angelus verò illi apparens, iussit regredi ad dominam suam, seque illi submittere, & humiliare.

De Ismaele, varia est tum Hebræorum, tum Christianorum sententia: omnes tamen conueniunt illum multis in rebus peccasse, & saltem in eo, quod cum Isaac adhuc puero licentius ageret, siue ad Idololatriam, siue ad actus obscenos prouocando, siue contumeliosè tractando, siue percutiendo: quamobrem merito à Sara vnà cum matre domo fuit eiectus. Verba etiam illa Pentateuchi de Ismaele: *Hic erit ferus homo: manus eius contra omnes, & manus omnium contra eum*; ostendunt, illum fuisse barbarum, ac rudem, & rixarum amicum, & feræ potius similem quam homini: quamobrem Hebraicè vocatur פָּרָה idest Onager, seu asinus syluestris. Et S. Paulus in Epistola ad Galatas, cap. 4. asserit, illum persecuto-

cutorem fuisse fratris sui Isaac. Postremò de Ismaelitis, & de Hagarenis, nihil laude dignum, sed tantummodò quod vituperationem mereatur, inuenitur in Scripturis, & præsertim quod populo Dei iniqui semper infestique fuerint. Alia ex parte, cum in Sacris Literis nominatur Abraham, frequenter adiunguntur illi Isaac, & Iacob, nunquam verò Ismael: quia scilicet vera Religio, quam professurum erat semen Abrahæ, non in Ismaele: sed in Isaac, & Iacob, eorumque posteris inuenienda erat. Quamobrem idem S. Paulus loco citato, comparat Isaac, & Ismael veluti Cælum, & Terram; libertatem, ac seruitutem; populum electum, & populum reprobatū.

Tertiò allegant Doctores Moslemi, & præsertim Author libri de confirmatione Religionis, verba illa Moyſis ad Israelitas Deuteronomij cap. 18. *Prophetam è medio tui è fratribus tuis sicut me, suscitabit tibi Dominus Deus tuus: ipsum audietis.* Hæc verba expendens Aduersarius, ita loquitur: *Hic sermo indicat nobis verba*

H

Alco-

Alcorani gloriosi . At Iudæi ex propria opinione asserunt, nullo modo hic Mahumetum, vel eius Propheticum munus prædici : sed Iob, aut alium Prophetam promitti; cum filij Israel alios fratres habeant, præter filios Ismael. Quibus nos ità respondemus: Vos fatemini nullum fuisse inter filios Esau Prophetam. Quod si huiusmodi Prophetam fuit inter filios Israel, quid sibi volunt verba illa Dei in ultimo Pentateuchi capite: Et non surrexit Prophetam ultra in Israel sicut Moyses? Et ex quam gente erit hic Prophetam, quem asserit Deus futurum sicut Moysen? Hic nihil est quod respondeant, sed necesse est penitus obmutescant.

Respondemus, hoc argumentum nullius esse momenti. Primò, quia Prophetam, quem Deus promittit in eo loco Pentateuchi, suscitandus dicitur è medio, seu, vt legitur in fonte Hebraico, ex interiori Israelitarum, & è fratribus eorum. At nunquam, & nusquam Ismaelitæ Israelitarum fratres in scripturis dicuntur, sed hostes, & extranei censentur. Secundò: Verba illa: Non surrexit

xit

xit Propheta vltra in Israel sicut Moyſes, non repugnant cum promiſſione Dei, venturum eſſe alium ſicut Moyſem: & ad hanc difficultatem reſpondent Doctores Hebræi lib. 3. Iccharim cap. 20. his verbis: *Nulla modo fieri poteſt, ut non ſurgat aliquando Propheta ſimilis Moysi, atque etiam maior illo. Verum ita explicanda ſunt verba illa, non ſurrexit ſicut ille, non ut nunquam futurus ſit ullus ſimilis illi abſolute: ſed tantum, ut non futurus ſit ſimilis illi in aliqua peculiari qualitate. Vel, ut toto eo tempore, quo Prophetae futuri ſunt poſt eum, uſque ad Prophetie ceſſationem, nullus ſurrecturus ſit ſimilis illi. Verum poſtea erit non ſolum ſimilis, ſed etiam maior Moyſe. Et Author Neue Scialon lib. 9. cap. 5. hæc habet. Rex Meſſias erit ſupra Abraham, & ſupra Moyſen: Et verè etiam dicitur ſupra Angelos Adminiſtratores. Quod verò hoc vaticinium pertineat ad Meſſiam, non ſolum affirmat S. Petrus in Actis Apoſtolorum cap. 3. ſed etiam aliqui Doctores Mahumetani; & inter eos Ahmed filius Abdolhalimi in ſua Apo-*

logia his verbis : *Dicunt non nulli eorum* (Iudæorum,) *hunc non esse sermonem affirmatiuum, sed interrogatiuum in sensu negantis : non secus ac si diceretur : An suscitabo filijs Israel Prophetam ? Inferendo : nequaquam suscitabo . Hoc modo corrumpunt, & deprauant Iudæi vaticinia spectantia ad Christum . Verum hoc nihil apud Mahumetanos, & Christianos detrahit de vero, legitimoque sensu eorumdem de Christo vaticiniorum .* Postremò aduerto, non esse nouum in Scripturis hunc modum loquendi, nimirum quod inter multos insignes viros, dicatur de vnoquoque singillatim, nullum illi similem esse, vel fuisse . Exemplum sunt lib. 4. Reg. cap. 18. vbi dicitur de Rege Ezechia : *Post eum non fuit similis ei de cunctis Regibus Iudæ, sed neque in his, qui ante eum fuerunt .* Eadem penè verba dicuntur de Rege Iosia cap. 23. *Similis illi non fuit ante eum Rex : neque post eum surrexit similis illi .* Et nihilominus tam de hoc, quam de illo asseritur fuisse prorsus similes Dauid . cap. 18. de Ezechia dicitur : *Fecitque*

que quod erat bonum coram Domino iuxta omnia, que fecerat David pater eius. De Iofia verò cap. 22. *Ambulauit per omnes vias David patris sui; non declinauit ad dexteram, neque ad sinistram.* Ne falsitas ponatur in Sacris Literis (quod absit,) dicendum est his modis loquendi, vel denotari tantummodo excellentiam magnam personæ; vel affirmari, in aliquibus quidem nullum similem habuisse: in alijs tamen non solum similes, sed etiam superiores illi fuisse. Et ita neque Messias ipse fuit in omnibus similis Moyfi.

Quarto. Adducit idem Author verba illa Deuteronomij cap. 26. quibus ita alloquitur Deus Israelitas iuxta originem Hebraicam: *Et Dominus condixit te hodiè, vt sis ei in populum peculiarem. & vt faciat te excelsum super omnes gentes, quas fecit: ad laudem, & ad nomen, & ad decorem, & vt sis populus sanctus Domino Deo tuo.* Ita igitur arguit hic Author. *His verbis innuit Deus gentem Mahumetanam. Quæ enim sunt hæ gentes, quas asserit Deus se creasse ad laudem, & nomen, & gloriam?*

Verùm hoc testimonium facit potius contra Mahumetanos : ostendit enim, Deum facturum esse Israelitas excellentiores illis gentibus, per quas Mahumetani putant se significari. Sed simpliciter respondeo Authorem hallucinari, dum verba illa, *ad laudem, & nomen, & honorem*, refert ad gentes, quas creavit Deus, cum referenda sint ad Israelitas ; atque id patet ex ipso contextu, & etiam ex eo quod post verbum, *creavit*, tam in Originali Hæbraico, quàm in cæteris versionibus, ponatur distinctio. Clarius septuaginta Interpretes, quos Moslemi cæteris præferunt, ita verterunt : *Dominus elegit te hodiè, ut esses sibi populus peculiaris, sicut dixit tibi ; ut custodias omnia præcepta eius ; & ut esses sublimis super omnes gentes ; qui fecit te nominatum, & gloriosum, & honoratum, ut esses populus sanctus Domino.*

Quintò. Profert Ahmed filius Abdolhalim verba Psalmi 149. hoc modo *Dixitque David in Psalmis : Laudate Dominum laudatione nova : & letetur inter*

crea-

creaturas ille, cuius Deus gentem elegit, & dedit illi victoriam, & feliciter direxit bonos ex eis cum honore. Laudabunt eum in cubilibus suis, & magnificabunt eum vocibus altis: in manibus eorum gladij duarum acierum, ut ulciscatur per eos de gentibus, quæ non seruiunt illi. Existimat Author hoc esse vaticinium de gente Mahumetana, eo quod hæc magnificet Deum vocibus altis è Turribus Meschitarum, aduocans populum ad quinque Orationes, quas dicit esse laudationem nouam: quia nulla gens hunc morem seruat. Hebræi enim tubis, Christiani Campanis, ad preces indicendas vtuntur. Prætereà Mahumetani, qui primi secuti sunt Mahumetum, gladijs duarum acierum vsi sunt, quibus Prouincias debellarunt. Insuper Mahumetani laudant Deum in cubilibus suis, quia dum orant, si stare nequeunt, sedent: si verò sedere non possunt, iacent super cubilia sua extensi. Christiani verò neque laudant Deum elatis vocibus, neque habent in manibus gladios duarum acierum ad pugnandum contra In-

fideles. Imò improbant eos qui gladio infideles oppugnant.

Respondemus primò. Deprauatè & infideliter verba Psalmi illius afferri. Secundò, ex ipso contextu liquet ibi sermonem esse de Israelitis, non de Ismaelitis, dicitur enim inter alia, *latetur Israel in eo qui fecit eum, & filij Sion exultent in Rege suo*. Tertio. Nimis friuolis argumentis probatur hic agi de Ismaelitis, seu Mahumetanis : quod nimirum hi elatis vocibus è turribus inuitent ad preces, neque vtantur tubis, vel campanis, sicut Iudæi, & Christiani : quod vtantur contra infideles gladijs bicipitibus : quod orent iacentes in cubilibus : quod quinque eorum preces sint laudatio noua, & aliæ huiusmodi ineptiæ, quas satius est irridere, quàm confutare.

Sextò. Affirmat idem Author verba Psalmi 44. quæ incipiunt à versiculo tertio : *Speciosus forma præ filiis hominum*, esse vaticinium de Mahumeto.

Respondeo. Totum illum Psalmum, non solum ex dicto S. Pauli in Epistola

ad

ad Hebræos cap. 1. verum etiam ex consensu Hebræorum, & Christianorum, & quod maius est, ex cōfessione ipsius Ahmed, ad Messiam, non ad Mahumetum pertinere. Ita enim scribit ille in Apologia pag. mihi 60. oppugnās Christi Diuinitatem. وَمَا يَبَيِّنُ قَوْلُنَا فِي خَلْقِ الْمَسِيحِ أَنَّ هَذَا الْإِسْمَ أَتَمَّا وَقَعَلَهُ لِأَنَّهُ مُعْجٍ لِلنَّبُوَّةِ وَالْخَيْرِ وَهُوَ اللَّهُ تَبَارَكَ وَتَعَالَى وَقَدْ قَالَ دَاوُدُ فِي ذِكْرِهِ قَوْلًا يَشْهَدُ عَلَى ذَلِكَ بَعِيْنُهُ مِنْ أَجْلِ هَذَا مَعَكُمْ اللَّهُ الْهَيْكَلُ أَكْثَرُ مِمَّا مَعَ بِهِ نَظْرَايَكِ فَايَانَ دَاوُدَ بِهِذِهِ الْآيَةِ مَعَى الْمَسِيحِ وَإِنَّ مَعَهُ الْإِلَهَ وَإِنَّهُ مُصْطَفَا مَكْرَمَ بَزِيَادَةِ عَلَى نَظْرَايَ

Inter ea, quæ magis confirmant dictum nostrum de esse Christi creato, illud est, quod hoc nomen, Messias, impositum fuit illi eò quod ad Prophetiam, & ad felicitatem unctus fuerit à Deo benedicto, & excelsò. Et quidem dictum Davidis in Psalmis hoc idem testatur; Ait enim: Propterea unxit te Deus Deus tuus plusquam unxerit consortes tuos. Innuit autem David his verbis significationem

nem huius vocis, *Messias*; quia scilicet unctus fuit à Deo, & electus ab eo supra omnes consortes suos. Hæc Ahmed. Quamobrem miror nunc adeò sui oblitum fuisse, vt trahere velit ad Mahumetum, quæ illi nullo modo conueniunt, sed absolute debent exponi de Christo.

Septimò, Obijcit idem ex Psalmo 47. prò Mahumeto testimonium, his verbis: *Dixit David in quodam Psalmo: Dominus noster magnus, laudabilis valdè. Huius verò interpretatio est: Deus noster Sanctus, & Mohammed cooperuit totam terram letitia magna. Manifestauit autem David nomen Mahumeti, & patriam eius, quam ciuitatem Dei appellauit, docuitque, verbum eius vniuersam terram replere.*

Respondeo, nullo modo hic prædici Mahumetum, vel Meccam, sed totum Psalmum referri ad Ierosolymam, ac montem Sion, Templumque in eo fundatum, vt patet ex illis verbis: *Fundatur exultatione vniuersæ terræ mons Sion. Latetur mons Sion, & exultent filie Iudæ. Circumdate Sion, & complectimini eam.*

Fun-

Fundamentum verò aduersarij nimis leue est, ac ridiculum; quia scilicet nomen محمد *Mohaimmad*, siue Mahumetus significat, *laudatus*, seu *laudabilis*, & in hoc Psalmo Deus appellatur *laudabilis*: putat hic prædici Mahumetum: & quæ hic dicitur *Ciuitas Dei*, esse Meccam patriam illius; quo nihil insulsius dici potest. Adde in nulla versione Arabica Deum hic dici محمد *Mohammad*, sed معبج *Mosabbah*; quod item significat *laudatus*: Hebraicè autem est מְהֻלָּל *Mehullal*; quorum neutrum habet vllam similitudinem cum nomine *Mohammed*. Quin nec ipse Ahmed habet محمد *Mohammad*, sed محمود *Mahmud*. Verùm quid ego in his nugis tempus teram?

Octauò. Abutuntur duo prædicti Authores verbis Psalmi septuagesimi primi, cuius initium est: *Deus iudicium tuum Regi da*: falsò asserentes, ea, quæ in hoc Psalmo continentur, non Christo, sed Mahumeto conuenire.

Re-

Respondeo, non nulla non solum Ma-
 humeto, sed etiam cuius magno Regi,
 seu Monarchæ, præsertim pio, posse ali-
 quo modo in hoc Psalmo conuenire.
 Verum titulus ipse Psalmi, qui in fonte
 Hæbraico est מלך שלום in Salomonem,
 ostendit illum nullo modo ad Mahume-
 tum pertinere. Communis porro tum
 Hebræorum, tum Christianorum sen-
 tentia est, agi hic de Messia sub figura Sa-
 lomonis, ex cuius progenie Messias erat
 nasciturus. Præterea si omnia, quæ in
 hoc Psalmo continentur collectim su-
 mantur, nulli nisi Christo possunt con-
 uenire. Dicitur enim in eo: *Et benedi-
 centur in ipso omnes tribus terræ omnes gen-
 tes magnificabunt eum*. Prima horum ver-
 borum pars non potest conuenire nisi ali-
 cui ex stirpe Isaac, vel Iacob prognato:
 his enim tantummodo dictum fuit à Deo:
*In semine tuo benedicentur omnes Tribus ter-
 ræ, vel, omnes gentes terræ*. Hoc verò de
 nullo ab his duobus oriundo dici potest,
 nisi de Christo, per cuius Euangelium,
 ac Fidem benedictæ sunt omnes natio-
 nes

nes Orbis terrarum. Neque ullus adhuc ab Isaac, & Iacob exortus, magnificatus fuit ab omnibus gentibus præter Christum, qui non solum ab omnibus Christianis, verum etiam ab omnibus Mahumetanis tamquam Messias, & Verbum, ac Spiritus Dei magnificatur, & honoratur; imò & adoratur, illa saltem adoratione, quam Mahumetani creaturis concedunt: dicitur enim: *Et adorabunt eum omnes reges terræ*. Porro omnes reges, qui adorant Mahumetum, adorant etiam Christum: at innumeri prope Reges, & Principes adorant Christum, qui non adorant Mahumetum, neque vlllo eum dignantur honore. Præterea Christus ab Imperatore Romano, & à Regibus ferè totius Orbis adoratus fuit vera propriaque adoratione patriæ, quæ soli Deo convenit, licet aliqui deinde ab illius adoratione resilierint. Sed nescio qua fronte Mahumetani verba hæc Prophetæ suo tribuant, qui vituperent Christianos, & Iudæos, quod Pontifices suos, & magistros adorent, idest flexis genibus, honorant;

rent; cum dicant adorationem hanc vni Deo conuenire. At enim, quomodo, inquiunt, verificatur de Christo: *Et dominabitur à Mari vsque ad Mare, &c.* Facile respondetur, dominium Christi dilatatum fuisse à Mari ad Mare, & vsque ad terminos Orbis terrarum, per prædicationem Euangelij, per quam regnum suum vniuersum per Orbem dilatauit.

Sed obijcit Aduersarius primò: Christus non liberauit pauperes à potentibus, neque humiliavit calumniatores.

Respondeo, Christum dum viueret, semper pauperum, & inopum se patronum gessisse, & contra potentiores, ac diuites, pauperumque oppressores proclamasse. Neque verò necesse est, vt omnia, quæ de Christo prædicta sunt, ipsemet dum viueret, compleuerit (hoc enim neque in suo Mahumeto Moslemi exigunt.) Satis est, vt per legem suam, ac Vacarios suos, processu temporis hæc perfecerit. Vera tamen huius loci intelligentia est, quod Christus homines à Dæmonibus, & à seruitute peccati liberaue-

rauerit, tamquam pauperes, & inopes à potentibus, & calumniatoribus: Satanas enim Græcè dicitur *διάβολος*, idest *calumniator*.

Obijcit secundò ad ea verba : *Et adorabunt de ipso semper, tota die benedicent eis* hæc non verificari de Christo, sed de Mahumeto, pro quo Mahumetani iugiter preces, & benedictiones effundunt, præsertim dum illum nominant, verbis illis. *صلى الله عليه و سلم* idest *Oratio Dei, & pax super illum*.

Respondeo primò. Etiam si Christiani non orent prò Christo, quia, vt bené notat Aduersarius, colunt eum tamquam Deum, nec putant illum indigere orationibus hominum : ipsi tamen Mahumetani orant prò eo, dum illum nominantes, addunt plerumque eandem formulam *صلى الله عليه و سلم* : vel saltem *عليه السلام Pax super eum* : vel illam, *رضى الله عنه* *Complaceat sibi Deus de illo*.

Respondeo secundò, duplici modo posse ver-

se verba Psalmi explicari : primò , vt idem sit orare pro aliquo , ac Deum precari, vt liberet eum ab aliquo malo, quod patitur : vel concedat ei aliquod bonum, quo caret . Secundò, vt idem sit , ac laudem , benedictionem , & faustas acclamationes eidem tribuere . Priori modo, ne Mahumetani quidem intendunt orare pro suo Mahumeto . Posteriori autem non solum Mahumetani, sed etiam Christiani semper , & vbique orant pro Christo , dum illum semper laudant, & benedicunt , & præterea dum orant Deum, vt. illius nomen , & Religionem dilatet per totum orbem terrarum .

Postremò nullo modo conueniunt Mahumeto verba illa : *Orietur in diebus eius iustitia , & abundantia pacis* : cum totam ferè vitam inter bella , arma, prædas , rapinas , cædesque transegerit . Referunt enim Chronologi Moslemi , ipsum sexaginta, ac duo bella partim per se, partim per Duces suos gessisse : quamobrem vocant eum *نبي المّمة والقّتل* *Prophetam belli, & Interfectorem, seu, Sanguinarium* .

Nonò

Nonò. Proferunt Mollemi (vt affirmat Abul-Pharegus in libro, quem scripsit de rebus Arabum) ex Psalmo 49. verba illa: *Ex Sion species decoris eius, Deus manifestè veniet*. Quæ ipsi legunt cum Interprete Syro. اكليل محمودا اظهر الله من مهيرون *Coronam laudatam Deus manifestauit ex Sion*. Vbi vox محمودا *laudatam*, habet eandem originem ac nomen محمد *Mohammad*, à verbo حمد *laudare*. Aiunt propterea (inquit Abul-Pharegus) الاكليل رمز على الملك والمحمود على محمد: *Corona indicat Regnum: laudata, verò, significat Mahumetum*.

Respondeo primò, in nulla versione Arabica inueniri vocem illam محمودا; sed tantùm ممجيا, quæ est etiam in textu Syriaco. Respondeo secundò, friuolum omninò, ac vanum esse, super huiusmodi nominum allusiones, præsertim dum non sunt in fonte originario, sed in versionibus, religionis mysteria fundare. In fonte autem Hebraico ita legimus. *Ex*

I Sion

Sion perfecti decoris , Deus affulfit . Vbi neque Corona , neque laudata habetur . Respondeo tertio , Coronam hanc laudatam , non ex Mecca , vel ex Pharan , sed ex Sion manifestandam fore prædici . Porro Sion non ad Ismaelitas , sed ad Israelitas pertinet , & ex eo non Alcoranus , aut Mahumetus , sed Euangelium , & Christus exiit .

Decimo . Afferit Ahmed , alijque sapientes Moslemi vaticinium pro Mahumeto ex cap. 42. Isaïæ , cuius initium est : *Ecce servus meus , suscipiam eum* : totumq; illud caput pro eodem interpretantur . Et quamvis multa perperam , ac peruersè alleget Ahmed , sed multa ex varijs Isaïæ locis confarcinet : nihilominus Author libri de confirmatione religionis , totum hoc Isaïæ caput fideliter atque integrè adducit . Ex quo constat Doctores Mahumetanos in allegandis Sacris Scripturis , Iudæorum , vel Christianorum uti adminiculo , à quibus , vel ob insciã , vel ob malitiã , non rarò decipiuntur . Inter alia , in quibus hallucinatur Ahmed ,

med, est illud, quod Hebraica verba in secundo versu. *פַּרְעֹה לֹא יִשְׁחַד* Non clamabit : vertit *لَا يَغْدُلُ* Non ridebit, quasi Hebraicè esset *פָּרַח* : quod quàm parum conueniat Mahumeto ex eo constat, quod Author libri de signis Directionis cap. 3. Sect. 8. tribuit illi tamquam à Sacris Scripturis prædictum Epitheton *الضَّوْكَ* idest *Risor*, seu *pronus*, ac *frequens ad risum*.

Verùm ne diutius in huius testimonij confutatione tempus teram, dico hoc Isaïæ vaticinium omninò de Christo intelligendum esse ; ita enim intelligit S. Matthæus in suo Euangelio cap. 12. Septuaginta etiam Interpretes, quos Ahmed cæteris præfert, de Messia sub nomine Iacob, & Israel, ex quo Messias nasciturus erat, exponunt hoc modo : *Iacob puer meus tuebor eum : Israel electus meus, suscepit eum anima mea*. Hebræi etiam de Messia communiter accipiunt : quare Thargum ita hæc verba interpretatur : *Ecce seruus meus Messias, adducam eum, in quo complacuit sibi Verbum meum : dabo*

Spiritum meum super eum, iudicium meum reuelabit gentibus. Etiam R. David Kimhi hæc verba exponens, ait : *Iste est Rex Messias.* Huc accedit, nullo modo ea, quæ in hoc capite dicuntur, Mahumeto conuenire. Hic enim describitur Vir mitis, & humilis, qui sine strepitu, ac tumultu legem suam gentibus esset laturus. At Mahumetus strepitu armorum, ac tumultu præliorum vndequaque debacchatus Alcoranum suum promulgauit. Postremò ille, qui hic prædicatur, asseritur mittendus à Deo *in fœdus populi, & in lucem gentium.* At fœdus populi (qui cum contradistinguitur à gentibus, Israeliticus intelligitur) non fuit initum à Deo cum Ismaele propter Mahumetum, sed cum Isaac propter Messiam.

Pergit Ahmed referens verba Isaïæ, sed tribuens ea Dauidi, hoc modo : *Dixit Dauid in suis Psalmis : Latentur desertæ, & ciuitates eorum : Fiat terra Cedar in prata : & laudent habitatores petrarum, & vociferentur de verticibus montium cum laude Domini, & euulgent laudes eius in tabernaculis*

culis campestribus. Mox subdit Author Mahumetanus: *Et quanam gens habitat in desertis præter gentem Mahumeti? Et quis est Cedar, nisi filius Ismaelis, qui fuit avus Mahumeti? Et quinam sunt habitatores petrarum, & cacuminum montium, nisi Arabes?*

Sed respondemus, meritò Prophetam Arabiæ deserta, populos Cedar, & habitatores rupium ad laudandum Deum inuitare, quia per Christi aduentum, & per Pauli Apostoli, aliorumque Apostolicorum hominum prædicationem maxima Arabiæ pars Christianam fidem suscepit; & omnia illius deserta, ac montes Sanctorum Monachorum cætibus repleta sunt, qui assiduè, die ac nocte laudes Deo concinebant. Porro quod Christiana religio in Arabia floruerit, habemus testimonium ipsorum Mahumetanorum, inter quos Sciaher Settanus, plurimos in Arabia Christianam fidem professos fuisse ingenuè fatetur. Author verò libri *المستوفى Almostareph*, refert Christi fidem floruisse præcipuè in

Tribu Rabiæ , & Goffani , & Codahæ :
& præterea in Tribubus Baharæ , & Taruchi, & Tagebi: multos etiam ex Taiensibus , & Hirenſibus vnà cum Rege Normano filio Regis Abulmondari , & Regina Mauuia ipsius vxore Christianos fuisse. Erant porrò in Hira Vrbe regia, multa, & magnifica templa, teste Phirauzbadio. In Nairan quoque Iemanensis Arabiæ prouincia, Christi fides vige-
bat, quemadmodum scribunt Abulphecda , & Sophioddinus. Præterea Caïſus Zoheiri filius Rex Arabum, non solum Christo nomen dedisse , sed Monasticam quoq; vitam amplexus fuisse, ijsdem Authoribus refertur. Ex historijs autem nostris innumeros propemodū pro Christi nomine in Arabia martyrio coronatos fuisse accipimus. Quin & tres Magos Christi Infantis adoratores, ex Arabia aduenisse, atque illuc regressos Christi nomen fidemque inuexisse, probatissimi Authores affirmant. Si quid igitur ex Sacris literis habemus, quod pro Arabibus faciat; eosque diuinarum laudum præ-

præcones futuros prænunciet, nullo modo cogit nos, ut ad ineptas, ac stolidas Moslemorum vociferationes recurramus, cum tantam Christianorum multitudinem, quæ Deum corde, & ore in Arabia, eiusque desertis laudauit, habeamus. Quin, & hoc tempore non desunt ibi, qui hoc idem præstent.

Atqui verius, rectiusque dici potest, Cedaris deserta, ac montes Arabiæ, mysticè præsignare vniuersam gentilitatem: Cedar enim tenebras, vel obscuritatem significat: deserta autem infæcunda sunt, ac feris plena: per quæ Gentiles populi non semel in Sacris literis figurantur. Omitto alijs leuioribus ex hoc capite desumptis argumentis respondere.

Vndecimò. Idem Author Ahmed filius Abdolhalimi, & alius Author item nomine Ahmed, cognomine Alabedin, & alij Doctores Moslemi concorditer, proferunt Authoritatem ex cap. 21. eiusdem Prophetæ, his verbis: *Et in vaticinijs suis dixit Isaias: Dictum est mihi: Surge, Speculator, & contemplare quod videbis. Et*

dixi : Video duos equites aduentantes ; alter est super Asinum, alter super Camelum . Dicit alter eorum alteri : Ceciderunt idola Babylonis, & cultores eorum in mare . Equitator Asini Messiam significat : conscensor autem Cameli Mahumetus esse intelligitur . Magis porrò celebre , ac vulgatum est Mahumetum conscendisse Camelum , quàm Messiam Asino insedisse . Et quidem per Mahumetum Babylonis idola ceciderunt .

Vt nihil de inepta , ac deprauata verborum interpretatione dicam ; respondeo , nimis ridiculam esse Moslemorum Doctorum simplicitatem, dum in Sacrarum scripturarum expositione ita vni , aut alteri verbo , quod pro re sua facere putent, inhærent, nulla vel præcedentium , vel subsequantium verborum habita ratione . Prædicat hoc loco Sacer Vates, Babylonis per Medos, ac Persas deuastationem : & per Ascensorem Asini (seu per currum tractum ab Asino) Cyrum Persarum Regem : per ascensorem autem Cameli, seu currum tractum à Camelo , Darium Medorum Principem

peim designat : atque hos eosdem Iduæ-
mæam, & Arabiam, præsertim Cedare-
nam, deuasaturos esse mox vaticinatur
illis verbis : *Et auferetur omnis gloria Ce-
dar, & reliquæ numeri sagittarum for-
tium filiorum Cedar imminuentur.* Præ-
terea hic Eques vterque tamquam belli,
ac tumultus, author introducit: id quod
vt Mahumeto conueniat, Christo certè
Regi pacifico conuenire nullo modo
potest.

Præterea si Mahumetanis ipsis creden-
dum sit, non magis Cameli, quam Asini
inseffor Mahumetus dicendus est. In li-
bro enim اعلام الهدى, seu de signis dire-
ctionis, Sect. 8. dicitur Mahumetus ipse
asseruisse, prædictum esse à quodam
Propheta Iudæo, scriptum de se in Pen-
tateucho: *هو آخر الأنبياء وأفضلهم يركب الحمار*
و يلبس الشملج Ipse erit nouissimus Prophe-
tarum, & omnium eorum excellentissimus.
Asinum equitabit, & veste quæ totum corpus
operiat, induetur. Gelaleddinus quoque
in Sura 49. Alcorani v. 8. ita scribit :
Cum

Cum Mahumetus asino vectus transfret iuxta locum, ubi erat quidam nomine Ebnobaia, contigit, ut asinus mingeret. Tunc Ebnobaia digitis nares præcluserit, ac si fatorem lotij ferre non posset: sed alius quidam nomine Ebnoaruaba, iuravit per Deum, lotiũ asini Mahumeti suavius musco redolere. Hinc exorta inter utriusque gentem rixa, alij alios manibus, et crepidis, palmarumque ramis verberare ceperunt. Præterea Ismael filius Aly refert in vita Mahumeti, illum quatuor habuisse asinos ad equitandum, quorum duo erant coloris nigri. Vide quoties Mahumetus asinis usus sit, quorum opem semel tantum Christus sibi ad iter habendum accersivit.

Afferere autem, per Mahumetum Babylonis idola corruisse, merum est mendacium: multo enim antequam Mahumetus nasceretur, Babylon diruta fuerat: ita ut D. Hieronymus, qui supra centum annos Mahumetum præcessit, scribens in cap. 13. Isaiaë, affirmet, ævo suo solum Babylonicorum murorum ambitum

tum relictum fuisse, cum intus tantum memora, & sylvæ ad venationem viserentur.

Duodecimò . Producent iisdem Authores vaticinium de Vrbe Mecca, patria Mahumeti, ex cap. 60. eiusdem Prophetæ in ijs verbis: *Leua in circuitu oculos tuos, & vide: omnes isti congregati sunt, venerunt ad te: cum reliquis quæ sequuntur: quæ tamen satis prauè interpretantur.*

Sed Respondeo. Prophetam hoc loco ne Meccam quidem somniasse: omnia enim verba sua ad Ierusalem dirigit, vel ad Sion, vt patet ex vltimis verbis capituli præcedentis. Quamobrem septuaginta Interpretes expresserunt in ipso principio capituli nomen Ierusalem *φωπίζε φωπίζε ιερουσαλημ*: quod fortè ex Hebraico Textu incuria librariorū excidit. Non diffitebor tamen, verba Prophetica non posse nisi de Cælesti Ierusalem plenè, legitimeque explicari, vt totum Textum percutrenti manifestè patebit.

Decimò tertio. Aliud de Mecca vaticinium profert idem Ahmed ex cap.

54. eiusdem Prophetæ in illis verbis: *Lætare, & exulta sterilis, quæ non pariebas: & erumpe in laudes, & gaude, quæ non concipiebas, &c.* Sterilis nomine, Meccam intelligit, quæ ante Prophetæ Mahumeti aduentum non pariebat: parientis verò nomine, & habentis prolem, Ierusalem vult significari.

Sed breuiter respondeo, ex testimonio Diui Pauli in Epistola ad Galatas cap. 4. Pro sterili, intelligi Ierusalem, quæ de sursum est, nempe Ecclesiam gentium à Christo congregatam. Pro illa autem, quæ habebat virum, & prolem, Ierusalem terrenam, populum scilicet Iudæorum. Nonnulli expositores pro sterili accipiunt populum Hebraicum post captiuitatem Babyloniam: quemadmodum pro habente virum, & prolem, eundem populum ante captiuitatem Babyloniam: & hunc volunt esse literalem sensum huius loci.

Decimò quartò. Profert idem Author, tamquam oraculum de Mahumeto, verba illa eiusdem Prophetæ cap. 9.

Par-

Paruulus natus est nobis, &c. Quæ ipse ita deprauatè allegat : Natus est nobis adolescens, & erit in miraculum, & in faustum nuncium : & neuus niger erit super humeros eius, Archon pacis : & ipse filius scientia præditus sedebit super solium David. Mox subdit : Diçtio Archon in Euangelico idiomate, Magnum, seu Principem sonat. Porro Deum Isaias eum appellauit, eo modo, quo Moyses in Pentateucho Deus Pharaonis dictus fuit : & quo David de magnatibus populi sui dixit : Ego dixi, Dii estis. Et quidem veraci vaticinio testimonium Isaias Mahumeto perhibuit, suis illum ephithetis, signisque describens, interquæ præcipuum est, neuus niger, quem neuum nec Salomon, nec Christus habuit. Manifestè etiam illud designauit, dum asseruit, super Thronum David eum sessurum : nimirum filiorum Israel in Regno, Principatu, & Prophetia heredem futurum.

Respondeo. Non nisi amentis hominis esse, putare Isaiam genere Iudæum, vt ciuibz suis faustum nuncium afferret, Mahumeti aduentum iisdem prædixisse, qui

qui Iudæorum hostis infensissimus fuit, eosque non solum ex Arabia, sed ex vniuerso terrarum orbe eliminare semper studuit.

Respondeo secundò. Magnam infidelitatem, vel insciam ostendere aduersarium, dum pro *הַמְּשָׁרָה*, idest Imperio, vel Principatu, vertit *الشَّامِ*, idest næ-

uum nigrum, alludens ad næuum quemdam pilosum, quem tamquam Prophetiæ characterem fabulantur Moslemi Mahumetum inter humeros habuisse: cum tamen Isaias de Sceptro, Imperij signo, quod Puer non inter humeros, sed super humerum gestaturus erat, loquutus fuerit.

Respondeo tertiò. Nullo modo quadrare in Mahumetum ea nomina, quibus puer hic à Propheta insignitur, præsertim, *Deus*, & *Princeps pacis*. Non enim scribitur hic Deus Hebraicè, quemadmodum tribuitur Moyse, & Magnatibus Dauidis, *אלהים*: sed *אל*, quod nomen

abso-

absolute de Deo tantum vero dicitur in Sacris literis. Addo, nunquam, & à nullo Mahumetum *Deum* appellatum fuisse: Christus autem, Deus quotidie à Christianis appelletur. Minimè etiam conuenit Mahumeto ut appelletur *Princeps pacis*, quem sui Prophetam gladij, & Apostolum belli communiter vocant, & ipse Mahumetus se talem vocauit, & talis reuera fuit, ut iam suprà adnotauimus.

Demum de hoc puero dicitur: *Super Solium David, & super Regnum eius sedebit, ut confirmet illud, & corroboret in iudicio, & iustitia à modo, & usque in sempiternum*; id quod de Mahumeto nullo modo dici potest. Porro ex verbis Angelì in Euangelio S. Lucæ cap. 1. constat, hæc verba de Christo fuisse verificanda, dum idem Angelus dixit matri eius: *Dabit illi Dominus Deus sedem David patris eius, & regnabit in domo Iacob in æternum, & regni eius non erit finis*. Ex verbis etiam Dauidis Psal. 131. & Ieremiæ cap. 23. habetur manifestè: *Nulum alium nisi eum, qui foret ex semine Da-*

David sessurum super Thronum eius .
 Quamobrem verba Isaïæ hoc loco ita
 interpretatur Thargum : *Dixit Prophe-*
ta domui David , quia Infans natus est no-
bis : & suscipiet super se legem ad seruandum
eam : & vocabitur nomen eius ab antiquo ,
mirabilis consilio , Deus , fortis , permanens
in sacula seculorum , Messias .

Decimò quintò . Ex eodem Prophe-
 ta cap. 49. à verbis illis : *Ecce in manibus*
meis descripsi te , producit idem Ahmed
 oraculum de Vrbe Mecca , & illius tem-
 plo .

Respondeo , ex ipsis Prophetæ verbis
 sole clarius apparere , Isaïam hic vatici-
 nari , non de Mecca , sed de Sion , & Ie-
 rusalem . Sic enim legimus : *Et dixit*
Sion : Dereliquit me Dominus : & Dominus
oblitus est mei . Deus verò respondet que-
 relis Sion : *Ecce in manibus meis descripsi*
te , &c.

Decimò sestò . Allegat idem Author ,
 sed perperam , verba illa ex cap. 24. Isaïæ ,
 quæ in Hebraico fonte ita sonant : *Ab*
extremo terræ cantus audiuius , gloriam
Iusto .

Iusto. Ahmed verò ita vertit. انما سمعنا : Certè nos audiui-
 mus ab extremitatibus terra vocem Ma-
 humeti. Deinde subdit. Hic Isaias clarè
 prædicit nomen Apostoli Dei Mahumeti.
 Neque ullus reperitur Prophetæ, ò Scri-
 pturales, cuius, prophetæ alijs nomen expres-
 serint, excepto Apostolo Dei. Tum addit,
 etiam Habbacuc bis nomen Mahumeti
 expressisse cap. 3. primò dum dixit :
 لقد اضاءت السما من بها محمد : *Iam porrò re-*
splenduit calum à splendore Mahumeti. Se-
 cundò dum addidit : مینزع قمیك احراقاً : *Intendet ar-*
cus tuus nervos vehementer : & inebriabun-
tur sagittæ ad imperium tuum, ò Mahumete.
 Notat etiam prima illa verba capitis :
 ان الله جاء من القيمن والقُدوس من جبل فاران
Deus à meridie venit, & Sanctus à mon-
te Pharan : afferens Pharan esse Meccam
patriam Mahumeti, quæ etiam est in
parte meridiana.

Sed respondemus, neque in Isaia, neque in Habbacuc esse vel minimum vestigium nominis Mahumeti; ut quilibet videre potest tum in fonte Hebraico, tum in Græcis, ac Latinis textibus; tum in cæteris alijs interpretationibus. Dicimus etiam, falsum esse nullius prophetæ nomen prædictum fuisse ab alijs prophetis: nam Christi Domini nomen, *Iesus*, passim prædicitur in Sacris literis. Postremò Pharan non esse Meccam, patet ex superius dictis. Neque refert, quod Mecca sit in parte meridionali: Nam innumeræ aliæ regiones sunt in ea parte: & supra vidimus, cur dicatur Deus à meridie esse venturus. Sed notandum in

fonte Hebraico esse, מִתְּמָן *ex Theman*;

quæ vox hic iuxta versionem Septuaginta significat locum, qui pertinet ad Idumæos: ut patet in Amos cap. 1. vbi propter scelera Edom, seu Idumææ, minatur Deus se missurum esse ignem in Theman, qui deuoraret ades Bosræ. Et Ieremiæ cap. 49. vbi dicitur: *Ad Idumæam: Hæc dicit Domi-*

Dominus Exercituum : nunquid non est sapientia in Theman . Porro si Doctores Mahumetani adeo hallucinantur in rebus tam clavis, ut confundant Pharan, & Theman cum Mecca, cum hæc tria loca sint inter se diuersissima, testibus omnibus Geographis, imò omnibus mortalibus ; quomodo credemus eos fidem seruatu- ros in allegandis Sacris Scripturis?

Decimum septimum vaticinium desumitur à Moslemis communiter ex cap. 2. Danielis, cuius tamen verba valde infideliter allegat Ahmed, ubi facit Prophetam ita somnium Regis Nabuchodonosor explicantem : *Porro lapis, quem vidisti ; qui percussit, & comminuit Statuam illam magnam, erit Propheta, quem suscitabit Deus Cæli, & Terra, cum lege forti ; & deiciet omnes Reges terræ, & populos eorum, itaut Terra repleatur illo, & gente illius : & manebit Imperium Prophetae illius usque ad finem Mundi.* Tum subdit Ahmed satis Thra-sonicè : *Totum hoc non Messia, sed Mahumeto conuenit : hic enim*

cum lege forti missus est, cunctosque Terræ Reges, atque eorum populos deuicit, ac debellauit; itaut vniuersus terrarum orbis ab Ortū, vsque ad Occasum, eo, atque eius gente repletus sit. Imperium autem eius æternum erit, itaut nemo vnquam illud euertere possit.

Respondemus non solum Christianos, sed Iudæos etiam tenere, semperque tenuisse, vt certissimum, lapidem illum è monte sine manibus abscissum, qui statuatam comminuit, & factus est Mons magnus, & impleuit vniuersam terram, Messiam, eiusque Regnum præsignare: Regnum, inquam, non temporale, sed spirituale, cuiusmodi Christi Regnum futurum erat, tam ex oraculis Prophetarum, quàm ex ipsius Christi verbis apud Ioan. cap. 18. *Regnum meum non est de hoc Mundo.* Neque Mahumetani possunt hoc negare. Ex vna enim parte fatentur, Prophetas prædixisse Christum futurum Regem Iudæorum, atque omnium gentium, præsertim in illis verbis Psalmi 2. *Ego autem constitutus sum Rex ab eo*
super

super Sion Montem Sanctum eius : & : Dominus dixit ad me : Filius meus es tu, ego hodie genui te. Postula à me, & dabo tibi gentes hereditatem tuam : & possessionem tuam terminos terræ. Quæ verba non solum Iudæi, sed etiam Mahumetus filius Iacob Author Camus, seu Thesauri Arabici, celeberrimus inter Mahumetanos, de Christo intelligenda esse affirmat. Et ex illis verbis, quæ Angelus Gabriel dixit Mariæ : Dabit ei Dominus sedem David patris eius, & regnabit in domo Iacob in æternum. Ex alia parte non ignorant Christum, nullum in terris Regnum, ditionem nullam obtinuisse, imò pauperem, & rerum omnium indigentem fuisse. Necessè igitur est, Regnum illius spirituale, ac cæleste, non temporale, ac terrènum fuisse.

Quod si Moslemi respondeant, Christum cum redibit in Mundum ante diem Iudicij, futurum Regem, & Monarcham totius orbis terrarum, & sub eo aureum sæculum renouandum : nos contra respondebimus, hoc totum fabulam à no-

bis æstimari. Verùm vt daremus etiam ita futurum, Christus foret Rex maior, & vniuersalior, quàm Mahumetus: & sic lapis ille Propheticus, etiam in sententia Mahumetanorum, Christo potius, quàm Mahumeto conueniret. Sed vt dixi, hunc Christi reditum, nos non admittimus.

Illud verò videtur, & est irrefragabile argumentum, nimirum quòd cum Christus agnitus, & receptus sit tanquam supremus Rex, & Monarcha, atque etiam vt verus Deus ab omnibus illis quatuor Monarchijs, quas statua illa Nabuchodonosorica præsignabat: ita vt ipse Romanus Imperator illum, vt talem adora-uerit, & Imperium suum, totumque terrarum orbem, cui præerat, illi subiecerit; omninò fatendum est, regnum illius, regnis illis omnibus successisse: & ipsum esse lapidem illum, qui regna illa omnia euertit, & comminuit, quemadmodum prædixerat etiam David Psalmo 2. illis verbis: *Reges eos in virga ferrea, & tanquam vas figuli conteres eos.* Hæc autem

contritio, seu comminutio non potuit esse materialis, alioqui frustra dixisset Deus Christo: *Postula à me, & dabo tibi gentes hæreditatem tuam, & possessionem tuam terminos terræ*: ipse enim hæreditatem, ac possessionem suam destruxisset, si eam tanquam vas figuli contriuiisset. Contriuit ergo, & comminuit hæc omnia Regna spiritualiter, per prædicationem Euangelij sui, destruendo in eis idolatriam, impietatem, & alia scelera, ac flagitia; & Dei agnitionem, veramque Religionem ingerendo. Huc accedit, quod Regnum Christi hodie, non solum à Christianis, qui vel æquant, vel etiam, ut plerisque placet, superant numero Mahumetanos: sed etiam ab omnibus Mahumetanis recognosci, dum illum verum Messiam à Deo in Regem super omnes inunctum confitentur, iuxta illud Davidis: *Vnxit te Deus, Deus tuus oleo letitiæ præ consortibus tuis: intende prospere, procede, & regna: Sedes tua, Deus, in seculum seculi, &c.*

Porro verba ipsa Danielis ostendunt,

hoc Regnum esse Spirituale, cæleste, & æternum, nec posse Mahumeto, aut Ismaëlitis conuenire: Sic enim dixit Daniel Nabuchodonosori. *In diebus autem regnorum illorum, suscitabit Deus Cæli regnum, quod in æternum non dissipabitur* (At Ismaëliticum iam dissipatum est, & traditum Turcis, seu Scythis): & *Regnum eius alteri populo non tradetur* (Nota hoc appellari Regnum Dei, à quo suscitandum erat): *comminuet autem, & consummet vniuersa Regna hæc* (idest rediget in nihilum, itaut præ Regno ipsius sint omnia tanquam nihil) & *ipsum stabit in æternum*: quia incipiens in hoc Mundo per gratiam, perseuerabit in æternum in Cælo per gloriam. Confirmat hoc idem cap. 7. illis verbis: *Hæ quatuor bestie magnæ, quatuor Regna sunt, quæ consurgent de terra. Suscipient autem Regnum Sancti Dei Altissimi, & obtinebunt Regnum usque in seculum, & seculum seculorum*. Sic enim legendum est iuxta textus Grecos, & Latinos. Videant Moslemi, regnum, de quo hic agit Daniel, non surrecturum de terra,

terra, sicut cætera regna : sed esse Regnum Cæleste, & Sanctorum; & permanens in æternum. Id clarius confirmat verbis paulo post sequentibus: Regnum autem, & potestas, & magnitudo regni, quæ est subter omne Cælum, detur populo Sanctorum Altissimi, cuius Regnum, Regnum sempiternum est, & omnes Reges seruiunt ei, & obediunt. Videant Mahumetani, vtrum hæc Mahumeto, & Ismaëlitæ Regno conueniant, an potius Christo, & Regno eius spirituali, & cælesti.

*Vaticinia, quæ pro Mahumeto
ex nouo Testamento pro-
ferunt Doctores
Moslemi.*

Certissima est apud omnes Mahumetanos fides, Paracliti illius Spiritus nomine, quem Christus promisit in Euangelio S. Ioannis cap. 14. 15. & 16.
non

non alium, quam Mahumetum significari. De hoc fusissimè Ahmed filius Abdolhalim, Author تائيد الله , *Confir-*

mationis Religionis, & alij sapientes Moslemi: quorum argumenta adeò infirma, ac straminea sunt, vt nullius operæ pretium existimem esse hic illa referre. Verùm quicquid de hoc Moslemi ganniant,

Respondemus breuiter, certissimum semper, prorsusque indubitatum fuisse apud omnes Christianos (si paucos aliquos, vel amentes, vel hæreticos excipias) Spiritum illum Paraclitum, de quo in Euangelio Ioannis loquutus est Christus, fuisse omninò eundem, ac illum, qui post quingagesimum ab illius resurrectione diem, sub linguarum ignearum specie è Cælo demissus est, cum maximis prodigijs, super Apostolos in cænaculo Sion commorantes. Omnes noui Testamenti libri hoc apertissimè confirmant. Quod si verba à Christo prolata rectè perpendantur (quæ in substantia a Doctoribus Moslemis allegantur): liqui-

liquidò apparebit, sermonē eius esse de re,
quæ quam primum futura erat, & in ip-
sis Apostolis complenda. Neque verum
est id quod fingit Ahmed, Prophetam
aliquem, aut Nuncium sibi similem, aut
se maiorem, qui foret homo, à Christo
promissum fuisse. Nam, dum dixit A-
postolis; *Mundus non potest eum accipere,*
quia non videt eum, neque scit eum, liquidò
ostendit, illum quem promittebat, nō ho-
minē visibilem, sed Spiritum inuisibilem
futurum. Quamobrem S. Augustinus, qui
multò tempore ante Mahumetum vixit,
hæc eadem verba exponens ait: *Non*
habet enim inuisibiles oculos mundana dile-
ctio, per quos videri Spiritus Sanctus potest,
qui videri nisi inuisibiliter non potest. Hoc
magis illa alia Christi verba confirmant:
Vos autem cognoscetis eum, quia apud vos
manebit, & in vobis erit: Quæ idem S.
Doctor exponens, non secus, ac si cras-
sum hunc Mahumetanorum errorem
præuidisset, hæc subdit: *Sed ne putarent,*
quod dictum est, apud vos manebit, ita di-
ctum, quemadmodum apud hominem ho-
spes

spes visibiliter manere consuevit, exposuit, quid dixerit, apud vos manebit, cum adiunxit; & in vobis erit. Ergo inuisibiliter videtur.

Sed, vt redeam ad id, quod primò dixeram: verba ipsa, quibus Christus hunc Spiritum promisit, ostendunt non posse esse Mahumetum, qui post annos sexcentos ortus est; sed alium quantocyus mittendum, & quidem super ipsos Apostolos, quibuscum loquebatur. In Actis enim Apostolicis, cap. 1. ita illos affatus est: *Ioannes quidem baptizauit aqua; vos autem baptizabimini Spiritu Sancto, non post multos hos dies. Et paulo post addidit: Accipietis virtutem superuenientis Spiritus Sancti in vos; & eritis mihi testes in Ierusalem, & in omni Iudæa, & Samaria, & vsque ad vltimum Terræ. Et in Euangelio Lucæ cap. vlt. dixit iisdem: Et ego mittam promissum Patris in vos: vos autem sedete in Ciuitate, quoadusque induamini virtute ex alto.*

His, atque alijs huiusmodi testimonijs Moslemi conuicti, fatentur quidem Spiritum

ritum Sanctum Apostolis die Pentecostes datum fuisse ; sed veluti vmbra-
quandam , ac figuram Mahumeti , qui
verè , ac propriè fuit Spiritus ille Para-
clitus , quem promiserat Christus : Hanc
tamen opinionem non esse omnium Ma-
humetanorum ; sed solum cuiusdam in-
ter eos Sectæ , quæ Kadazeladum ap-
pellatur , affirmat Author historiæ præ-
sentis status Imperij Othomanici lib. 2.
cap. 12. Et quicquid sit, est opinio valdè
absurda, & ridicula, & nullum prorsus
habet fundamentum.

Causam huius erroris Mahumetano-
rum , quo Spiritum Sanctum Paracli-
tum, Pseudopphetam suum esse crede-
rent ; hanc fuisse existimo : quia cum ex
Alcorano habeant, Christum promississe
Apostolis, seu Iudæis, venturum post se
Prophetam, nomine احمد *Abmed*, quod
idem ferè est, ac محمد *Mohammed*, seu
Mahumetus, quæ voces *Laudatum*, seu
Laudatissimum sonant ; nec inuenirent in
Euangelio alium promitti à Christo , nisi
Spiritum Sanctum (nam Pseudoprophe-
tam

tam aliquem ex ijs, quos venturos prædixerat, esse fateri noluerunt) hunc ipsum Spiritum Sanctum, illum esse mentiti sunt. Decepit eos nomen *Paracliti*, quod cum Græcè scribatur Παράκλητος, & *Aduocatum*, seu *Consolatorem* significet; illi Περικλυτός *Periclytos*, idest, *Inclytus*, seu *Illustris*, & *Gloriosus*, perperam legerunt, non abfimiliab Arabica voce احمد *Ahmed* significatione: vel putauerunt vtramque vocem Græcam idem significare. Hinc Author Apologiæ iam allegatus pagina 746.

معنى الفارقليط هو الحامد أو الحماد أو الحمد أو المعز
فهذا الوصف ظاهر في محمد فانه وامته الحامدون
الذين يحمدون الله على كل حال فكان اسمه محمد
واحمد واما من فسره المعز فلم يعرف قط نبى
اعز اهل التوحيد لله و الايمان كما اعترم محمد
فهو احق باسم المعز من كل انسان

Paraclitus idem est ac laudans, vel laudator, vel laus, vel gloriosum faciens. Hæc autem omnia Mahumeto manifestè conueniunt. Ipse enim, & gens ipsius Deum lau-

laudent in quolibet statu. Et præterea nomen eius, *Laudatus*, seu *Laudatissimus* exponitur. Porro si interpretemur nomen *Paracliti*, gloriosum faciens : nunquam agnitus est *Propheta*, qui gloriosiores fecerit fideles cultores vnius Dei, quàm *Mahumetus* : quàm obrem nulli mortalium magis conuenit hoc nomen, quàm *Mahumeto*. Puto hunc Authorem, quemadmodum deceptus fuit in voce Græca Παράκλητος, legens pro ea Περικλυτός : ita deceptum fuisse in interpretatione eius Arabica, dum legit المعز glorificans, pro المعزى consolator : quæ est legitima interpretatio vocis Græcè *Paracliti*.

Secundò. Proferunt verba Christi apud Ioannem cap. 14. *Venit enim Princeps Mundi huius, & in me non habet quidquam* : quæ ita deprauat Aduersarius iam allegatus *Ahmed* : اركون العالم هيأتى وليس Princeps Mundi veniet, & non erit in me quidquam, & pro Principe Mundi vult intelligendum esse *Mahumetum* : itaut

ita ut sensus sit : Veniet Mahumetus, qui Princeps erit totius Mundi, & in me non erit quidquam illius diuinitatis, quam mihi attribuent; nam ille ostendet, vnum tantum esse Deum, & me esse creaturam, & seruum Dei . Ita Apologista Mahumetanus .

Sed facile respondetur, nomine Principis huius Mundi intelligi hic Diabolum: quemadmodum etiam cap. 12. vbi Christus dixit: *Nunc iudicium est Mundi: nunc Princeps huius Mundi eijcietur foras.* S. quoque Paulus ad Ephesios cap. 6. vocat Diabolos, *Principes, Potestates, & Rectores Mundi.* Mundi autem nomine intelliguntur homines mundani, & à Deo, Cæloque alieni. Sensus igitur verborum illorum est: Diabolus, qui mundanis cordibus dominatur venit (Græcè *ἐξ ἑταρ* temporis præsentis, non futuri) ad instigandos Iudæos contra me, & ad pænas, & cruciatus mihi comparandos, ut me ad impatientiam, vel indignationem contra Deum prouocet: sed nihil illi proderunt sui conatus: nihil enim
habet

habet in me, quod pro ipso faciat. Cæterum, si accipiamus pro Principe mundi non solum Diabolum, sed etiam ministros, & membra eius; libenter assentiemur Moslemis, Mahumetum hoc loco á Christo significari, tanquam præcipuum membrum illius ac ministrum.

Tertiò. Proferunt Mahumetani pro se, suoque Propheta, verba illa, quæ dixit Christus apud Ioannem cap. 4. mulieri Samaritanæ: *Mulier crede mihi, quia venit hora quando neque in Ierosolymis, neque in monte hoc adorabitis Patrem: sed venit hora, & nunc est, quando veri adoratores adorabunt Patrem in Spiritu & veritate.* Putant scilicet per veros adoratores, seipsos designari, qui Deum in spiritu & veritate se credunt adorare ob quinque preces, quas quotidie persolunt.

Verum hæc Mahumetanorum opinio vanissima est: cum Christiani etiam frequentes præces effundant: cum hoc tamen discrimine, quod Christiani sæpius spiritu, & interius orent: Mahumetani

L verò

verò in solis ferè exterioribus actibus orando sistant : dum nunc corpus agitant, nunc caput demittunt ; nunc attollunt, nunc circumgiran : nunc dorsum incurvant , nunc manus iactant , & alia huiusmodi ostentant, ob quæ non spiritu & veritate, sed corpore, & apparenter tantum Deum adorare meritò dici possint.

Quartò: Allegat pro se Apologista Mahumetanus epistolam primam S. Ioannis cap. 4., cuius verba, quemadmodum alibi, tanquam ex Apocalypsi ita deprauatè refert : *Et dixit discipulus Ioannes in libro Epistolarum discipulorum , qui dicitur Apocalypsis ; O dilecti mei , cauete ne credatis in omnem spiritum : sed discernite spiritus , qui sunt ex Deo , ab illis qui non sunt . Et scitote , quod omnis spiritus , qui credit, quod Iesus Christus venit , & fuit corporeus : hic est ex Deo : & omnis spiritus , qui non credit, quod Iesus Christus venit , & fuit corporeus : non est ex Deo, sed ex Antichristo , de quo audistis : & ipse nunc est in mundo .*

Prorsus

Prorsus ignoro, ad quid hunc Ioannis locum in medium adducat Aduersarius, nisi fortasse, vt probet, Mahumetum fuisse spiritum bonum, & à Deo, quia confessus est Christum venisse, & fuisse corporeum: idest hominem, non autem Deum, vel filium Dei. Verùm legere debuisset ea, quæ mox subdit idem Ioannes: *Quisquis confessus fuerit, quia Iesus est Filius Dei; Deus in eo manet, & ipse in Deo.* Cæterum non satis est ad asserendum, Mahumetum fuisse spiritum ex Deo, quod fateatur Christum venisse, & fuisse corporeum: hoc enim multi etiam peccatores, & scelesti confitentur.

Quintò, adducit testimonium Christi ex S. Matthæo cap. 21. his verbis: *Asse-rit autem discipulus Matthæus, Christum dixisse: Nonne vidistis, quòd lapis, quem reprobauerunt adificantes, factus est in caput anguli? A Deo fuit hoc, & est mirabile in oculis nostris. Idcirco dico vobis: Regnum Dei tolletur à vobis, & dabitur genti alteri, quæ comedat fructus eius.* Et qui

*ceciderit super lapidem istum, confringetur :
super quem verò ille ceciderit , conteret
eum .*

Benè, vel non malè testimonium Christi profert: sed non facit ad rem . Puto enim , Aduersarium , lapidis reprobati nomine , Prophetam suum intelligere : gentis verò , inquam regnum Dei transferendum erat , nomine , Mahumetanos interpretari . At verò certo certius est , lapidem hunc , Christum ipsum significare . Gentis verò alterius , cui regnum Dei tradendum erat , nomine , infideles populos ad Christi fidem conuersos , esse intelligendos . Neque potest de hoc dubitari , dum S. Petrus in Actis cap. 4. de eodem Christo loquens dicit : *Hic est lapis, qui reprobatus est à vobis edificantibus; qui factus est in caput anguli : & non est in alio aliquo salus .* Idem repetit in sua prima Epistola cap. 2. vbi etiam ostendit quænam sit illa gens , in quam transferendum erat regnum Dei . Sic enim ait alloquens Christianos : *Vobis igitur honor credentibus : non credentibus autem , lapis, quem*

quæ reprobauerunt edificantes, hic factus est in caput anguli. Et mox subdit: Vos autem genus electum, regale Sacerdotium, gens sancta, populus acquisitionis, qui aliquando non populus, nunc autem pupulus Dei &c. Imò verò Moslemi ipsi fatentur regnum Dei à Iudæis ablatum, ad Christianos primùm, deinde à Christianis ad se translatum fuisse. Primum verè: secundum prorsus falsò

Sextò. Profert Apologista testimonium ex cap. 4. Epist. primæ S. Petri; hoc modo; *Et dixit Simon Cephas Princeps Apostolorum in lib. actuum: Iam tempus est, ut incipiat iudicium à domo Dei.*

Ridiculum se atque ineptum ostendit Ahmedus, dum putat esse in his verbis aliquid pro re sua. Censet nimirum nomine الحكم, idest, iudicij, iudiciariam potestatem, ac ius regium designari. Et Domum Dei, Templum Meccanum, quod Arabes بيت الله Beit-Allah, idest Domum Dei vulgò appellant; & per Synechdochen, Meccam ipsam, in qua

Mahumetus natus est, denotare . Quasi verò prædiceret Apostolus, post breue tempus sectam & Imperium Mahumetanum exoriturum . Atqui S. Petrus (quem meritò Mahumetanus homo ad nostrorum Nouatorum confusionem , Príncipem Apostolorum appellat) satis apertè ostendit, quisnam sit sensus illorum verborum, dum statim subdit: *Si autem, primum à nobis . quis finis eorum , qui non credunt Euangelio? Et si iustus vix saluabitur ; impius & peccator ubi parebunt?* Intelligit igitur hoc iudicium non esse actiuum, sed passiuum . punitionem scilicet, seu flagellum Dei, quo primò puniuntur ij, qui sunt Deo cariores, & veluti domestici eius, ad correptionem & bonum ipsorum: deinde verò ceteri peccatores & impij ad ipsorum malum, & perditionem .

Alia

*Alia testimonia, quæ pro Mahu-
meto & eius secta è sacris
literis falsò proferunt
Mahumetanorum
Doctores.*

PRæter testimonia hæcenus à sapien-
tibus Moslemis pro pseudopropheta
suo è Scripturis sacris allata: aliæ ab ijs-
dem producuntur ex ijsdem Scripturis
authoritates, quæ tamen nullibi in illis
reperiuntur: & vel à Moslemis fictæ sunt,
vel Iudæus aliquis, aut Christianus illas eis
venditavit tanquam oracula Prophetarum,
vel ad illorum gratiam captan-
dam, vel ad Mahumeticam sectam
ludibrio magis exponendam. Has refert
Ahmedus filius Abdolhalimi in sua Apo-
logia: & ego hic eiusdem verbis ex A-
rabico idiomate fideliter translatis re-
censebo.

Primò. Dixit Isaias Propheta, cui sit

L 4 pax;

pax ; clarè manifestans nomen legati Dei : *Ego constitui Imperium tuum , o Mahumete , o Sancte Domini . Nomen tuum inuenitur à seculo . Affirmat Isaïas hic , Mahumeti nomen à seculo reperiri : in quo conuenit cum eo quod ex Dauide citauimus , nempe : ante solem inuenitur nomen eius . Quod verò dicit ; O Sancte Domini : idem est ac si diceret : O tu , quem sanctificauit Dominus , & mundauit à malitia sua , & elegit eum sibi .*

Neque in Isaïa , neque alibi in sacris literis huiusmodi testimonium reperitur . De Deo quidem legimus , tam ipsum , quàm eius nomen esse à seculo . Ea verba Dauid : *Ante solem permanet nomen eius : iam vidimus , & fatentur ipsimet Hebræi , ad Messiam spectare , neque posse villo modo Mahumeto conuenire .*

Secundò . *Et dixit Isaïas , probitati & religioni gentis mahumetana perhibens testimonium : Exaltabo scientiam habitatoribus terræ de longè , & predicabitur illis ab extremis terræ ; & venient proparantes . Prædicatur his verbis id , quod effecit Mahumetus*

metus per tres illos viros, in peregrinatione Meccana: & hi fuerunt, qui honorem Deo dederunt, & unicum esse confessi sunt, & coluerunt eum, & ut unicum Dominum adorauerunt, & confregerunt simulacra, & substulerunt idola. Scientia verò, est Prophetia. Porro hi qui minimi, abiectique erant, vocauerunt eos ad Prophetam Dei, & ad Templum Meccanum, ita ut venirent ad eum obedientes, & prompti.

Fictum sanè est huiusmodi vaticinium. Verùm & si apud Isaiam, vel alium Prophetam extare concederemus, quid illud ad Mahumetum, vel ad tres illos, qui cum eo ad Meccam peregrinantes venere?

Tertiò. Dixit item Isaias in persona Dei: Honorabo dilectum meum, & filium meum Ahmedum. Appellauit eum Deus, dilectum, ac filium. Dauidem etiam, & alios appellauit filios: praterquam quod Deus speciali prerogatiua pratulit eum illis: tribuens ei rem sibi debitam, dum dixit: Honorabo, seu confitebor dilecto meo, & filio meo. E peculiariter expressit Isaias de Mahumeto

humeto confessionem : prædicauique de eo, & de gente eius confessionem, & gloriam propriam Dei: ut manifesta esset æstimatio eius. & sublimitas gradus eius apud eum. Hoc autem de nullo alio Propheta manifestauit, præter Mahumetum.

Nihil huiusmodi in Isaia, vel alibi in Sacris literis reperitur. Quamobrem nulla huic vaticinio omnino ficto debetur responsio.

Quartò, Et dixit Ezechiel minitans Iudæis, gentemque Mahumetanam illis designans : *Et quidem genus hominum apparere faciam super vos, & mittam cum eis Prophetam, & descendere faciam super eos librum, & subiugabo eis ceruices vestras, & vincent vos cum virtute, & humiliabunt vos cum veritate. Et egredientur viri filiorum Cedar cum turbis populorum, cum quibus erunt Angeli super equos albos, capientes vos: & erit finis vester in ignem, à quo liberet nos Deus. Hoc autem dixit Ezechiel, quia viri filiorum Cedar fuerunt Rabia, & Modhar filij Adnan, & uterque ab Ismaele ortus est : de qua re nulla est inter homines*

con-

*controuerfia . Vel fuerunt filij Hottan orti
ab Ifmaele , vel iuxta alios ab Hud .*

Quidquid fit de Rabia, & Modhar, &
vtrum ab Ifmaele, an ab Hud ortum du-
xerint, nihil nobis curandum eft. Illud
vnum certiffimum eft, prædictum vati-
cinium fictitium eſſe, & neque in Eze-
chiele, neque in alio Propheta, vel libro
Sacro reperiri.

Quintò. Et dixit Daniel, cui fit pax,
Mahumetum legatum Dei proprio no-
mine designans: *Attrahes neruum arcus
tui ad iaculandum, & inebriabuntur ſagittæ
ad imperium tuum, ò Mahumete, vehemen-
ter . Hoc eſt apertiffimum de Mahumeto
vaticinium, quod in dubium reuocari non
potest; & eſt veritas, quæ nullo modo poteſt
negari. Quod ſi quis de hoc diſceptare vo-
luerit, alium nobis proferat, qui Mahu-
metus vocetur; qui ſagittas arcu ei aculetur;
& qui obtineat Imperium, cui ſine contro-
uerſia omnes obediant.*

Videtur hoc teſtimonium ex aliquot
verbis Scripturarum, & ex appendici-
bus ipſius Authoris confarcinatum.

Alibi

Alibi hæc ferè eadem Dauidi Author attribuit. Sed neque apud Danielelem, neque apud Dauidem, neque apud alium Sacrum Scriptorem inueniuntur.

Sextò. Dixit etiam Daniel Propheta: Oraui Deum, & supplicauì illi, vt manifestaret mihi, quid futurum esset de filijs Israel, & an placandus esset illis, & restitutus esset illis Regnum eorum, & missurus in eis Prophetas: an verò facturus esset hoc in alijs præter eos. Et apparuit mihi Angelus in figura iuuenis speciosi, & dixit: Pax tibi Daniel: Deus excelsus dicit: Filij Israel inobedientes fuerunt, & rebelles mihi, & seruiuerunt dijs alijs præter me: & post scientiam secuti sunt stultitiam, & post veritatem mendacium. Propterea potestatem dedi contra eos Regi Nabucodonosor, qui occidit viros eorum, & captiuauit filios eorum, & destruxit templum eorum, & combussit libros eorum. Et idem fecit successor eius contra eos. Ego verò non complaceo mihi in eis, & non proderunt eis peccata eorum: nec desinent esse sub indignatione mea, donec mittam Christum meum filium Virginis intactæ.

Et

Et postea figillabo super eos maledictionem,
 & iram : & non cessabunt esse maledicti, vi-
 les, & miseri, donec mittam Prophetam ex
 filijs Ismaelis, qui annuntiatus fuit Hagari,
 nam misi ad eam Angelum meum, & annun-
 ciauit illi. Et reuelabo huic, & docebo eum
 nomina mea; & adornabo eum pietate, &
 ponam iustitiam felicitatem eius, & pieta-
 tem intentionem eius, & veritatem verba
 eius, & benignitatem naturam eius, & re-
 ctam intentionem viam eius, & directionem
 legem eius. Dabo ei ex speciali gratia librum
 confirmantem Sacros libros antea traditos,
 & abrogantem nonnulla, quæ erant in eis.
 Venire faciam eum noctu ad me, & ascende-
 re de Cælo in Cælum, donec euadat ad sum-
 mum. Et appropinquare faciam illum ad
 me, & salutabo eum, & reuelabo illi arcana.
 Deinde restituiam illum ad seruos meos, cum
 gaudio, & felici statu : custodiet quod sibi
 commissum fuerit : fidelis erit in eo, quod sibi
 mandatum fuit. Vocabit ad unitatem
 meam cum placido sermone, & exhortatio-
 ne pulcra. Non erit inhumanus, neque
 asper, neque clamosus in plateis. Benignus
 erit

erit affeclis suis, misericors credentibus in se, asper contra inimicos suos. Vocabit gentem suam ad unitatem meam, & ad cultum meum; & annuntiabit eis, id quod viderit de signis meis: & tanquam mendacem reijcient eum, maleque vexabunt. Dixit translator: Hæc est prædictio. Deinde scripsit Daniel narrationem de legato Dei verbatim ex eo quod reuelavit illi Angelus, donec perveniret extremum dierum gentis sue per sonitum tubæ, & finem mundi: & Prophetia illius est multiplex, & hæc modo est in manibus Christianorum, & Iudeorum, qui legunt eam, & in ea est id quod narrauimus ex eo quod commemoravit Deus de qualitate huius gentis, & Prophetæ eius, & de duratione Regni eius usquem ad diem resurrectionis. In hoc vaticinio Danielis est prædictio de Messia, & de Mahumeto, & de epithetis eius, & gentis eius distinctè. Et iam legērunt illud Moslemi cum expugnauerunt Babylonem, quemadmodum referunt sapientes, inter quos Abu-lalia narrat, eos expugnauisse Coseir, & inuenisse Danielem mortuum, & cum eo Codicem. Dixit Abu-lalia: Ego legi
huius-

huiusmodi Codicem, & in eo vos describerebimini, & sonus sermonis vestri. Et factum est, cum homines regionis illius de hoc moniti fuissent, aperuerunt sepulchrum eius, & cum inter se diffiderent, scripsit Abu-Musa de hoc ad Omar filium Chottab: & rescripsit Omar ad eum, ut diurno tempore tredecim effoderet sepulchra: noctu vero in uno eorum illud sepeliret, ad tumultum, & turbas hominum effugiendas.

Ex hac narratione potest unusquisque aperte cognoscere, quanta sit Mahumetanorum sapientum leuitas: & quam facile cuius nebuloni, & impostori in rebus sectæ suæ fauentibus fidem adhibeant. Si Author asseruisset, vaticinium huiusmodi in eo sepulchro inuentum quidem fuisse; hodie tamen non reperiri in libro Danielis, quia inde per fraudem à Iudæis, vel Christianis abrasum fuerit: mendacem quidem se, sed non adeo impudentem ostendisset. At verò cum audacter, & fidenter affirmet, hodie in Codicibus Iudæorum, & Christianorum reperiri; impudentiam, perfidiam, & amen-

mentiam apertissimè demonstrat. Author libri, qui inscribitur تاييد الله idest, confirmatio Religionis, alia de Mahumeto è Sacris libris vaticinia adducit: nempe.

Septimò. Dixit Habacuc: Ego corroborabo filios Cedar ope Angelorum: & exhibunt cum equis albis, & armis: & ponam iudicium sub pedibus eorum: & iudicabunt vos iudicio suo: & confringent nasum vestrum cum furore, & ira: & spoliabunt vos vestimentis vestris, & vasis glorie vestra: idest, vestibus infidelitatis: & omne beneplacitū meum facient in vobis. (idest: asperè ac durè tractabunt vos in prælio, & in exigendo tributum) subiectique, & humiles efficiemini. Porro Cedar fuit proavus Arabum, & filius Ismaelis. Dicimus itaque Iudæis: Quinam sunt filij Cedar; & quodnam est iudicium, quo vos erant iudicaturi? Et tamen vos negatis Deum ullis gentibus aliud iudicium constituisse, quàm vestrum. Quid verò significant verba illa, quibus asseritur, Deum corroboraturum esse eos ope Angelorum? Certum est apud omnes gentes, Deum

Deum non corroborare ullos homines per Angelos, nisi quos peculiari amore, ac benevolentia persecutus fuerit.

Nihil huiusmodi somniauit Habbacuc, vel alius Propheta. Verum etiam si legitimum esset hoc vaticinium; non tamen probaret Religionem Essamiticam bonam esse, ac veram: etenim non modo Angeli, sed Deus ipse quandoque adiuuat, & corroborat infideles ad alios infideles deprimendos, & ad fideles etiam puniendos: ut constat in Nabuchodonosor, Cyro, Vespasiano, Attila, & alijs plurimis.

Octauò. Et dixit Daniel in sua reuelatione: *Venit Deus cum declaratione: & impleti sunt Celi, & terra laudatione Abmehdi, & gentis eius.*

Videtur hic Author tribuere Danieli, id quod in Habbacuc ex parte legimus. Ex parte inquam: nam vaticinium totum nullibi reperitur. Quod verò attinet ad verba Habbacuc, iam satis supra dictum est.

Nonò. Dixit Deus ad Abraham: O

M

Abra-

Abraham, habebis filium, ex quo egredientur populi, & populi, & rursus populi. Et de hac re fit mentio in Pentateucho his verbis: Tempus, & duo tempora, & dimidium temporis, donec veniat Propheta idiota, qui erit sigillum Prophetarum.

Vel nugatur, vel insanit hic Author. Quis enim hoc vaticinium vnquam ita confarciminatum audiuit? Promisit sanè Deus Abrahæ filium, & ex eo copiosissimam posteritatem. Vtrùm verò hoc in Ismael, an in Isaac completum sit, iam superius demonstratum est. Illa autem verba: *Tempus, & tempora, & dimidium temporis*, reperiuntur non quidem in Pentateucho, sed in Daniele, & in Apocalypsi: & per ea prædicitur non aduentus Mahumeti, sed duratio persecutionis Antichristi per spatium trium annorum cum dimidio. Illa verò appendix, *donec veniat Propheta idiota, &c.* è putido Authoris cerebro erupit.

Decimò. Dixit Vacheb filius Menbah: *Quando iussus fuit Salomon domum sanctam construere, dictum fuit Davidi per*
reue-

reuelationem : Ingredere domum meam ,
 quam edificasti : & lauda me , & sanctifica
 me , & imitare gentem , quam ego elegi su-
 per hunc mundum . Dixit Dauid : Domine
 mi : & quenam est hæc gens ? Respondit Deus :
 Hæc est gens Ahmedi . Dixit Dauid : Do-
 mine mi : ostende mihi signa huius gentis :
 Respondit Deus . Quando timebunt , magni-
 ficabunt me : Quando irascentur ; reueribun-
 tur me . Quando inter se disceptabunt , lau-
 dabunt me . In alia relatione ita habetur .
 Erit in ipsis talis oratio , ut , si fuisset in po-
 pulo Noë , non submersus fuisset ab aquis : &
 si fuisset in populo Ad , non perisset . Et in
 libris missis è Cælo à Deo , dicitur : Cum ve-
 niet ultima lingua (alij legunt , ultima
 gens) sequentur ascensorem cameli : gens no-
 ua quæ laudabit Deum vocibus altis in Ora-
 torijs nouis . Latentur filij Israel , & pergant
 in Sion (i. in Ierusalem) . Ibunt ad eam
 cum hoc Propheta , quem ipsi sequentur .
 Nam Deus elegit in diebus reliquis gentem
 quæ laudabit eum : in cuius manibus erunt
 gladij ancipites , ut vindictam sumant pro
 Deo de gentibus infidelibus in omnibus fin-

bus terra. Et quenam est hæc gens, quæ habet gladios ancipites in manibus, nisi Arabes. Et in alio ex libris ipsorum scriptum est: Attrahes in arcu tuo nervos, & inebriabuntur sagittæ ad imperium tuum vehementer, ò Mahumete. Si autem dixerint hunc esse alium, quàm Prophetam nostrum, frustra hoc dicent, cum hic manifestè nomen eius, & epitheta illius exprimantur. Cum hoc vaticinium ex Vahab filio Menbah retulisset Ahmed filius Abdolhalim, subdit: Et huiusmodi vaticiniorum, & authoritatum longa est series in libris originarijs, veluti libro Isaie, & Ezræ, & Danielis; sed illa præmitto, ad prolixitatem fugiendam.

Poterat sanè huius generis vaticinia alia sine numero allegare: sed non ex sacris Scripturis. Quid enim vetat, vaticinia ex suo pte cerebro confingere quot quisque voluerit? Certè de eo quod hic dicitur circa Salomonem, & Daudem, ne vestigium quidem in Sacris libris reperitur. Cætera farrago sunt, & veluti farcimen, ex diuersis scripturarum verbis hinc inde desumptis, vel potius corruptis,

ruptis, quæ nullam responsionem merentur.

Vndecimò. Ahmedus Thelabienfis in expositione cap. 3. Alcorani allegat Soddienfem in hæc verba : *Deus excelsus præcepit filijs Ifrael in Pentateucho dicens : Si quis venerit ad vos, qui afferat se esse Prophetam Dei, ne credatis illi, nisi venerit ad vos cum sacrificio, super quod descendat ignis, & absumat illud, donec veniat ad vos Christus Iesus filius Mariæ, & Mahumetus. Et cum venerint isti duo ad vos, credite illis: ambo enim venient sine sacrificio.*

Quidquid fit de Sacrificio Christi, vel Mahumeti : certum est, testimonium hoc ex Pentateucho allatum, totum esse fictitium. Cæterum nullus vnquam inter Christianos dubitavit, Christum, vt pote verum Sacerdotem secundum Ordinem Melchisedec, verum etiam obtulisse Sacrificium, nempe Corpus, & Sanguinem suum in Cruce, & in Sacramento Eucharistiæ, quemadmodum affirmat S. Paulus in epist. ad Ephesios cap. 5. Et ad Hebræos cap. 9. Et prædixit David Psal.

110. Et Malachias cap. 1. De Mahumeto, nos etiam assentimur, nullum ab eo institutum esse Sacrificium: & hoc probat, Sectam Mahumetanam non posse esse veram Religionem: vera enim Religio non potest esse sine Sacrificio: nec vnquam Deus caruit in terra gente aliqua, quæ verum illi offerret Sacrificium: quippe hoc est supremi eius dominij signum, quo se à mortalibus vult, vt summus Dominus recognosci.

Duodecimò. Author libri *de signis directionis*, allegat Alym filium Ebrahimi filij Hasatmæ, in hæc verba. *Venerunt ad Mahumetum Iudæi quidam Arabes, & dixerunt ei: O Mahumete, ad quid vocas? Respondit: Ad testificandum non esse alium Deum præter Deum, & me esse legatum Dei. Et quidem ego ille sum, quem scriptum reperietis in Pentateucho, & quem vobis sapientes vestri annunciauerunt dicentes, egressum meum fore è Mecca, & emigrationem meam hoc tempore euenturam.*

Non profertur hic aliquod peculiare testimonium de Mahumeto. Quamobrem

brem videtur allata alibi testimonia innuere, quibus superius responsum est.

Decimo tertio. Idem Author citat verba Doctoris cuiusdam, nomine Althaca, ita scribens: *Ex hoc genere testimoniorum est illud, quod retulit Althaca, se legisse in Euangelio, & meminit illius Doctor Abugiaafer filius Babauia in libro de Perfectione religionis, & complemento gratiae. (Ibi ita loquentem cum Christo Deum introducit in Euangelio) : Ego sum Deus permanens, & nunquam deficiens. Credite in Prophetam idiotam, ascensorem Cameli, gestatorem loricae, & cydaris, & crepidarum, & virga. Huius oculi nigri erunt, & veluti stibio depicti: frons elata: gena venusta: nasus aquilinus: dentes molares rari, & inter se diffiti, &c. totus pilosus erit à pectore usque ad umbilicum. Pedum, manuumque volas crassiores habebit. Cum inter homines versabitur, suum illis sudorem distribuet, qui ex eius fronte margaritarum instar defluet. Musci odorem ex se efflabit, cui nullus similis inuentus est, nec unquam in-*

uenietur. Multarum feminarum maritus erit, sed pauca prolis pater.

Alix ineptiæ sunt in hoc fictitio ex Euangelij vaticinio, quas libens prætereo. Vix autem credi potest, sapientissimos Moslemorum, è quibus vnus fuit Abu-giapher, non solum his subulis fidem præbere, sed etiam asserere, eas in Euangelio reperiri, & super eas sectam suam fundare, ac stabilire.

Decimò tertio. Abu-nazar, celebris inter Mahumetanos Author, agens de prodigijs, quæ in natiuitate Mahumeti euenisse fabulantur, ita scribit: Dixit Caab Alachbar fel. mem. Legi in Pentateucho, quod cum vellet Deus prænunciare filijs Israel aduentum Mahumeti, dixit eis: Cum stella nota nomine suo, mota fuerit, ac mutata de loco suo: tempus erit, quo egredietur in mundum Mahumetus Propheta Dei. Cum igitur hic natus esset, mota fuit stella illa: ex quo agnouerunt omnes, eum iam in mundum aduenisse. At verò Iudæi inuidia agitati, id totum absconderunt. Ita notum fecit Deus in Euangelio genti Iesu; quod cum
palma

palma quedam singularis, quæ iam exaruerat, folia fructusque protulisset: tunc foret tempus, quo adueniret Mahumetus fausta mem. Cum igitur hic natus esset, palma illa arida, folia fructusque protulit: idque Christiani cognouerunt, sed propter inuidiam celauerunt. Denique prænuñciauit Deus populo Davidis in Psalmis, quod cum ex fonte quodam noto, ex quo aqua fluere penitus defierat, atque omnino exaruerat, aquæ copiosissimæ emanassent, illud foret signum aduentus Prophetæ Mahumeti. Id totum euenit: at illi inuidi, silentio prodigium pressere.

Quot in vna narratione mendacia? Extat Pentateuchus: Extat Euangelium: extant Psalmi. Ne verbum quidem in illis, quod huiuscemodi præfagia innuat, reperitur. Illud verò mirum, quomodo potuerint hæc signa tam nota, ob inuidiam celari. Sed esto id factum fuerit. Quænam causa fuit, & Iudæis, & populo Davidis, & Christianis celandi illud, quod in suum ipsorum bonum cedebat: præsertim cum populus Davidis nulla posset

posset laborare invidia, quia tempore eius nondum venerat Mahumetus: nisi fortè dicant, populum Davidis, & populum Moyfi, seu filios Israel, esse synonyma. Sed quidquid sit, fabulæ hæ sunt, & nugæ, quemadmodum etiam alia vaticinia, quæ ex Sacris Scripturis Moslemi mendaciter producunt, & quæ ego, prolixitatis vitandæ causa, libens præmitto.

Ex ijs quæ hætenus dicta sunt, sequentes conclusiones aduersus Mahumetanos, eorumque sectam deduco.

Prima Conclusio.

EX confessione tam Christianorum, quàm Mahumetanorum, & Iudæorum, sunt in Scris literis plura, certa, & clara vaticinia de aduentu Messiae, seu Christi, quem tam Christiani, quàm Mahumetani fatentur esse Iesum Nazarenum filium Mariæ Virginis. Huc accedit, omnia fere huiusmodi vaticinia, quæ Christiani adducunt, non solum Mahumeta-

metanos, sed etiam Hebræos, presertim antiquiores, fateri, & probare tanquam legitima, & verâ de Christo. Imò Hebræi pro certo habent, omnia quæ Prophetæ, cæterique viri sancti in veteri testamento scripserunt, esse tantum in ordine ad Messiam venturum. Quamobrem legitur in libro Sanhedrin, cap. Chelek: *Dixit R. Ehia filius Abba: Dixit R. Iohanan: Prophetæ omnes, nullo excepto, nihil prophetauerunt, nisi de diebus Messia.* Et R. Salomon in cap. 9. Zachariæ hæc habet: *Dixit Mar: Omnes propheta non prophetauerunt nisi de annis redemptionis, & de diebus Messia.* De Mahumeto nullus est Propheta, qui vel vnum verbum dicat; nisi fortè in malum. Hoc Iudæi, hoc Christiani concorditer fatentur: Moslemi negant; sed gratis, & sine vlllo fundamento; vt patet ex dictis.

Secunda Conclusio.

Messia Regnum futurum erat vniuersale, & æternum. Hoc iam
 supe-

superius Prophetarum autoritate satis comprobatum est, & manifestè ostenditur noui Testamenti testimonijs propè innumeris. Dixit ipse Christus Matth. cap. 10. *Omnia mihi tradita sunt a Patre meo.* Et Ioan: cap. 12. *Si exaltatus fuero à terra, omnia traham ad me ipsum.* Et cap. 13. sic de eodem scriptum est: *Sciens quia omnia dedit ei Pater in manus.* Et S. Paulus ad Philippenses cap. 2. ita loquitur de Christo: *Deus exaltauit illum, & donauit illi nomen, quod est super omne nomen: ut in nomine Iesu omne genu flectatur, Cælestium, Terrestrium, & Infernorum.* Et ad Ephesios cap. 1. *Omnia subiecit sub pedibus eius: & ipsum dedit caput super omnem Ecclesiam.* Et ad Colossenses cap. 1. *Omnia per ipsum, & in ipso creata sunt; & ipse est ante omnes, & omnia in ipso constant.* & Apocalypsis cap. 1. appellatur. *Princeps Regum terræ.* Et cap. 12. dicitur de eo, quodd *recturus erat gentes in virga ferrea.* Et paulò post: *Nunc facta est salus, & virtus, & Regnum Dei nostri, & potestas Christi eius.* Et cap. 19. dicitur. *Rex Regum,*

gum, & Dominus dominantium. De huius
verò regni stabilitate, ac perpetuitate,
fatis multa superius dicta sunt.

Tertia Conclusio.

Regnum hoc Messiae non temporale
ac terrenum, sed spirituale ac cœ-
leste futurum erat: loquor quoad exerci-
tium: nam alioqui Christus verè fuit Rex
etiam tēporalis, & poterat si voluisset, re-
giā exercere potestatem. Hoc ex superius
dictis satis patet. Verum quidem est,
posse illud temporale etiam, & terre-
num appellari: Christus nanque iam
gloriosus in Cælis, verè & propriè est
Rex vniuersalis totius orbis, eumque
per ministros suos, Reges scilicet ac Prin-
cipes terræ, gubernat, & regit. Neque
obstat, quod plerique eorum infideles
sint, & mali: etenim eodem modo Deus
regit, semperque rexit mundum hunc
inferiorem, semperque habitus est ve-
rus ac proprius illius Rex, quamuis in
eo fuerint, ac sint tot regna, ac prouin-
ciæ

ciæ infidelium, qui Deum ipsum non agnoscunt.

Quarta Conclusio.

SI Christi regnum est æternum : ètiam lex illius, quæ est Euangelium, debet esse æterna. Quod attinet ad legem Moyſi iudicariam & ceremonialem (nã de morali, & naturali non loquor) : apertissima sunt in Scripturis testimonia, eam non futuram æternam, sed in Messia legem commutandam. Id Mahumetani etiam fatentur, & quod maius est, Iudæi non negant, imò vltro admittunt. Quod verò lex Messia in legem aliam commutanda esset ; hoc nequè in Scripturis Sacris, neque in libris Iudæorum, & Christianorum, neque in vllis amborum traditionibus reperitur. Quod autem Moslemi tam audacter, & confidenter dicant, Iudæos & Christianos Mahumeti aduentum, & Alcoranicam illius legem olim avidè expectauisse : impudentissimum est mendacium, & ab omni
ni.

ni prorsus veritate alienum . Quomodo enim poterant Christiani aliam legem à Christi lege diuersam expectare , dum quotidie audirent verba S. Pauli in Epist. ad Galatas cap. 1. *Licet nos , aut Angelus de Cælo euangelizet vobis præterquam quod euangelizatum est vobis, anathema sit . Sicut prædiximus , & nunc iterum dico : Si quis vobis euangelizauerit præter id quod accepistis , anathema sit .* Quod si rectè attentèque omnes testamenti noui pagine perlegantur , reperiemus , nihil in illis magis fidelibus inculcari, quam vt firmi, constantesque in ea lege , ac doctrina permaneant, quam à Christo , & Apostolis eius acceperant ; atque ab omni alia doctrina peregrina & noua sedulò caueant . Quamobrem S. Paulus ad Hæbreos cap: 3. ait : *Iesus Christus heri & hodie , ipse & in secula . Doctrinis varijs & ptegrinis nolite abduci .* Per quod manifeste ostendit, quemadmodum nullus alius nouus Christus venturus erat ; ita neque nouum Euangelium , aut legē nouam hominibus deinceps esse tradendā. Quod
spe-

spectat ad Iudæos: certum est, ipsos post Messiam, nullum alium legislatorem unquam expectasse, neque nunc expectare. Cuius rei, præter alia, illud firmissimum est argumtēum ad hominem, quod Hæbrei communiter (sicut etiam è Christianis nonnulli) putant, mundum sex millia annorum perduraturum: quorum duo millia sine lege fuerint: duo millia legem habuerint; & duo millia ad Messię regnum pertineant, Sic scriptum reperimus in Thalmud in lib. Sanhedrin, distinct. Chelec, his verbis: *Habetur ex traditione domus Eliæ, per sex millia annorum mundum perseveraturum*: *ex quibus duo millia erunt thehu*; (idest vanitas, nimirum sine lege, vt exponit Glossa R. Salomonis Iarchi): *duo millia cum lege erunt*: & *duo millia erunt dies Messię*. Itaque iuxta Hæbreorum sententiam, Mahumeto, eiusque Alcorano nullum ultra tempus relinquitur. Præterquam quod, cum lex Evangelica sit summæ perfectionis (quod Mahumetani vel inuiti fateri coguntur) non conuenie-

ueniebat, vt in minus perfectam mutaretur, qualis est Alcoranica, quæ retrahit homines partim ad legem Abrahamæ, partim ad Sanctiones Mosaicas, partim ad superstitiones Arabicas.

Quinta Conclusio.

IN Sacris Scripturis nullibi lex aut vniuersalis benedictio, aut regnum, aut prophetia promittitur, nisi respectu Isaac, eiusque posterorum per lineam Iacob, non autem Esau. Isaïæ cap. 2. *De Sion exhibit lex, & Verbum Domini de Ierusalem.* Ioan. cap. 4. *Salus ex Iudeis est.* Ad Isaac & Iacob dicta sunt ea verba: *In semine tuo benedicentur omnes gentes terræ.* Dauidi & semini eius facta est promissio de regno Messiae, vt supra vidimus. S. Paulus ad Galatas cap. 3. asserit, *in gentibus benedictionem Abrahamæ factam esse in Christo Iesu*, qui fuit oriundus ab Isaac, & Iacob. De Ismaele, eiusque posteris, nihil habetur in Sacris litèris, quod non sit cum vituperatione, vel quod ad res

N ter-

perrenas, vel carnales, & præsertim ad prolem copiosam non pertineat, in quo tota illius benedictio sita est. Si quid verò de eo dicitur, quod ad laudem pertineat, nunquam tamen habetur, quod ad legislationem, vel Prophetiam, vel religionem, vel communem salutem pertineat. Et quidem nimis monstruosum, atque omninò absonum fuisset, quod cum Sacrae omnes Scripturae Christum tanquam scopum in suis oraculis haberent, neque in illis quidquam penè aliud ageretur, quàm de posterorum Isaac & Iacob successibus in ordine ad eundem Christum: vix deindè hic apparuisset: legemque suam Evangelicam promulgasset, ut repente nullis præcedentibus oraculis, & nihil tale hominibus suspicantibus, novus nescio quis Propheta de stirpe Ismaelis ex Arabiae latibulis tanquam mus vel fungus erumperet, qui Christi regnum, legem, ac religionem euerteret, nouaque lege ac religione inducta, penitus aboleret.

Huc accedit, quod S. Paulus de Hagar
& Is-

& Ismael ex vna parte; & de Sara atque Isaac ex alia loquens: ita inrer se hæc duo binaria comparat; vt primum nempe Hagar & Ismael, typus sit legis seruilis, & carnalis: secundum verò, scilicet Sara, & Isaac, legis libertatis, filialis, ac spiritualis: facitque Ismaelem figuram Iudæorum infidelium, & Christianam fidem persequentium: Isaac verò fidelium, quos Iudæi persecuti sunt. Vide epistolam ad Galat. cap. 4. Neque dici potest, hoc in odium Mahumeti scriptum fuisse, cum sexcentis annis antequam Mahumetus appareret, scriptum fuisse, certissimum sit. Quamobrem dicendum est, apertissimum hoc esse vaticinium, factum ex diuino afflatu à S. Paulo de Mahumetana impietate: per quod etiam ostenditur, nullum ab Ismaele, eiusque posteris bonum sperandum esse, sed potius mala omnia veris fidelibus metuenda; quod vtinam facto ipso non experiremur.

Sexta Conclusio .

VBi Sacrarum Scripturarum vaticinia, & sententiæ respiciunt Isaac, & eius posteros, vel aliquid quod ad illos pertineat, vt Iacob, Israel, Iudam, Dauid, Ierusalem, Sion, & alia huiusmodi: non possunt, nec debent Mahumetani ea Ismaeli, vel eius posteris appropriare: sed Christo omninò tribuere, tanquam ex Isaac, & Iacob prognato: in eo enim, vt superius monuimus ex S. Paulo, omnes benedictiones Abrahamæ, Isaac, Iacob, & eorum qui ex his orti sunt, complendæ erant. Aliàs intoleranda sequeretur confusio: & nos etiam dicere possemus, si quid boni de Ismaele, aut Ismaelitis, eorumque rebus in Scripturis continetur, Christo, & Christi fidelibus esse tribuenda.

Septima

Septima Conclusio.

IN Sacris Scripturis exponendis, uti debemus verissima, & certissima regula, quam tradit etiam ipse Aduersarius Ahmedus filius Abdolhalimi, à Christianis Doctoribus acceptam, quamuis ille male ea utatur. Est autem huiusmodi:

انما يجب ان يقاس الجزء على الكل ويستدل على ما غاب بما حضر وعلى ما اشكل بما ظهر

Necessarium porrò est, partem iuxta totum regulari: & id quod figuratum est, per id quod clarum est, & sine figuris demonstrari: & id quod dubium est, per id quod certum est explicari. Itaque si vniuersa Sacra Scriptura, ut iam vidimus, & omnes tam Christiani, quàm Moslemi, ac Iudæi fatentur, clare, & aperte loquitur de Messia; etiamsi sit in illa locus aliquis obscurus, dubius, & ut ita dicam, absens; explicandus erit iuxta loca clara, certa, & manifesta. Huc accedit, quod eadem illa loca, quæ

pro Secta sua , & Mahumeto afferunt Moslemi ; omnia , vel ferè omnia , tamquam certa , & aperta , tam à Christianis , quàm à Iudæis de Christo intelligantur . Pauca quædam videntur pro Ismaele , & Ismaelitis facere , spectantia ad temporaneam , ac mundanam felicitatem , vel etiam ad agnitionem , & laudem veri Dei . Sed hæc quoque iuxta regulam iam propositam exponenda sunt : nimirum , quod ea omnia , quæ in ordine ad res spirituales , ac diuinas de illis dicuntur , ad Christum referantur . Verificari enim debet in eo illa promissio : *In semine tuo benedicentur omnes gentes terræ* : ita vt Arabes etiam in hac benedictione comprehendantur ; non quidem hoc tempore , neque in lege Mahumetica ; sed eo tempore , quo florebat , vel in posterum florebit inter Ismaelitas , & Arabes Christiana Religio : & præsertim cum Arabiæ , & Pharan deserta , Sanctorum Monachorum turbis referta erant .

Octava Conclusio.

SI dicant Mahumetani, Scripturas Sacras esse corruptas : vel tanquam falsa aut suspiciosa reiiciant ea testimonia , quæ ex utroque testamento hactenus pro Christiana Religione contra eos protulimus: id facient cum iniuria, & absq; vlla prorsus ratione ; cum supra satis euidenter earundem Sacrarum Scripturarum integritatem probauerimus . Si enim Sacræ Scripturæ corruptæ sunt , quomodo poterunt ipsi probare, ea testimonia, quæ pro se ex illis citant, legitima esse , & incorrupta ? Nos sanè non dicimus, auctoritates à Mahumetanis productas falsas esse , ac deprauatas , dum in probatis Sacrorum Librorum translationibus , quæ apud Christianos , & Iudæos sunt , saltem quoad substantiam verè reperiuntur , neque constet manifestè , esse ab ipsis confictas , aut corruptas .

Neque dici potest , Mahumetanos , dum contra nos Sacrorum Librorum au-

thoritate vtuntur, argumentari ad hominem; vt falsè, ne dicam stultè asserit Hottingerus. Tunc enim *ad hominem*, contra aduersarium quis argumentatur; cum concedit illi eam propositionem tamquam veram, quam tamen ipse pro vera non habet; vel de cuius veritate, aut falsitate ipse nihil curat, dummodo proprijs eius principijs aduersarium conuincat; quibus tamen ipse ad stabiliendam sententiam suam nunquā volet vti. Atqui nullo modo dici potest, Mahumetanos nō habere pro veris, & legitimis ea Scripturarum testimonia, in quibus fundant, ac stabiliunt Prophetæ, sectæque suæ veritatem; & in quorum explicatione, & intelligentia nos illis contradicimus; asserentes eos malè, ac perperam illa intelligere, & explicare; eodem ferè modo, quo, cum nos aliquem Alcorani locum contra ipsos producimus, explicantes illum ad fauorem nostrum; (vt cum dicitur in Alcorano, Christum esse Verbum, & Spiritum Dei, asserentes, ibi Mahumetum fateri diuinitatem Christi) Mahume-

hometani sese opponunt, negantes illum esse sensum verborum Alcorani; neque posse ibi Mahumetum fateri Christi diuinitatem, cum eam alibi expressis verbis inficietur. Ita prorsus euenit in re nostra. Est tamen hoc discrimen, quod Christiani argumentantur ex verbis Alcorani clavis, & apertis contra Mahometanos: & licet non credant esse verba Dei, putant nihilominus in ijs veritatem contineri, si ita accipiantur, vt sonant, quamuis Aduersarij id negent. At verò Moslemi argumentantur contra nos ex verbis Sacrarum Scripturarum obscuris, allegoricis, & figuratis, reponentes omnem vim non in solis verbis, sed in mysterio, quod in illis continetur (quod sanè non nisi à Deo esse potest): vt cum apud Isaiam in Ascensore Cameli Mahumetum: in ascensore autem Asini Christum volunt prænunciari. Et in Penteucho per tres montes, Sinam, Seir, & Pharan, tres Prophetas, ac tres leges à Deo per eos datas asserunt designari. Quis verò nisi omninò fatuus, & similis

Hot-

Hottingero, dicat his in locis Mahumetanos argumentari contra nos ad hominem, cum argumententur non à verbis, quæ vtrique concedimus, sed à mysterio, quod nos negamus.

Alia ex parte non minor esset amentia, credere, Mahumetanos non habere tanquam verba Dei illa, in quibus agnoscunt occulta mysteria, & prædictiones rerum futurarum tanti momenti, quanti est veracitas Prophetæ sui, ac veritas suæ religionis. Huius rei certissimum est argumentum, quod cum aliquid, præsertim ex veteri testamento allegant, vtuntur ferè semper formula illa قوله تعالى

idest, *dictum Dei Altissimi*: quam in Alcorani verbis citandis consueverunt adhibere.

Hic tamen adnotandum est id quod superius innui, argumentum ductum à sensu mystico, & allegorico ex Sacris literis, non necessario convincere, nisi quando, vel ab ipsis Sacris literis manifestè colligitur, vel per communem Doctorum,

etorum, & Expositorum sententiam agnoscitur, vel ab omnium fidelium consensu comprobatur. Hoc autem in vera tantum Religione potest euenire. Et cum apud Iudæos ante Christum, & apud Christianos post Christum, fuerit vera Religio, saltem usque ad Mahumetum, ut Moslemi affirmant: si quid utrique communi sensu circa Sacrarum Scripturarum mysteria eo tempore, quo in vera Religione erant, probauerunt, illud certum erit, & verum. Constat autem eos conuenisse in intelligendis de Christo plerisque eorum, quæ Moslemi de Mahumeto suo (quem nec Iudæi, nec Christiani vnquam somniauerunt) conantur violenter exponere.

*Respondetur Argumentis
Moslemorum.*

DVplici contra nos argumento vtuntur Doctores Moslemi, ad probandum, Mahumetum in Sacris Scripturis præ-

prædictum fuisse . Tractat vtrumque satis prolixè Ahmedus filius Abdolhalimi in sua Apologia pag. mihi 253. Ego vtrumque succinctè proponam , eique paucis respondebo .

Primum argumentum est huiusmodi . Mahumetus sexcenties in Alcorano affirmat se in Pentateucho , & Euangelio prædictum fuisse ; & hoc palam prædicabat , audientibus Iudæis , & Christianis , à quibus , nisi vera dixisset , facillimè mendacij argui potuisset . Cum autem Mahumetus esset prudentissimus , atque omnium mortalium sagacissimus , stultum se atque insanum prorsus ostendisset , si ea tamquam vera affirmasset , de quorum falsitate ab omnibus convinci potuisset . Fatendum est igitur , illum in Sacris literis prænunciatum fuisse .

Respondemus ; cum aliquid esse , vel non esse , sensu deprehenditur , factoque ipso manifestè conuincitur , nullas in contrarium rationes posse valere . Quod Mahumetus fuerit prudentissimus , ac sagacissimus omnium mortalium , gratis omnino

nino asseritur: id tamen non conuinceret necessario, quòd non posset aut ipse decipi, aut alios decipere, aut mentiri etiam in rebus satis apertis, ac manifestis. Factum est hoc in sexcentis alijs nouorum dogmatum inuentoribus, nouarumque sectarum institutoribus, qui doctrina, prudentia, ac sagacitate excellere videbantur, & fortasse excellebant: & nihilominus, vel ex errore intellectus, vel ex voluntatis malitia, apertissima mendacia protulere. Erat porrò Mahometus homo ignarus, legendique, ac scribendi omnino imperitus. Hoc ipsemet in Alcorano fatetur, nec inter Mahumetanos ullus in dubium reuocat: propterea enim النبي الامي *Prophetam idiotam* asserunt eum (licet falsò) in Sacris literis appellari: quid ergo mirum si à nebula aliquo Iudæo, seu Christiano, vel vt gratiam eius iniret, vel vt fucum illi faceret, persuasus fuit, esse in Sacris voluminibus de se vaticinia conscripta? Neque tamen verum est, Iudæos, & Christianos prudentiores, ac peritiores Mahometo

meto huiusmodi vaticinia iactanti assensos fuisse, vel non restitisse : Quamobrem idem sæpe in Alcorano conqueritur de Scripturalibus (Iudæis scilicet, & Christianis) quod vaticinia de se ipso in Pentateucdo, & Euangelio extantia, occultarent, vel deprauarent. Verùm si hi ea occultabant, cur ipse Propheta tantus, & qui sciret ea in Scripturis reperiri, non manifestabat? Refert autem Thalebienfis in expositione Suræ 4. v. 165. ex dicto Ebn. abbasi, Authoris supremæ inter Moslemos auctoritatis, Primates Mecanos, cum audirent Mahumetum adeò sese in oraculis Pentateuchi iactantem.

اتوا الى النبي من فقالوا يا محمد صيئنا عنك اليهود وعن صفتك في كتابهم فزعموا انهم لا يعرفونك ودخل على النبي من جماعة من اليهود فقال اتي والله اعلم انكم لتعلمون اتي رسول الله فقالوا لا *venisse ad illum ac dixis se:* O Ma-

umete, nos interrogauimus Iudæos de te, & de predictionibus, quas dicis esse de te in Scriptura eorū. At illi asseruerunt se nescire, quis-

nam

nam tu sis. Cumque deinde Iudæorum cæterua ad Mahumetum venisset, ille dixit ad eos: Ego certissimè scio, vos non ignorare me esse legatum Dei. Illi verò responderunt: Nihil huiusmodi nouimus.

Illud præterea animaduertendum est, ea in ætate, atque eos inter homines Mahumetum vixisse, in quibus scientiarum omnium, & præsertim Sacrarum literarum ignorantia maximè dominabatur. Imò Meccani, inter quos ille natus, & supra quinquaginta annos versatus est, ut erant idololatriæ tenebris inuoluti, parum, aut nihil de Sacris Scripturis nouerant, nisi quantum Iudæos aliquos, aut Christianos de illis balbutientes audiebant. Quamobrem poterat illis facile quidlibet persuaderi, & imponi, quemadmodum impositum fuit Mahumeto, qui ex mendaci aliquorum Iudæorum, & Christianorum relatione, tot fabulas, atque ineptias, tanquam Sacrarum Scripturarum oracula, Alcorano suo immiscuit: quæ tamen facile ab Arabibus ignorantissimis, & prorsus agrestibus credita sunt.

sunt. Hoc autem minimè mirum videbitur illi, qui animaduernerit, tot provincias, ac regna catholica, & in ijs tot Principes, tot Reges, tot Respublicas; & (quod vix credi potest) tot Præsules, tot Præsbyteros, tot Monachos in Apostolica Fide natos, atque enutritos, ad suasionem fraterculi vnus apostatæ, & vnus præsbyteri nefando scelere coinquinati, Religionem illam deseruisse, quam, & maiores eorum, & ipsi semper professi fuerant: & tam impia, tam spurca, tam belluina dogmata amplexos fuisse, vt non pauca ex illis, Alcoranicis comparata, longè deteriora, ac pestilentiora videantur. Hoc certè portentum maius est illo, quod in Mahumeto suo nescit Ahmedus intelligere.

Secundum argumentum ita summarim complector. Nulla lex ita diffusa est, ac dilatata, sicut lex Mahumeti. Hæc verò est res adeo prodigiosa, vt siue vera, siue falsa Mahumetus euulgauerit, debuerit omnino à Prophetis prædici, vt homines ab eo cauerent si praua docuisset:

set : si verò recta , cum sequerentur : atque ita videmus in Sacris litteris , tam de Christo , quam de Antichristo plura prænunciata fuisse . At nihil est in Sacris Scripturis , quod Mahumetum malum futurum esse significet , vel vituperationem ullam illius contineat : ergo necessario erunt in illis vaticinia in laudem Mahumeti , & Legis , ac Religionis illius . Quod verò hæc modò non reperiantur , censendum est à Iudæis , & Christianis sublata fuisse .

Sed facile respondetur , falsum esse , Mahumeti Sectam tam magnum esse prodigium , quantum iactant Mahumetani . Nam non modo Assyriorum , Græcorum , & Romanorum Idololatria , ampliora spatia , ac tempora diuturniora obtinuit , quàm Secta Mahumetica : sed etiam Christiana Religio , & regionum amplitudine , & temporum diuturnitate illam superavit : Quamquam ingens numerus , magnæque multitudo , certa Religionis argumenta non sunt habenda , ut alibi fusius demonstrabo . Quod

verò ex tam copiosa Mahumeticæ Sectæ dilatatione, siue vera illa sit, siue falsa, infert Aduersarius, necessariò credendum esse, Mahumetum à Prophetis prædictum fuisse, vt si malus, ac mendax foret, homines sibi ab eo cauerent: si autem verax, ac bonus, eum sequerentur: respondemus: Primò, non posse hominem Deo leges præscribere de eo quod per Prophetas reuelaturus sit. Plura maximi momenti in orbe euenere, de quibus in Sacris literis ne verbum quidem existit; cum de alijs leuioribus frequens præcedat enunciatio. Persarum, ac Medorum successus Prophetæ prænunciare: de Synensium, Tartarorum, Iaponum, & aliarum gentium præcipuarum rebus, prorsus conticuere. De Antichristo ipso in veteri Testamento obscura satis, & dubia sunt oracula, & non nisi sub aliorum regum impiorum typo: ita vt sint qui existiment, nihil de illo directè fuisse à Prophetis prænunciatum. Quamobrem nihil mirum, si de Mahumeto

meto quoque nihil in Sacris literis prædictum fuerit.

Deinde animaduertendum est, vaticinia fere omnia veteris Testamenti ad Christum directæ, atque in illo absoluta, perfectæque fuisse. *Finis enim legis Christus* : quemadmodum scribit S. Paulus ad Romanos. Hinc est quod à primo Christi aduentu, cæterarum rerum quæ intercesserunt successibus ferè prætermis- sis; ad secundum eiusdem aduentum, qui maximè Prophetarum omnium scopus fuit, statim ab iisdem transitus fiat. Id verò non obscure innuit Daniel cap. 9. verbis illis: *Septuaginta hebdomades abbreviata sunt super populum tuum, & super urbem sanctam tuam, ut consumetur prævaricatio, & finem accipiat peccatum, & deleatur iniquitas, & adducatur iustitia, sempiterna, & impleatur visio, & prophetia, & ungatur Sanctus Sanctorum*. Post quæ verba, nulla aliarum rerum prædictione facta, statim cap. 12. ad nouissima mundi tempora Daniel pertransit.

Neque tamen negauerim, etiam de

magno hoc terrarum orbis Seductore ,
Antichristi prodromo Mahumeto, in Sa-
cris Scripturis aperta fatis vaticinia re-
periri ; quorum

Primum extat cap. 16. Geneseos, vbi
de Ismaele prædicitur : *Hic erit ferus ho-*
mo: manus eius contra omnes, & manus om-
nium contra eum : & è regione vniuersorum
fratrum suorum figet tabernacula. Quibus
verbis prænunciantur absq; dubio sub I-
smaelis persona, feritas, atq; immanitas Ma-
humeti, & successorū eius Ismaelitarum .

Secundum habetur Isaïæ cap. 27. in
illis verbis: *In die illa visitabit Dominus*
in gladio suo duro, & grandi, & forti super
Leuiathan serpentem vecẽtem, & super Le-
uiathan serpentem tortuosum, & occidet ce-
tum, qui in mari est. Quod oraculum non
solū Hebræi, sed Christianorum do-
ctissimi de Mahumetico Imperio intelli-
gendum esse asseuerant .

Tertium extat Danielis cap. 7. vbi di-
citur, inter quartæ horribilissimæ bestię
cornua decem, cornu aliud exiguum
pullulasse. *Et ecce (inquit) cornu aliud*
par-

paruulum ortum est de medio eorum, & tria de cornibus primis euulsa sunt à facie eius. Et ecce oculi, quasi oculi hominis erant in cornu isto, & os loquens ingentia. Et paulo post subdit: Maius erat ceteris, & faciebat bellum aduersus sanctos, & praeualebat eis. Hic mysticè Mahumetus iuxta Doctorum nostrorum sententiam exprimitur, licet alij velint primariò Antichristum præsighari.

De Mahumeto etiam, ac tyránico eius imperio exponunt plures tum Hebræi, tum Christiani id quod Danielis cap. 2. de pedibus, & cruribus statuae à Nabuchodonosore somniatae, argilla, ferroque compactis enarratur. Et quauis Daniel quatuor tantum imperia commemoret, nihilominus quia Mahumetani iure belli, & vi armorum Romanis in Imperio Orientali succedere; ideo vnum atque idem vtrorumque imperium censi potest: quemadmodum crura, & pedes vnum tantum in humano corpore membrum constituere videntur. Et quidem hodie quoque Turcarum Princeps

Cæsaris, & Augusti titulo sese condecorat: & regio illius adiacens Imperatoriæ Vrbi, Romanix nomine appellatur.

In nouo verò Testamento passim seductores, pseudoprophetæ, & antichristi prædicuntur, præter illū celebrem Antichristum, qui in fine mundi venturus esse, communi omnium assensu creditur. Quod si Mahumetus nominatim minime prædicitur, id fortasse euenit, quia plures illi similes futuri erant, vt Arius, Nestorius, Dioscorus, alijque plures, præter eos, qui adhuc venturi sunt, Mahumeto fortasse peiores. Neque verò necesse erat illum signatim prænunciari, dum generatim omnes illi vitandi proponebantur, qui alienam à Christi Euāgelio doctrinam professi fuissent, iuxta illud Pauli ad Galatas cap. i. *Sed licet nos, aut Angelus de Cælo euangelizet vobis præterquam quod euangelizauimus vobis, anathema sit.*

Præterea si res rectè perpendatur, nihil aliud effecit Mahumetus, quàm illud, vt præteritorum Hæresiarcharum, Arij
potif-

potissimum, & Nestorij errores renouaret, & propagaret. Quamobrem inter Seductores iustius hi duo fortasse principatum merentur, quàm Mahumetus: ita ut nulla esset causa, cur in Sacris literis de hoc peculiaris mentio præcederet.

Et nihilominus in Apocalypsi cap. 6. iuxta veriolem expositionem, in apertione sigilli quarti, ubi dicitur: *Et ecce equus pallidus, & qui sedebat super eum, nomen illi Mors, & Infernus sequebatur eum: & data est illi potestas super quatuor partes terra, interficere gladio, fame, & morte, & bestiis terra*: Mahumetus omnino præsignatur, illiusque bestialis supersticio, quæ mortem intulit non tam temporalem, quam æternam, aperuitque Tartarum vniuerso orbi adeo ingenti ruina, ut maior nulla deinceps futura credatur, nisi sub Antichristi tyrannide, de qua statim in eodem capite mentio habetur. Videtur autem Sanctus Paulus in epistola 2. ad Thessalonicenses, cap. 2. hoc ipsum innuisse, cum scripsit, neque

Antichristum, neque supremum mundi diem venturum, nisi prius aduenisset *discessio*, Græcè ἀποστασία : *Nisi venerit*, (inquit) *discessio primum, & reuelatus fuerit homo peccati, filius perditionis*. Consensere prisci Patres, per discessionem, seu apostasiam, generalem à Romano Imperio gentium rebellionem esse intelligendam. Idem sentiunt recentiores : sed addunt, sub hoc nomine comprehendendi etiam, & quidem præcipuè, à Romano Pontifice, & à Catholica, & Christiana fide discessionem, quam nemo hactenus ita minatus est, ut Mahumetus, & Mahumetismus.

Concedimus porrò Aduersario; si Mahumetus verax Propheta fuisset, & opus eius, ut potè rectum, à Deo emanasset, præmittenda fuisse de eo in Sacris literis vaticinia, quemadmodum de Christo præmissa fuere. Sed cum hæc nullibi reperiantur, retorquemus contra Moslem argumentum, inferrentes, Mahumetum nullo modo verum Profetam fuisse.

fuisse , nec Legem , aut Religionem bonam promulgasse . Quod verò huiusmodi vaticinia extiterint quidem , sed à Iudæis , & Christianis subblata fuerint , iam supra nullo modo fieri potuisse demonstrauimus .







APPENDIX

*Vaticinia alia, Prognostica, ac
testimonia, quæ pro Mahu-
meto, eiusque Secta proferunt
Moslemi extra Sacras Scriptu-
ras.*



Ræter superius allata
vaticinia, quæ Mahu-
metani ex utroque Te-
stamento producant,
& vel deprauata, vel
falsa, & commentitia
esse conuincuntur: proferunt iidem in-
gentem farraginem prædictionum, si-
gnorum, prognosticorum, ac testimo-
niorum ex diuersis Authoribus, præser-
tim Iudæis, & Christianis, ad maiorem
fidem

fidem Prophetæ suo conciliandam, & ad superstitionem illius magis corroborandam, & constabiliendam.

Primò : in antiquissimo Codice M. S. ex Bibliotheca Eminentissimi Cardinalis Camilli de Maximis, qui nunc in insigni Bibliotheca Sacri Collegij de Propaganda Fide Romæ asseruatur, legimus, Angelum Gabrielem Mahumeto apparuisse, eique dixisse, se ignorasse nomen suum per spatium decem millium annorum postquam creatus fuerat : tunc enim audiuit primò, se vocari á Deo nomine Gabrielis, & iuberi sanctificare ipsum Deum : id quod ipse fecit per alia decem millia annorum. Post quæ audiuit diuinum præceptum, vt eundem glorificaret : idque fecit per alia decem millia annorum. Pergit Author, seu potius Gabriel : قال لي يا جبرائيل صلى على

محمد فصليت عليك يا محمد عشرة الاف عام .

فقال لي اذهب ان تراه وتنظر اليه : فقلت بلى

يا رب : فامر فكشف لي عن مبعين حجاباً فنظرت
الى ثلاثة منابر من نور وعليها ثلاثة اشخاص فعلمت
من بينهم فناداني ربي يا جبرائيل ألا تنظروا اليه
جالساً بين وزرائه يعنى ابا بكر وعمر رحم الله عليهما

Dixit mihi Deus : O Gabriel ora pro Mahumeto . Ego verò oraui pro te ò Mahumete per decem millia annorum . Dixitque mihi rursum : Cupis ne videre eum , eumque cognoscere ? Respondi : Utique Domine mi . Iubente Deo , sublata sunt mihi septuaginta velamina : & vidi tres sedes ex luce , & super eas tres personas , & cognoui te esse unam ex illis . Tunc aduocans me Dominus meus , dixit mihi : O Gabriel , videsne illum sedentem inter Consiliarios suos ? per hos autem significabat Abubacrum , & Omarem , quorum misereatur Deus .

Nolui hic , quemadmodum neque in sequentibus narrationibus , seu fabulis , omnia arabicè referre , ne nimis exturgescat liber : sed tantumodo ea , quæ
ma-

magis notabilia iudicaui. Porro non est hic opus argumenta multa congerere, ad commentum tam infanum, ac ridiculum refutandum. Quis enim non rideat, audiens, Gabrielē quadraginta milibus annis ante Mahumetum, nomen suum ignorasse per decem millia annorum; & Mahumetum ipsum per tot millia annorum antequam nasceretur, in Cælo cum Abubacro, & Omare visum fuisse? Addit monstro monstrum Ioseph filius Abdolatiphi Scriptor insignis inter Mahumetanos, allegatus à Gabriele Sionita, & Ioanne Hesronita, doctissimis Maronitarum: Nimirum: *Mahumetum, dum ita in Cælo moraretur, antequam in terra appareret, cepisse quondam Thronum Dei circumire. Quo tempore Deus conuersus respexit eum: ille verò ex timore ac pudore in sudorem erupit. Cum autem digito à fronte sudorem absterfisset, sex illius gutta extra Paradisi septa decidere: ex quarum una rosa germinauit; ex altera oriza: & ex alijs, quatuor Mahumeti sodales. adedò delirant, & insaniunt, vel doctissimi Mahumetanorum.*

Se-

Secundò. In libro اعلام الهدى *designis directionis* cap. 3. sect. 1. ita legimus :
 وفي كتاب دلائل النبوة حدثنا الحافظ باسناد
 ذكره عن ابراهيم ابن محمد بن طلحة قال : قال
 طلحة ابن عبد الله حضرت سوي بصرى فاذا راهب
 في صومعته يقول سلوا اهل هذا الموسم افيهم من اهل
 الحرام : قال طلحة قلت نعم انا : قال هل ظهر احمد
 بعد . قال : قلت ومن احمد قال ابن عبد الله
 بن عبد المطلب هذا شهر الذي يخرج فيه وهو اخر
 الانبياء يخرج من الحرام ومعاجرة الى نجد وحرة و
 &c. In libro *demonstrationum prophetiae*: narravit nobis Alhaphedh in alle-
 gationibus suarum narrationum ex dicto E-
 brahim filij Mohammad filij Talha, dicens:
 Dixit Talha filius Abdallah : Ego interfui
 in foro Bosra, vidique Monachum intra
 suum cenobium, qui dixit : Interrogate hos
 nego-

negotiatores peregrinos, utrum sit inter eos aliquis Meccanus. Ego verò respondi (inquit Talha) : Ego sum Meccanus. Tunc Monachus ait : Apparuit ne adhuc Ahmed ? Ego verò : Quis est, inquam Ahmed ? & ille : Filius est Abdallah filij Abdalmotalleb. Hic est Mensis, quo aduenturus est in Mundum, & ipse erit ultimus Prophetarum. Egressus eius erit à Mecca : & emigratio eius erit in Naged, & Horrat, & Sebach. Pergit Talha dicens, se statim profectum fuisse in Meccam, & ibi rescivisse, iam apparuisse Mahumetum, & cæpisse prophetare, & nonnullos illi adhæsisse, eiusque doctrinam amplexos fuisse.

Erat Monachus hic procul dubio Christianus, quemadmodum alij Monachi, quos Mahumetani fingunt prævidisse, ac prænuñciasse Prophetæ sui aduentum : vel postquam aduenerat, illum ut Prophetam agnouisse, ac secutos fuisse. Atqui, cum inter Christianos, siue anteriores, siue posteriores Mahumeto, nulla vnquam fuerit de eo talis notitia, qua crederetur mittendus, vel missus à Deo

Deo ad nouam Religionem constituen-
dam: immó nullus vnquam de eo, ante-
quam oriretur, cogitauerit, aut somnia-
uerit: patet, omnia hæc, quæ de Chri-
stianis Monachis referuntur, esse vel
figmenta, ac mendacia, vel ludibria:
quia scilicet per Magicas artes quidam
de eo aliquid præfagiuerint, aut diui-
nauerint.

Tertiò. Profertur lux quædam pro-
digiosa, quam fabulantur Moslemi po-
sitam à Deo in vultu Adæ, ad omnes
cuius nepotes per lineam Ismaëlis transla-
tam fuisse, tamquam perpetuum testi-
monium aduentus Mahumeti, atque in
eo tandem fixam constituisse. Longissi-
mas de portentosa hac luce nugas Mo-
slemi congerunt. Referam hic præci-
pua, quæ scripsit Mohammed Abul-Ha-
san, cognomento البخاري *Albocharius*,
in Libro الانوار *Splendorum*, ex traditio-
ne Ebnol-Abbai filij Abdallah: Vaheb
filij Mombah: Ebn-Abbas, & aliorum in-
ter Moslemos propè diuinæ authoritatis.

لما اراد الله تعالى ان يخلق سيد واشرف الاولين
 والاخرين محمداً صلى الله عليه وآله امر طاووس الملائكة وهو
 جبرائيل عـم ان ياتي به بالطينة : فقبض جبرائيل
 وماذ يكة الصفيح الاعلى وحملت العرض فقبضوا
 قبضة تربة رسول الله من موضع صريحه فقبضوا
 قبضة من تربة نقرة طاعرة فعرج بها الروح الامين
 فغمسها في عين الملائكة حتى بقيت كالندوة
 البيضاء وكانت تغمس في نهر من انهار الجنة وتعرض
 على الملائكة فتشرق انوارها فتستقبلها الملائكة
 بالتحية والاكرام وكان يطوف بها جبرائيل في
 صفوف الملائكة فاذا نظروا اليها قالوا الهنا وسيدنا
 ومولانا ان امرتنا بالعبادة مجدداً فعرفت
 الملائكة فضلها قبل ان يخلق آدم عـم : فلما خلق
 آدم مع في ظهرة نسيشاً كنشيش الطير وتمبها
 وتقد

وتقديسًا فقال ادم يا رب ما هذا التسميع فقبل يا
 ادم هذا تسميع محمد العربي من حيث الاولين
 والاخرين المعيد من اطاعة وتبعة والشقى من
 خالفه فخذ يا ادم بعهدى ولا تودعه الا فى الاصلاب
 الطاهرة قال ادم سمعت واطعت وقبلت العهد
 والميثاق ولا اودعه الا فى الاصلاب الطاهرة من الرجال
 والارحام الزكية من النساء الطاهرات العفيفات
 الحافظات : فقال ادم يا رب لقد زدتنى بهذا
 المولود شرفاً وبهاء : قال و لم يزل نور النيق من
 فى غرة ادم كالشمس ودوران الفلك او كالقمر فى
 ليلة البدر فقد نارت منه السموات والارض والسراقات
 والعنق ————— رش &c.

*Cum vellet Deus creare Mahumetum Do-
 minum , & Principem Primorum , & No-
 uissimorum , praecepit Gabrieli pauoni Ange-
 P 2 lorum ,*

lorum, ut lutum sibi afferret. Descenditque Gabriel, & Angeli supremi ordinis; & portauerunt Thronum. Et acceperunt pugillum pulueris puri, & mundi ex loco, in quo sepeliendus erat Mahumetus. Ascenditque cum eo Gabriel, & lauit eum in fonte Salsabil, ita ut remaneret sicut margarita candida: & lauabat se in aliquo ex fontibus Paradisi, & ostendebat se Angelis; & eui-
brabat ex se splendores: & salutabant eam Angeli, cum honore, & veneratione. Et cum Gabriel circumferret eam per ordines Angelorum, ipsi illam aspicientes, dicebant: O Deus noster, & Domine, atque Here noster, si iubes, adorabimus eam. Et cognouerunt Angeli excellentiam eius antequam crearetur Adam. Cumque hic creatus fuisset, sensit in humeris suis strepitum velut garritum auium laudantium, & sanctificantium Deum. Dixitque Adam: O Domine mi, quenam est hac laudatio? cui respondit Deus: Hæc est laudatio Mahumeti Arabis, Domini Primorum, & Nouissimorum. Beatus qui obedierit ei, & secutus fuerit eum: & infelix, qui aduersatus fuerit

fuert ei. Accipe igitur ò Adam hoc, quod tibi concredo (nempe puluerem illum candidum) cum pacto, ne deposites illud, nisi in lumbis puris. Respondit Adam: Audiui, & obediam, & promitto, me obseruaturum pactum tuum, non depositandi hoc, nisi in lumbis puris virorum, & in uteris mundis mulierum castissimarum: tibi que gratias ago, quòd me hoc munere tam splendido, ac nobili fecundasti. Numquam igitur recessit lux Propheta Mahumeti à facie Adam, sed semper resplenduit in ea sicut Sol, aut circulus Firmamenti, vel Luna plena: itaut resplenderent ex ea Coelum, & Terra, & Thronus Dei, cum velaminibus ante ipsum oppansis. Pergit Fabulator: Cum Heua peperisset Seth, Gabriel posuit inter eam, & Diabolum velamen lucis adeo crassum, vt quingentorum annorum iter crassitudo illius occuparet; itaut non posset Diabolus intueri Seth, vsque ad ætatem septem annorum. Et cum vellet Adam eidem Seth legare pretiosum illud depositum lucis, obtinuit, vt id sibi liceret, facultatem à Deo: confectum.

que est de hoc Instrumentum coram testibus Michaelē, & Gabriele, & sexaginta millibus Angelorum, qui propterea ē Coelo descenderant in terram. Signavit Gabriel anulo suo scripturam, eamque tradidit ipsi Seth: statimque apparuit lux illa, quæ fuerat in vultu Adam, in facie eius, & radios suos vsque ad Coelum iaculabatur. A Seth translata est cum iisdem solemnitatibus ad Enos: & ab eo ad Cainan: & ita ab alio ad alium per propagationem generationis, vsque ad Hasem Mahumeti progenitorem, qui vultus sui luce loca omnia, in quibus erat, replebat: & quacumque transiret, nullus erat lapis, aut gleba, à quibus his verbis non salutaretur:

ايشرياً هاشم فانه سيظهر من ذريتك اكرم الخلق

على الله تعالى واشرف العالمين

Letare ò Hasem, quia apparebit ex generatione tua honoratissimus omnium creaturarum apud Deum Excelsum, & nobilissimus omnium saeculorum. Peruenit autem fa-

ma

ma eius ad Regem Æthiopiæ , & ad Imperatorem Romanorum : obtuleruntque ei filias suas in coniuges , vt lucem illam mirabilem hæreditario iure obtinerent . Cognouerant enim ex verbis monachorum , & Sacerdotum suorum , lucem illam esse Mahumeti Legati Dei . At verò recusauit hoc Hasem ; maluitque feminam ex gente sua , quæ Salma vocabatur , accipere . Iudæi autem intelligentes ex Pentateuchi oraculis Hasem esse illum , ex quo Mahumetus , qui ipsorum pernicies futurus esset , oriturus erat ; cædem illi moliti sunt , adiutore Diabolo ; sed cum magno eorum , & ipsius Diaboli malo illorum astus successit . Vbi verò Salma Hasemo nupsit , انتقل السور

الذى كان في وجه الى ملأ فزادت حملاً وجمالاً
... وشاع حسن ملأ الى جميع الافاق وكان اذا مشى
ينادى بها الثمر والمدرو لجر بالحمية والاكرام
وتسمع قايلاً يقول من يمينها السلام عليك يا

خيرة البهوان . فاذا نظرت بحجاب من نور قد ضرب
عليها من البيت الى السما وحسب الله عنها الشيطان
فولدت يومئذ شعبة وقامت من وقتها و ساعيتها :

*translata est lux, quae erat in facie eius ad il-
lam, & aucta est pulchritudine, & decore :
ita ut peruenerit fama pulchritudinis eius ad
omnes fines terrae. Cum ambularet, arbo-
res, & gleba, & lapides cum honore, & re-
uerentia salutabant illam dicentes : Pax su-
per te, o pulcherrima mulierum. Ecce autem
vidit velamen factum ex luce positum super
se, & pertingens usque ad Caelum, quo Deus
Satanam ab ipsa cohibuit : peperitque eadem
die Scioaibum : statimque à partu surrexit.
Refert deinde, quomodo lux illa tran-
sierit in Scioaibum, cuius vultum tripli-
ci inuolucro pater contexit, ne splendor
erumpens proderet illum Iudæis. Nec
tamen potuit eos latere : quamobrem
conati sunt puerum occidere : sed Deus
diuinitus illum ab eorum manibus libe-
rauit. Deum lux illa ad Abdallah
Ma-*

Mahumeti genitorem translata est, & ab eo in Amenam eiusdem Mahumeti matrem tanto cum splendore, ut palatia, ac turres Urbis illuminaret. Cum autem tempus natiuitatis Mahumeti peruenisset, misit Deus Gabrielem cum centum millibus Angelorum per omnes terrarum orbis regiones, quod vniuersis mortalibus aduentum illius annuntiaret.

Hæc lux tam magna, adeo manifestam facit vanitatem totius huius narrationis: ut nulla necessaria sint argumenta ad illam impudentissimi mendacij convincendam. Fieri ne potest, ut res tam noua, tam prodigiosa, tam admirabilis, ab Adam ad Mahumetum usque protracta, per spatium scilicet supra quinque millium annorum, & quam Æthiopum Reges, & Romanorum Imperatores, ac totus propè terrarum orbis rescivit, nullum à sacris, vel profanis Scriptoribus, nisi à Mahumetanis testimonium habuerit. Quis nisi amentissimus, ac stolidissimus credat in luce tam clara, quæ

quæ per tot sæcula, & ætates perseuerauit, homines omnes cæteros talpas fuisse, Mahumetanos solos lynceos oculos habuisse?

Quartò. Certissimæ fidei dogma est apud Moslemos, sub ortum Mahumeti Dæmones omnes ab orbibus Cælestibus, in quibus ad furtim audienda Angelorum, qui Diuinas reuelationes sibi mutuò communicabant, colloquia residebant, eiectiones fuisse à Deo flammis, seu exhalationibus illis, quas Meteorologi sydera discurrentia, seu volantia, vel stellas cadentes iuxta diuersos earumdem motus appellant: quæ tunc primùm apparere, viderique cæperunt. De huiusmodi prodigio fit mentio in ipso Alcorano, Sura 72. quæ inscribitur الجنّ *Genij* §. 8. vbi Dæmones ipsi ita loquentes inducuntur. وَأَنَا لِمَسَاكِينٍ فَجَدْنَاهَا مَلَكُوتَ

حَرَمًا شَدِيدًا وَشَغَبًا وَأَنَا كُنَّا نَقْعُدُ مَقَاعِدَ لِّلْمَصْبَعِ
عَمَّنْ يَسْتَمِعُ الْآنَ يَجِدْ لَهُ شَغَابًا رَّضَدًا.

Nos

Nos sanè tentauimus propius ad Coelum accedere . (Explicat Gelal. وَمِنَّا اسْتَرَاقُ
 الجمع منها : *cupientes furtim audire ex illis reuelationes Angelorum*) : sed inuenimus illud plenum custodia valida : (Gelal. من الملائكة
flammas) : *flammas* *scintillantibus* (Gelal. *بهموما محرقة وذلك لما*
stellis comburentibus : *hoc* *postquam missus est Propheta Mahumetus*) .
 Et nos quidem sedebamus in quibusdam sedibus (Gelal. *قبل مبعثه*
ante missionem eius) ut audiremus reuelationes Angelorum . Sed nunc, qui tentat accedere ad audiendum, reperit ibi flammam custodes : id est Angelos, qui euibrant in illum flammam .
 Et Sura 37. *الماقات* : *Ordinatrices* : ita fingitur Deus loqui : *أَنَا رَبُّنَا الْعَالَمِينَ*
 بِزِينَةِ الْكَوَاكِبِ وَحِفْظًا مِنْ كُلِّ شَيْطَانٍ مَارِدٍ لَا
 يَسْمَعُونَ إِلَى الْمَلَأِ الْأَعْمَى وَيُقَذَّبُونَ مِنْ كُلِّ جَانِبٍ
 دُحُورًا

دحوراً و لهم عذاب واصل الأمن خطى الخطفة فاتبعه
شهاب ثاقب

Nos certè Stellarum ornamento Cœlum hoc decorauimus, quod Terræ imminet; & custodiam apposuimus ad arcendum ab eo omnem Satanam rebellem, ne audire fas sit illi Principes sublimes: undique enim flammis appetuntur, & in pœnam perpetuam incurrunt: excepto quod semel unus ex ipsis furtim audiuit & raptim aliquid: sed statim infecutus est eum flamma penetrans. Fuit hic, iuxta Gelalem, omnium Dæmonum maximus. Addit Iahias filius Salam in expositione horum verborum, se audiuisse à quodam Abdalsamed, quod ipse audiisset à quodam Dæmone nomine Aburagia hæc verba: قبل ان يبعث

النبي ما نرى مجوماً يرمى فيبينما نحن ذات ليلة
إذا اليوم قد يرمى بها قلنا ما هذا ان هذا الامر
قد حدث فجاءنا ان النبي عم بع

Ante-

Antequam mitteretur Propheta Mahu-
metus , nos non videbamus stellas ullas
euibrari . Verum dum nocte quadam si-
mul essemus , ecce stella caperunt euibra-
ri . Tunc diximus : Quid est hoc ? cer-
te hæc res de nouo accidit , eodemque
tempore audiuius , iam missum fuisse
Prophetam Mahumetum . Addit Albo-
charius part. 6. Dæmonem quemdam
dixisse Zarkæ Reginae Arabiæ Felicis ,
quæ erat famosissima præstigiatrix :

لقد كنا نصعد الى السموات السبع ونسترق السمع الى
ان بعث المسيح ابن مريم فطردنا من اربع سموات
فلما كان في هذه الايام طردنا من السموات كلها وصعدنا
مناديا ينادى في السموات العلى ان الله عز وجل
يريد ان يظهر رسوله وحبيبه ليكسر الاصنام
و يظهر عبادة الرحمن .

Olim nos per septem Coelos omnes ascende-
bamus : & furtim audiebamus diuinas re-
uelationes , donec missus est Christus filius
Ma-

Maria: tunc verò è quatuor Cœlis eiecti sumus. Verùm his diebus ex omnibus Cœlis expulsi sumus: vocemque ex altissimo Cœlo hanc audiuius: Deus Potens, & Gloriosus vult manifestare Legatum suum, & Dilectum suum, vt confringat Idola, & Misericordie cultum edoceat.

Mira est crassities, & hebetudo Mahumeti, & Mahumetanorum, dum credunt, Angelos vnus Cœli superioris cōmunicare, seu reuelare Diuina mandata Angelis Cœli inferioris per voces corporeas, quas Demones in iisdem Cœlis latitantes furtim possint audire. Vt enim Angeli sunt substantiæ spirituales, ita spiritualiter operantur, & inter se loquuntur non per voces externas, sed per actus voluntatis, & intellectus. Vt verò concedamus Mahumetanis id, quod ipsi putant, Angelos aliquam tenuissimam ex igne corporeitatem habere, ac propterea materialibus vocibus vti: cum ab vno Cœlo ad aliud infinita sit quodāmodo distantia, vix credi potest, vocem Angeli superioris Cœli ad Angelum inferiorio-

ferioris posse peruenire ; nisi fortè ille ad hunc descendat, propiusque illum in aurem alloquatur, quo pacto Dæmones remotiores non possent eorum voces audire. Verùm quidquid sit de hoc : quis risum teneat, dum audit, exhalationes illas, quas per aerem sæpè discurrere videmus, & sydera volantia, vel stellas cadentes appellamus, tunc primum apparere cæpisse, cum Mahumetus aduenit : & tunc à Deo creatas fuisse, vt iisdem Angeli Dæmonas inuaderent, atque ex ordinibus Cælestibus, in quibus residebant, exturbarent. Ahmedus filius Abdal-halimi in sua apologia pagina mihi 353. ad asserendam figmenti huius veritatem, ita paralogizat. Mahumetus legebat hæc, quæ in Alcorano continentur, coram multis hominibus, nullusque ea negabat, nec in controuersiam vocabat. Quod si antea vidissent sydera illa per Cælum discurrere, manifesti mendacij conuincere illum potuissent ; & id tantò libentius fecissent, quantò illi infensiores erant, eumque vt falsum Prophetam

phetam existimabant. Sed facile respondetur, vel falsum esse, quod Mahumetus hæc legeret Meccanis, vel alijs : vel hinc argui posse, quam crassi, & rudes essent illi, quibus hæc legebat, qui tamen fortasse ob timorem non audebant Mahumeto contradicere in ijs, quæ manifestè falsa esse cognoscebant. Cæterum quòd flammæ illæ volantes, tam ante Mahumetum, quàm post Mahumetum semper eodem modo in aëre apparuerint, certissimum est apud omnes mortales : nec nisi stultissimus, & ignarissimus potest de hoc dubitare. Quamobrem Virgilius lib. 1. Georgicon cecinit :

*Sapè etiam stellas, vento impendente,
videbis*

Precipites Calo labi, noctisque per umbras

Flammarum longos à tergo albescere tractus.

Et Aristoteles Meteor. lib. 1. cap. 4. & 5. fusè differit de huiusmodi stellis volantibus, tamquam de re frequenti, communi,

muni, & omnibus nota. Neque Ahmedus ipse ausus est negare, etiam ante Mahumeti aduentum visas fuisse huiusmodi exhalationes: ita enim scribit: وقد ظن

بعض الناس ان الشهب لم يكن يرمى بها قبل ذلك الحال. والصواب انه كان الرمي بها كما هو

الان احياناً كما ثبت في هيج معلوم.

Porro opinati sunt nonnulli, has flammæ nunquam ante hoc tempus visas fuisse. Sed verius est, antea etiam aliquando apparuisse, eo modo, quo nunc videmus: quemadmodum asseritur in Sahibo Moslemi.

Certissimum est præterea, flammæ prædictas in orbibus cælestibus non gigni, quemadmodum Ahmedus ipse fatetur: sed in secunda aëris regione, remotissimè ab infimo Cælo, ad quod certum est, eas non posse pertingere: immò plerumque non sursum, sed obliquè, & in transversum mouentur; & aliquando etiam deorsum feruntur, vt asserit Aristoteles loco citato his verbis: *Aut in*

Q subli-

sublime fertur, vel ad latus: sed ferè ad latus, quod duobus motibus, vi deorsum, natura sursum feratur: omnia enim talia per diametrum ferri solent. Itaque Stellarum, quæ traïciuntur, motus, inflexus & obliquus ferè existit. Quomodo ergo sine risu audiri potest hæc meteora inuehi sursum ad feriendos, ac depellendos Dæmonas, qui in orbibus cælestibus, & ab aëre, & inter se longissimè dissitis resident, ne Angelorum colloquia possint audire. Huc accedit flammam illam, ut pote corpoream nullam actionem habere posse in Dæmonas, qui sunt substantiæ spirituales. Quod si etiam corporeitatem aliquam cum Moslemis illis tribueremus, cum tamen exhalatio illa sit tenuissima, statimque evanescat, non videtur aliquam vim habere posse ad illos comburendos, quemadmodum falso existimauit celeberrimus inter Moslemos Ebn-abbas, qui ut refert Iahias in expositione Suræ 37. Alcorani dixit Auditoribus suis: اذا رأيتم الكوكب قد

رمى

رمى به فتورى فانه يحرق ما اصاب ولا يقتل

Cum videritis stellas in Cælo euibrari, statimque evanescere : scitote, eas solum comburere eum, quem feriunt, non tamen occidere.

Puto hoc totum figmentum inde ortū habuisse, quòd Deus, vt habetur in Genesi cap. 3. eiectis è Paradiso Protoplastis, collocauerit ad ingressum illius Cherubim, cum gladio flammeo, atque versatili, ad custodiendam viam ligni Vitæ. Putant enim Mahumetani, Paradisum non in terra, sed in Cælo fuisse.

Quintò. Albocharius in libro de Splendoribus: Author lib. de signis directionis, & alij Moslemi, qui de Mahumeti rebus scripsere, referunt duo de eodem Mahumeto vaticinia, seu testimonia. Alterum Satihi Principis Gofani in Syria: alterum Zarkæ Reginae Iemmanis, seu Arabiae Fælicis. Tam verò ille, quam hæc, diuinandi atque ariolandi arte excellebat, præstigiisque ad hoc dæmoniacis utebatur. De Satiho,

Q 2 qui

qui vero nomine Rabia filius Mazen dicebatur, ita scribit Albocharius : فاما مطيع فان الله سبحانه خلقه قطعة لحم بلا عصب ولا عظم ولا عصب سوى جمجمة وكان يطوى كما الثوب من امقليه الى التراقى ثم ينشر بالنهار كما ينشر الثوب ثم يطوى بالليل و يجعل على وضئه كما يجعل اللحم على وضئ القصاب . لا ينام الليسل الا يميرا يقلبه طرفه الى السماء وينظر الى النجوم الزاهرات والافلاك الدائرات والبروق اللامعات يجعل على وضئه الى الامصار ويرفع الى الملوك وفواحي الاقطار يسئلونه عن غوامض الاحبار

Perro hunc Satibum creauerat Deus gloriosus unum frustum carnis, sine fistulis, sine ossibus, & sine neruis, excepto cranio. Et plicabatur veluti vestis, ab imo usque ad clauiculas gutturis. Deinde explicabatur, atque extendebatur in die, sicut explicatur vestis

vestis . Deinde iterum plicabatur noctu , & ponebatur super stoream suam , sicut ponitur caro super stoream lanionis . Non dormiebat noctu , nisi parum , conuerso semper obtutu ad Calum , ut inspiceret splendorem stellarum , & reuolutionem orbium Cælestium , & fulgetra micantia . Portabatur super stoream suam per varias regiones ad Reges , usque ad extremas partes terra : & interrogabant eum de rebus occultis , maximeque reconditis . Pergit Mythologus referre , quomodo nocte quadam Satihus magnam stellarum agitationem cum flammis fumoque præter morem aspexerit ; tandemque stellas omnes cadere , obscurarique viderit . Intellexit hoc signum esse aduentus Mahumeti . Verùm cum aliquantulum hæreret , scripsit ad Zarkam Reginam Iemanis in præstigijs ac magijs peritissimam , quæ huiusmodi artibus Arabiæ Felicis Regnum occupaue-
rat . De hac ita scribit Author (libet enim quædam magis ἀπὸ δαῖτα , Authorum Moslemorum verbis ipsis afferre , ne quis fortè à me conficta fuisse suspi-

وكانت حادة النظر بعيدة الحضر تنظر : (cetur)

من معيرة ثلاثة ايام كما ينظر الانسان الذي بين

. يد . *Erat acutissima visu , quamvis*

longe presentia distaret : itaut res spatio itineris trium dierum remotas , tamquam praesentes intueretur . Respondit igitur Satio

ho , omnia illa , quæ viderat , vera ac certa esse aduentus Mahumeti praesagia .

Tunc ille sese ad Meccam , vbi Mahumetus proditurus erat , deferendum curavit : vbi cum Abutalleb Mahumeti

patrum , & Abd-allah eiusdem Mahumeti patrem reperisset , plura illis de eo praedixit , atque his verbis omnia con-

clufit : اهد في التوراة والانجيل معروف : اسمه في

الهاء احمد وفي الارض محمد وفي الجنة ابو القاسم .

Nomen eius notum est in Pentateucho , & Evangelio . In Celo nomen eius est Ahmad ;

in terra Mohammad ; in Paradiso Abul-

Çafem . Postea multa vaticinatus est de

*Aly , qui Mahumeti gener futurus erat :
inter*

inter quæ , hæc notatu digna sunt :

يكون لمحمد وزيراً و يدعى بعد موته اميراً و اسمه

في التوراة برياً و في الانجيل اديا و عند قومه علياً.

Erit Mahumeto Confilierius ; & vocabitur post mortem eius summus Imperator .

Nomen eius in Pentateucho est Bary (i. Purus) : in Euangelio Addy (i. Victor) : sed

à gente sua vocabitur Aly (i. Excelsus) : deinde præcepit Satihus , vt. matres omnes

ad se adducerentur , inter quas Mahumeti matrem digito voceque com-

monstrauit ; habebat enim familiarem Dæmonem ex ijs , qui eo tempore in or-

bibus cælestibus residebant , diuinasque reuelationes furtiuis auribus excipiebāt :

atque hic eidem vniuersa reuelabat . Mox Zarka quoque Regina Meccam

aduenit , & ea , quæ Satihus de Mahumeto & Aly prædixerat , confirmauit :

tentauique Mahumeti matrem per Tacannam eius famulam occidere . Verum cum Tacanna facinus aggrederetur , su-

bita morte extincta est : quamobrem

Zarka spe sua frustrata aufugit . Sati-
 hus quoque in Syriam regressus est , ibi-
 que vsque ad Mahumeti mortem mo-
 ram fecit . Eodem tempore Simulacra
 omnia Idolorum prono ore in terram ce-
 ciderunt . Decreuit aqua lacus Sabah ,
 & exundauit Torrens Samauah . Per-
 sarum ignes sacri extincti sunt , & Co-
 froæ Regia per medium disrupta est , &
 quatuor illius turres corruere . Quibus
 monstris perterritus Cosroes , Authore
 Muabedano , seu Summo Sacrorum
 Principe , misit ad Noamanum filium
 Mondari (erat hic Rex Arabum , &
 Christianus) vt eum de his , quæ eucne-
 rant, interrogaret . Noamanus verò mi-
 sit ad Cosroen Abdalmesihum nepo-
 tem Satihi , qui ab auunculo suo instru-
 ctus , significauit Cosroæ , prodigia illa ,
 quæ eucenerant , nihil aliud , quam noui
 Prophetæ, Mahumeti scilicet, aduentum
 significare .

Gratulamur Moslemis , Magos , ac
 Præstigiatores Prophetam ipsorum præ-
 nuncios habuisse : neque tamen huius-
 modi

modi nugas, ac fabulas illis probamus. Detrahunt enim omnibus fidem portentosa illa Satihi figura, & prodigiosum illud Zarkæ oculorum acumen: multoque magis impudentissimum vtriusque mendacium, quo nomina Mahumeti, & Aly, in Pentateucho, & Euangelio reperiri asseruerunt.

Sextò. Author libri de Signis directionis cap. 2. affert, id quod tradidit Aly filius Ebrahim filij Hasem, qui id audierat à patre suo, & ipse à patruo suo acceperat: fuisse scilicet in Mecca Iudæum quedam nomine Ioseph, qui ea nocte, qua natus est Mahumetus, vidit stellas agitari, ac sese mutuò collidere. Quo viso dixit: هذا نبي قد ولد في

هذه الليلة لانا محمد في كتيبنا اتى اذا ولد اخر
الانبياء رخص الشياطين وحبوا من المسلمين

Hic est Propheta, qui natus est hac nocte. Nos enim inuenimus in libris nostris, quod cum ortus fuerit ultimus Prophetarum, lapida-

pidabuntur Dæmones, & arcebuntur ab aspectu Cæli. Mane autem facto curauit ostendi sibi puerum ea nocte natum: cuiusque oculos attentè contemplatus, humeros illius detexit, viditque inter eos signum quoddam obscurum veluti næuum pilis obsitum. Id cum vidisset, statim velut exanimatus corruit, quod Meccani cernentes, cachinnari ceperunt. At Ioseph seueriori vultu indutus dixit illis:

أَتَحْكُمُونَ يَا مَعْشَرَ قُرَيْشٍ. هَذَا نَبِيُّ الْحَقِّ لِيُبَيِّنَ لَكُمْ

وَذَعَبَتِ النُّبُوَّةَ عَلَى بَنِي إِسْرَءِيلَ آخِرَ لَابَدٍ

Ridetisne o Coraisitæ? hic est Propheta gladij, qui vos dispersurus, atque ad extremam perniciem adaçturus est. Iam discessit prophetia à filijs Israël: & hic procul dubio est vltimus Prophetarum. Illi autem diuissim discessere.

Non est, quod multum laboremus in huius narrationis falsitate demonstranda. Satis enim est, si vniuersi, qui in orbe terrarum sunt Iudæi interrogentur, vtrum in libris suis, præsertim Sacris

cris

cris (nam hi soli intelliguntur in Alcorano nomine librorum) habeant hodie , vel vnquam antea habuerint huiusmodi prædictiones : & vtrum putent , prophetiam defecisse ab ipsis , quando natus est Mahumetus , an verò sexcentis ferè annis antea , quando scilicet natus est Christus . Nihil dico de figmento expulsiōnis Dæmonum ab orbibus cælestibus : satis enim supra de eo dictum est .

Septimò . Idem Author cum alijs , refert testimonium cuiusdam Salmanis Persæ , qui varias regiones circuiuit , pluresque sapientes consuluit

ينتظر قيام سيد الاولين و الاخرين محمد ص اربعماية سنه

expectans aduentū Mahumeti Domini Primorum, & Nouissimorum per spatium quadringentorum annorum. Cum autem à Monacho Christiano audisset illum in Mecca esse oriturum , & à quibusdam Iudæis iam ortum esse cognouisset ; profectus est ad eum , obtulitque ei calathum dactylis plenum : deinde , inquit Author :

دار

دار خلفه فالقى رسول الله عن كتفه الازار فنظروا
ملان الى خاتم النبوة والشامة فاقبل يقبلها
فلم *circuivit post tergum eius : reie-*
citque Mahumetus ab humeris suis vestem ,
qua erat indutus : & vidit Salman sigillum
prophetiae , quod erat nauius niger : & acce-
dens osculatus est illud , & amplexus est se-
ctam illius .

Mendacium hoc, non veram histo-
riam esse, dubitari non potest. Si enim
pro fabula omnes habent; Nestorem tre-
centos annos vixisse: quanto magis fa-
bulosum censendum erit, quod Salman
quadringentos vitæ annos expleuerit ea
in ætate, qua hominum vita nonnisi ra-
rò seculum ynum paucis annis excede-
bat?

Octauò. Scribit idem Author, Tob-
bam Regem Arabiæ Fælicis prædixisse
Mahumeti aduentum his verbis : *مخرج*
من مكة يعنى مكي مهاجرة الى يثرب .

Egre-

Egredieretur ab hac Vrbe, nempe Mecca, Propheta, qui emigrabit in Iathreb, seu Medinam. Et addit, Tobbam hunc misisse plures suæ gentis, vt habitarent cum Iudæis in Medina, quò Mahumetum adiuuarent, quando illuc esset emigraturus: & præterea dixisse: شهدت على أحمد أنه رسول من الله باري النسم. فلو مد عمره لكنت وزيراً له وابن عم. و كنت عذاباً على المشركين و اقيقهم كما من خوف و غيـم.

Testificor de Ahmad (idest Mahumeto), quod ipse erit Legatus Dei Creatoris Spirituum. Quod si extendatur vita mea ad ætatem illius: ero sane Consiliarius, & tamquam nepos illius; & afficiam penis Idololatrias: & potabo eos calice timoris, & afflictionis.

Reges omnes Arabiæ Felicis censebantur nomine تبع Tobba. Quamobrem adducitur hic pro teste indiuiduum vagum, quod nullam fidem facere potest.

Ego

Ego tamen suspicor, hic innui ab Authore Abucarbum, Afaedum, qui appellatus fuit Tobba Iustus, fuitque trigessimus secundus Rex Arabiæ Fælicis. Et amplexus est cum gente sua Iudaismum. Verum si hic prophetico spiritu pollebat, vel aliquid nouerat de eo, quod ex libris suis finguntur nouisse Iudæi: nempe Mahumetum fore pestem, ac perniciem Iudæorum, eosque omnes ex Arabia igni, ferroque exterminaturum; neque debuit Iudaismum amplecti, neque suis præcipere, vt Medinam emigrantes, cum Iudæis commercium inirent.

Nonò, Refert Abu-bacar Ahmedus filius Alhasanis Bihakiensis in libro de Demonstrationibus prophetiæ: biennio post Mahumetum natum, Saiphum filium Du-iazenis, Regem Æthiopiæ dixisse Abdal-motallebo auo Mahumeti,

qui ipsum inuiferat : اذا ولد بتهامة غلام

بين كتفيه شامة كانت له الامامة و لكم به

الرعاة

الزعمية الى يوم القيامة . هذا حينه الذي ولد فيه
اسمه محمد بنوت ابوه و امه ويكفله جده و عمه
وقه ولد سرارا و الله باعته جهارا و جعل له منا
انصارا . وانك يا عبه المطلب لجده بغير الكذب .

فاني اجد في الكتاب الناطق والعلم المايق ان
الشرط دار ملكه فيها امتحام امره وموضع قبره

*Cum nascetur in Mecca puer, inter cuius
scapulas sit nauus niger : hic rerum impe-
rium obtinebit : & vos per eum principatum
obtinebitis usque ad diem Resurrectionis .
Hic est punctus temporis , in quo natus est .
Nomen eius erit Mohammas . morietur pater
eius , & mater eius : & in tutelam suscipiet
eum auus eius , & patruus eius . Natus
est occultè ; sed Deus mittet eum manifestè ,
& dabit ei ex nobis adiutores . Et tu quidem
ò Abdalmotallebe , es procul dubio auus eius .
Ego verò inuenio in libro loquente , & in
scientia precedente , quod Medina erit sedes
Regni eius : in ea erit firmamentum imperij
eius ,*

eius, & locus sepultura eius. Hoc ubi audisset Abdalmotallebus, confessus est Regi id, quod iam euenerat domi suæ circa Mahumeti natiuitatem. Rex verò confirmauit ei, hunc esse puerum illum, de quo locutus fuerat: monuitque, vt eum à Iudæis custodiret, quippe hostes illius infensissimi futuri erant.

Dubitari non potest, hæc omnia fictitia esse, & chimerica. Primò enim dixerat Saiphus, se ea, quæ Abdalmotallebo manifestabat, inuenisse, في الكتاب المكنون و العلم المحزون الذي اخترناه لانفسنا
واخبرناه دون غيرنا

in libro occulto, & in scientia recondita, quam elegerant sibi, & alijs manifestarent: deinde vocat librum illum الناطق loquentem: & scientiam illam السابق præcedentem. Porro liber loquens non potest esse occultus: & scientia præcedens, non potest esse abscondita. Omitto alias ineptias, in quibus refutandis frustra tempus, & operam insumerem.

Deci-

Decimò. Celeberrimum, ac vulgatiſſimum eſt apud Scriptores Moſlemos, atque etiam apud Chriſtianos Authores non ignotum id, quod euenit inter Mahumetum, & Bahiram Monachum Chriſtianum (quamuis Abulhoſeinus Ahmedus filius Fareſi aſſerat fuiſſe Iudæum) in Syria, quò Mahumetus adhuc duodénis, vel, vt alij ſcribunt, viginti quinque annos natus profectus erat cum mercatoribus Meccanis. Hanc hiftoriam, ſeu verius fabulam his verbis à me fideliter ex Arabico tranſlatis refert Albacarius in lib. *الانوار de Splendoribus* : *Peruenerunt* (Meccani mercatores cum Mahumeto) ad locum, in quò cænobium erat Monachis refertum, inter quos vnus erat, à cuius ſententia, & imperio cæteri in rebus ſuis dependebant. Hic, Felix vocabatur, filius Ionæ filij Abdalſalibi; cognomen autem eius erat Bahiras. Iam legerat libros Prophetarum, habebatque apud ſe librum Teſtamenti Ieſu filij Mariæ, in quo erant epitheta Prophetæ Mahumeti. Quando verò Monachis Euangelium legebat, & ad huiusmodi

R epi-

epitheta perueniebat, aiebat cum fletu :
O filij mei, quando nam annunciabitis
mihi aduentum Fausti Prædicatoris,
quem Deus mittet à Mecca, gloria coro-
natum, nube adumbratum, qui orabit
pro transgressoribus in die Resurrectio-
nis? Diu in hoc Monachus perseueravit:
quamobrem cæteri Monachi dixerunt
ei: O Pater noster iam te fletibus ac me-
rore enecasti causa huius, quem tu com-
memoras: & fortasse prope est iam tem-
pus aduentus eius. Respondit ille: Ita
sanè: iam enim in Templo, quod Abra-
ham construxit, apparuit: & Religio
eius apud Deum est Esslam. Verum quan-
donam annunciabitis mihi profectionem
eius à regione Meccæ, cum super eum nu-
bes umbram effundet? Tunc cæpit ita
canere: Si posset oculus meus pulcritu-
dinē amoris mei intueri: dilargirer ho-
minibus quidquid possidet manus mea,
& quidquid possidet Spiritus meus; diui-
tias, & omnia alia bona mea: & hoc to-
tum parum esset præ amore meo in Ah-
medum. Oraui Deum meum, vt con-
cedat

cedat mihi propinquitatem eius, & vt coniungat me cum propheta Mahumeto. Nec cessabat Monachus, quoties Dilecti mentionem faceret, gemitus ac fletus multiplicare; quamobrem caligauerunt oculi eius, & creuit sollicitudo, & anxietas de illo. Haud multò post prospexerunt è fenestris quidam Monachi; iamque coruscabant lumina è fronte Electi (Mahumeti), & mercatorum caterua veniebat e regione Deserti; & lux splendebat, & in sublime eleuabatur. Præcedebat cateruam Dominus gentium (Mahumetus), super cuius caput nubes umbram effundebat. Id cum Monachi animaduertissent, dixerunt Bahiræ: O pater noster, iam appropinquat mercatorum caterua adueniens è Mecca. At ille: O filij mei, inquit, & quoties hæc aduenit? defecerunt iam oculi mei. Illi verò dixerunt: Nos lucem intuemur, quæ sese in altum extollit. Lucemne, inquit ille, intuemini? Iam discessit infelicitas, & cessauit calamitas. Deinde extulit caput in Cæ-

lum, & ait : Deus meus, nihil mihi prodest hic Dilectus, in quo tantum creuit sollicitudo mea, nisi mihi oculorum lucem restituas. Vix ita loquutus fuerat, cum Deus illi visum restituit. Deinde dixit : O filij mei, si hic est Propheta, qui cum hac mercatorum caterua mittendus erat, affidebit sub arbore illa, quem videtis : & arbor reuifcet, & proferet fructum. Et iam quidem refedit sub illa magnus Prophetarum numerus : & à tempore Iesu filij Mariæ arefacta est, nec vnquam amplius reuifcit. Et ex hoc puteo, in quo ex longo iam tempore aqua non fuit, emanabit nunc aqua, & ipse bibet ex ea. Haud multo post peruenit caterua mercatorum, & constitit circa Monasterium, ibique sarcinas camelorum deposuit. Mahumetus, utpote solitudinis amans, sub illam arborem sese recepit, quæ statim reuifcit, ac fructus produxit. Deinde ad puteum perrexit : cumque in illum expuiffet, aquæ copiosissimæ inde emanauere. Id cum Bahiras vidiffet, dixit cæteris monachis

nachis : Hic est, filij mei, ille, quem desiderabam. Properate, parate conuiuium, quantum fieri possit opiparum, vt honoremur per Dominum filiorum Hase mi: ipse enim est Dominus omnium hominum, & Dæmonum: & ab eo priuilegium pro omnibus Monachis obtinebimus. Pergit fabulator referre, quomodo Monachi lautissimum conuiuium parauere: deinde Bahiræ iussu, cateruæ mercatoriæ principem inuitauere. Mens autem Bahiræ erat vt Mahumetum inuitarent. Sed cum Monachi Abugehelum omnibus corpore præstantiorem, & speciosiore vidissent, illum inuitauere. Abugehelus ob hoc tumefactus, Mahumetum ad custodiam sarcinarum reliquit, ipse verò cum cæteris ad cænobium, & conuiuium cum fastu præcedens perrexit. Vbi verò accubuerunt, vescique cæperunt, Bahiras librum manu tenens, partim in illum, partim in conuiuas oculos defigebat. Sed cum singulos attentius obseruaret, nullum adesse videbat, cui ea quæ in libro scripta erant,

congruerent. Quamobrem conuiuas interrogauit, vtrum aliquis ex eorum ceterua abesset. Respondit Abugehelus, remansisse puerum quemdam ad custodiendas sarcinas quarundam mulierum Meccanarum. Tunc indignatus Hamza qui simul discumbebat, quod Abugehelus tam abiectione de Mahumeto loqueretur, parum abfuit, quin illum occideret. Deinde rogauit Bahiram, vt ipsi librum illum, quem manibus tenebat, ostenderet, & ea quæ in eo continebantur exponeret. Respondit Bahiras: In hoc libro sunt hæc, & hæc epitheta cuiusdam Prophetæ Dei. His auditis, dixit Abbasus, qui etiam erat inter conuiuas, Bahiræ: O Monache, si eum videres, agnosceres ne illum? Vtique, inquit Bahiras. Tunc Abbasus: Perge sub illam arborem, ibi enim est ille, cui hæc epitheta conueniunt. Egressus itaque cænobio Bahiras, cucurrit eò, vbi erat Mahumetus; qui videns eum venientem, tetendit in occursum eius; humiliterque eum salutauit dicens: Fauste adueneris.

ò Fe-

ò Felix. Respondit ille : Salve ò Pater puerorum . Et Mahumetus : Tu quoque salve ò Magister Monachorum , qui admonitus es à Deo de missione mea in nouissimis temporibus ad res mirabiles patrandas . Tunc Bahiras pronus procidit in terram , & cæpit exosculari pedes eius , & supplex precatus est , vt veniret ad cõuiuium . Ille verò se excusauit , eo quod reliçius esset ad custodiam sarcinarum . Sed cum Bahiras se vadem pro sarcinis obtulisset , profectus est cum eo ad conuiuium . Habebat autem cænobium duas portas : alteram angustam , alteram ampliore . Intra angustam sacellum viscebatur , in quo erant imagines quædam depictæ , & simulacra sculpta . Cumque aliquis per portam ingrederetur flectebat caput , vt figuras illas adoraret . Per hanc portam introduxit Bahiras Mahumetum : sed volente Deo , columnæ illius longiores factæ sunt , & porta ipsa latior , & amplior apparuit : & per eam intrauit Mahumetus erecto corpore , nec sese vel tantillum inflexit . Vbi ve-

rò ad conuiuij locum peruenit, omnes honoris ergò illi assurrexere, & in medio ipsorum sublimiori in sede collocauerunt. Bahiras verò, circumstantibus Monachis, constitit ante eum. Hic verò misit Deus Gabrielem, qui vestimenta à dorso Mahumeti eleuans, scapulas eius denudauit, itaut inter illas apparuerit sigillum prophetiæ, ex quo clarissima lux emicabat. Id cernens Bahiras, timore correptus, procidit in terram, illudque adorauit. Deinde eleuato capite dixit ei: Tu es, tu es verè expectatus. Postea redeuntibus reliquis ad sarcinas, soli remansere Bahiras, Mahumetus, & seruus Chadigæ, nomine Meisera. Dixitque Bahiras Mahumeto: Gaudere Domine mi, nam Deus humiliabit tibi ceruices hominum, & omnes regiones obtinebis: & super te descendet Alcoranus, & iudicio tuo omnes subijcientur. Cumque alia plura illi prædixisset, addidit: Rogo te, Domine mi, vt mihi eleemosinæ loco priuilegium concedas pro vniuersis Monachis, quo imperes, ne tua
gens

gens eo tempore accipiat ab eis tributum. Id libenter concessit Mahumetus Bahiræ, qui deinde dixit seruo Chadigæ : O Meifera, salutem plurimam impertire Dominæ tuæ, & certiolem fac eam, quod ipsa acquisiuit gratiam Domini omnium creaturarum : & tandem præcepit ei, vt caucret Mahumeto à Iudæis hostibus eius, dum moram traheret in Syria, donec in Meccam reuerteretur.

Hoc ferè totum refert Mohammedus filius Isaac filij Iaser : sed asserit contigisse anno ætatis Mahumeti duodecimo, cum duxit eum secum Abutallebus patruus eius in Syriam. Eiusdem sententiæ est Aly filius Hoseini Mafaudienfis, qui etiam addit, Bahiram in libris Christianorum Sergium appellari. Gennabius celebris inter Mahumetanos Author, scribit, non solum Bahiram, sed etiam duos alios Monachos, quorum alter

نسطور Nestorius : alter عداى Addas appellabatur, Mahumeto testimonium perhibuisse. Mafaudius etiam, pro Bahira
ponit

ponit Nestorium, fortasse, quia, ut scribit Georgius Monachus Arabs, fuit Nestorianus, & errores suos Mahumetum, adhuc idololatram edocuit. Quidam volūt diuersam fuisse profectionem Mahumeti duodennis, vel, iuxta Gregorium Abulpharegum, nouennis in Syriam cum Abutaleb patruo suo: & cum in eandem venit iam viginti quinque annos natus cum Meisera ad negotia Chaldigæ curanda. Abunazar in vnam confundit vtramque profectionem, vel facit vnam tantum, in qua hoc euenisse narrat. Die quadam egressus Mahumetus, cum Abubacro, & Meisera, perrexit, ut videret festiuam quamdam Iudeorum Panegyrim. Et ingressus Synagogam, conuertit oculos ad lampadas quasdam catenis appensas, & statim catenæ omnes disruptæ sunt. Propterea timore correpti Iudæi, dixerunt Sapientibus suis: Quodnam est hoc signum? at illi responderūt: أنا وجدنا في التوراة انه ياتي في اخر الزمان نبي

اسمه محمد وانه اذا حضر في عيد اليهود يظهر في هذه
العلل

العلامة فلعله قد حضر اليوم فاطلبوه فقالوا

Nos inuenimus in Pentateucho, quod veniet in ultimis temporibus quidam propheta, nomine Mahumetus, qui cum intererit festiuitati Iudeorum, manifestabitur per hoc signum: & forte hic adest hodie: quamobrem perquirite eum. At illi dixerunt: Si inuenerimus eum, profecto occidemus eum.

Sunt ex Nostris, qui negent, vel in dubium reuocent hanc profectionem Mahumeri in Syriam; inter quos est Erpenius Orat. de lingua Arabica: credo quia tantam Mahumetanorum Scriptorum varietatem, & inconstantiam in ea referenda inuenerunt: ego verò neque illam negare ausim: neque renuerim credere, fuisse Bahiram illum Monachum Nestorianum, & cum Mahumeto commercium habuisse; vel aliquid vtrique commune fuisse. Non tamen puto, illum esse eundem ac Sergium Monachum, quemadmodum censet Ismaël filius Aly: quamuis & hic magnus Mahumeti

humeti adiutor fuisse communiter existimetur . Et licet is grauissimorum Authorum ferat opinio, Bahiram, Nestorianum, vel Iacobitam fuisse; & vna cum Sergio, alijsque scelestis Sycophantibus partim Iudæis, partim Christianis, & præsertim Arianis, teste Sancto Ioanne Damasceno, in Alcorano confarcimando Mahumeto adiutorem fuisse: nihil tamen vetat, quin Sanctus aliquis Monachus (quicumque tandem ille fuerit) futuri Imperij magnitudinem, & victoriarum felicitatem Mahumeto per prophetiæ spiritum prædixerit: quem admodum Ieroboamo homini impijsimo Israëliticum Regnum prædixit Propheta Dei Abias Silonites lib. 3. Reg. cap. 12. atque illud pro Monachis priuilegium vere obtinuerit, sicut ab eodem Mahumeto Monachi Sanctæ Catharinæ Montis Synai obtinuisse feruntur, ex quibus vnus Imperium illi, & futuram magnitudinem dicitur prædixisse: & fortasse fuit Monasterium illud Bahiræ hoc ipsum Sanctæ Catharinæ. Hoc, vt puto,

to,

to, dedit anſam toti fabulæ hæcenus expoſitæ circa Mahumetum, & Bahiram. Illud nimirum uſu venit, ut ſupra rei allicuius veræ fundamentum plurima figmenta, & mendacia conſtruantur. Porro quando in hac hiſtoria nihil aliud eſſet, quod eam fabuloſam, & mendacijs plenam probaret: ſatis eſſet illud, quod tam fidenter aſſeritur, eſſe in Pentateucho, & Euangelio epitheta illa, & oracula, quæ de Mahumeto referuntur, & præſertim hæc, quæ in Euangelio legit Hamze Bahiras : هذا سفر فيه صفة النبي ص :

لا بالطويل شامق ولا بالقصير لاصق معتدل القامة
بين كفتيه علامة تظله الغمامه يبعث من تهامة
شفيع العصاة يوم القيامة

In hoc libro ſunt epitheta propheta à Deo benediſti : Statura eius neque iuſto altior, neque humilior erit : ſed habebit omnimodam proportionem. Signum inter humeros habebit : obumbrabit eum nubes : mittetur ab Vrbe Mecca : intercedet pro tranſgreſſoribus
in

in die Resurrectionis. Hæccine sunt, vel fuere vnquam in Euangelio? Et quis fidem vllam habeat tam impudenter mentienti?

Vndecimò. Refert idem Albacarius, Sacerdotem quemdam Iudæorum, dum cum Chadige, quæ erat inter Meccanas nobilissima; & in ætatis flore maritum amiserat, familiariter versaretur, Mahumetum adhuc adolescentem, qui fortè inde transibat, aduocasse, eiq; dixisse:

يا فتى اكشف لى عن بطنك : *O adolescens, denuda mihi turpus tuum.* Quod cum il-

le fecisset, رأى الخبر خاتم النبوة قد دلش لذلك, *vidit Sacerdos sigillum prophetiæ, & attonitus hæsit.* Cum autem videret Chadige id, quod Sacerdos faciebat, dixit ei: Si viderit te patruus eius ita illum contrectantem, magnum procul dubio malum reportabis: sedulo enim illum à Iudæis tuetur. Verùm Sacerdos sanctè iurauit Chadigæ, nullum Mahumeto posse nocere: esse enim Prophetam illum, qui in nouissimo tempore mittendus e-

rat:

rat: & beatam fore fæminam illam, omniumque fœminarum fæliciffimam, quam ille fibi coniugio copulaffet. Hæc Sacerdotis verba magnum amoris incendium in Chadige erga Mahumetum excitauere: cumque is difceffiffet, multa circa eum curiofius à Sacerdote perquirebat. Ille verò, vt fœminæ amorem erga adolefcentem magis excitaret, in illius laudes copiofius fe effudit, & inter alia dixit: وجدت صفاته في التوراة وأنه مبعوث في

آخر الزمان: يا خديجة هو النبي بلا شك كذا قد قرأت في الإنجيل سوف يأتي من الإله بوحى ثم يخصه الله بالتنزيل ويجوز ذات الفخار فيحصا في الورى
شامحاً على كل جب

Inueni prædicata eius in Pentateucho, & quod ipse mittendus fit in fine temporum. O Chadige, hic est Propheta sine dubio. Ita ego legi in Euangelio: Reuelationibus diuinis honorabitur: præterea speciali nota eum Deus insignibit per missionem Alcorani: &
exce-

excedet omnem gloriam : & reputabitur inter omnes creaturas omni monte sublimior . His auditis, adeo creuit in Chadige amoris erga Mahumetum incendium , vt à Varca patruo suo facultatem petierit noui connubij ineundi , nulla tamen de Mahumeto facta mentione . Varca, qui
 کان من گهان قریش و

کان قد قراء صحف شیت و صحف ابراهیم و قراء التوراة
 والانیل وزبور داود و کان عارفا بصفات النبی ص

یتزوج بامراة من قریش تكون سيدة قومها
*erat unus ex Ariolis Corasitarum, & iam legerat codices Seth, & Abrahæ, & Pentateuchum, & Euangelium, & Psalmos Dauid : & nouerat epitheta Prophetae benedicti à Deo, & quod ducturus esset in uxorem, foeminam ex Corasitis, Dominam gentis suæ : tradidit illi chartulam , in qua verba quædam scripta erant , vt eam capiti suo dum dormitura esset supponeret . Ita enim in somnis vidisset eum, qui maritus eius esset futurus . Id fecit Chadige :
 appa-*

apparuitque illi dormienti Mahumetus :
Quid verò cum eo sibi tūc acciderit, pa-
truo enarrauit ; atque ego hic referrem ,
nisi pudor me prohiberet, & timor, ne
lectoris modestiam offenderem .

Satis sit rem narraſſe, vt intelligant
omnes quibus testimonijs Mahumetani
Doctores Prophetæ ſui dignitatem, &
authoritatem tueri conentur . Vnum hic
adnotaſſe ſufficiat: Sacerdotem Iudæum
Euangelij oraculis Mahumeto prophe-
ticum munus aſſerere : & ad concilian-
das illius & Chadiges iuueniles libidi-
nes, lenonis partes exercere .

Duodecimò . Ahmedus filius Abda-
lhalimi, Authore Ebnolnaduro, affirmat,
Heraclium Imperatorem inſignem A-
ſtrologum fuiſſe : & nocte quadam cum
ſtellas obſeruaret, cognouiſſe ex earum

motu ان ملك الختان قد ظهر : quòd Rex

circumciſionis iam apparuiſſet : quamo-
brem Imperio ſuo metuens ab hoc nouo
Rege, interrogauit ſuos, quænam gens
circumcideretur . Cumque audiſſet Iu-

S

dæos

daos circumcidi, vniuersos iussit interfici. Cum deinde Arabem quemdam reperisset, inuenit etiam ipsum esse circumcissum, & Arabes quoque circumcissione vti intellexit. Scripsit igitur hac de re Romam ad amicum suum, qui respondit, se eundem motum Stellarum obseruasse, & cognouisse ex eo aduentum noui Prophetæ, nempe Mahumeti.

Aliquid simile etiam nostri referunt Authores. Et fieri sanè potuit, vt Heraclius, quippe qui iam à Catholicæ fidei puritate cæperat declinare, Magum aliquem, vel Ariolum consuleret, à quo hæc ex Dæmonis suggestu intelligeret. Neque enim ignorabat id malus Genius, cum eo tempore Mahumetus Sectam suam, & Imperium iam dilatare cæpisset. Certum porró est, multis hominibus tenuis etiam fortunæ, à Magis, & Astrologis Regna, & Imperia prædicta fuisse: qua ratione, modò non disquiro.

Decimoquartò. Celeberrimum est
inter

inter omnes Authores Moslemos testimonium, quod de ipsorum Propheta dedisse ferunt Regem Æthiopiæ, qui communi Regibus illis nomine dicebatur

الحاشى *Alnogiasci* : proprio autem

Ashama, vel *Asham*. Cum enim,

vt refert Thalebienfis in expositione Su-

ræ tertiæ, *De familia Amran*,

quidam Mahumeti affeclæ, vt Meccanorum furorem euaderent, in Æthiopiam ad Regem prædictum transfugissent, Meccani quoque aduersarij ad eos in potestatem suam redigendos, eodem se contulere. Peruenientes igitur Mahumeti focij ad Regem, illum more solito cæterorum non adorauerunt, sed tantum honorificè salutauerunt. Interroganti verò Regi, cur se non adorassent: responderunt; se non adorare nisi Deum: verba porrò, quibus eum salutauerant, ex monitu Prophetæ cuiusdam veracis, quem ad ipsos miserat Deus, adhibuisse:

S 2 & esse

& esse eadem, quibus sese inuicem salutant Beati, qui sunt in Paradiso. Subdit Thalebienſis : فعرف البجاشى ان

ذلك حق و انه فى التوراة و الانجيل ————— ل .

*Cognouit autem Rex hanc esse veritatem :
eò quod hoc scriptum esset in Pentateucho, &
Euangelio . Cum verò coram Rege affe-
clæ Mahumeti, & Meccani eorum ad-
uersarij de nouo Propheta, nouaque Re-
ligione ardentius altercarentur, pergit
Thalebienſis : امر الملك بضرب الناقوش :*

فاجتمع كل قسيس و راهب فقال البجاشى انشدكم
بالله الذى انزل الانجيل على عيسى اُتجدون بين
عيسى و بين القيامة نبيا مُرسلا : فقالوا اللهم نعم
فقد بشرنا به عيسى و قال من امن به فقد امن
بى و من كفر به فقد كفر بى ————— ي .

*precepit Rex, ut pulsarentur campanæ; ad
quarum sonitum congregati sunt omnes Pra-
sbyteri*

sbyteri, & Monachi, quibus dixit Rex: Contestor vos per Deum, qui demisit Euangelium super Iesum, ut dicatis mihi, utrum reperiatis inter Iesum, & inter diem Resurrectionis Prophetam ullum mittendum esse. Illi verò responderunt: Utique per Deum; iam enim Iesus annunciauit nobis huiusmodi Prophetam; & dixit: Qui crediderit in eum, iam porrò credet in me: & qui abnegauerit eum, iam porrò abnegabit me. His auditis, interrogauit Rex Giaapharum, qui erat Princeps aſſecclarum Mahumeti, quid nam Mahometus doceret. Cumque de illius doctrina à Giaapharo instructus fuisset, rogauit eum, ut aliquid sibi legeret ex libro Alcorani, quæ Mahometus vulgauerat. At ille legit ei Suram, quæ inscribitur, العنكبوت *Ara-*
nea; & eam cui titulus est, الروم *Roma-*
ni. Ad quarum lectionem Rex, & qui erant cum eo, in lacrymas erupere: rogaueruntque eum, ut etiam aliquid aliud legeret. Ille verò legit Suram, quæ inscribitur. الكهف, *Spelunca*, & Suram

مريم *Maria*. Cum autem audiret Rex
 quæ in hac de Iesu, & de Maria refere-
 bantur, dixit : والله ما زاد المسيح على ما يقول
 هنا. *Per Deum iuro, Christum amplius non di-*
xisse, quàm iste dicat. Addit Author li-
 bri اهدى *De signis directionis* : Cum
 legeret Giaapharus verba illa, quæ di-
 xisse fingitur Gabriel Mariæ : وهى
 اليك يمدح النحلة تساقط عليك رطبًا جنبًا فكلى
 واشربى وقرى عينًا : بكى الجاشى وقال :

هذا هو الحق *Et excute ad te truncum palme,*
nam cadent super te dactyli maturi : & co-
mede, & bibe, & tranquilla oculum tuum :
flevit Rex, & dixit : Hæc est veritas. Idem
 Author affirmat, hunc Regem ample-
 xum fuisse sectam Mahumetanam, &
 scripsisse ad Mahumetum epistolam, qua
 se affectam illius profitebatur. Præterea
 misisse ad eum triginta Presbyteros, ut
 Alcorani dogmatibus imbuerentur. Hi
 verò ubi Meccam peruenierunt, ut scri-
 bit

bit Gelaleddinus in expositione Suræ
 المائدة *Mensa*: legit illis Mahumetus Su-
 ram يَسى *Ias*: quam cum audissent, in
 lacrymas erumpentes, dixerunt. ما أشبه
 و *Quam similia*
sunt hæc illis, quæ demissa sunt super Iesum!
 scilicet, quæ in Euangelio continentur.
 Et statim in Mahumeti legem iuraue-
 runt.

Hæc omnia falsa esse, & à Moslemis
 conficta, ex varijs argumentis colligi
 potest, quorum præcipuum est: quod si
 Rex Æthiopum non omnino insanierat;
 & Præsbyteri, Monachique illius non
 erant prorsus Scripturarum, & Christia-
 narum rerum ignari, nullo modo dice-
 re poterant, ea, quæ habet Alcoranus
 de Iesu, eiusque Matre Maria, esse vel
 conformia, vel similia illis, quæ in E-
 uangelio leguntur: & hoc nihil amplius
 habere, quam quod in illo continetur.
 etenim vbi nam in Euangelio fabulæ il-
 læ reperiuntur, quas in Sura decima no-

na, quæ inscribitur *Maria*, profert Alcoranus? Legat eam, & alias, quæ hoc loco commemorantur; & videbit apertè, nihil prope esse in illis, quod cum Evangelio conueniat, imò etiam quod illi non aduersetur. Deinde neque ex vllis probatis historijs, neque ex peculiaribus Æthiopum monumentis rescitum est, vllum Æthiopiæ Regem Mahumeticam superstitionem amplexum fuisse. Verum quidem est, Æthiopum Reges sæpè fuisse, & nunc etiam esse à Catholica Fide, & à Romana Ecclesia alienos. Semper tamen Christianam Religionem professi sunt, quam hodie etiam illos profiteri, certum est. Porro nullo modo credi potest, Regem illum ob tam leuia argumenta, in nescio cuius Prophetæ Arabis superstitionem ab auita Religione declinasse. Illud etiam incredibile est, Præsbyteros, ac Monachos Æthiopicæ Ecclesiæ adeò ignaros, & insanos fuisse, vt per ea Christi verba Ioan. cap. 13. *Qui accipit si quem misero, me accipit: qui autem me accipit, accipit eum,*

um,
ri, &
runt
Relig
cum
Doct
runt,
illis;
nem
nan
de S
Qu
ren
dis
ru
r:
q
C
C

eum, qui me misit (quæ verba Præsbyteri, & Monachi illi satis diuersè allegarunt) nouum Prophetam, nouamque Religionem præsignari existimarent: cum Christiani omnes expositores, & Doctores semper crediderint, & docuerint, hic sermonem esse tantummodo de illis, qui post Christi in Cælum ascensionem, Vicarij, ac Ministri eius in gubernanda Ecclesia futuri erant, & præcipue de Sancto Petro, eiusque Successoribus. Quamobrem nullum aliquem peculiarem Christus designauit, sed generatim dixit: *Si quem misero*. Quæ verba referuntur ad ea, quæ paulò superius dixerat: *Non est seruus maior domino suo: neque Apostolus maior est eo, qui misit illum*. Quibus verbis manifestè ostenditur, eos, quos Christus missurus erat, futuros esse seruos, & legatos suos, seque prorsus minores, & inferiores. Numquam verò Mahumetani concedent, Mahumetum esse seruum, & legatum Christi, eoque minorem, & inferiorem. Ridiculum verò est, Regem Æthiopiæ, & Proce-
res,

res, ac Præsbyteros, & Monachos illius, audientes sectiones illas seu Suras, quas ex Alcorano allegat Author, in lacrymas, ac fletus erupisse: cum nihil in illis contineatur, quod lacrymas possit excitare: omnia quippe mera nugæ, & quisquilæ sunt, quæ non lacrymas, sed risum possint commouere.

Decimoquintò. Thalebienfis in expositione Suræ de Familia Amram hæc habet: قدم الخبران من احبار الشام على النبي:

من فلما ابصروا المدينة قال احدهما لصاحبه

ما اشبه هذه بصفة مدينة النبي من الذي يخرج في

آخر الزمان: فلما دخل على النبي من عرفاء

بالصفة والنعمة فقالا له انت محمد قال نعم قالوا

وانت اجد قال لنا احمد وانا محمد: قالوا انما

نسلك عن شئ ان اخبرتنا به امنا بك وصدقناك:

فقال سيلا فقالا اخبرنا عن اعظم شهادة في كتاب

الله

الآهو.

لرجال

dotes In

cumque

vnus eor

ista urb

nonissim

tum adi

& attri

rum lib

Es ne t

Dixerit

verò re

sum Al

terroge

bene re

te esse

humet

quanc

Excel

Alcor

aliur

Mak

إله تعالى : قال : أشهد الله أنه لا اله إلا هو .

Venerunt duo Sacer-

dotes Iudeorum è Syria ad Mahumetum :

cumque urbem Medinam vidissent , dixit

unus eorum alteri : Quam similis est urbs

ista urbi Propheta illius , qui venturus est in

nouissimo tempore . Cum verò Mahume-

tum adiissent , agnouerunt eum ex epithetis ,

& attributis (quæ nimirum in Sacris eo-

rum libris extabant) . Dixerunt ergo illi :

Es ne tu Mohammad ? Respondit : Ego sum .

Dixerunt ei : Es ne tu etiam Ahmad ? Ille

verò respondit : Ego sum Mohammad , & ego

sum Ahmad . Dixerunt illi : Nos sanè in-

terrogabimus te de vna re , ad quam si nobis

bene responderis , credemus in te , & dicemus

te esse veracem . Interrogate , inquit Ma-

humetus . Illi verò dixerunt : Dic nobis ,

quanam sit maxima testificatio in libro Dei

Excelsi . Respondit Mahumetus verba illa

Alcorani : Testificor esse vnum Deum , neque

aliud esse præter eum . Tunc duo illi viri

Mahumeti sectam amplexi sunt .

Hic

Hic etiam fictio manifesta est. Nam neque de Medina, neque de Mahumeto poterant hi Iudæi quidquam ex Sacris Scripturis rescire, cum in illis ne vestigium quidem Medinæ, vel Mahumeti reperiatur. Neque poterant appellare *librum Dei Excelsi* Alcoranum, cum essent Iudæi, neque de Alcorano quidquam adhuc vel curarent, vel nossent.

Decimosexto. Albacarius parte 5. *Splendorum*; hoc refert prodigium ad confirmandum Mahumetum verum Dei Prophetam fuisse. وكان بعد تزويج امة بعد.

الله ان الاحبار اجتمعوا بارض الشام وتكلموا في مولد رسول الله ص والدم الذي جرى من جبهته يحيى بن زكريا عم فلما تحققوا وعلما انه قد قرب خروج السيف المسلول وظهرت انواره تشاوروا فيما بينهم و عقدوا ان يسيروا الى حبرالم في قرية من قرى الاردن . Postquam Abdallah (Pa-

ter

ter Ma
accepit
sunt in
humet
nica Io
Cumq
esse, &
ginati,
consilio
Sacerd
sita deg
consili
lum eu
ta tim
libris
النهاك
Ille v
confi
hoc h
meft
Ij
refel
sunt
dai
feru

ter Mahumeti) in coniugem Amenam accepisset: Sacerdotes Iudeorum congregati sunt in Syria, & colloquuti sunt de ortu Mahumeti, & de sanguine, qui fluxerat ex tunica Ioannis filij Zachariae faustae memoriae. Cumque certò rescuiſcent illum iam natum esse, & propinquum esse exitum Gladij euaginati, & apparuisse fulgores illius: inito consilio, statuerunt ire ad quemdam ex suis Sacerdotibus, qui in Vrbe prope Iordanem sita degebat. Perrexerunt igitur ad eum, consilium petitori quomodo possent malum euadere, quod à nouo illo Propheeta timebant, cuius epitheta legerant in libris suis, quod nimirum futurus esset السفاك النهاك: effusor sanguinis, & victor. Ille verò admonuit eos, nullo humano consilio impediri posse id, quod Deus de hoc homine decreuerat: Quamobrem mesti timidique discesserunt.

Iisdem argumentis commentum hoc refellitur, quibus alia superiora reiecta sunt. Sed hic illud est amplius, quòd Iudæi tunicam Sancti Ioannis Baptistæ asseruarent, & quòd ex ea prodigiosus ille cruor

cruor emanaret. Mira sunt quæ de hac tunica, & de hoc sanguine fabulantur Moslemi, quæ tamen neque ad Iudæorum, neque ad Christianorum aures unquam peruenere. Inter alia hæc habet Author loco citato : واما احبار اليهود كانت معهم جبة بيضاء وكانت جبة يحيى ابن زكريا عم وكان عليها الدم اليابسة لانها قد غسست في دمه يوم قتل وكان في كعبهم ان هذا الدم الذي في الجبة اذا قطر منها قطرة واحدة فيكون قد قرب خروج السيف المسلول . فنظروا ذلك الدم فوجدوه قد صار رطباً يقطر منه فعملوا انه قد دنا خروجه فاغفروا لذلك غماً شديداً وبعثوا الى مكة رجالاً منهم يكشفون لهم . Porro Pontifices Iudeorum habebant penes se tunicam albam, qua fuerat tunica Ioannis filij Zachariae, faustæ memoria. Erat autem super eam sanguis exsiccatus : nam conspersa fuerat sanguine eius

eius ea
perum in
sanguin
lasset, p
nati. C
inspicer
fluidum
runt pr
Gladij.
animi a
Meccan
num n
lerunt r
Ope
re, vt v
debilit
Mahu
si illa
tamdi
seuera
Dei i
men
tante
persu

eius ea die, qua fuit occisus. Eratque scriptum in libris eorum, quandocumque ex hoc sanguine illius tunica vel vnica gutta stillasset, propinquum esse exitum Gladij euaginati. Cum verò hunc sanguinem voluissent inspicere, inuenerunt factum esse recentem, fluidumque stillare. Quamobrem cognouerunt propinquum iam esse exitum prædicti Gladij. Hinc in maximam tristitiam, atq; animi angustiam inciderunt: miseruntque Meccam quosdam ex suis, qui explorarent num noui aliquid ibi esset. At illi retulerunt natum ibi esse Mahumetum.

Operæ pretium duxi has nugas referre, vt vniuersi mortales intelligant, quam debilibus marcidisque fundamentis Mahumetana Secta innitatur. Quod si illa aded excreuit, ac dilatata est, & tamdiu perseuerauit, atque adhuc perseuerat: id iustissimis, licet oculatissimis Dei iudicijs tribuendum est. Nec tamen desunt rationes, ob quas illum iustè tantum in Orbe malum permisisse nobis persuadeamus: inter quas præcipuam
illam

illam esse puto, quod Christiani adeò
in Religionis suæ cultu socordes facti
sint : & fidem suam verbis tantum
tenentes, ac profitentes, in
charitate, bonisque ope-
ribus plerique re-
frigerint.



F I N I S.



Appendix .

QUoniam in hoc meo opere sæpè Sacrorum Librorum testimonia, tam à Mahumetanis contra Christianam Religionem pro superstitione sua stabilienda, quàm à me pro eadem religione contra Agarenicam sectam propugnanda, producuntur : non erit ab re, eorundem Sacrorum Librorum, quos diuinæ auctoritatis Christiani orthodoxi esse profitentur, catalogum attexere, prout in Sacrosancto Oecumenico Concilio Tridentino Sessione quarta, continetur .

Libri Sacri Testamenti Veteris .

Quinque Libri Moyſi : nempe Genesis, Exodus, Leviticus, Numeri, Deuteronomium : qui apud nos Pentateuchus,

T

chus,

chus, apud Hebræos חֲתוּמָה, apud Arabes التوراة communi nomine appellantur :
Iosue : Iudicum, Ruth : Quatuor Regum : Duo Paralipomenon : Esdræ primus, & secundus, qui dicitur Neemias : Tobias : Iudith : Esther : Iob : Psalterium Daudicum centū quinquaginta Psalmorum : Parabolæ : Ecclesiastes : Canticum Canticorum : Sapientia : ecclesiasticus : Isaias : Ieremias cum Baruch : Ezechiel : Daniel : Duodecim Prophetæ minores, idest: Osea, Ioël, Amos, Abdias, Ionas, Michæas, Nahum, Habacuc, Sophonias, Aggæus, Zacharias, Malachias : Duo Machabæorum, primus, & secundus.

Libri Sacri Testamenti Novi.

Quatuor Euangelia, secundum Matthæum, Marcum, Lucam, & Ioannem :
Actus Apostolorum à Luca Euangelista conscripti : Quatuordecim Epistolæ Pauli

Pauli Apostoli; ad Romanos; duæ ad
Corinthios; ad Galatas; ad Ephesios; ad
Philippenſes; ad Coloſſenſes; duæ ad
Theſſalonicenſes; duæ ad Timotheum;
ad Titum; ad Philemonem; ad Hebræos:
Petri Apostoli duæ: Ioannis Apostoli
tres: Iacobi Apostoli vna: Iudæ Apoſto-
li vna: & Apocalypſis Ioannis Apo-
ſtoli.

Sunt igitur Veteris Testamenti qua-
draginta quinque libri: Noui autem, vi-
ginti ſeptem: omnes ſimul, duo ac ſe-
ptuaginta.

Quamuis autem Hebræi in Sacrorum
Librorum Canonem, Tobiam, Iudith,
Sapientiam, Eccleſiaſticum, Baruch,
Libros Machabæorum, & aliquot capi-
ta Danielis, & Eſther non admittant; &
de his iſdem aliquando inter nonnullos
ex noſtris etiam orthodoxis dubitatum
fuerit: nunc tamen, cum communi to-
tius Eccleſiæ conſenſu, hos etiam diuinæ
authoritatis eſſe declaratum fuerit, vltè-
rius de illis à nobis dubitare non licet.
Ipli etiam Sapientiores Hebræi eoſdem,

vt *עֲלֵיזָרָה*, nempe sanctos ac pios,
agnoscunt, ac recipiunt, imò per *הַיָּהוָה*

Filiam vocis, nempe diuinum afflatum,
ferè omnes scriptos fuisse affirmant; vt
ex testimonio Doctorum Hebræorum o-
stendit doctissimus vir Ioseph de Voisin
in observationibus in Proæmium Pugio-
nis Fidei P. Raimundi Martini Ordinis
Prædicatorum : pag. 102. Quamobrem
mirum esse debet, quod Heterodoxos
nostros, dum hos libros contemnunt,
ac reiiciunt, sese Hebræis deteriores o-
stendere non pudeat.

Mahumetani, Libros ferè omnes tam
Veteris, quam Noui Testamenti agno-
scere, ac tamquam sacros, & diuinitus
traditos suscipere videntur. Eorum enim
testimonijs non solum contra nos, & He-
bræos; sed etiam pro sua secta corrob-
randa, & pro Mahumeto Prophetico
munere asserendo passim vtuntur: &
cum aliquam eorum sententiam alle-
gant, formulam illam præponunt *قوله تعالى* *Dictum Altissimi*; qua in Alcorani
ver-

Versibus allegandis vti consueuerunt : vt
patet ex his quæ in toto hoc nostro ope-
re differuntur. Quamobrem falsò , &
ineptè Hottingerus Tigurinus , Mahu-
metanos Sacris Scripturis contra nos non
feriò , neque quod eas vt verbum Dei
agnoscant , sed ad hominem tantùm (vt
dicitur) vti pronunciat . Et quamuis
Alcoranus nonnisi التوراة والانجيل *Altau-*
ratu Alangil , nempe Pentateuchum , &
Euangelium , illis tamquam Libros Sa-
cros , & à Deo traditos proponat : Pen-
tateuchi tamen nomine , omnes Veteris
Testamenti Libros , Euangelij autem ,
totum nouum Testamentum communi-
ter accipiunt , prout alibi ex eorum te-
stimonio demonstrauius .

Erra.

Errata sic corrige.

Pagina 6. linea 4. الباقر . corrige الباقر . p. 47. l. 8. preuagari. cor. peruagari. p. 142. l. 6. insciam. c. inscitiam. p. 143. l. 5. appelletur. c. appellatur. p. 145. l. 2. صوت . c. صوت . p. 197. l. 10. clarum est, & sine figuris demonstrari. cor. clarum est & sine figuris, demonstrari. p. 237. l. 8. Albocharius. cor. Albocarius. Nam البخارى Albocharius, seu Albacharius, est Author libri Traditionum Mahumeticarum. At verò البكارى Albocarius, seu Albacarius, est Author libri *Splendorum*. Ex hoc poterit Lector corrigere alibi hunc errorem. p. 256. l. 17. manifestarent. cor. manifestarant. p. 260. lin. 9. quem. c. quam. p. 268. l. 2. & licet is. c. & licet. p. 284. l. 17. المسال . c. المسلول .

Alia leuiora errata tam in latinis, quam in Arabicis poterit prudens Lector facile agnoscere, & per se corrigere.

